







PARAPHRASIS
IN PSALMOS
DAVIDICOS,

ADDITIS BREVI BV S ARGV-
MENTIS ET EXPLANATIONIBVS,
IN QVINQVE LIBROS CONGESTA:

Auctore

IOACHIMO HOPPERO FRISIO, I. V. C.
Equestris ordinis viro, quondam rerum Status
Germaniæ inferioris apud Philippum Hispa-
niarum Regem Consiliario, & magni eius si-
gilli Præfecto.

*Cum libello De vsu & diuisione Psalmorum,
& Indicibus.*



ANTVERPIÆ,
EX OFFICINA PLANTINIANA,
Apud Viduam.
ANNO M. D. XC.

SUMMA PRIVILEGII.

Regiæ Catholicæ Maiestatis auctoritatē cautum est, ne quis intra sex annos proximos, citra Christophori Plantini eiusdem Maiestatis Architypographi voluntatem, *Paraphrasim in Psalmos Davidicos, additis breuibus argumentis & explanationibus, in quinque libros congestam; & Libellum de usu Psalmorum, ac diuisione secundum eorum qualitates, auctore Ioachimo Hoppero Frisio, l. V. C.* imprimat, vel alibi impressa in has regiones importet, vel vll'o modo distrahatur: qui secus faxit, præter librorum omnium, aliter quam ex dicti Plantini voluntate impressorum, confiscationem, poena sex florenorum pro quolibet libro, quotiescumque id fecerit, multabitur. Vt latius patet in ipso diplomate dato Bruxellis, 26. Ianuarij, 1588.

Subsig.

J. de Witte.

A M P L I S S I M O

CONSVLTISSIMOQ. VIRO

DOMINO GVILIELMO A PAMELE,

Equiti aurato, Domino de Gotthem, se-

creti Consilij Regiæ Maiestatis Præsidi,

Gregorius et Gaius Antonius Hopperi.



ATERNAM hanc Pa-
raphrasim, quæ nunc
primû se manibus ho-
minum iudicioq; com-
mittit, tibi, Præses amplissime, de
more dono en damus, dedicamus.
Quippe fuimus arbitrati, nihil nos
nec voluntati patris nostri, si super-
stes esset, nec nostro officio facturos
conuenientius. Nam intercessit tibi
cum illo ius veteris amicitie, volun-
tates vestras vtrunque copulante

EPIST. DEDICAT.

virtute, sola verarum firmarumque
amicitiarum conciliatrice. Præterea
vel opinione aliqua boni, quam de
nobis ex paterna virtute fortè con-
cepisti, vel in defuncti memoriam
amorem hunc tuū ad nos vltro pro-
ducis. Quod vt tuæ naturæ est, tuæ-
que, quam omnes amant, & in ore
habent, singularis humanitatis; ita
nostri est officij (præter dignitatis tuę
rationem) & hac ipsa de causa, ne ho-
mines ingrati; & ex patris voluntate
iudicioque, ne inobsequētes filij ha-
beamur, te observare, colere, ama-
re. Visum itaque fuit, opus hoc sub
amplissimo nomine tuo in lucem
dare, quo & observantiæ nostræ iu-
diciū præ se ferret, atque eadē ope-
ra aliàs gratum tibi faceremus. Cū
enim sciamus, te nullis rebus æquē
ac iis quæ ad pietatem, omnemque
virtu-

virtutem faciunt, delectari, ecquod
munus acceptius adferre potuimus,
quàm diuinos Dauidis hymnos, at-
que eos quidē explicatos Paraphrasi
optimi parentis nostri, viri tui in vi-
ta amantissimi, vt illa velut spectan-
da ac fruenda tibi offeramus, propter
quæ eum vicissim dilexisti, & fecisti
maximi? Elucet namq; in omnibus
quæ literis cōsignauit, viua quædam
& expressa effigies animi eius inge-
niiq̃ue. Cuius hoc vberiorē & opta-
torem fructum retulerit, quo ad
plures illius perueniret utilitas: ad
plurimos autem peruenturam, spem
facit, quòd solo pietatis studio &
amore, nullo verò ostentationis, vt
meditata hæc, ita etiam ab optimo
viro scriptis mandata sint, quodq̃ue
inter tam multos, quorum egregiæ
cōmentationes in Psalmos exstant,

EPIST. DEDICAT.

huic auctori inter primos eruditione locum fore confido. Sed quantum præstiterit, quidue de republica Christiana hac in parte sit meritis, tu potius pro tua eximia prudentia existimabis: nobis ut facultas tantæ rei suppeteret, obstarer tamen affectio, auferretque opinio præiudicata iudicandi potestatem. Opus etiam non fuerit hîc referre quam viam in hac Paraphrasi scribenda secutus fuerit, quantaque dexteritate, quo & Ecclesiæ vetus constaret auctoritas, & veritatis Hebraicæ (quam vocant) ratio haberetur, vtriusque interpretationem in vnam sententiam coniecerit: id enim planum fit in ea præfatione quam huic epistolæ subiunximus. Nam cum animaduertemus operæpretium fore; à paterno quodam amico, viro doctissimo,

mo, & linguarum admodum perito, postulauimus, & quamuis erat occupatior, & valetudinis parum firmæ, impetrauimus, vt ipse quædam de ea quæ in Psalmis hoc modo explanandis versatur difficultate conscriberet, quæ huic operi præposuimus. Etsi enim illi non omnino placebant, quòd ad accuratum suum iudicium exacta atque elaborata non essent: nobis tamen vehementer placuerunt, & Lectoribus similiter probatum iri censuimus. Reliquum est, vt hanc significationem nostræ tibi deditæ voluntatis æqui bonique cōsulas. Quam si exploratam tibi & certam facere occasione aliqua oblata possemus, optatò id nobis eueniret: nunc hoc in tua potiùs est manu. Ad nos quòd attinet, hanc erga te obseruantiam,

EPIST. DEDICAT.

animumque paratum usque tibi
seruabimus, & vetusta illa quæ tibi
cum patre nostro fuit amicitia, &
tuo fauore, beneuolentiaque, quam
ex factis ipsis iam pridem cognoui-
mus, deuincti.

Deus te, amplissime Domine Præ-
ses, omnibus bonis semper ornet,
augeatque. Bruxellis.

A D L E C T O R E M

P R Æ F A T I O.



Peræpretium fuerit, pie Lector, quæ peculiaris difficultas in scribenda huius generis Paraphrasi occurrat, quidque Paraphrasten nostrum præstare oportuerit, & felicissimè præstiterit, hîc præmonere. Sciendum igitur est, de hoc opere ipsi cogitanti, certissimò ab initio fuisse decretum, veterè, & hætenus semper in Ecclesia receptam ac lectam Psalmorû, iuxta septuaginta ex Græca lingua interpretes, retinere, & Lectoribus proponere translationē. Quamuis enim nemini Ecclesia interdixerit, vel proprio eos iudicio ex Hebræo conuertere atque explicare, vel ab aliis ex eadem lingua conuersos Commentariis illustrare; ipse tamen ne in dubitationē quidem vîquam vocandum sibi censuit, receptam ne potiùs, an ex recentioribus aliquam explicandam sibi sumere deberet. Primùm enim lôgè gratius Ecclesiæ futurum intelligebat, vt eam ipse quoq; præferret, quam omnibus aliis illa

prætulisset, quamq; in publicis & priuatis Ecclesiasticorum precibus vbique retineri voluit, cuiusq. vnus in scholasticis disputationibus verba, ad quęcumque dogmata cōfirmanda, necessariam iussit habere auctoritatem. Deinde omnē quoque operæ suæ fructū, quātūque alia versione proposita, iudicio suo auctor perdidisset, quando per quamuis aliā, vbiq; ea à nostra discreparet, Sacerdotes, neq; quos quotidie dōmī Psalmos recitāt, neque quos in templis canunt, intelligere potuissent, cū tamen in illorū præcipuē gratiā ad laborem hunc suscipiendum, animum primū adieciſſet. Cū hiſ igitur de cauſis ne cogitare quidem, ſicuti dixi, de exhibenda alia translatione ſibi permittēret; alia tamen ex parte à ſe impetrare non potuit, vt in ea ipſa, quā moliebatur, Paraphraſi, aliorum omniū ex Hebræo interpretationes contemneret. Cur autem earum quoque rationem habendam crederet, ſatis graues, ni fallor, & iuſtas habuit cauſas. Neque enim Diui Hieronymi ſolū, cuius propriam poſt ſeptuaginta habemus Psalmorum interpretationem, vel doctiſſimorum quorundam virorum, qui noſtra ætate in

Pſalmis

Psalmis potissimum de Hebræo conuer-
 tendis & explanandis, à vulgata editione
 frequentissimè recedunt; verù ipsius quo-
 que Ecclesiæ manifestam secutus est au-
 ctoritatem. Nisi enim illorum etiam labo-
 res vtilis fidelibus existimasset, ne tolera-
 tura quidem fuisset, aliam vspiam, præter
 vsitatam, legi, vel etiam exstare translatio-
 nem. Vtrùm autem Ecclesia, alias quoque
 legi permittens, idem sentiat quod Augu-
 stinus, qui aliud in Hebraica veritate, aliud
 apud Septuaginta haberi non negans, &
 propterea nouam Hieronymi versionem
 probans, Spiritum sanctum tamē, quo alia
 atque alia mysteria ex iisdem libris colligi
 possent, Græcæ quoq. editionis auctorem
 fuisse affirmare nō dubitat; an potius quia
 idē Spiritus vel talia verba sacris scriptori-
 bus dictauerit, vel talem esse voluerit quo-
 rundā Hebraicorū verborū in significando
 proprietatem, ac characterū præterea ta-
 lem in scribēdo similitudinem, vt mirum
 videri non debeat, non eundem ex iisdem
 libris interpretes eruisse sensum: cū tātę
 quæstionis difficultas nimis longè vires
 meas exsuperet, in præsentia nō disputabo.
 Hoc ergo tātū dicam, cū auctori satis
 esse

esse debuerit Ecclesię quoque iudició has
 interpretationes non improbari; in illam
 dumtaxat curam ipsi fuisse incúbandum,
 nè vllam præter vsitatam translationem
 Paraphrasi sua illustrandá suscipere aude-
 ret, nèue in ea verbú vllú veteris editionis
 prætermitteret, vel verború eius ordinem
 vlla ex parte mutaret; & tamen ex ipsa
 elucidatione appareret, aliorú etiam ab ea
 dissidentium interpretationem ipsi fuisse
 probatam, ac non obstante vtriusque con-
 uersionis diuersitate, in eandem tamé sen-
 tentiá in Paraphrasi eius vtráque potuisse
 cōiungi, ac nō infeliciter fuisse coniunctá.
 Quo pacto verò pulcherrimi huius voti
 compos per Dei gratiá fuisse iudicádus sit,
 hoc est, qua ingenij dexteritate Paraphra-
 seos suæ verba, quamuis recentiorú inter-
 pretum in ea sequeretur mentem, ita præ-
 ponere, interserere, ac postponere veteris
 interpretis verbis potuerit, vt omnibus
 illius verbis ordine positis, vel idé appareat
 vtriusque interpretationis sensus; vel nihil
 salté prohibeat, quo minùs idem esse pos-
 sit; in vno dumtaxat Psalmo, Deo duce,
 ostendere conabor. Delegi auté ex omni-
 bus Psalmum sexagesimum septimum,
 cuius

cuius initium est : Exsurgat Deus. Nullus enim inter omnes est, in quo frequentius vulgata editio à nouis istis translationibus dissidet. Quamobrem in hoc quoque præcipuè Psalmo omnes diuersæ interpretationis causas animaduerti atque intelligi posse apparet. Sunt autè hæ causæ vel solæ, vel præcipuæ, quòd eadè scriptoris verba vel in eadem significatione non accipiantur; vel eiusdem numeri, vel casus, vel personæ, vel eodem modo distinguenda ab interpretibus non iudicentur. Siue autem id fiat quia diuersam singuli secuti sint lectionem, siue verba iisdem scripta litteris, ex linguæ illius natura, varias illas interpretationes admittant, siue quia ipsi etiam interpretes aliquando errauerint; ad rem in præsentia non pertinet. Vndecumque diuersitas illa proficiscatur, satis constat, eas, quas dixi, proximas esse diuersæ interpretationis causas. Notandum autè est, quanto vnius interpretationis sensus, ob aliquam ex his causis, longiùs ab alterius mente decesserit, tãto maiore difficultate vnã ex vtriusq; mente cõflari posse sententiam. Quamuis autem propter hæc, & plures & grauiores quàm quisquam facile arbi-

arbitretur, superare auctorem oportuerit in hac Paraphrasi difficultates: iudicatos tamen Lectores non dubitamus, felicissimè eum Dei beneficio ex omnibus euasisse. Id si in vno hoc Psalmo demonstrare poterimus, simul etiam vniuersum Psalterium eadem felicitate explanasse proculdubio conuincemus.

Ostendatur ergo in maxima parte versiculorum illius Psalmi tum quæ sit veteris & noui interpretis (nam ita eos appellabimus) diuersitas: tum quænam vtriusq; interpretationis in Paraphrasi sit cõiunctio siue conciliatio: deinde breuiter etiam indicetur conciliationis siue coniunctionis illius causa.

In tertio versiculo vetus interpretis habet: Et iusti epulentur in conspectu Dei. Nouus: Et iusti lætentur. Paraphrasis: Et iusti lætantes epulentur. Coniunctio vtriusque verbi denotat explicari vel locupletari veterem editionem per nouam, in qua lætitiæ quoque mentio fiat, tamquam sequentium epularum causæ.

In principio quarti versiculi, vetus interpretis habet: Iter facite ei. Nouus: Exaltate eum. Paraphrasis: Exaltate eum, & iter præ-

præparate ac facite ei. Præponitur hîc verbum nouæ interpretationis, & subiicitur quod habetur in veteri, tamquam species quædam & modus exaltationis, cuius noua editio meminit. In posteriore parte eiusdem versiculi, vetus interpres habet: Qui adscēdit super occasum. Nouus: Qui supremo cælo infidet. Paraphrasis: Qui orbibus cælorum, tâquam vehiculo, insidēs, ab oriente adscendit, & defertur super occasum. Eandē hîc vocem vetus interpres accepit pro occasu, nouus pro supremo cælo. Vt igitur vtrumque verbum locum habere posset, Paraphraſtes Deum insedisſe quidem cælo dicit, sed ab Oriente adscendere, & deferri super occasum.

In quinto versiculo vetus interpres sic habet: Exsultate in conspectu eius: turbabuntur à facie eius patris orphanorum, & iudicis viduarum. Nouus hæc solū habet: Exsultate in conspectu eius, patris orphanorum, & iudicis viduarum. Paraphrasis: Exsultate in conspectu eius (nam id dum facietis, turbabuntur impij à facie eius) patris, dico, orphanorum, &c. Per verba illa parenthesi inclusa, indicauit Paraphraſtes quid boni sequeretur ex iustorum

PRÆFATIO

storum exultatione, quòd impij nimirum turbandi sint, quamuis id verbum neque apud novos interpretes, neque in Hebraico textu nunc exstet.

In sexto versiculo vetus interpres habet: Qui inhabitare facit vnus moris in domo. Nouus: Qui habitare facit solitarios in familia. Paraphrasis: Qui inhabitare facit vnus moris & instituti homines in vna eademque domo: sic vt qui prius solitarij vixerant, dulci propagatione sobolis in familiam excrescât. Propter duas eiusdẽ vocis significationes, duos quoque pios sensus Paraphrastes piè coniunxit, ac simul veteri editioni elegâter addidit, qua benedictione Deus prosequatur cõcordes coniuges.

In septimo versiculo vetus interpres habet: Qui educit vinctos in fortitudine. Nouus: Qui educit vinctos in compedibus. Paraphrasis: Qui educit compedibus vinctos, in fortitudine brachij sui. Hic quoque propter eandẽ causam vtramque interpretationẽ videmus esse cõiunctam, & simul adiectam causam, cur mirandum non sit, in compedibus vinctos è carcere liberari: quia nimirum Deo id facile sit, propter fortitudinem brachij sui.

Secun-

Secundam versiculi partem sic reddidit
 vetus interpres: Similiter eos qui exasperant,
 qui habitant in sepulchris. Nouus sic:
 Rebelles autem habitabunt terram vastam.
 Paraphrasis: Rebelles & exasperantes Deus
 habitare facit in desertis locis, ita ut viuentes
 sint quasi mortui, qui habitant in sepulchris.
 Coactus fuit Paraphrastes hac uti
 circuitione: quia quam vocem septuaginta
 acceperunt pro sepulchris, recentiores terram
 vastam significare credunt.

Decimum versiculum sic vertit vetus:
 Pluuiam voluntariam segregabis Deus hereditati tuæ.
 Nouus sic: Pluuiam voluntariam eleuasti Deus
 super hereditatem tuam. Paraphrasis sic: Ac
 quemadmodum tunc faciebas, ita & nunc pluuiam
 voluntariam segregabis, & speciatim excitabis
 Deus hereditati tuæ. Animaduertentes enim non
 idem seruari in utraque interpretatione verbi
 tempus, prius quidem iuxta nouum interpretem
 ostendit quid Deus olim fecerit; deinde verò
 veterem secutus, eadem verba ita exponit,
 quasi prophetiam contineant rerum futurarum.
 Eleganter etiam duas illas voces, Segregabis,
 & Eleuabis, in eundem sensum hoc modo coniunxit,
 Speciatim excitabis.

citabis. In secunda parte eiusdem versiculi Paraphrasis sic habet : Tu verò semper recreasti & perfecisti eam. Quorú verborum quod prius est, in nouo habetur interprete; posterius in vetere. Meritò autē præposuit vocem quę legitur apud nouum, quia amplificat & quodāmodo exponit veterem.

In duodecimo versiculo, vetus interpres habet : Dominus dabit verbum euangelizantibus virtute multa. Nouus: Dominus dedit sermonem laudatricibus exercitus magni. Paraphrasis docet, euangelizantes cum gaudio & laude denunciassē, quid in exercitu factum sit fortiter & virtute multa. Satis apparet in ea contineri, quod in vtraque legitur. Causa autem diuersarum interpretationum fuit, quòd eandem vocem illo loco alij pro exercitu, alij pro virtute acceperunt.

In decimo tertio versiculo omnia penè sunt diuersa. Vetus sic habet : Rex virtutú dilecti, dilecti, & speciei domus diuidere spolia. Nouus sic: Reges exercituú fugerunt, fugerunt, & habitatrix domus diuisit spolia. Primò enim quod in altera interpretatione dicitur singulari numero de vno Rege, in altera dicitur de pluribus.

Secundò

Secundò, idem rursus verbum alteri interpreti virtutes significat, alteri exercitus. Terriò, quod magis mirandum est, sequens geminatum verbum in altera accipitur pro nomine singularis numeri, in altera pro præterito perfecto verbi pluralis numeri, & quidem in diuersissima significatione. Postremò idem quoq. verbum vetus interpret species significare credit, nouus habitatricem. satis igitur apparet, quanti negocij fuerit, vnam ex his omnibus contexti sententiam. Videamus ergo nunc quo artificio id Paraphrastes noster cōsecutus sit. Cùm propter veterem interpretationem initio & ipse cogeretur singulari numero Regem transferre, Regem illum hostem fuisse ponit alterius cuiusdā Regis Deo dilecti; à quo turpiter victus, in fugā se coniecerit. Has quippe duas voces, Dilecti, &, Fugit, ponere eum in Paraphrasi oportuit, cùm tandem Hebraicam vocem vetus interpret illud, nouus hoc significare senserit. Rationē autē per hæc acutissimè inuenit, per quam tam longè à se distantes interpretationes in vnam periodum connecterentur. Nam quia in veteri interpretatione non dicitur quid ille

Rex virtutum atq; exercituum fecerit, id fugisse illum dicens, eleganter suppleuit ex noua. Et quia duæ illæ veteris interpretationis voces, Dilecti, Dilecti, ad laudem omnino pertinere videtur eius de quo dicuntur, dilectum illum à Deo dilectum esse significat. Præterea cum genitiuus ille Dilecti, regi nõ posset à voce exercituum, quia Rex ille exercituum fugisse ponendus erat; hostis nomen interposuit, atq; ita tum nullam prætermisit vtriusque interpretationis vocẽ; tum plures Reges inuenire potuit, quamuis vnius tantum in veteri interpretatione mentio fieret; tum piam quandam, ac præcedentibus & sequentibus versiculis optimè cõgruentem concinnauit sententiam, quod ille nimirum Regis Deo charissimi hostis, quamcumque magna virtute ac potentia, ac magnis exercitibus instructus, ex acie victus fugerit, quodque hoc ipsum euangelizantes illæ feminæ nunciarint. Iam verò cum posterioris quoque versiculi partis mutilus esset sensus, neq; appareret quid sibi illæ voces vellent, Speciei domus diuidere spolia; vel quo pacto cum superiore versiculi parte cohærerent: meritò

earum

earum quoque interpretationem Paraphrasis petiuit ex noua translatione, quæ has quoque difficultates non incommodè tollere videbatur. Cùm enim eadem vox alteri significaret speciem, alteri habitatricem; Paraphrasis vtramque significationem retinēs, tantam indicat Regem illum fugientem accepisse cladem, vt in eo postea victores occuparentur, quo pacto vnusquisque eorum vxori suæ, quæ est habitatrix domus, & decor mariti, diuidere posset spolia. Apponemus hîc integrâ versiculi paraphrasim, vt hæc rectiùs intelligantur. Dicent enim hæ ipse mulieres: *Rex ille virtutum, & tot exercituum, hostis dilecti Dei, dilecti Regis nostri victus prælio fugit, fugit, & direptis bonis eius iam nostri occupati sunt, quoniam modo vnusquisque eorum vxori suæ, nempe habitatrici, & decori ac speciei domus suæ, diuidere possit spolia quæ accepit.*

In decimo quarto versiculo, vetus interpres habet: Si dormiatis inter medios ceros. Nouus: Si dormiatis inter ollas. Hîc tantum discriminis est inter vtramque interpretationē, vt altera alteri planè sit contraria. Vtramq; tamē Paraphrasis retinēs,

ita cōciliauit, vt priūs nouam poneret interpretationem; quo commodè in hunc modum locus esse posset veteri: Ac si hactenus ob paupertatem dormiuiſtis inter ollas fuligine obductas, poſt hac eritis, ſicut ſi ſecuri & nitidi dormiatis inter medios cleros, ac ſortes quæ vobis obtigerint. Poſterioreſ verſiculi partem ſic vetus interpretatus eſt: Poſteriora doſſi eius in pallore auri. Nouus ſic: Alæ eius in pallore auri. Paraphraſis: Poſteriora doſſi & alæ eius. Satis quidem apparet, hîc quoq; eandem vocem in eadē ſignificatione nō eſſe acceptam: ſed videtur tamen altera interpretatio per alteram exponi, cū alæ auiū doſſum earum regant.

In decimo quinto verſiculo vetus ſic habet: Dum diſcernit cæleſtis Reges ſuper eam. Nouus ſic: Cū deſpergeret omnipotens Reges propter eam. Paraphraſis hîc quoque præpoſita noua interpretatione, hoc modo locum dedit veteri: Etenim dum, proſtigatis hoſtibus, diſcernit ac conſtituit Dominus cæleſtis proprios Reges ſuos, quos regionibus inter ſe diuiſos extendit ſuper eam: tum ſordibus, &c. Quam enim vocē nouus interpres ſignificare

care credidit, profligare ac despergere; vetus accepit pro eo quod est, discernit. Atq; ideo Paraphrasis intelligit, Dominū, post hostes suos profligatos, proprios hæreditatis suæ principes variis locis discreuisse ac veluti extendisse in hæreditate sua. In posteriore versiculi parte hoc tātū notandum videtur, quòd vbi in veteri translatione est, Mōs pinguis, in noua legitur, Mons Basan. Paraphrasis igitur significare volēs, quē pinguē mōtem vetus interpret vocauit, fertilem quandam esse in locis illis regionem, sic habet: Erit mons Dei mons pinguis, tamquam Basan, quæ regio fertilissima est, & omnibus rebus abundans.

In decimo sexto versiculo vetus interpretatio sic habet: Mons coagulatus, mons pinguis. Noua: Mons excelsus, mōs Basan. Paraphrasis coagulati atq; excelsi significationes ea ratione cōiunxit, quia pinguis ille mōs tāquam caseus ex multis collibus coadunatus, in altū excreuisset. Pinguem autem iterum & Basan montem illum appellat, propter eandē, cuius paulo antè meminimus, causam. In postrema parte huius versiculi, magna est vtriusq; versionis differentia. Vetus sic habet: Vt quid suspicamini

montes coagulatos. Nouus sic: Vt quid exsilitis montes excelsi. Duplex autem videtur in hoc loco interpretationis esse differentia. Altera, quòd eandem, sicuti videmus, vocē in eadē significatione interpretes non acceperunt. Altera, quòd in veteri trāslatione, Montes coagulati & excelsi, leguntur in casu accusatiuo, in altera verò in nominatiuo. Vtrāque igitur in vtraque parte interpretationem hoc modo Paraphrasis coniūxit, vt prius appellentur vicini Israëlitis principes, tamquam & ipsi sint montes excelsi: deinde interrogentur, cur suspectos habeant, ac bellum mouentes exsiliant aduersus coagulatos illos & excelsos populi Dei montes.

In decimo octauo versiculo, eandem vocē vetus interpres reddit: Decem millibus multiplex. Nouus: Viginti millia. Paraphrasis ita interpretatur, quāsi idem sit viginti millia, quod multiplex esse ad decem millia. Atque ideo sic habet: Vnus currus Dei, decem millibus curruum vestrorum, & eo amplius vsque ad duas myriades & in infinitum, quantumcumque multiplex sit. Sequitur in eodē versiculo verbum, quod vetus interpres vertit, Lætantium.

tantium. *Nouus: Angelorum. Paraphrasis reddit: Latantium Angelorum.*

In vicesimo versiculo, quos nō credentes vocat vetus interpres, *Nouus rebelles appellat. Paraphrasis prius vocat penitus rebelles, postea adiicit non credētes; quasi potissima contra Deum rebellio sit incredulitas.*

Idem ferè accidit in versiculo vicesimo primo, quamuis eius vocis significatio, quæ veteri interpreti placuit, paulo magis differat ab ea quā *Nouus probauit. Vetus editio habet: Prosperum iter faciet nobis. Noua: Onerabit nos. Paraphrasis nouam veteri adiiciens, ea ratione prosperum nobis à Domino iter fieri docet, quòd onerare nos dignatur ingētibus beneficiis.*

Vicesimo sexto versiculo, quam vocem vetus interpres reddidit, *Principes, Nouus vertit, Cātores. Paraphrastes elegāter posuit, Principes cātorum: quia ex fine versiculi intelligi potest, non de principibus & cantoribus, sed tantum de cātoribus egisse Prophetam. In posteriore parte versiculi vetus interpres habet: Coniuncti psallentibus. Nouus: Sequuntur psallentes. Paraphrasis vtrumque retinēs, coniunctionem*

illam in ordine ipsius pompæ sitam fuisse indicat, atque id conuenit cum prima parte versiculi, in qua principes cantorum præcedere dicuntur.

In vicesimi octauæ versiculi postrema parte magnum est vtriusque versionis in eadem voce discrimen. Vetus sic vertit: Benjamin adolescētulus in mētis excessu. Nouus: Benjamin dominās eis. Paraphrasis duas illas tam diuersas voces in vnā sententiam ita redegit: Minima tribus Benjamin præsidēs cantoribus, in summa hilaritate & quasi mentis excessu versabatur.

Vicesimo nono versiculo vetus interpres habet: Principes Iuda duces eorum. Nouus: Principes Iuda in vestibus acu pictis. Hic quoque diuersissima apparet eiusdem vocis interpretatio. Paraphrasis eleganter, postquam posuisset quod in veteri editione habetur, addidit id quod legitur in noua. Vtrumq; autem meritò dici à Propheeta potuit. Principes enim Iuda verè aliorum duces appellari poterant. & hos potissimum in vestibus acu pictis prodire decebat.

Tricesimi versiculi initio vetus interpres habet verbū imperatiui modi, Mandada.

da. Nouus præteriti perfecti indicatiui modi, Mandauit. Quoniam autem neque facile fuisset, neque magni intererat, vtriusque seorsum fieri mentionem, rectè Paraphraſtes ſecutus eſt potiùs veterè translationem, quæ magis cõgruebat cum poſtiori verſiculi parte.

In priore parte verſiculi trigeſimi ſecundi, vetus interpres habet: Increpa feras arundinis. Nouus: Increpa turbam lanceis armatam. Cauſa diuerſæ interpretationis eſt, quòd eadem vox & feras ſignificare potuerit, & cœtum; quodque veteri interpreti placuit lanceas arundinis vocabulo appellare, quia arundinum ſpeciem præ ſe ferât. vtrumque igitur facilè intelligi poteſt ex Paraphraſi, quæ ſic habet: Increpa feras illas beſtias, hoſtes tuos, qui magno numero congregati, & lanceis armati, arundinis ſpeciem præ ſe ferût. Longè difficilius fuit coniungere vtranque verſionē poſterioris partis. Vetus ſic habet: Congregatio taurorum in vaccis populorum; vt excludant eos qui probati ſunt argento. Nouus ſic: Congregationem taurorum inter vitulos populorum, vt ſupplex veniat cum fragmentis argenti. Duæ voces in diuerſa ſigni-

significatione acceptæ sunt. Altera veteri interpreti significauit exclusionem, altera probationem: Nouo verò prior significat prostratum & supplicem, posterior fragmentum. Quod ad Paraphrastē verò attinet, cū videret vocem, quæ congregationem significat, veterem interpretem in nominatiuo, nouum verò in accusatiuo casu posuisse: veterē ea in parte editionem secutus, vtramque vtriusque vocis significationem ad vnā ex vtriusq; sententiam efficiendam, quibusdam ab ipso verbis præpositis, aliis intersertis, hoc modo copulauit: Disturbetur abs te, & tributaria facta, cum frustis argenti supplex obuiā tibi venire cōpellatur cōgregatio illa taurorum, qui populos cōcitant aduersum te ac tuos, vt perdāt & excludāt tributisq; exhauriāt eos viros pios ac bonos, qui per multa experimēta probati sunt esse tales, haud aliter atque in argento fieri solet. Cur hoc modo propositam sententiam explicaret, hæc videtur fuisse causa. Cū non esset in veteri translatione verbū, cui iungeretur vox congregatio, præponi à Paraphraste oportuit hæc verba: Disturbetur, dico, abs te, &c. Illam autē disturbationem, iuxta

nouum

nouum interpretē, in eo sitam esse ostēdit, vt tributaria facta illa cōgregatio, cum fructis argenti supplex Domino obuiam venire compellatur. Iuxta veterem deinde translationem, quidnam congregatio illa vitulorum & vaccarum contra pios molia-
tur, indicat. Conari enim eam docet, vt perdant, excludant, & tributis exhaustiant pios & bonos, qui per multa experimenta probati sunt, sicut in argento fieri solet.

Versiculo tricesimo quarto, verbum quoddam à veteri interprete pro Oriente accipitur; à nouo, pro eo quod est, ab initio, Paraphrasis ergo sic, Qui cælo tāquam vehiculo, insidet ad Orientem, iam inde à primo rerum omnium initio.

Versiculo tricesimo sexto, vbi vetus editio habet, Date gloriam Deo: in noua legitur, Date fortitudinem Deo. Paraphrasis vtrumque habet in hunc modum: Date gloriam Deo, agnoscentes fortitudinem eius.

Hic igitur est Psalmus, in quo quia omnes ferè inueniūtur diuersarum interpretationum causæ, ipsi etiam recētioreſ interpretes sæpius quàm in vlllo alio, à veteri translatione recedunt. Operę precium
ergo

ergo fuisse videtur, in hoc potissimum à nobis ostendi, propositam auctori Paraphrasticæ explicationis rationem vbiq̃ue esse seruatam: hoc est, veterem & nouam translationem summo ingenio atque artificio ita fuisse coniunctas, vt vetus à noua in eodem contextu elegantissimè explicaretur. Sed dicet forsā aliquis, illas recentiorum interpretationes, à veteris translationis verbis, quibus ac commodantur, & proinde à prioris quoque interpretis mente omnino videri alienas, atq; ideo Ecclesiasticos quoque scriptores nullam earum in Psalmorum cōmentariis facere mentionem. Ingenue quidem confitemur, id aliquando, sed rarò tamē accidere. In aliis autem, in quibus id non accidit, innumerabilibus locis iure & meritò cōtendimus tam commodè, tam propriè, tam aptè per nouas translationes explanari veterem, vt, ipso disponente Domino, labor hic nouas cudendi ex Hebræo conuersiones, nostro potissimum sæculo à tam multis susceptus esse videatur. Etsi enim interpretes ipsi propter Hebrææ linguæ cognitionem crederent, id quod à veteri interprete iudicio ipsorum esset erratum, in sua translatione

emen-

emendari; ignari tamen & imprudentes, non errorum eius correctores, sed obscuriorum sententiarum enarratores mirabili Dei consilio fuisse deprehenduntur. Cum autem primus omnium hic auctor hoc deprehenderit, & incredibili labore per omnes Psalmos ita sese habere ostenderit; dignissimus, ni fallor, haberi debet, qui nouo hoc inuento vtilem admodum Ecclesiae operam suscepisse iudicetur. Quod ad alia tamen loca attinet, in quibus vel alienior, vel paulo longius petita videtur ex recentioribus scriptoribus interpretatio; ea quoque per easdem ex Hebræo translationes explanari, æquo animo æqui iudices ferre debet. Certum quippe est, & illas ipsas explicationes per se esse, pias & orthodoxas; & quantumuis cum veteris editionis verbis ad amissim non conueniant, cum ea tamen, de qua in Psalmis illis agitur, historia rectius proculdubio congruere. Quamobrem meritò quoque Auctoris nomine ab eisdem postulamus, vt æquo animo patiantur, ipsum propter pauca illa loca, atque ea in pium explicata sensum, à pulcherri-
mo suo instituto non discedere. Propositum ipsi fuit, Ecclesiae iudicium per omnia
sequenti,

P R Æ F A T I O

sequenti, veterem editionē tanto honore
 afficere, vt nō modò vniuersam, nullo ver-
 bo prætermisso, nullius etiam ordine mu-
 tato, lectoribus in Paraphrasi suā legēdam
 exhiberet, verū etiam vt eandem veluti
 Prophetici scripti loco haberet; & quæ ex
 aliis versionibus adiungebat, nullam aliam
 præterquā famulantium illi cōmentario-
 rum, postularēt habere auctoritatem. Alia
 deinde ex parte de recentium quoque in-
 terpretum doctrina honorificè admodum
 sentire cupiens, ac nullā eorum interpre-
 tationem, si Ecclesiæ non improbaretur,
 erroris alicuius arguere audens, quæcūque
 apud eos legebat, ad lucem veteri inter-
 pretationi afferendam seruire sibi voluit.
 Quòd si id plurimis in locis, Deo iuuante,
 felicissimè præstitit: meritò postulat, vt
 huius quoq; modestiæ integra laus illi per
 vniuersam Paraphrasim seruetur, hoc est,
 vt illa quoque loca ad veterē trāslationem
 explicandā, cum bona cūctorum venia,
 accommodare illi liceat, quæ propter ma-
 iorem vtriusq; translationis diuersitatem,
 paulo quoque maiori vi ad eum, quem ve-
 tus translatio requirit, sensum recipien-
 dum se pertrahi patiuntur.

LIBER

PSALMORVM,

siue


LAVDVM ET

PRECATIONVM.

PSALMVS PRIMVS.

Argumentum.

1. Describit hoc Psalmo Dauid, primum virum bonum ac iustum: 2. Deinde summam eius felicitatem ac beatitudinem: 3. Tum iniusti & impij cum eo comparationem.

1.  Eatus ille vir, & multe eius sunt felicitates, qui à malo abstinens, non abiit in consilio ac congregatione, nec fecit secundum suasionem impiorum, qui sine intermissione erga Deum delinquant, aurem prave suggestioni eorum præbēs, & in via peccatorum, qui nullum amplius pudorem habent apud homines, non stetit, factis eorum delectatus; & in cathedra pestilentie illorum, qui, quod ultimum in malis est, diuina pariter & humana omnia derident, idq; publicè profitentur ac docent, non sedit, consensum ei rei præstans.

Sed contrà, bonum appetens (nam non satis est recedere à malo, nisi & fiat bonum) ita se comparat,

et

ut

ut in lege ac doctrina voluntatēque Domini sit tota voluntas ac desiderium eius:& in lege ac doctrina eius meditabitur cum omni mente ac intelligentia sua die ac nocte; sic ut in ea sola omnem voluntatem, intelligentiam ac memoriam suam, perpetuò habeat collocatam.

2. *Beatus, inquam, ille vir, quoniam flores & rebus omnibus abundans, erit tanquam arbor palma siue lignum quod plantatum est secus decursus & riuulos aquarum, à quibus humectatur, quod fructum suum dabit non antè quidem quam oportet aut post, sed in tempore suo.*

Et folium eius perpetuò virens non defluet unquam, nec arefcet; sic ut nullis rebus aduersis concutiat, & omnia (quæcunque) faciet producendo fructus suos prosperabuntur, & feliciter eius opera cedent.

3. *Ceterum, non sic autem se habebunt impij, (non sic:) sed contrà tanquam levis festuca sine gluma & pulvis aridus quem proicit ac dissipat ventus (à facie ac superficie terræ.)*

Et ideo non resurgent in futura vita impij ad salutem, nec consistere poterunt in iudicio, cum eorū ibi causa tractabitur: neque stabunt peccatores in concilio & congregatione iustorum à dextris, sed seorsum à sinistris.

Quoniam nouit & gratiam habet dirigitq; Dominus viam iustorum ad eternam in calo beatitudinem, ubi vera vita est; iter autem impiorum, uti
Deo

Deo ingratum, vel sua sponte intermoriatur & peribit in inferno, vbi mors est & infelicitas.

EXPLANATIO.

Beatus) Admirabilis gradatio, quæ per tres quasi gradus à malo receditur: nempe non abeundo, quod suggestionis est; non stando, quod delectationis; & non sedendo, quod consensus; in consilio, quod principij est; in via, quod progressionis; & cathedra, quod perfectionis; impiorum, qui malè de Deo sentiunt; peccatorum, qui malè erga se agunt; & dei fororum qui proximum lædunt. Omnia in prima parente Eva cum ab serpente deciperetur, si diligenter animum aduertat, reperiuntur.

Sed in lege Domini) Quæ via est hominis ad iustitiam Dei. nam quemadmodum terra, quæ infrà est, Solis, qui suprà, per radios eius medios interiectos fit particeps: ita homo, qui infrà est, iustitiæ Dei, quæ suprà, per legem eius mediam interiectam particeps efficitur.

Et in lege eius) Vim habet hæc repetitio, vt intelligatur non sufficere solam bonam voluntatem circa legem Domini, quanquam princeps est & caput iustitiæ, & ob id primo loco ponitur, nisi sit cum cognitione eius & exercitatione, quod verbū *Meditabitur* significat, cōiuncta, sic vt omnes animi rationalis potentiæ, voluntas, intelligentia, & memoria concurrant. ita vt quemadmodum per tres gradus à malo recedi diximus: ita per tres quoque gradus ad bonū accedatur. Cur autem Lex doctrina dicatur, idoneo loco explicabitur.

Et erit tanquam lignum) Vitæ, quod in noua ciuitate Hierusalem, quæ ciuitas beatitudinis est, in Apocalypsi describitur. Quia enim iustitia in voluntate consistit, voluntas autem principium est actionis & vitæ: sequitur, effectum iustitiæ esse vitam beatam ac florentem circa fontes & flumina legis Dei, in qua verba vitæ æternæ insunt.

Profferabuntur] Iustus enim ut palma florebit, & sicut cedrus Libani multiplicabitur.

Sed tanquam pulvis] Aridus; qui arbori ad fluminis ripam florenti, ex aduerso ponitur, ut quid inter iusti & iniusti exitum intersit, magis eluceat. Ex quidem cum ille placide crescat & floreat: hic contra motuum animi tanquam ventorum turbine dissipatur, & ad nihilum ut quisquiliæ redigitur.

Peccatorum] Sæpe inuenies in Psalmis iustos & peccatores inter se opponi; ut intelligatur, quemadmodum peccati nomine omne vitium comprehenditur, ita iustitiæ nomine omnem virtutem contineri.

Impiorum] Opponuntur quoque non infrequenter inter se in Psalmis iusti & impij; ut intelligatur quemadmodum omnis mali caput est impietas, ita omnis iustitiæ caput esse pietatem erga Deum; & qui impium aliquem dicit, omnia dicere, quoniam omnis mali labes inde procedit.

PSALMVS II.

Titulus.

Psalmus David.

Argumentum.

1. **C**onqueritur Propheta de scemina impiorum contra Christum.
2. Sed mox animum sumens, irritos omnes conatus eorum fore ait; ipsumque Christum loquentem & iis respondentem inducit.
3. Subiecta exhortatione de Christo recipiendo.

1. **Q**uare fremuerunt & turmatim cum tumultu concurrunt gentes paganorum, & populi potentes regni Israëliti, meditati sunt ac moluntur inania; iactantes vano sermone ea qua nunquam poterunt perficere?

Consurgetes enim astiterunt & concurrant reges terræ.

terre, & principes qui illis sunt à consiliis, conuenerunt in vnum, aduersus Dominum Deum patrem, & aduersus Christum filium & vñctum eius.

Dirampamus, inquam, ac dissoluamus vincula & leges eorum; & proiciamus à vobis iugum & funes iudiciorum ipsorum, quibus tanquam cæstrensis captiuos nos detinent.

2. Sed ut videas quàm inanes hi sint conatus, ecce qui habitat in cælis Deus pater, iridebit (eos,) & Dominus meus Christus tublannabit eos.

Quin & cùm tempus erit, tunc adfabitur & loquetur ad eos Christus in ira & indignatione sua, secundum seueritatem iustitiæ; & in ira ac furore suo, secundum rigorem iudicii, conturbabit & terrobit eos, irrita faciens omnia consilia eorum.

Ego autem, non vos, inquiet, constitutus sum Rex; non quidem ab hominibus sed ab eo qui cuncta regit & gubernat, qui & ipse se me Regem cõstituit: se ait super Sion montem sanctum eius, qui specialim illi dedicatus est; prædicans & annuncians mundo præceptum ac legem, decretumq; & statutum eius.

Quod quidẽ est, ut sciatis quòd Dominus Deus pater dixit ad me: Filius meus es tu, ego tunc quidem ab æterno, Nunc autem hodie nouo modo genui te à mortuis resurgentem.

Postula à me quodcunque volueris, & dabo (tibi) omnes ubique homines ac gentes, tanquam in hæreditatem tuam, & in possessionem tuam

ipsos terminos vniuersæ terræ.

Ac si qui erunt qui parere recusabunt, reges & conteres eos, in sceptro & virga ferrea ostendens summam vim ac potentiam tuam: & tanquam vas figuli ac testam confringes ac comminues eos, demonstrans quàm ipsi contrà fragiles sunt ac debiles.

3. Hec igitur cum ita se habeant, quæso attendite, & iam nunc o Reges, qui primi summiq; estis, sapite per vos, & intelligite, nec non alios intelligere facite ea quæ dico; erudimini, inquam, per verã hanc doctrinam, & corrigimini vos secundi à regibus, qui iudicatis terram.

Atque id quidem facientes, seruite Domino Deo, & colite eum cum timore reuerenter, & exultate ei letantes cum tremore; sic ut amor & reuerentia, letitiaq; & timor semper sint coniuncti.

Apprehendite dico disciplinam puram & sincerã Filij eius Christi, adorantes eum, tãquam subditi illi & subiecti, cum osculo obediẽtiæ & amoris, ne quãdo, si id non feceritis, irascatur fortè (Dominus) ostendens vim iustitiæ suæ; & pereatis aberrantes de via iusta, quæ ad vitam ducit, & in solo Filio eius cõsistit, qui via est, veritas, & vita.

Quod certè vobis mox continget, cùm exarserit in breui post paululum ira & furor eius; & vel minimam partem seueritatis iustitiæ suæ, etiam uno puncto temporis, quod quasi pro nihilo est, ut fieri solet, ostenderit. Contrà autem beati omnes, & multi eorum sunt felicitates, qui confidunt in eo, & spem suam in illo reponunt.

EXPLANATIO.

A *Duersus Christum eius*] Quoniam Dominus noster
 ter maximus est, summus Rex, summus Sacerdos, &
 summus Propheta, qui omnes in veteri lege vngi solent:
 merito per excellentiam Vnctus Latine dicitur, quod Gre-
 cè est Christus, Hebraicè Messias. Ideo autem vnge-
 bantur, vt à Deo munus suum accipientes, Spiritu eius san-
 cto, qui per oleum significatur, implerentur. vnde infra in
 Psalmis, Spiritu sancto meo vngi eum. Ideo denique per
 oleum Spiritus sanctus significatur, quoniam verus cuius-
 que rei vegetatiue spiritus, nihil est aliud (prout Chymistæ
 tradunt) quàm oleum.

Vincula eorum] Vti bonis iugum Domini suaue est, &
 onus eius leue; ita improbis contrà; omnia graua sunt &
 difficilia.

Iridebit subsannabit, in ira sua, in furore suo] Hæ passio-
 nes animi apud homines, Deo, non solum per similitudi-
 nem tribuuntur, sed & reuera (non humana quidem, sed
 penitus diuina ratione) ei insunt. Nam cum in Deo non
 solum affirmationes insint, vt memoria eius quod est,
 scientia veri, voluntas boni; sed & negationes, vt non me-
 moria eius quod non est, non scientia non veri, non amor
 non boni, (nam vtique id quod est, non est ipsum verum,
 & verum non est ipsum bonum, & bonum non est ipsum
 quod est, & sic porro de aliis): fit velatiùs progrediendo,
 non memoria, obliuio in diuinis dicitur, non scientia, igno-
 rantia, non amor, odium, ira, furor, cum similibus. Quæ &
 ipsa vitis bonis ad Dei imitationem tribuuntur, cum iniu-
 riarum obliuisci, malum ignorare, peccatū odisse dicuntur.

Cum timore] Cum tres sint gradus bonæ voluntatis, me-
 tus offendendi Deum, spes placendi ei, & amor amplecten-
 di ipsum; monet Vates, omnia miscenda, aliaque cum aliis
 coniungenda esse; ne solus metus illiberalem seruitutem,
 solus amor nimiam libertatem inducat; sola autem spes
 mercenarium pro filio, & homine libero faciat.

Apprehendite disciplinam] Puram disciplinam apprehendendam esse ait; quoniam omnis disciplina (quo nomine lex significatur) vel plus mali habet, minus boni, ut lex naturæ corruptæ; vel æquas quodammodo utriusque partes, ut Mosaica secundum literam; vel plus boni quam mali, ut Christi, quæ tota pura putæ est, & ob id sola apprehendenda.

PSALMVS III.

Titulus.

Psalmus David cum fugeret à facie Absalon filij sui.

Argumentum.

1. **C**onqueritur David de multitudine deficientium ad Absalonem, qui eum persequabatur. 2. Ceterum mox resumens animum, confidit in Deo, à quo semper se dixit adiutum, 3. Rogans ut idem nunc quoque fiat sibi & vniuerso populo; pro quo boni Regis est non minus quam pro se orare, ut sæpe facit.

1. **D**omine, quid tantopere multiplicati sunt qui tribulant & in summas istas angustias redigunt me? multi insurgunt aduersum & super me Multi dicunt animæ meæ, & cogitant apud se ipsos de me dicentes: Non est profectò salus ipsi in Deo (eius.) Sed, eia eia Sela, simus bono animo, efferramusq; vocem alius.

2. Etenim tū autem Domine susceptor meus es, & scutum ante & super me, gloria mea, in quo solo me effero, & à quo vno accipio omnia, & exaltans caput meum, dum per te cuncta aduersa supero, & ex humili & abiecto magnus fio.

Nam

Nam quotiescunque voce mea ad Dominum clamaui, semper inuit & exaudiuit me, votis meis respondens, de Sion monte sancto suo, ubi sanctuarium & arca est fœderis ipsius. Quin etia Sela dicam vobis ampliùs.

Ego olim, vel in grauissimis periculis constitutus præ summa fiducia & securitate in Deum accubui ac dormiui otiosus, & quod magis est, soporatus sum, altum dormiens; & tamẽ experrectus exsurrexi saluus & sanus. Quod non aliare mihi contigit, quàm quia Dominus semper suscepit & sustentauit me.

3. Quare & nunc non timebo, ne decem quidem millia populi circumdantis, & vnde quaque obsidentis me: tumodò exsurge, Domine, & erige te in pedes, nam ad te reuertor, & saluum me fac Deus meus.

Quoniam tu sæpe aliàs atque adeò semper percussisti in maxillam omnes inimicos meos aduersantes mihi sine causa; & colaphum ipsis grauiter ac ignominiosè impingens, dentes peccatorum & impiorum contriuiisti, ne mordere me ampliùs, aut cibum conterere, & viuere possent.

Quippe vnus Domini, & in eo, & ab eo solo omnis est salus; & super populũ tuum, ô Deus, qui quemadmodum ego, in te sperat & confidit, ostendat se benedictio & beneficentia tua: sic ut quemadmodum nunc à me deficit, mox ad me sit reuersurus! eia eia triumphe Sela.

EXPLANATIO.

Sela] Hæc interiectio ter hic repetita, propriè est animi reludentis, & vocem intendentis, sequè ipsum aut alium adhortantis, vt, eia, euge, & similes Interiectiones apud Latinos. accommodaturque etiam asseuerationi, lætitiæ, ac similibus.

PSALMVS IIIII.

Titulus.

In finem, siue ad summum præfectum choris missi in instrumentis pulsands & carminibus decantandis, vt ad instrumentum quod vocatur *Neginoth* cantetur hic Psalmus Dauid.

Argumentum.

1. **D**Auid initio regni sui inuocat Dominum contra inimicos & inuidos. 2. Quos alloquitur, & vt odia deponant, hortatur. quoniam à Deo, qui omnia bene fortunabit, constitutus est Rex. 3. Vnde rursus ad Dominum se conuertit hilans, & bona spe plenus.

1. **Q**uoniam semper cùm inuocarem eum, exaudiuit me Deus, qui author & testis ac vindex est iustitiæ & innocentia meæ: & quia, ô Domine, in tribulatione & angustia semper dilatasti, & aperiri mihi fecisti viam salutis.

Etiâ nunc quæso miserere mei; & audi, imò exaudi orationem meam, contra eos qui me odio & inuidia persequuntur.

2. Nam vos filij hominum & principes viri, usquequo graui & offenso eritis corde contra me,
ac glo-

ac gloriam & dignitatem meam regiam, quam in ignominiam deducere studetis? (ut quid) multa machinantes aduersum me, diligitis vanitatem, & res futiles ac inanes struitis, & quæritis mendacium, molientes ea quæ nunquam ad exitum deduci poterunt? Certè ita res est Sela.

Etenim hoc vobis persuadete & scitote certò, quòd ego ad hanc dignitatem unctus sum, non humanum esse opus, sed diuinum, quoniam mirificauit Dominus, & admirabili ratione separauit me ab alijs, & selegit sibi in regem sanctum suum: cui ob vitæ morumq; placabilitatem, bonitatem & misericordiam suam ostendit. Qui quidem ipse Dominus, siquidem molesti esse pergitis, sine dubio audiet atque adeò exaudiet me cum clamauero ad eum: ne plus vos quàm ille posse videamini.

Ira scimini quidem: nam primus ille motus in potestate hominis non est; nec mirum est quoque, tanta & tam subita infimi & vilissimi hominis ad summa euectione, initio vos offendi. Sed tamen trementes, Deumq; metuètes, nolite peccare, consentiendo primo illi motui & offensioni: cui utiq; resistetis, si (quæ) irati dicitis in cordibus vestris, nò statim in publicum & apertum proferatis; sed potiùs in cubilibus vestris tacitè & secretò apud vos solos super iis cogitetis, ac compungimini pœnitentes ea de re, & adnitentes iram vestram compescere, ne foras prorumpat. Ita profectò res est Sela.

Et ideo sic facientes, & in voluntate Dei voluntatem

tem vestram ponentes, sacrificate magnum illud sacrificium iustitiæ, parendo mihi Regi vestro à Deo constituto, & sperate ac confidite in Domino, quòd condonatis peccatis præteritis, reliqua in futurum bene dirigeret, & me Rege, res omnes ex voto succedẽs.

3. Nam quod multi, quasi de republica desperantes, dicunt: Quis ostendet nobis bona? ut quidquam huiusmodi unquam videamus?

Equidem signatum & tanquam vexillum, & sol ipse levatũ est super nos lumen facierũ tuarũ, siue vultus tui Domine, (ut ad te reuertar:) quo cuncta illustrans, omniaq; bona nobis tribuẽs, vis solis oriente fieri solet, tam nunc dedisti lætitiã in corde meo.

Idq; postquam vidi quòd populi isti, qui mihi subsunt, hoc tempore messis & vindemiæ, à fructu & copia frumenti, vini, musti (& olei) sui, multiplicati & planè divites facti sunt.

Quare in te fidens ut semper feci, & securè degēs, tanquam in altissima pace pariter in id ipsum & dormiam & requiescam, accubans tanquam in molliſſimo strato, & ad quietem me componens.

Quoniam utique tu, Domine, singulariter & speciali quadam ratione in indubitata spe & confidentia, tanquam in tutiſſimo quodam habitaculo, constituisti, & securè degere facies me.

EXPLANATIO.

In finem] Difficilis est titulorum expositio. nos id quod maxime verisimile videbitur, sequemur

Deus iustitia mea] Plus est quam quod auctorem testem & vindicem eu n dicas, quod animo comprehendi quoquo modo potest, exprimi non potest, vt sæpe in sacris literis contingit.

Ira scimini & nolite peccare] Hinc vides iram & reliquas animi passiones per se non esse malas, sed indifferentes; fieri autem bonas vel malas pro re subiecta, vt & suprâ tactum est. quo quidem modo & diligere vanitatem, & querere mendacium, malum est.

Sacrificium iustitiæ] Istud est sacrificium illud sacrificiorum (vt sic dixerim) cuius infrâ quoque Vates meminit, cum ait: Tunc acceperabis sacrificium iustitiæ. Et est cum non oues, aut boues, sed seipsum, & quidem optimam sui partem, voluntatem, Deo quis offert, eamque in voluntate Dei collocat, quæ est vera hominis iustitia. Non ignoro & alias hîc esse interpretationes; sed hæc rei propositæ maxime conuenire videtur, vbi de obedientia, Deo, & eius vicario Regi, præstanda, agitur, quæ summa est totius iustitiæ.

Lumen vultus tui] Cum ad Solem iustitiæ nos conuertimus, & ipse nos illustrat, rerumque omnium copiam & tranquillum vitæ statum inducit. Quæ quidem iustitiæ præmia esse, & cum iustitiæ ciuitas particeps est, illa tanquam adiectitia sequi, partim ex his quæ suprâ dicta sunt intelligi potest, partim infrâ latius tangetur.

PSALMVS V.

Titulus.

In finem, siue ad summum præfectum chori musici, ut pro ea quæ hæreditatem cōsequitur, ad instrumentum quod vocatur Hannehilothe, à bombo apum, decantetur hic Psalmus Dauid.

Argumentum.

1. **D**Auid à Saule, cui hæres siue successor designatus erat, vehementer exagitatus, orat Dominum; 2. Compellans eum primum, ut osorem impiorum; 3. Deinde ut amicum bonorum, qui ab impiis calumnias patiuntur. 4. Precaturque ad extremum, ut cuique pro meritis fiat, quæ sunt duæ contrariæ malorum & bonorum hæreditates; ad quas pertinet titulus Psalmi siue inscriptio.

1. **V**ERBA mea dilecta auribus foris percipe Dñe, intellige intus clamorem cordis mei, & tacitam meditationē, & quasi murmur meum. Intende foris & intus voci clamoris & orationis meæ, ò Rex meus potentia, & Deus meus bonitate.

Quoniam ad te orabo, uti & reipsa oro, Domine: manè, quod tempus aptissimū, & à Lege orationi destinatum est, non solum audies, sed & exaudies vocem meam.

Manè adstabo & totum me accommodabo tibi, præparans & instituens orationem meam, & obseruans oculis videbo, & expectabo misericordiam tuam, quoniam non Deus volens & approbans iniquitatem eorum qui me impiè persequuntur, tu es.

2. Neque habitabit iuxta te malignus verbo, neque

neque permanebunt iniusti & furibundè violenti
facto ante oculos tuos.

Odisti in uniuersum omnes qui manu operan-
tur iniquitatem, perdes omnes qui ore loquuntur
mendacium.

Virum sanguinum, qui opere tyrannus est & ho-
micida, & dolosum, qui corde hypocrita fraudulen-
tus, abominabitur Dominus.

3. Ego autem, qui nihil horum mihi sum conscius,
confidens in multitudine misericordiæ tuæ, contrà
introibo in domum tuam, adorabo, & me incur-
nabo, ad templum sanctum tuum, ubi tuæ sanctita-
tis est sedes, in timore tuo.

Tu modò Domine secundùm benignitatem &
iustitiam tuam deduc me quæso ut ambulem in iu-
stitia & lege tua, ac vel propter inimicos meos, qui
omnia dicta & ac facta mea inspicientes, & curiosè
observantes, quotidie tanquam iniustum & impium
me calumniantur, dirige obsecro in conspectu tuo
viam meam: sic ut iter quod ad te ducit, & à te pa-
ratum est, semper ob oculos habeam, vultumq; meum
ad faciem tuam dirigam.

Nam quantum ad calumnias inimicorum meo-
rum attinet, non sunt ipsi vlla fide digni: quoniam
nō est in ore eorum veritas, aut rectum quicquam,
& cor intimum eorum vanum & futile est, meraq;
prauitas & corruptio.

Vnde & tanquam sepulchrum patens, quod gra-
uissimum ac pestiferum foetorem cadauerū eructat,
est

est guttur eorum, *medium inter cor & os interpositum, quantumvis* linguis suis *lenificatis* blandè ac dolosè agebant.

4. *Itaque iudica & culpa reos perage ac declara, dissipâq; eos, mi Deus. Decidant frustrati à cogitationibus & consiliis suis, secûdum multitudinem impietatum & scelerum prauaricationumq; eorum expelle & elimina eos abs te, & hereditate tua; quoniam peccato adherentes, eiusq; hereditatem affectantes, irritauerunt & rebelles fuerunt erga te Domine.*

Et è contrâ lætentur (omnes) qui te partem hereditatis naeti, sperant & fidunt in te : qui certè in æternum exultabunt, vocem inbilationis edentes, & ad protegendum & cooperiendum eos tu habitabis in eis.

Et gloriabuntur latantes in te omnes qui diligunt nomen tuum: quoniam tu benedices, & benignitatem tuam exhibebis iusto.

Tu, inquam, Domine, vt scuto bonæ voluntatis ac gratiæ tuæ splendore coronabis ac circumdabis, protegesq; eum, & unâ etiam nos, ne à quoquam ledi & sancta illa hereditate tua spoliari possimus.

EXPLANATIO.

Auribus] Tribuuntur Deo aures, oculi & similia, non humana sed diuina ratione, quoniam ad ideæ illius exemplar, nostra omnia sunt expressa. vnde Dauid. Qui fecit aurem, non audiet? qui finxit oculum non considerat?

Neque

Neque habitabit] Quemadmodū summum præmiū iustitię est habitare cū Deo, vt pōst dicit Vates, sc intraturum in domū Dei; & alibi, Et habitabunt recti cum vultu tuo: ita præmium iniustitię est, de ciuitate Dei expelli, in qua nihil inquinatum esse posse, in Apocalypsi scribitur.

Templum sanctum tuum] Sanctum id propriè dicitur, quod ab omnibus rebus profanis separatum, vni Deo dedicatum est, & in eo acquiescit.

Deduc me in iustitia tua] Princeps causa iustitię nostrę, Deus est: concausa, liberum arbitrium, absque quo nemo fit iustus. Dicitur autem deduci in iustitia Domini, qui in lege Dei ambulat, per quā iustitię Dei homo fit particeps, haud aliter atque res inferiores splendoris solis participes fiunt per radios ab eo erumpentes, vt modò dictum est.

Iudica eos] Mihi vindictam, inquit Dominus, & ego retribuam. Vos autem nolite condemnare, & non cōdemnabimini: quia iudicium hominis fallax est, & periculi plenum.

Irritauerunt] Nam quemadmodum boni, legi Dei inhaerentes, voluntati Dei obtemperant; ira mali, eam contemnentes, contra eius nituntur voluntatem.

Latentur, exultabunt, gloriabuntur.] Hęc iustitię præmia esse, suo loco latiùs dicetur.

B

PSAL-

PSALMVS VI.

Titulus.

In finem in carminibus, *sive ad summum præfectum chori musici; ut ad instrumentum quod dicitur Neginoth, decantetur hic Psalmus Dauid, secundum harmoniam sine concentum qui vocatur Pro octaua, sive Per omnia.*

Argumentum.

1. **D**Elapsus Dauid in morbum, & alias grauissimas calamitates ob peccatum circa Bersabeam & maritum eius commissum, impetum iræ Dei deprecatur: 1. Et mortem: 3. Et tandem per apostrophē, vel inuitis hostibus se iam exauditum ait.

1. Domine ne in furore tuo, *secundum primum illum ac vehementem impetum zeli tui aduersum peccata mea*, arguas ac reprehēdas me; neque in ira tua, *secundum summum æstum iustæ indignationis tuæ*, corripias & castiges me.

Sed contra bonitatē tuā potiùs quàm seueritatem respiciēs, quaeso, miserere mei, quoniam vides quàm infirmus sum, non solum corpore, sed & animo. sana me quaeso Domine, quoniam conturbata sunt ossa mea, sic vt agritudo corporis, & terror ira tua, ad intima vsque ossa penetrarit, & ad desperationem propè me adegerit.

Quin præter carnem & ossa corporis, & anima ipsa mea, quæ interior pars est, turbata est & exterita valde, tam mortis, quàm ira tua metu: sed tu
Domine

Domine usquequo aversus à me, differes curationem meam.

2. Conuertere amabo, & redi ad me Domine, & eripe animam meam à morte: saluum me fac, non dico ob merita mea, sed propter immensam illam bonitatem ac misericordiam tuam, qua cuncta creas ac conseruas, & à qua tantopere à mortalibus laudari optas.

Quoniam, quòd me occidas, non est in morte apud vita defunctos in peccatis, vlla tui memoria; aut quisquam etiam alius qui memor sit tui, sic ut hic percipiatur: In inferno autem & sepulchro quis confitebitur tibi, celebrando laudes illas tuas, & bonitatem tuam inter homines, quemadmodum nos facimus?

Enimvero Domine, vide obsecro quantopere laboraui, ita ut prorsus defatigatus sim, in gemitu meo, præ corporis & animi dolore. & si id nondum sufficit, insuper lauabo & madesfaciam, sic ut natare videatur, per singulas noctes lectum meum, ad maculam adulteri eluendam: & quod amplius est, lachrymis meis etiam totum stratum & cubile meum rigabo, sic ut præ humore quasi dissoluatur.

Quinimo iam nunc corrosus & turbatus est & caliginosus factus à furore ac vehementia tristitie & amaritudinis mee, propter indignitates quas patior, oculus meus. Inueteraui, & emarcuit præ dolore facies mea, dum sum inter inimicos meos, qui de morbo & aliis miseriis & calamitatibus meis la-

tantur, & in varias angustias me coniiciunt.

3. *Sed quid ego me excrucio propter vos hostes meos? discedite à me omnes qui operamini iniquitatē, & mihi malè vultis & machinamini, quoniam iam exaudiuit Dominus vocem fletus mei.*

Exaudiuit Dominus deprecationem meam, Dominus, inquam, orationem meam suscepit.

Quare erubescant & conturbentur exterriti vehementer omnes inimici mei: qui iam propè mortuo insultabant; & ad sua reuertentes conuertantur in fugam, & erubescant valde velociter, dum subito & vno quasi puncto temporis seruatum me à Deo & pristina sanitati restitutum vident.

EXPLANATIO.

Pro octaua] Hic numerus est Iustitiæ, quæ non aliud est quàm trium partium animi, rationalis, irascibilis, & concupiscibilis consensio per harmoniam, quæ Per omnia vocatur. Hinc octo sunt beatitudines, quæ à iustitia procedunt. Et Psalmus centesimus decimus octauus qui totus de lege & iustitia tractat, octonariis constat, & resurrectioni Domini, quæ plenitudo iustitiæ est, octonarius quoque tribuitur. Conuenit autem huic Psalmo, qui pœnitentialis est; quoniam pœnitentia, prima pars siue principium est iustitiæ.

PSAL-

PSALMVS VII.

Titulus.

Psalmus David compositus ad modulos cantilena quæ incipit Siggaim siue arcanum, aut indignatio vel ignorantia, quem cecinit Domino pro verbis & factis minacibus Chusi athiopis, siue prognati Cis filij Iemini Behiamita tritani Saulis.

Argumentum.

1. **A**dversum Saulem & eius minas orat David: 2. Sibi ipsi malum imprecans, si vera sunt quæ imponuntur: 3. Sin autem falsa, rogat ut iusto Dei iudicio liberari possit, & perire nequitia aduersarii: 4. Inde ad aduersarios se conuertit, ostendens se rectè auxilium hoc à Domino petere, qui, nisi ad sanam mentem redeant, iam paratus est, eos perdere: 5. Ac speciatim ipsum Saulem: 6. De quo ad extremum gratias Deo agit.

1. **D**omine Deus meus, in te speraui ac confido semper: saluum me fac ex omnibus persequentibus me, & libera me.


Nequando prognatus ille femini, vita ac moribus niger ut athiops, rapiat ut leo animam meam, & dilaceret eam: dum non est qui eripiat me, vel redimat, neque qui saluum faciat.

2. Domine Deus meus, si feci istud quod ille mihi imponit: si ulla est iniquitas in manibus siue palmis & factis meis: Si reddidi pacificis & retribuentibus ac benefacientibus mihi mala pro bonis: vel si etiam, quod amplius est, cum qui me in angu-

B

3

stias



stias redigere conatur, etiam ultro non inueni & eripiam à malo gratis: decidam meritò & recedam ab inimicis meis inanis ac vacuus, sic ut nullam victoriam, nullaque spolia ab iis reportem.

Imò contrà persequatur omnibus modis inimicus me & animā meam, &, quòd amplius est, assequatur ac comprehendat: & ubi comprehenderit prosternat & conculcet pedibus in terra me ac vitam meam: &, quòd omnium ultimum est, gloriam & honorem, omnemq; memoriam meam in puluerem & nihilum deducat, & tanquam in luto habitare me faciat. Sed eia eia Sela non ita fiet, non ita.

3. *Nam cum tu rem longè aliter se habere scias, exsurge obsecro Domine in ira tua, & furore zeli iustitie tue, & exaltare eleuans te in finibus contra furores & commotiones inimicorum meorum, qui in has angustias me redigunt.*

Expergiscere, inquam, & exsurge ad me iuuandum, Domine Deus meus, persistens in præcepto ac iudicio, quòd semel mandasti ac constituisti, cum reiecto Saule, me in Regem inungeres: & id cum fiet, mox omnis coetus & synagoga populorū, ac regnorum potentum, circumdabit, & accurret ad te, & ad nomen tuum se conuertet.

Et quidem vel propter hanc ipsam synagogam & salutem populi tui, qua so, in altum solium tuum, tanquam summus Iudex, regredere: ut omnes videant quòd Dominus iudicat populos, iustosq; & iniustos discernit.

Atque

Atque hoc faciens, iudica me Dñe secundum iustitiam meam in faciendo bonum; & secundum innocentiam integritatemq; meam in abstinendo à malo: quæ res utraque tuo maximo beneficio in me est, & saper me, quantum ad ea quæ mihi imponuntur.

Et contra consumatur ac cesset tandem nequitia peccatorum, & consumat malitia ipsa impios, & dirige ac confirma iustum, ô tu scrutans & pernosceus corda, & cogitationes, & renes affectionesq; uniuscuiusque Deus.

4. Et verò ne admiremini mortales quòd tam liberè Deum hoc modo compellem: quoniam iustum & quasi debitum est adiutorium meum, quod tanquam clypeum protectionis meæ peto à Domino: nam ille ex professo se illum esse ait, qui saluos facit rectos corde, qualem ego me agnosco.

Deus enim iudex iustus, tribuens ius suum cuique quemadmodum oportet, & fortis, exsequens id nonnunquam statim cum seueritate, si quādo sic est opus, & patiens, dissimulans subinde cum longanimitate, & differens executionem. nam nunquid autem putatis quod irascitur & comminatur indignabundus per singulos dies; sic ut simulatq; quis peccat puniatur; & si non puniatur, nihil videatur peccasse, pro ut vos affecla filij hominum vobis persuadetis.

Non sanè, non sic sese res habet, sed accumulatis tandem peccatis vestris, & ad summum adductis, nisi statim ad meliorem mentem conuersi fueritis, iam Dominus gladium suum vibrauit, & acuit, ar-

cum suum tetēdit, & parauit, ac rebus omnibus instruxit illum, & in vos direxit.

Et in eo parauit ac posuit vasa mortis, & iacula letis fera, & sagittas suas ardentibus flammis & persecutoribus similes effecit, quas veneno tinctas in inimicos suos impittet.

5. Nam quod ad filium illum siue progenitum Iemini attinet, ecce parturit & eniitur in lucem proferre iniustitiam, qua me perdat, dum tanquam mulier in utero concepit in animo suo dolorem & inuidiam ex prospero rerum mearum successu: & si queras quidnam tandem prolis ediderit, peperit iniquitatem & mendacium, quo non solum me falsò accusat, sed & seipsum vane eludit, dum frustra me conatur perdere.

Nam lacum aperuit, & altè omnino effodit eum, ut me caperet. & ecce incidit ipse in foueam quam fecit.

Et sic conuertetur dolor & inuidia eius, quem in me cōcepit, in totum caput eius: nam inuidus ipse suis se conficit improbus armis, & in supremum verticem ipsius, iniquitas & iniuria eius, quā aduersum me parturit & peperit, descendet.

6. Quae quidem cū ita se habeant, Confitebor Domino, agensque gratias celebrabo eum secūdum iustitiam eius, quam in rebus hisce meis exercuit, & psallam, ac laudes canam immortales, nomini Domini altissimi.

EXPLANATIO.

Chusi] Aduersum Saulem, Deum David orans, nomen eius subticet, quia rex erat, & socer, cui maledicere Lex vetet. A Ethiope autem vocat: quia vii à iustitia clari homines dicuntur & illustres, ob Solem iustitiæ; ira è contrà ab iniustitia obscuro & turpes, ob tenebras iniustitiæ.

Iustitiam & innocentiam] Iustitiæ duas partes esse; vnâ recedendi à malo, vnde innocentes & immaculati dicuntur; alterâ faciendi bonum, vnde iusti, recti; iam antè tactū est.

Iustus fortis, patiens] Tres sunt formæ iustitiæ: rectitudo, vnde iustus iudex dicitur: seueritas, vnde fortis: & æquitas, vnde patiens.

Parturit iniustitiam] Vide peccatorum aliorum ex aliis propagationē; nam peruersa hominis voluntas iniustitiam parit, iniustitia inuidiam, inuidia iniquitatem, hoc est iniustam machinationem in dictis & factis; & iniqua machinatio, ruinam & interitum ipsius machinantis: nam vt habet vetus apud Græcos carmen: Inuidia ipsa suis se conficit improba telis.

Dolorem] Sic vocatur inuidia, quoniam cū omnes labes animi ex voluptate ac dolore, tanquam duobus fontibus, procedant; in alijs plus prauæ voluptatis inest, quàm doloris, vt in luxuria, acedia, gula: in alijs plus doloris quàm voluptatis, vt in ira, superbia, inuidia: auaritia autem æquas vtriusque partes continet.

PSALMVS VII I.

Titulus.

In finem, siue ad summum præfectum chori musici, pro torcularibus & felici vindemia, Psalmus David, cantandus ad modulos carminis siue instrumenti Githit, quod à Gad ciuitate Palæsthine primum aduectum est.

Argumentum.

1. **C**elebrat Præpheta admirabilitatem nominis Dei, & Filij eius Christi, nõ ex maioris mudi contẽplatione modo, sed & minoris, hoc est hominis. 2. Qui licet prima specie exiguus videatur, reuera tamen imago Dei est, & omnibus eius operibus præpositus.

1. **D**omine Dominus noster, qui trinus es & vnus, quàm admirabile & potens est nomen tuum, & Filij tui Christi, in vniuersa terra.

Quoniam eleuata, & posita, exaltâque est magnificentia tua, & confessio decoris, laudis, ac gloriæ tuæ, non solum super omnem terram, sed & super omnes cælos, qui nunquam desinunt tuam nobis maiestatem sua conuersione demonstrare.

Quin quod magis admirabile est, ex voce quoque & ore, ipsosq; adeo ad spectu vultus vel minimorum infantium & adhuc lactentium perfecisti, ac stabilinisti, & penitus manifestasti laudem potentia ac gloriæ tuæ, & Christi Filij tui: vt destruas, ac confundas, & cessare facias à maledictis suis inimicū, quite negat rerum omnium parentem ac conditorem esse,

esse, per Filium tuum vnigenitum hominem factum,
& ultorem, qui non tuis, sed suis viribus confidens,
tibi quasi bellum infert.

2. Quoniam tamen si quidem initio cum ab una
parte videbo celos tuos, qui sunt maxima & ad-
mirabilia illa opera digitorum tuorum, item lunam
& stellas, quæ tu præparasti ac fundasti:

Et ab altera minimum illum puerulum lactentem,
ac vagientem; dicam: Quid est homo quod memor
es eius, aut puer iste filius primi hominis Adami,
quoniam visitas eum? & illius causa Filius tuus
carnem assumit?

Attamen post deinde cum propius eum intue-
bor, animaduertens quo pacto ad imaginem tuam
ac Filij tui factum minuisti eum paulo minus ab
angelis, nec multum Deo ipso trino & vno inferiorem
fecisti, cuius similitudinem gerit, quodq; gloria &
honore, qui fructus virtutis est, coronasti & circun-
dediti eum, & constituisti eum dominum super
opera manuum tuarum.

Quod omnia subiecisti sub pedibus eius, oues,
& boues vniuersas, insuper & pecora feræque
campi.

Item volucres cæli, & pisces maris, & omnes
qui perambulant semitas maris, quæ omnia haud
paulo diuiniora sunt, quàm quæ mundi naturalis
constitutio demonstrat.

Tum nõ minus hominis quantumcumq; exiguus
sit, quàm totius mundi contemplatione commotus, dico
attoni-

attonitus, & quasi nouo vino nuper torculari expresso ebrius, Domine Dominus noster, qui trinus es & vnus, quàm admirabile & potens est nomen tuum in vniuersa terra, dum non solum in spiritu te colimus, sed & oculis Filium tuum hominem factum consuemur!

EXPLANATIO.

Protorcularibus] Quidam hæc verba ad vindemiam referunt, quidam ad instrumentum musicum : nos vtrumque posuimus, vt & literali sensui (quem vocant) & mystico satisfiat ; idque non modò secundum Hebraicæ linguæ veritatem, sed & septuaginta Interpretum versionem : quam & ipsam non sine Dei numine factam inde inter cætera constare potest, quòd Christus ipse & eius Apostoli ea sunt vsi. Litteralem sensum hîc accipimus, qui de instrumento loquitur : mysticum, qui de torcularibus vindemialibus. Nam cum sit Psalmus admiratiuus, vt primus & vltimus versus ostendunt ; res perinde accipienda est, atque si ab eo decantetur, qui potu noui vini nuper torcularibus expressi sit ebrius, ea ebrietate, (diuina non humana) de qua dicitur in Psalmis: Inebriabimur in bonis domus tuæ. Nā vinum non solum ad corpus reficiendum, sed & ad animum diuino quodam calore accendendum prodesse, veteres sapientes tradunt: vnde inter quatuor diuinos liquores id numerant, qui sunt, oleum, vinum, mel, & thus. Et in Psalmis, vinum ob id datum dicitur, vt lætificet cor hominis.

Admirabile] Admirationem principium esse omnis scientiæ, veteres sapientes tradunt.

Nomen] Per nomen Dei, ipse Deus in sacris literis significatur, de quo inter homines non nisi prolatione nominis agi potest. Nam cum tria sint, & non plura, quibus res inter homines exprimuntur; figura, veluti cum circulus pingitur;

tur; nomē, cum nominatur; & ratio, cum definitur; & confiter neque figura depingi Deum posse, quia corpore carēs in sensum oculorum non cadit; neq; definitione per genus ac differentiam describi, quoniam supra omnia est genera ac differentias: non restat aliud quàm nomen, quod à substantia illius erumpens, se ore efferendum præbet ac pronuntiandum.

Ab Angelis] Hebræi habēt, Diis: quod tum quidem de Angelis accipi potest; tum autem, & quidem verius, de Deo ipso; qui plurali numero hīc & aliis locis ponitur, ut trinus & vnus esse intelligatur.

PSALMVS IX.

Titulus.

In finem, siue ad summum præfectum chori musici, pro occultis incrementis filij Iesse, & morte insipientis Goliath, cantandus missus hic Psalmus Dauid.

Argumentum.

1. **A**git Dauid gratias Deo de victoria contra Philisthæos & Goliath patra: 2. Inuitans ad id etiam alios sanctos. 3. Tum ad Dominum se conuertens precatur, ut & in futurum populum suum conseruare, & hostes perdere velit. 4. Et quasi conquerens de tarditate Domini in vindicando, vitam & mores describit impiorum, & auarorum hominum: 5. Concludens tandem, ut illos dignis suppliciis afficere, & pios tueri velit.

1. **C**onfitebor tibi Domine, & cum gratiarum actione, accepta tibi ferens cuncta, laudibus te celebrabo intus in toto corde meo: & narrabo verbis foris omnia mirabilia tua, quæ à communi hominū capta longè remota sunt, & separata.

Læta-

Lætabor & exultabo in te, psallam *ac canam* nomini tuo *excelso*, altissime.

Dum in conuertendo ego inimicum meum retrorsum, & in fugam eos conijciendo, ipsi infirmabuntur *ac corruent*, & penitus peribunt & abscedent à facie & presentia tua.

Quoniam hoc non alia re fit, quàm quòd tu fecisti *ac suscepisti* iudicium meum, & indicasti causam meam, & sedisti super thronum tribunalis & solij tui, tu, inquam, qui iudicas iustitiam.

Atque hoc quidem faciens, increpasti & compescuisti gentes Philistæorum, & periit per te impius Goliath: nomen eorum delesti in æternum, & in sæculum sæculi.

Eia iam dico tibi, ô inimice, inimici huius nostri defecerunt, framee, quibus deuastare nos solet in finem & in perpetuum, & ciuitates (eorum) Domine destruxisti.

Periit memoria eorum cum ipsis & (cum sonitu) *ac transitu eorum*; & contra Dominus in æternum permanet *ac regnat*.

Parauit in iudicio & ad iudicandum adscendet thronum suum, & pro tribunali sedens, ipse iudicabit orbem (terræ) in æquitate, iudicabit potentes populos in iustitia & rectitudine.

Et hac quidē re factus est Dominus refugium & tanquā asylum pauperi & ærumnis attrito, refugium dico & adiutor in oportunitatibus, & ipso quasi puncto necessitatis & articulo, cum maximè versatur

satur in tribulatione & angustia.

*Et hinc fit ut sperent ac confidant in te qui no-
uerunt admirabile nomen tuum, infinitis epithetis
bonitatis, clementia, misericordia, & similibus exor-
natum: quoniam non dereliquisti vnquam qua-
rentes te Domine.*

*2. Cuius quidem rei causa, vos autem sancti qui
hac non ignoratis, psallite & hymnos canite Domi-
no qui habitat in arce Sion, annunciate inter gen-
tes ac populos studia & beneficia, summaq; consilia,
& opera eius.*

*Quoniam requitens, & quasi inquisitionem in-
stituens, ad vlciscendum sanguinem eorum qui in-
iuste oppressi sunt, semper suo tempore ipsorum recor-
datus est. Non est vnquam oblitus, quanquam sub-
inde tardus videatur, clamorem pauperum ac hu-
milium.*

*3. Quod cum ita sit, & nunc miserere mei Do-
mine, vide queso ac respice humilitatem & affli-
ctionem meam, qua procedit de inimicis meis, qui
me odio persequuntur.*

*Tu, inquam, me respice qui exaltas, vindicas, ac
retrahis me de portis ac faucibus mortis, vt an-
nuntiem ac narrem omnes laudationes tuas in
portis & publicis conuentibus Hierusalẽ filiaẽ Sion.*

*Quod quidem faciens, exultabo in salutari tuo,
quod abs te accepi, enarrans quo pacto per te infixæ
ac demerse sunt gentes in fovea & interitu quem
ipsi fecerunt.*

Et

Et quomodo in reti & laqueo, quem ad nos capiendos absconderunt, captus & comprehensus est proprius pes eorum.

Quibus rebus enarrandis cognoscetur Dominus ab omnibus qui me audient, tanquam iudicia faciens, & iustitiam exercēs, & intelligetur quo pacto in propriis operibus manuum suarum cōprehensus & illaqueatus est impius peccator. O rem perpetua memoria celebrandam! Higaion Sela.

Itaq₃ convertantur ac descendant peccatores in infernum ac foveam, omnes dico gentes, qui obliuiscuntur Deum, trinum & unum.

Quoniam non in finem aut perpetuum obliuio erit pauperis apud Deum, ad vindicandum hostes eius: patientia pauperis ac miseri expectant is Deum non peribit, nec frustrabitur eum, in finem sempiternum.

Ad quam quidem rem exsurge Domine, erigeq₃ te in pedes, & non cōfortetur ac praeualeat homo, qui tanquam futile quid & inane ante te est: iudicentur impie ille gētes Philisthaeorū, & dent pœnas scelerū suorum ante facies tuas, in conspectu tuo.

Constitu Domine legislatorem, & pone iugum domini ac magistri super eos; vt terrore affecti (nam neminem nunc metuunt) sciant gentes, quoniam omnes simul homines mortales sunt, & perire possunt. Ita sanè res est, Sela.

4. Sed quamobrem tam diu quaeso me pateris orare? vt quid Domine recessisti, & stas tanquam otiosus

ociosus à longè, & despicias nos, abscondēs te atque
 conuolvens in ipsis oportunitatibus, & quasi punctis
 temporis, quibus maximè versamur in tribulatione
 & angustia?

Quia dum ab una parte superbit & fastu insolenter se effert impius, ab altera præ gravissimis persecutionibus, quæ ab illo & in ipsa superbia eius patitur, incenditur, & ardet, & miserè perit pauper; atque id quidem, dum comprehenduntur iam peccatores, in ipsis consiliis & congregationibus ac machinationibus suis manifestis, tanquam in presenti & flagranti crimine, quibus bonos ac pios cogitant pessundare.

Quoniam nō solum non turpe apud eos ampliùs habetur peccatum, sed, quod magis est, laudatur impius peccator in turpibus desideriis animæ suæ, & iniquus ac auarus, raptorq;, & fraudator laudatur ac benedicatur, & mirifice beatus predicatur in iniquitatibus suis.

Quin & apertè exacerbauit & spreuit ac blasphemauit Dominū peccator, & secundum multitudinem altitudinemq; iræ & furibundæ arrogantiae suæ, quam nasi elatione, & reliquo vultu præ se fert, non quæret, nec quidquam pensi habet diuini aut humani.

Denique non est Deus in conspectu & cogitationibus eius, quæ omnes ad hoc redeunt, ut semper secum dicat: Non est Deus, non est Deus, & ideo inquinatæ, & ad bonos captandos paratæ, planeque pestilen-

pestilentes & impura tanquam sanguis parturientis sunt viæ illius in omni tempore, quantumcunque bella ac pulchra foris videantur.

Auferuntur longè latèque tanquam in summa altitudine iudicia tua, quibus in improbos animaduertere soles, à facie eius, nihil cogitans unquam tale futurum, sed contrà sibi persuadens, quòd omnium inimicorum suorum vel sòlo flatu dominabitur, in eosq; præ contemptu quasi sufflabit.

Dixit enim in corde suo, secum ipse loquēs, non mouebor, nec decidam de felici statu meo, ullo unquam tempore, à generatione in generationem, aut etate in etatē: quoniam semper ero sine malo, nec vlla mihi accidet calamitas.

Quin homo est planè perditus, quippe cuius sermo & os maledictione ac periurio exsecrationeq; plenum est & amaritudine, ac fraude & dolo, quibus auaritiam suam exercens, bonos specie recti circumuenit sub lingua eius, in corde nihil est aliud quàm labor & afflictio, & dolor, ac iniquitas, quibus rectos conficere studet.

Sedet enim in insidiis versans cum diuitibus, quos fraudare vult in atriis eorum, & collocans se in occultis, quasi in angulis quibusdam, iuxta villas & vicos eorum quibus inhiat, vt usura & dolo interficiat virum bonum & innocentem.

Atque ita quidem dum sedet, oculi eius in prætereuntem pauperem hunc & innocentem, quem in re bona esse nouit, respiciūt, & insidiatur ei in latibulo

bulo & abscondito suo, quasi leo in spelunca sua.

Insidiatur, inquam, ut rapiat ac corripiat pauperem illum: rapere autem studet hunc pauperem, dum blandè attrahit eum.

Quinimo donec in laqueo & reti suo, quod tanquam auceps tendit, rapiet & humiliabit eum: sibiq; subiiciet; ipsemet inclinabit se, quemadmodum aucupes solent, & animalia, quæ dum prædam expectant, contrahunt se, ut tanto magis lateant, & fortius prædam innadant; & ubi tempus esse viderit, subito irruet fortiter, & cadet super eum omnibus suis viribus, nec prius finem faciet, quam cum dominatus fuerit toti turba & facultatibus omnibus pauperum.

Dixit enim in corde suo, tacitus apud animum suum, oblitus est Deus, nec quicquid novit, aut curat rerum humanarum; auertit ab iis & abscondit faciem suam, ne unquam eos videat in finem perpetuum.

5. Hac igitur cum ita se habeant, & tam ingratia & manifesta sint eius scelera, exurge quæso Domine Deus, & opem nobis ferus, (&) exaltetur in altum manus tua ad ferendum ac perdendum eum, ne obliuiscaris amabo pauperum & afflictorum.

Nam propter quid & quibus fretus putas irritavit & blasphemare audet & contemnere impius Deum, an alia de re, quam spe impunitatis? dixit enim in corde suo, non requireret Deus quidnam ego faciam.

Tu ergo contrarium ostende, quod vides omnia,

C 2 nihilq;

nihilq; te latet, quoniam reuera ita res est: nam tu laborem & afflictionem, nec non indignationem & dolorem consideras, quibus pii ab impiis afficiuntur, ut tãdem tradas (eos) in manus tuas, ad supplicium sumendum, & iniuriam bonorum vindicandam.

Tibi enim derelictus est pauper, qui omni ope humana destitutus, se totum tibi committit, seq; ipse deserit: orphano & pupillo cui nullum in parentibus est auxilium, tu eris, prout semper fuisti, adiutor.

Contere igitur brachium & frange vires impij ac peccatoris & maligni: quod cum facies, quæretur peccatum illius, quo tantopere se nunc extollit, quasi mirifice potens sit ac dives, & non inuenietur, neque res eius ulla, quoniam vana est & inanis, neque ipse, quoniam non audebit comparere, sed tenebris ebrutus, peribit in æternum.

Et contra Dominus regnabit hîc in æternum, omni tẽpore, & apud superos in sæculum sæculi, sine ære & fine temporis: peribitis autem vos impie gentes, de terra illius, quam ipse condidit, & non vos, sed alij inhabitabunt.

Nam desiderium pauperum & humilium exaudiuit Dominus, præparationem cordis eorum, cum, te sic dirigente, ad orandum se parant ac instituunt, attentè audiuit, ô Domine, auris tua.

Et secundum hoc, venies iudicare pupillo & humili, quem omni ope humana destitutum, & mirifice oppressum, in isto iudicio tuo ab impiorum iniuria vindicabis: ut hoc videns, non apponat, nec addat,

aut continuet vltra magnificare se, ac tanquam Deum extollere, & ceteris vim ac metum incutere, eosq; conterere ac confringere, homo viuens super terram, ex qua sumptus & prognatus est.

EXPLANATIO.

In aequitate, in iustitia] Ex tribus formis iustitiæ, vnam esse quæ in æquo bono consistit; alteram quæ in rectitudine, quæ iustitia propriè dicitur; suprà tactum est.

De portis] Vide pulchram oppositionem portarū mortis, quæ sunt leges peccati; & portarum vitæ siue Hierusalem, quæ sunt leges Dei, per quas in iustitiam Domini homines intrant, quæ est ciuitas Dei: vbi omnia affluunt lætitia, qui fructus est iustitiæ, cū fructus iniustitiæ sit interitus, vt in toto hoc Psalmo videre licet.

Legis latorem] Lex Dei, iugum magistri, & terror dicitur malis, ob pœnarum sanctionem. vnde suprà: Dirumpamus vincula eorum, & proiciamus à nobis iugum ipsorum: bonis, dulcis supra mel & fauum, ob præmiorum exhortationem.

Laudatur] Summum malum est laudari in peccato, & derideri bonum, & putare nullam harum rerum curam esse apud Deum.

Sedet in insidiis] Pulcherrima descriptio, quo pacto avari foeneratores multos homines circumueniunt, & bonis cunctant.

PSALMVS X.

Titulus.

In finem, siue ad summum præfectum chori musici, cantandus missus, Psalmus Dauid.

Argumentum.

1. **C**olloquium est Dauidis, & amicorum qui fugam illi suader, ob Saulis aduersum eum inimicitias. 2. Quibus ille respondet, in Domino se confidere, qui bonos videt & malos, & pro meritis quosque tractat.

1. **I**N Domino spero, & penitus confido, quomodo ergo o amici, dicitis mihi & animæ meæ, transmigra & fuge ocyus de monte in montem, sicut auis passet, ut venientis insidias euitet.

Quoniam ecce, inquitis, peccatores & impij intenderunt arcum, parauerunt sagittas suas in pharetra, quas ad neruum iam positas & aptatas habent, ut sagittet in obscuro, è latebris suis, quem admodum venatores solent, ipsos rectos corde.

Additis amplius, & dicitis mihi, quoniam iura omnia, legesque, & item fœdera pacis, quæ tanquam fundamenta salutis tuæ cum iis perfecisti, ipsaq; adeo perfugia arcium quas condidisti, destruxerunt & confregerunt: 2. Sed ut ad hoc respondeam, vnum solum quero à vobis: Iustus autem quid fecit, quidve operatus est mali, quod ita eum persequuntur? nihil omnino, profectò nihil.

Quod quidè cum ita sit, fretus sana consciëntia mea,
que

*qua pro muro abeneo est, dico: Dominus in regia sua
& templo sancto suo est, Dominus in cælo, ubi so-
lium est & sedes iudicii eius.*

*Oculi eius non clausi sunt, sed vident omnia, &
(in pauperem respiciunt) palpebræ eius interro-
gant & examinant probantq; filios hominum ab
Adamo descendantium, quales nam illi sint.*

*Dominus enim interrogat, & probat variis mo-
dis, rebusq; secundis & aduersis, iustum & impium:
& verò qui autem diligit iniquitatē, ipse odit ani-
mam suam, quam omni scelere contaminat, & item
odio eum habet Dominus, ex toto animo suo.*

*Et ideo loco deliciarum pluet super tales pecca-
tores & impios laqueos, quibus capiantur: ignis &
sulphur, qua de calis mittentur quemadmodum So-
domitis fiebat, & spiritus procellarum, turboq; in-
census pars erunt calicis, cibiq; & potus eorum, qui-
bus pro meritis punientur.*

*Quoniam iustus Dominus, & iustitias, factaq;
& iudicia iusta semper dilexit: æquitatem, & vitæ
rectitudinem semper libentissimè vidit, & ad eam se
conuertit, quemadmodum contrà à malis se auertit
vultus eius.*

EXPLANATIO.

Odit animam suam] Quoniam omnis amor noster à Deo incipere debet, & inde ad nos descendere; sic vt amor nostri, qui secundarius est, per amorē Dei, qui primarius, dirigatur, vt benè se habeat. Si quis contra à Deo auersus, ad sui amorem totum se conuertit, vt mali faciunt; inordi-

natè se amat, sic vt non possit non malè se habere: vnde sequitur, licet amare se videatur, re ipsatamen oderit, quoniam ipse sibi malè facit ac consulit.

Iustitias] Verbum Iustitia subinde pro virtute ipsa accipitur, subinde pro iustis factis, subinde pro iustis legibus, subinde pro iustis iudiciis, vt hîc.

PSALMVS XI.

Titulus.

In finem, siue ad summum præfectum chori musici, vt ad instrumentum Seminit h, quod octo chordis constat, & ad concentum qui dicitur Pro octaua, hoc est, Per omnia, cantetur hic Psalmus David.

Argumentum.

1. **C**onqueritur vir sanctus, & opem Dei implorat, contra homines improbos, Saulis regis adulatores, qui linguæ suæ volubilitate fidebant. 2. Quibus ipse Dei promissiones firmissimas sibi factas opponit.

1. **S**aluum (me) fac Dñe, quoniam *malis omnia* Sobtinentibus ac complentibus, defecit inter homines, nec est quisquam ampliùs sanctus & misericors, aut beneficus in factis suis; quoniam, inquam, diminutæ sunt, & penitus abscefferunt veritates & fides in dictis à filiis hominum, qui ab Adamo descendentes, in aula Saulis degunt.

Vana & mera mendacia locuti sunt vnusquisq. & loquuntur quotidie etiam ad proximum & amicum suum; labia & verba eorum blanda & dolosa sunt; duplici animo, aliud in vno corde, aliud in alio

alio corde locuti sunt: dum unum ore proferre, alterum intus tegere meditantur.

Disperdat Dominus vniuersa labia dolosa, quæ fide blandiuntur, & linguam magniloquam ac superbam, quæ cum fastu & contemptu loquitur.

Linguam, inquam, eorum qui dixerunt, linguam nostram magnificabimus & extollemus, per eamque auctoritate praeualebimus, labia nostra à nobis ipsis sunt, quibus quiduis liberè possumus efficere ac persuadere, quis noster Dominus est, aut quis quidquam potest aduersum nos?

2. Certè propter miseriam & vastitatem, ciuitatumq; inopum & afflictorum, & gemitum miserrum pauperum, nunc exsurgam, dicit Dominus, ut operi illis feram.

Ponam in salutari David seruum meum, penitusq; saluti eum restituam, fiducialiter agam in eo; sic ut in me, qui loquor pro ipso, vera fiducia ei sit, & à persecutionibus respirare possit, & ab iis se eripere, qui laqueum ipsi iniscere, & deridendo quasi sufflare in eum student, quod contra ipse, & Messias meus in eos est factururus.

Quibus quidem verbis Domini ut penitus credam & fidem adhibeam facit, quia eloquia & promissiones Domini, eloquia casta & munda sunt, in quibus nihil adulterinum aut impurum inest, suntq; tanquam argentum igne examinatum, quod probatum est in vasis fictilibus, optime & ei rei conuenientissima terræ, & purgatū septuplum, per vices

septem, sic ut nihil amplius scorie, vel terræ, aut simile quippiam in se habeat, sed prorsus purum sit & puram.

Quod cum ita sit, tu Domine proculdubio secundum promissionem illam tuam seruabis nos pauperes illos, & inopes, & custodies nos ab hominibus istis falsis ac dolosis, & à generatione hac praua & adultera, usque in æternum.

Quod quidem eo etiam magis est necessarium, quoniam ecce in circuitu impij ambulant, oberrantes circumquaque, & se efferentes, insidiasq; bonis struentes, quandoquidem secundum altitudinem tuam, & immensam profunditatem iudiciorum tuorum, tibi sic nunc placuit, quod multiplicasti, & principatum obtinere permisisti ad tempus perditissimos ac vilissimos quosque filios hominū: ita ut non virtus, sed vanitas & opprobrium inter mortales dominetur.

EXPLANATIO.

Septuplum] Perfectionis hic est numerus: vnde ter quaterque beati dicuntur, & in septenarij numeri Sabbatho quiescitur, & id plenè perfectèque purum habetur, quod septies purgatum est. cuiusmodi dicit Vates esse Verbum Dei in quo nihil ne minimum quidem falsi vanive inest. quod secus est in hominibus, quorum sermo quantumcumque purus, aliquid tamen semper vanitatis secum trahit. vnde omnis homo mendax, in Psalmis dicitur.

PSALMVS XII.

Titulus.

In finem, siue ad summum præfectum chori musici, cantandus missus hic Psalmus Dauid.

Argumentum.

1. **Q**ueritur Vates, quis tandem finis erit malorum. 2. Vnde ad precationem dilabitur, vt libesari aliquando possit.

1. **V**squequo Domine obliuisceris me? an in finem & perpetuum? vsquequo aueris & tanquam iratus abscondis faciem tuam à me?

Quamdiu ponam & volutabo diuersa consilia in anima mea, vt euadam infinitas illas calamitates, in quibus versor? quamdiu circumferā dolorem hunc in corde meo, qui me exercet ac conficit quotidie per diem & noctem?

Vsquequo exaltabitur & superior erit, crista sęq; eriget inimicus meus super me? respice, quaeso, tandem oculos tuos ad me deorsum vertens, & non ampliùs auertens, & exaudi me, votis meis respondens & annuens, ô Domine Deus meus.

2. Illumina oculos meos, vt videam qua parte mala hæc & insidias hostium effugere possim, ne vniquam, si id non fiat, obdormiam in morte, occisus ab hostibus, vel oppressus somnolentia in tenebris & caligine malorum, & ne quando dicat inimicus meus, quod sanè omnium indignissimum esset, præualui aduersus eum, & potui quod volui.

Certè Domine qui tribulant & in angustias istas redi-

redigunt me, exultabunt, & mirificè gestient, si qua parte nuta uero, aut lapsus, vel loco motus fuero: verum, ego autē in misericordia & bonitate tua speraui, eaque totus nitor.

Et ideo nihil dubito, quin tandem exultabit cor meum in salutari tuo, quo ab omnibus malis me eripies, & cantabo carmen Domino qui (bona) tribuit ac rependit mihi, (& psallam nomini Domini altissimi.)

EXPLANATIO.

Misericordia] Plerumque in Psalmis hoc verbum usurpatur pro bonitate, quoniam totius bonitatis Dei maximum opus est misericordia. unde infra: Suavis Dominus in vniuersis, & miserationes eius supra omnia opera eius. In cantico Zachariæ Viscera misericordiæ dicuntur, quoniam ex intimis penetralibus bonitatis Dei depromitur. Et in Euangelio perfectio virtutis in misericordia ponitur, cum dicitur: Estote ergo perfecti & misericordes, sicut Pater vester cælestis perfectus & misericors est.

PSALMVS XIII.

Titulus.

In finem, siue ad summum præfectum chori missi, missus hic Psalmus David.

Argumentum.

1. **C**onqueritur vir sanctus plerosque homines impios, & 2. Deo caueros esse, & quid inde mali consequatur: 2. Tum ad emendationem vitæ ac morum eos exhortatur. videturque possum nūm scriptus hic Psalmus aduersus eos qui tyrannide populum opprimunt, & hypocriti fallunt.

1. **D**ixit insipiens ac stultus, homoq; ferus & agrestis, in corde suo, id quod caput est omnium malorum, Non est Deus.

Quare consequenter omnes qui ita sentiunt, corrupti sunt alijs ab alijs, talibus dictis, inter se, & abominabiles facti sunt in omnibus studiis & viis suis, non est ex iis qui faciat bonum (non est usque ad vnum.)

Quinimo Dominus de cælo prospexit super omnes filios hominum, Adami posteros, ut videat si est quisquam ex iis intelligēs vero animi iudicio, quod prudentia est (aut) requirens Deum bona voluntate, quod iustitia.

Et inuenit quod omnes declinauerunt deficientes à via & cognitione veritatis, & simul cuncti in vita ac moribus inutiles & fœtidi facti sunt; sic quod non est qui faciat bonum, non est usque ad vnum.

(Et quidem sepulchrum patens, unde turpissimus fœtor eructat, est guttur eorum, unde linguis suis dolosè agebant, & venenum aspidum est sub labiis eorum.)

Quorum os maledictione & amaritudine plenum est, veloces pedes eorum ad effundendum sanguinem, dicto pariter & facto male agentes.

Quare cōtritio & infelicitas in viis eorum quæ merces est iniustitia; & viam pacis, quæ à iustitia procedit, non cognouerunt: quoniam nō est timor Dei, qui fons est iustitiæ, ante oculos eorum.)

2. Caterum nonne vel tandem cognoscent, inquit Dominus, & per se ipsi sentient insipientiam suam, omnes qui operantur iniquitatem prinatim,
&

& qui publicè deuorant plebem meam comedentes eam sicut escam panis.

Certè vel solius conscientie terror admonere eos debet: nam quia Dominū non inuocauerunt, illum timentes, qui solus verè timendus est, sed ad alias vanitates se conuertentes, propria cōscientia terroribus agitati, illic trepidauerunt timore (vbi reuera non erat timor.

Quòd sanè non alia re accidit, quàm quoniam Dominus in generatione iusta est, stans à parte iustorum, iam inde à natiuitate ipsorum: qui quidem terrorem illum vobis incutit, propterea quòd consilium inopis, quem iuuare deberetis, cōfudistis, ludibrio illum quotidie habentes, & ignominia ob id afficientes: quoniam Dominus ipse eius est, quod vos planè ridiculum putatis, sed reuera res longè aliter se habet.

Nam quòd bonos illos contemnentes per irrisionem inter vos dicitis, quis dabit ex arce Sion, vbi isti Deum habitare existimant salutare populo Israël? ecce ego vobis respondeo: cū auerterit Dominus & sustulerit captiuitatem plebis suæ, qua nunc per tyrannidem vestram, qui rebus Saulis fauetis, oppressa detinetur, quod equidem me ad regnum euecto breui futurum est, tunc exultabit Iacob, & lætabitur Israël.

EXPLANATIO.

Sepulchrum patens] Hi tres versus neque in Hebraicis neque Græcis sunt exemplaribus, sed in veteribus Latinis dumtaxat. Et quidem quemadmodum ex sepulchro, & ventriculo hominis corrupto, turpis fœtor per os eructat: ita ex animo deprauato, turpia dicta & facta procedunt. unde Dominus in Evangelio, ex vitioso corde, furta, latrocinia, adulteria, mendacia, & alia eiusmodi procedere ait.

Venenum aspidum] Ad tria nobis prosunt animalia; ad vitam, quoniam eorum lacte viuimus, & pellibus vestimur, cum similibus: ad artes inueniendas, quoniam artem nauticam nautilus, architectonicam nidi auium, venæ sectionem ceruus, & alia alias artes monstrarunt: & ad exempla vitæ in iis quæ prosequenda sunt & fugienda. vt in Evangelio: Estote prudentes sicut serpentes, & simplices sicut columbæ. & in Psalmis, Nolite fieri sicut equus & mulus, in quibus non est intellectus. Potest addi, quod in sacrificiis veteris legis eorum quoque erat usus.

PSALMVS XIII II.

Titulus. Psalmus Dauid.

Argumentum.

1. **Q**Uærit Dauid, quis in tabernaculo Domini sit habitaturus. 2. Respondet, qui recedens à malo, & faciens bonum, utrūque in cogitatis, dictis & factis circa Deum, se, & proximum circa bona animi, corporis, & eterna, in dando, accipiendo, & faciendo præstat. 3. Et secundum hoc concludit.

1. **D**omine quis habitabit & versabitur in tabernaculo ac tentorio tuo, aut quis requiescet & morabitur in monte sancto tuo?

2. Qui alienus à malo ingreditur & ambulat in lege

lege Domini sine macula peccati, & ornatus virtute, operatur iustitiam.

Qui, inquam, secundum hoc, ad singula porro procedens, loquitur & meditatur veritatē in corde suo intus, qui non egit dolum nec detraxit cuiquam, aut falso accusavit quemquam in lingua sua foris.

Et quantum ad facta attinet, nec fecit proximo suo malum, &, quod magis est, opprobrium non accepit, dum non conuitiatur ipse, nec alios quidem conuitiari patitur aduersus proximos suos.

Sed contrā ad nihilum deductus est in conspectu & oculis eius, & tanquam nullius momenti despicitur, abominabilisq; habetur ab eo malignus ille obrectator & impius, non propria quidem gloria (nam & se quoque praemodestia grauissimum peccatorem estimat) sed honoris Dei causa, & ideo timentes autem Dominum, glorificat, & in summo pretio habet & honore,

Denique qui iurat proximo suo, vouetq; Deo quod pietatis causa corpus suum affliget, & non decipit, nec fallit iusiurandum erga Deum & proximū tametsi dānosum & molestū ei sit, & qui pecuniam suam non dedit ad vlturam, ut proximum fœnore grauet, & munera super innocentem non accepit, ut sordibus corruptus, falso iudicio aut testimonio eū premat, aut etiam iusta sententia liberet.

Qui facit hæc, non mouebitur, nec deiicietur de tabernaculo & monte Domini, sed è contrā firmus & immotus manebit in æternum.

EXPLA-

EXPLANATIO.

Habitabit Ultimum ac summum iustitiæ præmium est, habitare in ciuitate, ipsaque adeò domo Dei: quod illis solum contingit qui hinc describuntur.

Qui iurat] Tres hæc coniunguntur res sacræ: Iusiuran-
dum, mutuum, & iudicium: quæ, cum in illis mala fides,
vel corruptela pecuniaria interuenit, ex factis execrabiles
efficiuntur: nam quo res per se sanctior est, eo, si corruptio
interueniat, fit detestabilior.

Non mouebitur] Quoniam quaternarius numerus, qui numerus iustitiæ est, immobilis est, & ipsa iustitia firma est & immobilis: vnde definitur iustitia constans & perpetua voluntas. & David in Psalmis: Non dabit, inquit, in æternum fluctuationem iusto. Dominus etiam in Evangelio similem illum esse ait domui fundatæ super petram, quâ pluuiæ, venti, & impetus aquarû nō possunt euertere.

PSALMVS XV.

Titulus.

Tituli inscriptio, siue corona aurea, & columna erecta ipsi Dauid, vt decantetur hic Psalmus ad modulos & numeros insignis carminis, cuius initium Michtan, siue aurum, vel aureola, & deliciae.

Argumentum.

1. **O**rans narrat vir sanctus, se bonis beneficiendo, & ab impiis & eorum execrationibus recedendo, Deum sortem hereditatis nactum esse. 2. Quae re gratias illi agit, immortalemque se fore praedicat. Sub persona autem Davidis loquitur hic Christus de vitae suae ratione, & resurrectione à mortuis, quae est corona & aureola totius vitae, passionis & mortis eius.

1. **C**onserua me Domine & custodi me, quoniam speraui in te: ecce dixi Domino, Deus

D

Deus

Deus meus es tu, quoniam tibi ipsi sufficis, & bonorum meorum nō eges, sed contrā, bonum meum non est nisi à te.

Ex quo quidem sanctis, & pietate prestantibus viris, qui sunt in terra eius, & ope humana indigēt, tanquam ipsi simillimis, quicquid possum opis & officij confero, ad quam rem Dominus ipse mirificauit & admirabiliter accendit omnes voluntates meas in eis omni beneuolentia complectendis.

Et è contrario, quantum ad malos & impios attinet, quoniam multiplicatæ sunt infirmitates & vitia atque adeò fūsa idola eorum, & post ea currentes accelerauerunt, colentes & donariis ornantes Deos alienos :

Non congregabo nec intrabo in conuenticula eorum, neque libabo libamina eorum, quæ offerunt de sanguinibus, & cadibus, ac exsecrationibus suis: imò nec memor quidem ero nominū eorum, aut assumam ea per labia mea.

Nam non prada & cades, sed Dominus pars est & portio hæreditatis ac substantiæ meæ, & calicis mei: unde abunde mihi suppetunt, quæ ad vitam, cibumq;, & potum sunt necessaria: tu, inquā, Domine es qui restitues ac sustentabis hæreditatem meam, & dabis inde fructus (mihi) cū tu sis fundus ipse hæreditarius, qui sorte mihi obuenerit.

Equidem funes diuisionis hæreditatis & agri inter me & impios, ceciderunt mihi in præclaris, & locis longè amœnissimis: etenim hæreditas mea præ-
clara

clara & speciosa, omnibusq; modis chara est mihi.

2. Quare benedicam & laudabo Dominum, gratiasque illi agam, qui tribuit mihi intellectum & consilium, ut ipsum pro hereditate eligerem: nam non de die solum, sed insuper & usque ad noctem, & per totam adeo noctem, increpuerunt me, & quasi castigando erudierunt ad pietatem, non dico meliores animi partes, sed & ipsi renes mei, à quibus alioqui varij affectus, & turbulenti animi motus existere solent.

Atque hæc tanta bona mihi contigerunt, quia prouidebam & propositum habebam Dominum in conspectu meo semper, quoniam à dextris est mihi ne commouear, aut aliqua in parte nutem & vacillem.

Et propter hoc primum letatum est cor meum, & exultauit lingua, & se extulit gloria & anima mea, tum insuper & caro mea, cum anima ab ea discedet, requiescet confidenter, & quasi habitabit, suauis somno ac sapore (qui mors iustorum est) circumfusa, in certissima spe resurrectionis.

Quoniam quantum ad priorem partem attinet, non derelinques o Domine animam meam in inferno, quò descendendum mihi est, nec dabis, quantum ad corpus, sanctum tuum, quem in te uno acquiescentem omni beneficentia & misericordia semper complexus es, videre corruptionem.

Sed cōtrà, ad omnia hæc uadēda, notas mihi fecisti uias iustitiæ ac vitæ, per quas redibo à mortuis; eoq;

facto, adimplebis & satiabis me lætitia, omniq; genere gaudiorum, cum vultu tuo, quando conspectū & contemplationem sanctissima faciei tue, mihi ad te ascendenti exhibebis: nam infinita delectationes ac suauitates cum decore coniuncta sunt in te ac dextera tua vsque in finem & perpetuum, quæ est vera immortalitatis corona.

EXPLANATIO.

Tituli inscriptio] Ideo autem hic Psalmus à corona aurea & columna ad perpetuam rei memoriam erecta nomen habet: quoniam est carmen victoriæ Christi contra mortem; qui resurgens & ascendens in cælum, intrauit in voluptatem ac delicias Dei Patris, à quibus & ipsis titulus est Psalmo impositus.

Non egēs] Hoc propriè vnius Dei est, nullius rei indigum esse, & largiri omnia omnibus.

Dominus pars hereditatis] Cùm Dominus sit omnia in omnibus; non potest certiorē substantiam ac hereditatem quis habere quàm Deum. Et meritò conuenit hoc Christo, quia cùm sit Filius, ergo hæres.

Vias viæ] Immortalitatem, lætitiā, conspectum Dei, & perpetuam voluptatem, præmia iustitiæ esse, suprà tactum est: & inde etiā sequitur quòd iustitia, suā naturā perpetua est, pacemq; inducit. de qua re in Euangelio: Beati pacifici, quoniam ipsi Deum videbunt.

PSALMVS XVI.

Titulus. Oratio Dauid.

1. **I**mplorat Dauid auxilium Domini contra vim & insidias Saulis, & aliorum. 2. Enarrans primum innocentiam suam, & opem quam semper habuit à Deo, & adhuc implorat: 3. Et deinde pericula, in quibus circumuentus ab hostibus versatur: 4. A quibus denuo orat vt liberari possit, ponens ob oculos impietatem eorum, & pietatem suam.

1. **E**Xaudi Domine iustitiam, & innocentiam, *iustamq; orationem* (meam,) intende in deprecationem, & vociferationem meam.

Auribus percipe orationem meam, *quàm ad te facio*, non in labiis dolosis, & verbis mendacibus, sed *verè & ex animo sincero ac simplici.*

De vultu tuo *quem iudicem huius cause, quàm cum Saule habeo, facio*, iudicium meum, & sententia quæ in ea reddenda est, prodeat; oculi tui videant, examinentque & expendant æquitatem cause.

2. *Iam enim probasti cor meum, & visitasti me nocte, quando maximè homines indulgere solent cogitationibus, igne calamitatum me examinasti, & excoxisti, sicut argentum quod probatur utrùm purum sit nec ne, & non est inuenta (in me, vlla vel cogitata iniquitas) quantum ad hanc crem qua de agitur attinet.*

Sic vt non transgrediatur & aberret nec loquatur os meum aliud quàm mens ipsa cogitat, secundam communem consuetudinem, & opera vanorum

hominum, à quorum factis cupioquàm maximè esse alienus, propter verba labiorum tuorum, quibus hoc prohibetur: & ideo ego dereliqui viam peccati, quæ facilis est, & custodiui vias virtutis duras, obferuauiq; semitas grassatorũ ac latronum, aliorumq; destructorum, vt ab illis me retraherem.

Ad quod semper urgendum, perface, queso, ac conserua sustentaq; gressus meos in semitis tuis, vt non moueantur pedes, aut labantur, nec aberrant vestigia mea à mandatis tuis.

Quòd quidẽ ego semper petij, & clamaui ob id, & clamo etiam nunc ad te: quoniam semper cùm hoc feci, votis meis respōdisti, & exaudisti me Deus: quare & iam quoque inclina, obsecro, autem tuam mihi, & exaudi verba mea, quæ loquor.

Atque hoc faciens, mirifica, sic vt stupeant omnes, misericordias tuas, & bonitatem tuam, tam longè ab aliis separatam, & supra omnia positam, tu qui manu tua saluos facis sperantes in te, quoties ab aduersariis opprimuntur.

Atque abstrahens misericordias illas tuas, à resistentibus dexteræ & voluntati tuæ, custodi me ab illis non vulgari modo, sed vt pupillā oculi, quæ tanquam filia chara esse solet.

Et vt gallina pullos, sic & tu, sub vmbra alarum tuarum protege & absconde me à facie impiorum qui me afflixerunt ac denastarunt.

3. Iam enim ecce inimici n̄ei, ad auferendam animam & vitam meā circumdederūt me pauperem

rem & egenum, corporeq; infirmum, cum ipsi contrà rerum omnium copia affluentes, adipem suum præ pinguedine per totum corpus diffuderint, in eoq; se quasi concluserūt, atque hoc modo bono fortuna successu elati, os eorum locutum est superbiam, fastumque & arrogantiam.

Proiicientes enim me, & aduersum me incedentes, omnesq; adeò gressus meos & itinera obseruantes, nunc iam circumdederūt, inquam, me, & oculos suos statuerunt, inque hoc intenderunt, ut videant vbinam retia sua potissimum expandant, ut me declinare ac prosternere possint in terram.

Susceperunt, dico, & obseruauerunt mo ad eum modum, ut similitudo eorum sit, sicut leo paratus & inhians ad prædam, & sicut catulus leonis habitans in abditis, uti ex occulto insidietur.

4. Quod quidem cum ita sit, exsurge Domine, & præueni eum, qui princeps est horum omnium, & anteuerte faciem eius, & supplanta, ac incuruatum prosterne eum in terrā, & sic eripe animam meam ab impio illo, & aufer gladium & frameam tuam, quæ nos soles castigare, ab inimicis illis & malis hominibus; quibus uti soles pro instrumēto manus tuæ, & sunt quasi ipse gladius & manus tua.

Atque ita Domine, à paucis de terra, qui piè ac iuste in hoc mundo inter mortales viuentes, pauci admodum sunt numero, diuide impios illos, ac secerne eos: quoniam cum seculo huic, & rebus temporalibus sint addiēti, & quasi in profundum immersi, pars

ipſorum & hereditas non in te eſt, ſed in vita eorum voluptatibus affluente, & de abſconditis tuis & penus tuæ edulis, quibus ſolis delectantur, adimpletus eſt venter eorum, qui ipſorum eſt deus.

Saturati ſunt & reſerti opibus ac deliciis, non ſibi ſolùm, ſed & filiis ſuis, quibus abundantes ampliffimas illas opes ſuas reliquerunt; & quod vel in potiſſima parte felicitatis ponunt, dimiſerunt reliquias ſuas paruulis ac nepotibus ſuis, quibus hoc modo egregiè putant proſpectum, in diuitiis ſuis, non in te ſpem ſuam ponentes.

Quod quidem quàm vanum & inane ſit, nō ignorans, ego autem contrà qui te hereditatem elegi, non in multitudine diuitiarum, ſed in iuſtitia & innocentia apparebo conſpectui tuo, & videbo faciem tuam: ſatiabor non quidem edulis, ſed cū apparuerit & ſe mihi oſtenderit gloria, & vera ſpecies ac forma tua, & expergiſcens à ſomno mortis, exſurrexerit imago & ſimilitudo tua, quam in me circumfero.

EXPLANATIO.

Semitis tuis] Hoc eſt, legibus ac præceptis, in quibus homines ambulantes, iuſtitia Dei participes efficiuntur.

Manus tua] Cū nullum peccatores ipſi uſum de ſe præbeant, ſed omnibus noceant; Deus malum hoc, quoad eius fieri poteſt, in bonum conuertens, vitut malefactorum, in caſtigationem bonorum qui peccarunt; ut reſiſcant vel ipſi, vel alij eorum exemplo.

Satiabor] Quemadmodum enim effectus iuſtitia eſt, videre Deum, ut ſuprà traditum eſt; ita & eiſdem eſt, ple-

nam

nam in Deo satietatē inducere, cū nimirū per Eudociam in Deo quis acquiescit, qui supremus est gradus iustitiæ: Vnde Dominus in Evangelio, Beati qui esuriunt & sitiunt iustitiā, quoniam ipsi saturabuntur.

Cū apparuerit gloria tua] Ostendit hanc societatem tum contingere, cū quis tota mente sua, quæ imago Dei est, exemplari suo Deo penitus adhæret, & de facie ad faciem eum cōtemplatur, quod in hac vita non nisi per umbram, in futura autem demum verē fiet.

PSALMVS XVII.

Titulus.

In finem, *sive ad summum præfectum chori musici, missum carmen*, à puero *sive seruo* Domini David, qui locutus est *ac cecinit* Domino verba cantici huius, in die qua eripuit eum Dominus de manu omnium inimicorum eius, & *præsertim* de manu Saul. Et dixit:

Argumentum.

1. **G**ratias agit Rex Deo, de cunctis hostibus suis ope & auxilio ipsius deletis. 2. Quod quo pacto factum sit, sub magnæ tempestatis specie narrat. 3. Addens è contrā, quantis ipse bonis à Deo fuerit affectus. 4. Et quis qualisque, & quantus ille sit Deus. 5. Cui rursū ad extremum de omnibus suprā dictis gratias agit. Refertur autem mysticē ad Christum.

1. **D**iligam te Domine, fortitudo mea, & *robur meum*, tu Dominus *quasi rupes*, firmamentum meum, & refugium meum, *tanquam arx & propugnaculum*, & liberator meus, qui ab omnibus malis me eripuit.

D 5

Deus

Deus meus, *fortis*, adiutor meus, & *petra mea*, & sperabo in eum, protector meus, *tanquam scutum ad tegendum*; & cornu salutis mee, *ad pugnandum*; & susceptor meus, *ad quem refugiens tanquam ad excelssissimam ac tutissimam arcem & asylum me recipio*.

Laudans, & *debitas gratias agens*, simul inuocabo Dominum, *qui supra cuncta omni laude dignus est*, & ab inimicis meis saluus ero.

Quoniam circumdederunt me dolores, & funes mortis, & torrentes iniquitatis, hominum malignantium & perditissimorum, qui more fluminum rapidissimorum in me ferebantur, conturbauerunt & terruerunt me.

Dolores, *inquam*, & funes inferni, *qui in foueam, & ad mortem hominem trahunt*, circumdederunt me; præoccupauerunt, & *anteuerterunt me laquei mortis*.

Atque ita in summis malis constitutus, in tribulatione & angustia mea inuocaui Dominum, & ad Deum meum clamaui.

Et exaudiuit de *summo celo*, templo (sancto) suo vocem meam, & clamor meus, *quem edideram in conspectu eius, introiuit in aures eius*.

2. *Quod quidem ut ostenderet, & de hostibus meis me vindicaret, ecce commota est continuo, & contremuit terra, præ vi tempestatis futurae, & fundamenta montium conturbata sunt, & commota concussæq; sunt, quoniam iratus est eis, & toti terræ eorum,*

eorum, demonstrans zelum iustitiae suae contra peccata ipsorum.

Ascendit pra calore & concitatione animi, fumus in ira ac furore eius, & vorans ignis à facie & ore eius exarsit, sic ut carbones succensi sunt ab eo, & vapores è terra exhalarint.

Inclinavit ac demisit caelos, quos in nubes induebat, & descendit, & caligo densa sub pedibus eius.

Et ascendit, ut tanquam equo veheretur, super Cherubim, & volavit, volavit, inquã, super pennas siue alas ventorum, qui è nubibus ferebantur.

Et posuit tenebras, quas gravis tempestas pariebat, latibulũ suum, ne ab oculis mortalibus ipse immortalis conficeretur, eratque in circuitu eius tabernaculum eius, nimirum tenebrosa aqua in nubibus aëris, in quibus in calo pendentibus, tanquam in tabernaculo latebat.

Atque ita constitutus, prae fulgore, qui in conspectu eius est (nam inhabitat Dominus lucẽ inaccessibilem, quae propter iram tanto magis tunc emicabat) nubes eius quibus circumfusus erat, transierunt, & summa vi ferebantur contra hostes meos, & cum his grando & carbones ignis, quibus fulminabat.

Et intonuit de cælo Dominus, & altissimus dedit vocem suam, tonitruum, cum qua ferebatur grando, & carbones ignis, & fulguris.

Et, hoc modo, misit sagittas suas, & dissipavit eos, fulgura multiplicavit, alia super alia eiacularans, & conturbavit ac consternavit eos.

Et

Et apparuerunt, *terra motu*, fontes, ac profundissima origines aquarum, & reuelata ac discooperata sunt fundamenta orbis terrarum, quem super fluminibus & aquis Deus fundauit.

Idq; ab increpatione tua Dñe, qua malos illos reprehendisti; & ab inspiratione, ac flatu spiritus & venti iræ tuæ, qua eos in furore tuo castigasti.

3. Atque hac quidem cū aduersus hostes meos perpetrasset, misit Dominus Angelum, & manum suam de summo, & arripiens accepit me; & assumpsit & extraxit me de aquis multis, & vndis calamitatum, in quibus versabar.

Eripuit me de inimicis meis fortissimis, & ab his qui oderunt me, quoniā confortati sunt super me, & me facti erant numero & viribus superiores.

Præuenerunt me, & incautum iam propè obruerant, in die afflictionis meæ: & ecce subito factus est Dominus protector meus, præbens se mihi fulcrum siue sustentaculū & certissimum firmamentum.

Et ex angustiis, in quibus versabar, me eripiens, eduxit me in latitudinem; saluum me fecit, quoniam uoluit & dilexit me.

Et quemadmodum tum fecit, ita etiam in posterum retribuet mihi Dominus secundum iustitiam & bonam animi voluntatem meam, & secundum puritatem manuum mearum, qui in factis meis ab omni iniuria & turpitudine semper abstinui, retribuet mihi.

Quia nimirum custodiui vias & mandata Dñi,
nec

nec impiè gessi aut defeci à Deo meo, *malè de illo sentiens: in quibus duobus vera hominis iustitia consistit.*

Quoniam, inquam, ad hanc iustitiam assequendam, omnia iudicia eius, quibus bonos premio, malos pœna afficit, in conspectu meo semper habui: & iustitias eius ac leges (nam hæc duo, lex & iudicium à iustitia illius procedunt, quibus iubet ea quæ facienda sunt, & prohibet contraria) non repuli nec abieci à me.

Et hoc modo, ero, & versabor semper plenè perfectèq; immaculatus cum eo, & obseruabo me, & cauebo ab iniquitate mea, in qua olim sum versatus, & qua mihi penitus est insita.

Et, sic dico, retribuet mihi Dominus secundùm iustitiam meam, qua bene volui ac feci; & secundùm puritatem manuum mearum, qua ab omni malo abstinui, in conspectu oculorum eius, qui omnia videt ac nouit.

Quæ quidem retributio in eo consistet, quòd tu Domine par pari mihi rependes, & iuxta rectissimũ morem tuum, cum sancto & bono misericordique sanctus & bonus misericorsq; eris, & cum vito innocente & integro innocens & integer eris, talem te faciens & illi prabens, qualis ipse est.

Et secundùm hoc, cum electo & candido electus & candidus eris, & cum præfracto ac tortuose peruerso peruerteris, dum pro meritis ipsius, ex benigno patre, iustus index illi efficieris.

Quoniam

Quoniam iuxta illum ipsum morem, ac consuetudinem tuam, tu populum humilem, ac pauperem spiritu, saluum facies, & extolles, & elatos oculos superborum humiliabis, ac deprimes.

Quoniam, inquam, tu, vita mea innocentiam, & amorem erga te videns, vt id rependus, illuminas gratia tua tanquam Sole, lucernam & intelligentiam meam Domine: vti te cognoscam & colam, ô Deus (meus) illumina quæso etiam tenebras meas, quæ vi turbulentarum affectionum, & calamitatum externarum, meliorem animi partem saepe obscurant, & à sede sua dimouent.

Quoniam id si facias, quemadmodum certò scio te facturum, in te eripiar à tentatione tenebrarum & calamitatum, & frangā acies & cuneos hostium, & expugnans ciuitates eorum, in Deo meo, & in nomine sancto eius transiliam, & transgrediar murū.

4. Ipse Deus meus est, & impolluta via eius, quam mihi prescribit: eloquia & mandata Domini pura sunt, & pura, & ab omni sorde aliena, tanquam ea quæ igne examinata sunt & repurgata, protector & scutum est, omnium sperantiū in se.

Quoniam, quis verè Deus præter Dominum? aut quis Deus fortis & omnipotens, præter Deum nostrum?

Deus verus & omnipotens est, qui instruxit, & quasi præcinxit me fortitudine ac virtute, & posuit immaculatā & perfectā viam & vitā meā.

Qui siue fugiendum, siue hostis insequendus est,
celere-

celeritate instruxit & perfecit pedes meos tanquam ceruorum, & ceruarum, quibus eos aequauit, & super excelsa & prærupta montium meorum, quò me salutis, vel hosti nocendi causa recipere soleo, statuens & firmiter stare faciens me, ne labar.

Qui peritia rei militaris me instruens, docet manus meas ad prælium; & animum viresq; addens posuisti, ac fecisti vt arcum æreum biachia mea; sic vt non solum pro arcu æreo sint, sed & eum ipsum arcum confringam & conteram, si est opus.

Et super hæc omnia dedisti mihi protectionem & scutum salutis tuæ, quo me seruas, & dextera tua suscepit ac suffulsit sustentauitq; me, ne quo modo corruam.

Sed & secundum mansuetudinem animi tui, & benignitatem qua me complecteris, disciplina ac doctrina tua correxit & meliorem reddidit me semper in finem, & porrò etiam ea disciplina tua, ipsa in futurum me docebit, & virtute auctum ac multiplicatum, maiorem ad rem gerendam reddet.

Nam dilatasti, & grandiores fecisti gressus meos subtus me; sic vt sublimior incedere mihi videar quam prius, & tamen non sunt infirmata nec vacillauerunt vestigia & crura mea, vti serè fieri solet, si quis altior quam debet incedat.

Atque ita rebus omnibus paratus & instructus, persequar inimicos meos, & appropinquantes comprehendam illos, & non conuertar retrò, donec omnes illi consumpti ac deleti deficiant.

Confrin-

Confringam ac concidam illos, nec poterunt stare aut resurgere, sed cadent subtus pedes meos.

Nam & præcinxisti me virtute ac robore tanquam gladio ad bellum, prostrauisti & supplantasti hostes insurgentes in me, subtus me.

Et inimicos meos dedisti mihi dorsum, dum terga vertunt, & cernicem præbent, & odientes me disperdidisti.

Clamauerunt pro hominum auxilio, nec erat qui saluos faceret: ad Dominum quoque, & nec ipse exaudiuit eos, aut votis eorum respondit.

Et ita omni ope diuina & humana destitutos comminuam, ac confusos dissipabo eos vt puluerem ante faciem venti, vt lutum platearum delebo ac proteram eos.

Et sic eripies me de contradictionibus populi, qui hætenus aduersum me tumultuatus est, & constitues me in regem & caput multarum gentium.

Etenim populus exterius, quem non cognoui, seruiuit mihi, & in solo auditu auris fama qua de me ferebatur, obediuit mihi, conuenientesque in vnum, ad me se receperunt.

Filij, dico, alieni & extranei mentiti sunt sibi ipsis, & aliis in gratiam meam, mihi, dum scilicet sperata victoria, quam ipsi sibi promiserant, frustrati, pacta quæ inter se habebant, deserere, & mihi vel ultro odedire, si non ex animo, verbis certè præ se ferre coguntur; filij alieni inueterati sunt, & spe sua cadetes, amisso omni vigore animi, emarcuerunt, & despondentes

spondentes animum, claudicauerunt à veteribus semitis, & virtutibus suis; dum vel in intimis penetrabilibus suis, tanquam carceribus, conclusi, ac benemuniti, degentes, tamen trepidant & expauescunt.

Viuit Dominus, qui hac omnia tribuit mihi, & benedictus sit, omnibûsque laudibus cumulatus; Deus meus, qui mihi pro rupe & forti petra est, & exaltetur omnium predicatione Deus, qui Deus est & auctor salutis meæ.

Deus, tu es quidas vindictas mihi, quibus ab hostibus meis me vlciscor, & subdis populos sub me: tu es liberator meus, de inimicis meis grauibus & (iracundis.)

Et ab insurgentibus in me, tu exaltabis me, illisq; me facies superiorem, & à cuncto viro iniquo, qui vim & iniuriam intentat, eripies me.

Propterea confitebor, & cum gratiarum actione celebrabo te, & laudes feram tibi in nationibus per omnes ubique gentes, Domine, & nomini tuo cantans, Psalmum dicam.

Prædicans te illum esse, qui quotidie magnificas est, & mirificè adaugens salutes, & prosperos successus regis eius, quem sibi elegit, & faciens misericordiam, benignitatemq; suam ostendens christo suo Dauid, quem in Regem vnxit, & semini eius vsque in sæculum sempiternum.

EXPLANATIO.

Commota est] Hæc omnia hyperbolicè dicuntur ad vim iræ diuinæ ostendendam, latentque in iis permulta & maxima mysteria.

Super Cherubin] Sunt sancti spiritus, qui semper Deo adsunt, quorum ministerio ipsum usum canit Vates, quem admodum & ventorum; ut tam ea quæ superioris mundi inaspectabilis sunt, quàm inferioris aspectabilis, illi parere intelligatur. Ac cum inter superiora & inferiora sit quedam analogia, quod in superiore regione sunt sancti spiritus, hoc in inferiore sunt flatus & venti.

Posuit tenebras latibulum suum] Est enim Deus non modo supra omnem sensum humanum, sed & supra intellectum positus, sic ut à nobis cognosci non possit, nisi deposito sensu, & intellectu, caliginem eius, quam in circuitu eius esse David canit, cum Moyse intremus.

Retribuet] Hic ordine enumeratur præmia iustitiæ, de quibus non se iactat vir sanctus; sed cum prius præmia in iustitiæ enumerasset, opponit illis præmia iustitiæ, ut contraria iuxta inuicem (ut vulgo dicitur) posita, magis elucescant.

Cum sancto sanctus eris] Qua quisque enim mensura mensus fuerit, eadem remetiatur ei. Sed cum Deus sanctus, innocens & electus dicitur, & item homo: hoc inter utrumque interest, quod ille simpliciter & absolutè, & per se est talis; homo autem per participationem dumtaxat.

Cum peruerso peruerteris] Non modò speciem quãdam præfractionis humanæ, propter iræ magnitudinem præ se ferens, sed & re ipsa se peruertens, non quidẽ humano more à bono ad malum, sed penitus diuino, & abstruso, à benignitate quæ bonis debetur, ad seueritatem quæ malis. Adde pro ut quisque erga Deum affectus est bene vel male, ita & Deum sibi videri amicum vel inimicum.

Illuminas lucernam meam] Lucerna in homine ea pars est, quæ ratione & intelligentia constat, quæ tamen non cernit,

cernit, nisi à Deo illuminetur. nam quemadmodū oculus non nisi in sole, & per solem, & cum sole videt: ita nec mēs nisi in Deo, cum Deo, & per Deum intelligit.

PSALMVS XVIII.

Titulus.

In finem, siue ad summum præfectum chorum-
fici, missus Psalmus Dauid.

Argumentum.

1. **D**emonstrat in hoc suauissimo canticō vir sanctus duobus modis ad Dei ac rerum diuinarum cognitionem nos excitari ac deduci, nempe contemplatione cæli ac siderum per quam à rebus corporalibus ad incorporeales ascenditur: 2. Et cognitione legis ac iustitiæ diuinæ, per quam ab intelligentia ad vitam & mores conformandos descenditur: 3. Addens, quantum vtrumque boni homini adferat, & orans, vt quoad eius fieri potest, id sibi contingat. Mystice regnum Christi & Apostolorum hīc describitur, per quod à rebus aspectabilibus ad inaspectabilia, & ab inaspectabilibus ad Deum ascenditur.

1. **C**æli enarrant gloriam & omnipotentiam Dei: & quam sint opera manuum eius annunciat & ostēdit firmamentum, quod per omnia patet, & tanquam pellis extenditur.

Etenim dies vnus, qui firmamenti conuersione efficitur, diei alteri eructat verbum, dum dies diem abundē omnia docet, & nox vna nocti alteri indicat scientiam rerum diuinarum, dum per numerorum & contrariorum cognitionem, cuius hīc origo naturalis est, animus res separat, ac coniungit, & ad opificem ipsum se attollit.

Non sunt vlla apud mortales loquelæ siue formæ

E 2 loquen-

loquendi, neque sermones verborum, quātumcumque diversi sint, quorū non audiantur voces in sermone eorum, calorū dico & siderum; sic ut ab omnibus intelligantur, quanquam reuera neque loquantur, neque audiantur.

Quoniam dum à cunctis conspicitur pulcherrima illa & ad amussim facta structura, & secundum certam regulam tanquam filum semper progrediens conuersio eorum: reuera dici potest, quod in omnem terram exiuit sonus eorum, & in fines orbis (terre) verba eorum.

Sed & in Sole fabricando, posuit illi Dominus in his ipsis calis tabernaculum suum, & ipse Sol, cum pulcherrimus sit omnium siderum, tanquam sponsus procedens de thalamo suo,

Exultauit letus ut gigas & athleta aliquis robustissimus ad currendam viam, dum manè oriens à summo & extremo cælo egressio est eius.

Et occurfus ac circuitio eius vique ad alterum summum & extremum eius dum vespere occidit, nec est qui se interim abscondat à calore eius, quod omnia viuificantur, & ad fabricatoris ipsius gloriam excitantur.

2. Sed & præter magnifica hæc opera, quæ oculis conspiciuntur, insuper lex est, & doctrina Domini perfecta & immaculata, quæ auribus percipitur, conuertens animas ad cognitionem & admirationem ipsius, & quasi ipsas sibi restituens, quoniam testimonium est Domini firmum & fidele, ostendens &

Deum

Deum esse, & rerum humanarum curam gerere, & sapientiam, quæ in una Dei cognitione consistit, præstans paruulis, qui animo simplici eius ductum sequuntur.

Iusticiæ & mandata Domini recte, non tortuose & contraria sunt, lætificantes corda ad eum amandū, & bene agendum: præceptū Domini clarū & lucidum est, illuminans oculos animi ad intelligendū.

Timor Domini, qui ex legibus illis proficiens, primam hominis iusticiam constituit, sanctus est & mundus ab omni face, & omnino non inconstans & temporarius est, sed permanens in sæculum sæculi; iudicia Domini quæ ad leges exequendas inducta sunt, vera & cum summa ratione coniuncta sunt, & iustificata in semetipsa, per omnes sui partes, & rationes interiores. quod secus est in iudiciis humanis, quæ sæpe aliqua parte iniusta sunt, & exteriori ratione non interiore constant.

3. Et ideo desiderabilia sunt super aurum fulgens, & lapidem qui ex auro obrizo nascitur, preciosum multū, quo in bonis externis nihil est maius, & dulciora super mel & fauum distillantem, quo in rebus ad bona corporis pertinentibus nihil est delicatius.

Etenim seruus tuus eorum præceptis admonitus, & animo illustratus ac edoctus, cum summa solitudine custodit ea, & in custodiendis illis divina retributio est, & merces multa, quæ bona externa & corporis longè superat.

Nā quod aliquis mihi obiiciat, Delicta quis intelligit? ut non errore & ignorantia iuris aut facti saepe labatur, & contra Legem Dei peccet, & consequenter retributione illa careat: certè, quantum ad hoc prius attinet, tu Domine ab occultis peccatis meis, quæ dum committo, ignoro me committere, aut certè peccata esse nescio, munda & purga me; & ab alienis, quæ vi exteriori, aut casu fortuito committo, vel inspiratione diaboli leniter in animo concipio, dum ob iustitiam ipse mihi placeo, eaq; re quodammodo videor superbior, parce, quæso, seruo tuo, & prohibe ne in ea incidat.

Nam sic omnino mihi persuadeo, licet hostes illi exteriores saepe peccatum mihi suggerant, si tamē, te iuvante, mei non fuerint dominati, ita ut sciens prudensq; illis consentiam ac succumbam, quod tunc immaculatus ero, & emundabor à delicto, si non omnino; nam quo pacto id fieri queat? certè ab illo maximo, in quo manifesta prænavigatio Legis tuæ, & plenus in diabolicam illam superbiam consensus inest.

Et sic erunt omnino illo statu res meæ, ut complacent eloquia oris mei foris, & meditatio cordis mei intus, in conspectu tuo (semper.)

Quod ut ita fiat, rogo te, ô Domine, qui in bonis petra mea es & fortitudo, in malis autem adiutor meus; ad liberandum me ab hostibus, & redemptor meus, ad vindicandum me de illis.

EXPLANATIO.

Celi enarrant] Quoniam omnis cognitio à numeris existit: vno nempe per quod ea quæ specie diuersa sunt, in vnum genus coniunguntur, & duobus, per quæ ea quæ genere vna & eadem sunt, in diuersas species deducuntur; horum numerorum cognitio à cæli conuersione capitur, dum dies & nox vnum & duo significant. Et Sol. & reliqua sidera in admirationem hominem rapiunt, & ad Dei fabricatoris contemplationem extollunt.

In Sole] Solis nominatim fit mentio, quoniam solus cum reliquis sideribus comparatur, & claritate omnia superat. Et quidem quod in mundo aspectabili est Sol respectu siderum, hoc in mundo intelligibili est Iustitia, respectu reliquarum virtutum, quas vna omnes in se continet, & fulgore suo longè excedit.

Lex] Per hanc tanquam medium instrumentum homo ad Solem iustitiæ conuertitur, quæ dat lumen sapientiæ in animo, quod intelligentiæ est; & sanctum timorē Domini, qui volūtatis; & lætitiâ, quæ memoriæ. Nomina eius, quæ hic ponuntur, sunt Lex, quod nomen generale est: testimoniū quia Dei voluntatem nobis testatur: iustitia, quia res iustas describit: præceptum, quia iubet ea quæ faciēda, & prohibet contraria: iudicium, quia pœna malè facientibus, præmia bene facientibus proponit. Potest etiam dici, cum Legis nomen generale sit, & testimoniij vocabulum Epitheton eius generale: iustitiam superiorem partem, hoc est; proœmium esse legis: præceptū mediam partem, quæ constitutionem ipsam continet: & iudicium infimam, quæ sanctionem pœnarum, & exhortationē præmiorum; vnde retributio multa in ea custodiēda esse dicitur. Porro Epitheta quæ Legi Dei hic tribuuntur, & vim eius, & effectum naturamque ostendunt, & ab humana eam distinguunt.

PSALMVS XIX.

Titulus.

In finem, *sive* ad summum præfectum chori musici, missus Psalmus Dauid.

Argumentum.

1. **I**ntroducitur rex populum pro se orātem, qui tum quidem ipsum alloquitur, omniaque ei bona à Deo optat: 2. Tum autem ad Deum paulatim se conuertit, eiusque prædium (sperata humana ope) implorat.

1. **E**xaudiat te, ô Rex, & respondeat votis tuis Dominus in die tribulationis & angustia, protegat & eleuet muniâtque te nomen & maiestas Dei Iacob.

Mittat tibi auxilium de templo sancto suo, & de arce Sion tueatur ac suffulciat te.

Memor sit omnis muneris & sacrificij tui, sic ut odor eius in nares ipsius adscendat, & holocaustum tuum pingue fiat & optimum, sicut gratum id sibi esse Dominus ostendens, igne de calo misso, in cinerem hoc conuertat. Eia eia Sela, efferāmus vocem altiūs.

Tribuat tibi Deus, secundum cor tuum, & omne consilium tuum confirmet & impleat.

Quod videntes lætabimur nos populus tuus in salutari tuo, quod tibi præstabit, & in nomine Dei nostri vexilla extollentes in signū victoriæ magnificabimur.

Impleat, dico, Dominus omnes petitiones tuas:

. iam

iam nunc enim saepe cognoui, quoniam saluum fecit Dominus regem christum vinctum suum, pro quo nos populus eius oramus.

2. *Ergo & nunc exaudiat illum de cælo sancto suo, & in viribus ac potentatibus ipsius sit illi salus, quæ procedat à fortitudine dexteræ eius.*

Hi enim in curribus suis fidunt, & hi in equis: nos autem in nomine Domini Dei nostri spem omnem reponentes, eius semper recordabimur, & inuocabimus eum.

Et ob id ipsi capti ab hostibus vincti compedibus, & obligati sunt, & succumbentes, in prælio ceciderunt: nos autem surreximus ac perstitimus firmiter, & sumentes robur, erecti sumus super hostem nostrum.

Quod quidem cum ita sit de præterito, & nunc in præsentem, O Domine saluum fac regem nostrum; & quantum ad futurum, exaudi nos semper in die qua inuocauerimus te, rogantes te verum regem ac principem nostrum, pro eo qui vices tuas gerit.

EXPLANATIO.

Christum] Ita rex vocatur ab vñctione, vt suprà tactum est, quæ regibus adhiberi solet. Nam vti vinum ab inferioribus ad superiora hominem excitat, ita oleum à superioribus ad inferiora gratiam Dei deducit.

PSALMVS XX.

Titulus.

In finem, siue ad summum præfectum chori musici, missus Psalmus Dauid.

Argumentum.

1. Introducit & hic Rex populum loquentem, qui pro felici regis successu Deo gratias agit. 2. Et deinde ad ipsum regem se conuertit, omnia bona illi optans. 3. Quod ut ita fieri possit, ad extremum Deo supplicat. Tam hic quam superior Psalmus de Christo quoque accipitur: pro quo Ecclesia in superiore rogat, in hoc autem Deo gratias agit.

1. **D**omine in virtute ac fortitudine tua, quam illi dabis, lætabitur rex, & super salutare tuum quod inde sequetur (exultabit) vehementer.

Desiderium cordis eius tribuisti ei, & voluntate labiorum eius, ut nimirum quod corde desideraret, ore proferret, non prohibuisti, nec fraudasti eum, sed dedisti omne quod postulauit. Eia eia Sela tollamus vocem altius.

Quoniam, quod amplius est, præuenisti eum, antequam peteret, in benedictionibus & beneficiis dulcedinis ac bonitatis tue, posuisti in capite eius coronam auream, & de obrizo & lapide pretioso.

Vitam petiit à te ad resurgendum à mortuis, & dedisti ei longitudinem dierum post resurrectionem, & dedisti æternam beatitudinem in sæculum, & in sæculum sæculi.

Magna est gloria eius in salutare tuo, quod in eis tribuis;

tribuis: gloriam ac honorem & (magnum) decorem splendoremq³, impones super eum.

Quoniam dabis ac pones eum in benedictionem in sæculum sæculi, dum immortalibus beneficiis tuis cumulat^{us}, quasi exemplar erit aliis tuarum benedictionum; qui & beatum eum predicabūt, & inter se simile optabunt: laudificabis eum in gaudio cum vultu tuo, quē illi clarē videndū ostendes.

Quod quidem illi contingeret, quoniam rex sperat ac confidit in Domino, & ob id in misericordia ac bonitate Altissimi, qui sperantes in se complectitur, non commouebitur, nec decidet spe sua.

2. Hæc cum ita se habeant, inueniatur, d rex, & sit sufficiens manus tua omnibus inimicis tuis, ad perdendum eos: dextera tua inueniat & sufficiat aduersum omnes qui te oderunt.

Quod cum fiet, pones & efficies eos vt clibanum ignis: nam sic aestuabunt præ metu ac terrore in tempore irascētis vultus tui: Dominus qui tibi assistit, in iusta ira sua conturbabit ac dispellet eos, & deuorabit eos ignis de calo missus.

Fructum eorum de terra perdes, vastatis agris illorum; & semē prolium eorum à filiis hominum exterminabis, sic vt nulla stirps eorum inter mortales remaneat.

Quoniam enim ipsi malè tibi volentes in hoc declinauerunt, vt struerent in te mala: varia inter se cogitauerunt, & scelestæ consilia, sed quæ non potuerunt nec pōterunt stabilire nec perficere.

Quoniam

Quoniam *vel primo statim impetu*, tu pones cos dorsum, sic *ut dissipati terga vertant*, & si qui iterum se tibi obiciunt, in reliquiis tuis arcum & nervorum quibus arcus intenduntur, qui post primam pugnam adhuc supererunt, præparabis & impones sagittas, & dirigeseas in vultum eorum.

3. *Quæ quidem ut ita fiant, exsurge quasi*, & exaltare Domine in virtute ac fortitudine tua: & cum hoc facies, cantabimus & celebrantes psalle-
mus virtutes tuas, & fortia facta tua, quibus præ
cunctis præuales.

EXPLANATIO.

Domine] Præter cætera, etiam quæ virtutis & iustitiæ præmia sunt, & è contrâ, quæ peccati & iniustitiæ, pulcher-
timè in hoc Psalmo describitur.

PSALMVS XXI.

Titulus.

In finem, siue ad summum præfectum chori musici,
ut ad modos cantilenæ, quæ est pro sine de susceptio-
ne ac venatione matutina in aurora, cernæ, quæ
prius iâ indagata erat, cætetur hic Psalmus David.

Argumentum.

1. **D**Auid tum quidem occasione calamitatum suarum, tum
verò maxime personam Christi in cruce pendentis induens,
Deum ardentissimis verbis precatur, primum desperanti similis:

2. Deinde ad orandum se conuertens, & enumerans in quantis
malis sit constitutus: 3. Tum quid post liberationem à malo, &
resurrectionem, tam ipse quàm alij, circa laudes Dei prædicandas
facturi sint, cum iterata oratione commemorans.

1. **D**Eus meus, Deus meus (respice in me)
quare me dereliquisti? etenim, ut video,
longè

longè adhuc à salute mea, quæ tantopere tardat, absunt verba hac rugitus mei, quantumvis intenta, & quàm presentissimam liberationem postulantia, à pœnis delictorum meorum, quas, totam hanc gentem peccatricem ego solus representans, suffero.

O Deus meus, clamabo per totum diem, & tamē, quantum, inquam, video, non exaudies, nec respondebis mihi, sed & tota nocte clamabo, & non erit silētium, etiamsi ad insipientiam vsq; clamandum sit mihi, & nihilo magis proficiam.

Et tamen tu autem Domine, quantumvis durus nunc mihi sis, tu, inquam, ille es, qui in sancto hoc loco habitas, & ab omnibus malis semper nos liberare soles; tu, dico, es laus Israël, auctor eorum omnium à quibus populus Israëliticus tantopere laudatur, & ille ipse quē populus Israëliticus ob beneficia accepta omnibus semper laudibus extollit, in quibus tanquam medius sedes & inhabitas.

Nam in te semper sperauerunt & confisi sunt patres nostri, sperauerūt, inquam, & liberaſti eos.

Ad te clamauerunt, & erepti è malis, salui facti sunt, in te fidentes sperauerunt, & non sunt confusi, nec pudore affecti.

Quæ omnia ego autem planè contraria in me experior, sum enim vermis, & nō homo, opprobrium & fabula hominū, & abiectio ac contēptio plebis.

Omnes videntes me deriserunt & subsannauerunt me, locuti sunt distentis labijs, & mouerunt caput.

Sperauit

Sperauit, inquit, in Dño, & retulit ad eum omnes res suas: eripiat igitur eum, saluū faciat eū, quoniam tantopere vult, ut dicat, & amat eum.

2. Verūm hæc, Deus, quantumuis acerba sint, & desperationis plena, nō tamē possum omittere quin ad te denuo confugiā, & auxiliū tuum implorem, quoniam tu utique es qui extraxisti me de vētre, quique es spes mea, iam inde ab vberibus matris meę, quibus me sustentabas: nam in te tanquam expositius proiectus sum, simul ac egressus sum ex utero, ut quemadmodū ibi prius, nunc in te sim ac viuā.

Imo de ventre matris meę, cū adhuc in eo clusus haberer, Deus meus es tu, quod quidem cū ita sit, ne, quæso, nunc, tempore hoc tam necessario discesseris, neque elonges te à me.

Quoniam post tot mala in quibus versor, iam summa tribulatio, & vltima angustia proxima est, quoniam, inquam, non est qui adiuuet.

Ecce enim circumdederunt me vituli, & tauri multi inimici mei, tauri, dico, pingues & prauales ferocesq̃, quales in pascuis Basan nutriuntur, obsederunt, & instar corona cinxerunt me.

Aperuerunt super me os suum ad me deuorandum, sicut leo rapiens & rugiens, qui iam praeda inhiat.

Sicut aqua effusus sum, sanguine & sudore totus disfluens, & dispersa ac soluta dissociataq̃ sunt omnia ossa mea.

Factum est cor meum, præ animi deliquio, tanquam

quam cera liquefcens in prae cordiis & inteftinis,
ipſoq; medio ventris mei.

Aruit tanquam teſta ſigulina ad Solem poſita,
 omnis vigor & virtus mea, deficiente humido vitali;
 & lingua mea, pra extrema ſiti, adhæſit faucibus
 meis; & deniq; in totum me derelinquens, in pulue-
 rem mortis deduxiſti me, dum reddendo ſpiritus,
 non aliud reſtat, quàm vt corpus humo tegatur.

Quoniam circumdederunt me canes (multi)
 rabidi inimici mei: concilium peſſimorum & mali-
 gnantium, qui etiam rectiſſimè facta, peſſimè inter-
 pretantur, obſedit & cinxit me.

Foderunt & clavis tranſfixerunt manus meas
 & pedes meos, dinumerauerunt omnia oſſa mea,
 rigide diſtenta ac diſtracta.

Ipfî verò, in his grauiffimis doloribus meis, tamen
 cum voluptate quadam hæc conſiderauerunt, &
 ſubſannantes toruùm inſpexerunt me: diuiſerunt
 ſibi veſtimenta mea exteriora, quibus me exuerāt,
 ne quicquam reliqui maneret, & ſuper veſtē meam
 internam miſerūt ſortem, in quemnam ea caderet.

3. Hæc tu autem Domine videns, ne te, que ſo-
 elongaueris, vt dixi, nec auxilium tuum à me: tu,
 qui fortitudo mea es, & robur meum, ad defenſio-
 nem & opem meam conſpice ac feſtina.

Erue à framea (Deus) animam meam, ne gla-
 dio iētus peream, & de manu canis, rabioſiq; ini-
 mici mei, vnicam illam caleſtem mentem meam,
 qua in domo carnis lutea habitans ſine te ſo-
 litaria,

litaria, & omni ope destituta est.

Salua me ex ore leonis rugientis, & à cornibus indomitorum vnicornium; nam tales sunt omnes inimici mei; exaudi me, & respōde votis meis, ut eripias humilitatem meam, qui ad infimam vilitatem sum redactus.

Quod ubi feceris, & à morte ad vitam me renoueris, narrabo maiestatem ac nomen tuum fratribus meis, qui semibi adiunxerunt; in medio Ecclesiæ, & congregationis populi, laudabo te.

Dicam, ô vos qui timetis Dominum, eumq; reueremini, laudate eum; omne semen Iacob, qui non tam carnis, quàm spiritus eius successores estis, glorificate eum.

Timeat & reuerenter colat eum omne semen Israel; quoniam non spreuit neque abominatus est ac despexit deprecationem pauperis afflicti, nec humilitatem & vilitatem ipsius.

Nec auertit aut auertet faciem suam à me, ut multi solent cum aliquem miserum & oppressum videt; & quod magis est, cum clamarem ad eum, exaudiuit me.

Apud te est Domine, & à te proficiscitur laus mea, qui summis beneficiis tuis causam mihi das, ut te laudem ac predicem in Ecclesia magna; vota mea, que pro salute promisi, reddam ac persoluam in conspectu timentium eum.

Edent de pane meo, quem ego illis dabo, pauperes spiritu, qui esuriunt & sitiunt iustitiam, & saturabuntur,

buntur, (&) laudabunt Dominum omnes qui requirunt eum; viuent corda eorum de pane illo, perpetuo, in sæculum sæculi.

Predicatione mea admoniti homines, qui in terra obliuionis degunt, reminiscantur Dei conditoris, & antiqui status sui, vnde exciderunt: & cōuertentur ad Dominum omnes fines terræ.

Et adorabunt eum, prosterneutes se in conspectu eius, vniuersæ familiæ gentium.

Quoniam reuera vnus Domini est regnum, & ob id meritò ipse dominabitur gentium.

Quin iam nunc sacrificantes manducauerunt coram illo de hostiis suis, & adorauerūt eum omnes quicunque sunt pingues ac potētes, & principes terræ, in conspectu eius incuruabūt se, & cadent, prostrati in genua honoris exhibendi causa, omnes qui à Deo creati descendunt in hanc terram, & post mortui puluere obruuntur.

Et quidem dum nemo eorum per se animam suam in vita conseruare aut viuificare potest, anima mea, quamuis ad inferos descenderit, illi viuet, & semen meum, eorum qui in me regenerati erunt, & ad me nomenq; meum se conuerterunt, seruiet ipsi.

Atque hoc modo annunciabitur Domino, & quasi annumerabitur ei generatio illa ventura, in qua vera religionis professio fiet, & porrò ipsi qui de illa erunt generatione, annuntiabunt, & vna cum iis (cæli) quoque ipsi predicabunt iustitiam eius, propterea quod secundum promissa me de mortuis

resuscitarit, alij populo qui postea nascetur, quem iam apud animum suum fecit Dominus qui indicat iustitiam.

EXPLANATIO.

Pro susceptione matutina] Ideo venationis ceruę hęc fit mētio, quia quemadmodū cerua à canibus (à quibus etiam post oblectum se Dominus quēritur,) ita Christus in passione sua à Iudæis dilaniatus fuit à summo mane vsque ad vespēram. Describiturque ad eum modum hęc passio Domini in cruce, vt res non narrari, sed agi videatur.

In te] Quemadmodum infans in ventre matris corporaliter; ita vir bonus & iustus ob innocentiam infanti similis, in Deo viuīt spiritualiter.

Vnicam meam] Ita vocat nobilissimam illam sui partem, quę, reliquis morientibus, sola est immortalis.

PSALMVS XXII.

Titulus. Psalmus Dauid.

Argumentum.

2. **G**ratulatur sibi vir sanctus dē Dei erga se beneficiis, à quo tanquam pastore suo, omnibus corporis & animi bonis se autum ait, 2. Et contra hostes defensum. 3. Et tandem fore, vt perpetua vita cum eo fruatur. Est quoque hęc gratulatio Ecclesię de beneficiis à Christo vero pastore acceptis.

1. **D**ominus pastor meus regit & pascit me, & ideo nihil mihi deerit, in loco enim pascuę ubi herbarum ad cibum uber prouentus est, ibi me collocauit, & me fecit accubare.

Et quantum ad potum attinet, super aquam refectionis,

fectionis, *quæ placidè suauiterq³ fluit*, educauit ac deduxit me, & animam meam *his rebus reficiens* conuertit, meq³ mihi restituit.

Quin præter corporis & vitæ bona quæ contulit, deduxit me quoque super semitas iustitiæ, & viam mandatorum suorum; idq³ non alia de re, quàm propter nomen suum bonitatis & misericordiæ, vt facta nomini conueniant.

2. Sed & ampliùs in me contulit: nam etsi ambulauero in ima valle & quasi medio vmbre mortis, vbi cuncta mortem minitari, eiusq³ imaginem præ se ferre videntur, non timebo mala, quoniam tu mecum es.

Virga enim tua, qua nocentes auertis; & pedum ac baculus tuus, quo me dirigis ac sustentas, ipsa me consolata sunt, & certissimam præbent fiduciam, ne quid sit timendum.

Quin non solum non timebo hostes, sed & instruēs ante me aciem, parasti in conspectu meo mensam, qua me recreem, vel in ipsis oculis inimicorum meorum, & aduersus eos qui tribulant & in angustias cogunt me, vt ringantur ac doleant.

Insuper dum ad mensam sedeo, ne quid mihi non ad necessitatem modò, sed nec ad voluptatē, desit; non dico, vnxiſti, verùm penitus impinguaſti in oleo caput meum: & præter hac, calix meus saturans me, & hilaritate quasi inebrians, quàm præclarus bonisq³ est & abundans, & ad summum vsque plenus.

3. Et ultra hac, quod omnium maximum est,

bonitas ad benefaciendum, & misericordia tua ad parciendum mihi, sublequetur me omnibus diebus vitæ meæ.

Et id omne, vi cursu vitæ peracto, tandem apud superos inhabitem, & acquiescam in domo Domini in longitudinem dierum, qui nunquā finientur.

EXPLANATIO.

Vmbra mortis] Quoniam mundus partim superælesti regione constat, quæ tota lucida est, & vitæ plenæ; partim ad spectabili, ubi lucis & tenebrarum, vitæq; & mortis sunt vicissitudines; partim sub terrestri, tota tenebrosa & mortis plena: ideo vmbra & mors inter se coniunguntur. Vnde in cantico Zachariæ: Illuminare his qui in tenebris & in vmbra mortis, sedent.

In oleo, inebrians] Oleum & vinum, non solum naturaliter duo sunt liquores præstâtissimi, illud foris ad membra roboranda, & hoc intus ad sanitatem: sed & supernaturaliter, diuina quadam ratione, ut antea diximus. Nam quemadmodum per oleum gratia Dei à superis ad inferiora deducitur; ita per vinum inferiora, hoc est, cogitationes humanæ, ad supera euehuntur. & hæc est diuina illa ebrietas, quam mysticus Christi calix noui Testamenti, & rerum diuinarum contemplatio inducit.

PSALMVVS XXIII.

Titulus.

Psalmus Dauid de (prima die Sabbathi) Paschalis.

Argumentum.

1. Docet Vates, vnus Dei esse omnia quæ sunt: 2. Quo quidem qui frui velit, innocens manibus & mundo corde ut sit necesse est, quæ est vera generatio filiorum Iacob. 3. Ad quos se conuertēs
Propheta,

Propheta, portas ipsos suas aperire iubet, ad Christum regem, qui solus innocens est, recipiendam, ipsumque, deusculo diabolo, à mortuis resuscitatum, in cæli ascendente, sequendum, ut in eo tanquam sanctissimo Sabbatho conquiescant.

1. **D**omini est terra, & plenitudo eius, rerum omnium quæ in ea exstant: ipse est orbis terrarum & vniuersi homines qui habitant in eo.

Quia ipse super maria, quibus quasi innatare videtur, fundauit eum, & super flumina, quibus distinguitur & irrigatur, preparauit ac stabiluit eum.

2. Cuius quidem tanti opificis fraudandi causa, Quis ascendet in montem Domini, ubi templum ei est, aut quis stabit in loco sancto eius, ubi requiescit?

Certè non quis, sed qui innocens est manibus, quantum ad facta exteriora attinet, & mundo corde: quantum ad interiora: & qui non accepit nec extulit in vano ad res futiles & inanes animam suam, sed contra omnibus virtutibus eam ornauit, nec frustra nomen Domini & animam eius in os accipiens, iurauit in dolo, ut periurio fraudem strueret (proximo suo,) sic ut neque dicto, neque facto, neque cogitato, peccet erga Deum, se, vel proximum.

Qualis quidem qui est (hic accipiet) benedictionem, & rerum omnium prosperam successum à Domino, & misericordiā ac iustitiam cum equitate coniunctam à Deo salutari suo, qui cum omni bonitate complectetur, omniaque iusta illi præbeat, atque adeò iustum ipsum efficiet.

Hæc enim est generatio hominum quærentium cum, quærentium, inquam, faciem Dei Iacob.

nam qui te verè colit, Domine, solus populus Jacob est; & tu Jacob solus es, qui Deum verè colis. Eia eia Sela.

3. Vt igitur id verè facere possitis, attollite, & altiores capacioresq̃, facite portas, ô principes Israel, vestras, & vos portæ summi templi eleuate capita vestra; eleuamini, inquam, & in totum aperimini vos portæ æternales, per quas in eum locum est aditus, ubi perpetuò Dominus commoratur, & introibit eò magnus & inclytus ille Rex gloriæ; ut cum Deo commoretur, & in eius Sabbatho conquiescat, ipse, & totus exercitus eius.

De quo quidem quòd queritis: Quis est iste Rex gloriæ? respondeo: Dominus fortis & potens, Dominus potens in prælio, qui morte & resurrectione sua omnes hostes suos fregit ac vicit.

Igitur iterum dico: eleuate portas, ô principes, vestras, & vos portæ templi Israëlitiçi, eleuate capita vestra; eleuamini, dico, portæ æternales, ubi diuina est sempiternitas, & introibit verus ille Rex gloriæ diuina, & honor domus Israëlitiçe.

De quo si iterum queritis: Quis est iste Rex, quis iste rex gloriæ? respondeo denuo: Dominus virtutum ac fortitudinum, cui omnes parent exercitus caelestes ac terrestres, ipse est Rex gloriæ. Eia eia triumphæ Sela.

EXPLANATIO.

Prima Sabbathi] Sic inscribitur hic Psalmus, quoniam agit de vero Sabbatho Christo, in quo vno homo iustificatur ac quiescit: describitque Vates primò ipsum rerum omnium opificem Deum; deinde quo pacto ad eum perueniri possit, nempe per vitæ innocentiam; tum quo modo quis possit esse innocens, nimirum in vno Christo.

Portas principes vestras, porta aternales] Quatenus principes Vates alloquitur, vt portas suas aperiant; homines hortatur, vt animi sui sensa aperiant, ad Christum recipiendum, per quem solum innocētia, qua opus est vt ad Deum ascendatur, acquiritur. quatenus autem ipsas portas; ad cælum se conuertit, vt Christum victorem ab inferis redeuntem recipiant.

PSALMVS XXIIII.

Titulus.

Dauid, siue in finem, hoc est, ad summum præfectum chori musici, cantandus missus hic Psalmus Dauid.

Argumentum.

1. **P**recatur Deum ne ab hostibus superetur ac irrideatur: 2. Et vt à peccatis liberetur: 3. Narrans omnes vras Domini, veritatem esse in seruandis promissis suis, & misericordiam in condonandis peccatis aliorum. 4. Quare rursum precatur, vt à peccatis & hostibus liberari possit ipse, & totus populus Israël.

1. **A**D te Domine leuavi animam meã, Deus meus in te confido, non permittas, obsecro, vt pudore affectus erubescam, quemadmodum nec faciam.

Neque irrideant me inimici mei, aut latentur super me, quasi superiores exstiterint: etenim vni-

uerſi qui ſuſtinent & ſidunt in te, auxilium tuum exſpectantes, non confundetur pudore, nec fruſtrabuntur exſpectatione ſua.

Imò verò confundantur, & deſtituti exſpectatione ſua pudeſcant omnes iniqua agentes, & qui legi tuæ fraudē facientes, eam præuaticantur, non opinionis errore, ut ſit, aut cupiditate, & infirmitate aliqua, ſed ſola malitia, & penitus ſuperuacue ſine quâ vlla vel putatiua cauſa.

2. Quod ne mihi contingat, nèue vel aliquo modo à mandatis tuis recedam, vias tuas Domine maiores, quibus ad te itur, & per quas viſ ut ambulemus, demonſtra & potas fac mihi, & ſemitas tuas, etiam minorum legum tuarum ne quidquam mihi deſit edoce me: ut tum quidem ſciam ea que faciendæ ſunt, tum autem que non omittenda.

Quinimo non ſolùm demonſtrādo intelligentiam meam inſtrue, ſed & reipſa, manu me præhendēs, dirige voluntatem meam, & deduc, & aſſueſc me fideliter ut ſoles, ita ut ambulem in lege ac veritate tua, & ſic plenè perfectèq; doce me, quia tu es Deus ſaluator meus, & ea re fretus, te ſuſtinui & exſpectaui tota die.

Scio equidem me his tantis beneficiis ob grauiffima peccata mea, indignum eſſe: ſed tu, quaſo, remiſcere non ſeueritatis inſtitia, ſed bonitatis & miſerationum tuarum Domine, & benignitatum ac miſericordiarum tuarum quæ à ſeculo ſunt in te, & quibus tu ſemper es uſus.

Delicta

Delicta iuventutis meae, in vita & moribus, & ignorantias meas ac errores, & qua inde secuta sunt transgressiones, ne, quaeso, pro iniustitia tua memineris.

Sed secundum misericordiam tuam memento mei, qui ad tuam imaginem factus sum, tu, idque propter bonitatem tuam, unde illa effluit o Dñe.

3. Enimvero hac duo habet, quod dulcis bonusq; & rectus, iustusq; est Dominus: & propter hoc misertus peccatorum, quod bonitatis est, legem dabit delinquentibus per ignorantiam, & docebit eos quo pacto rectè hic ambulare debeant in via virtutis, quod est iustitia.

Sed & re ipsa diriget ac deducet mansuetos, qui commonstrantibus faciles se praebeant in iudicio, ut qua iusta sunt exequantur: & docebit mites ac humiles (nam in cor maleuolum non intrat sapientia) vias suas, ut legem eius norint & intelligant, ei que assuescant.

Etenim vniuersae viae Domini, quibus ipse nobis praeit, & vult ut ipsi insistamus, sunt bonitas & misericordia erga alios, & veritas ac iustitia in propriis dictis ac factis; qua duo semper ipse praestat omnibus requirerentibus testamentum, & custodientibus pactum ac foedus legis eius, quod cum hominibus fecit, & testimonia praeceptorum eius, quibus suam voluntatem est testificatus.

Et ideo non dubito, quin propter nomen tuum Domine, ut facta tua cum eo congruant (nam bonus diceris & misericors) propitiaberis, ut dixi, &

parces peccato meo: nam ut ipse id eluam, nequaquam sufficio; nimis multum est enim.

Quinimo si quis est homo quantumcunque ille antè peccauerit, qui timet Dominum, & eius misericordiam auxiliumq; implorat, nihil est dubium quin legem statuit ei, & docebit eum quo pacto rectè progredi & gerere se debeat in instituto vita, & via, quam ipse vel potius Dominus pro ipso elegit.

Et sic anima eius in bonis & rerum omnium prospero successu demorabitur, & quasi securè dormiēs, tota nocte quiescet, & semen eius continua posteritatis successionē hæreditabit terram.

Nam firmamentum est Dominus, & arcanum eius intelligitur à timentibus eum, & testamentum ac fœdus legis ipsius vult & facit ut manifestetur illis.

Quod cū ita se habeat, oculi quoque mei semper ad Dominum intenti sunt, quoniam ipse proculdubio euellet & extrahet de reti & laqueo pedes meos.

4. Ad quod efficiendum, conuertens te, respice in me, quæso, Domine, & miserere mei: quia omni ope destitutus, solus, & vnicus, & pauper sum ego.

Tribulationes & angustia cordis mei multiplicatæ sunt, & longè latèq; se sparserunt, de necessitatibus & angustis meis educ & erue me.

Vide afflictionem & humilitatem meam, & laborem meum, & aufer à me ac dimitte vniuersa delicta erratæque mea.

Et è contrà, respice inimicos meos, quoniam multiplicati sunt, & odio iniquo capitaliter & sceleratè oderunt me.

A quibus custodi, obsecro, animam & vitam meam, & erue ac libera me de manibus eorum: non confundar, rogo te, pudore, nec erubescam ob id, quoniam speravi in te.

Sanè quia innocentes à malo & recti in bono semper adhæserunt mihi, vidētes innocentiam meam; non dubito quin ea res, ipsaq; adeò simplicitas & innocentia, rectitudoq; & aq̃uitas custodient me: quia secundum hoc sustinui & exspectavi semper cum patientia sperans in te Domine.

Quare libera me, queso, Deus, unaq; populum tuum Israël, cui me regem præposuisti, innocentesq; illos & rectos erue ex omnibus tribulationibus & angustiis suis, in quibus ob persecutiones quas patior, versantur.

EXPLANATIO.

Ad te Domine] Singuli versus huius Psalmi à singulis literis Alphabeti Hebraici incipiunt: quod signum est de Lege Domini eam agere, nam literæ Legis sunt hieroglyphicum: quoniam Lex ipsum Dei est verbum, quod literis constar.

Misericordia & veritas] Hæc duo frequentissimè in Psalmis coniunguntur: quoniam neq; iudiciū debet esse sine misericordia, neque zelus sine scientia, sed tanquam vinū & oleum semper cōiungi, vnde Christus plenus dicitur gratiæ & veritatis. Et est animaduersione dignum, cum misericordiæ & veritatis frequēs in Psalmis, vt dico, coniunctim sit mentio, semper misericordiā priore, veritatem posteriore

posteriore loco poni, vno dumtaxat versu excepto. Ac est quidem misericordia iustitiæ; veritas prudentiæ, misericordia benignitatis; iustitia rectitudinis: misericordia condonare aliis; veritas, sua promissa præstare.

Israhël] Regis ac principis est, non pro se tantum, sed & pro toto populo suo orare, cui tanquam pastor præest.

PSALMVS XXV.

Titulus.

Dauid, sine in finem, hoc est, ad summum præfectum chori musici cantandus missus Psalmus Dauid.

Argumentum.

1. **F**alsa criminibus ab hostibus impetrus Dauid, Deum inuocat iustem ac iudicem: 2. Dicens vniue illum inueniunt, quam amans iusti & recti, & à facinoroso (orū hominū cōsuetudine alienus sit. 3. Quare vt ab eorum persequutione liberari possit, orat.

1. **I**udica me Domine, & cognosce me, ac vias meas, quoniam ego vtrique in innocentia ac simplicitate mea, semper ambulavi & ingressus sum: & in Domino sperans, quod in eo vite cursu me conseruabit, non infirmabor, nec deficiam, aut vacillabo.

Imò amplius, proba me Domine, & tenta me, vte, & tanquam metallum fundendo & excoquendo explora renes meos, in quibus inferior & imbecillior pars animi inest, & cor meum, in quo superior & robustior.

2. Quoniam vtrique inuenies quod misericordia & bonitas tua, qua me & omnes mortales afficis, ante oculos meos est, vt eo nomine gratias tibi agā,
&

& ipse te imitando idem faciam, & complacui ac delectatus sum, & sequens vestigia tua, reipsa ambulavi in lege ac veritate tua, secundum quam dicta & promissa rectissime prestas.

Non fedi cum concilio nec interfui congregationi eorum hominum qui vanitatis & mendacii vias in sermone suo persequuntur, & cum iniqua gerentibus, qui superbia & fastu olati seorsim ab aliis vivunt, aut callidi & verfuti se occultant, ut alios decipiant, vel denique ob malefactorum conscientiam in publicum prodire non audent; cum his, inquam, non introibo, tantum abest ut consensu eorum cor meum interficiam.

Imò quod plus est, Odiui catum & ecclesiam malignantium, qui ore maledicentes omnia in pessimam partem interpretantur, & cum impiis, qui factum male agentes, nulla certa lege vivunt, non sedebo.

Sed contrà, lauabo inter innocentes, cum omni puritate animi manus & actiones meas humanas externas, & sic purgatus foris circumdabo & amplectar ac circuibo altare tuum Domine, rebus divinis interioribus dans operam.

Ut ibi coram te consistens, & nomen tuum predicans, de proprio ore meo audiam, aliosque audire & intelligere faciam vocem confessionis laudis tue, & enarrem uniuersa mirabilia tua, que à communi hominum intelligentia planè sunt separata.

Nam tu scis, Domine, quod semper dilexi decorem & habitaculum domus tue, & locum habitationis ac tabernaculi glorię ac maiestatis tue.

3. Quæ

3. *Qua quidem cum ita sint; ne perdas, quaeso, nec coniungas cum impiis illis, qui à Deo auersi recta eunt ad interitum, ô Deus, animam meam internam: & cum viris sanguinum, qui se homicidiis & latrociniis inter homines polluerunt, ne ponas vitam meam externam.*

Cum his, dico, in quorum manibus, & omni vite actione iniquitates & mala cogitationes sunt, nequô prauaricationes & legum contempiones: cuius rei causa, dextera eorum repleta est muneribus; dum largitione corrupti, iusta Dei iudicia peruertunt.

Nam tu utique scis, quòd ego autem contrà in innocentia & simplicitate mea, semper ingressus sum, quemadmodum & in posterum semper ambulabo: quare redime me, quaeso, & miserere mei; ut à malo liberatus, boni particeps effici possim.

Pes enim meus, semper ut scis, stetit in directo, nec unquam aberrauerunt actiones meae à via & rectitudine iustificationum tuarum: & si tibi placet mihi auxilio esse palàm in ecclesiis, & publicis conuentibus, benedicam, atque omnibus laudibus praedicabo (te) Domine.

EXPLANATIO.

Vanitatis] Tamen si ipsum vanum & inane per se non est malum, quoniam procedit ab eo quod non est, quod etiam in diuinis reperitur, ut dictum est: ferè tamen in malam partem accipitur, cum quis nimirum id quod non est, perinde ac si esset amplectitur, nebulam pro Iunone colens, vel ipse apud alios prae se fert, ut solent hypocritæ.

Repleta

Repleta est muneribus] Quæ suâ naturâ pulcherrima & diuinissima sunt, vt iudicia, sacra, opera misericordiæ, ea si pecunia, hoc est, mammona iniquitatis inquinantur, fiunt pessima ac turpissima.

PSALMVS XXVI.

Titulus.

David, siue Psalmus David, quem cecinit Domino (priusquam secundò in regem liniretur.)

Argumentum.

1. Liberatus sæpe vir sanctus à periculis, & pro instantibus rogaturus in Domino se fidere ait, nec quemquam metuere.
2. Quia de re gratias ipsi agens, orat vt & nunc auxilio esse velit.
3. Quod ad extremum planè se confidere ait, ita futurum.

1. **D**ominus illuminatio mea, qui vel in mediis tenebris calamitatũ pro clara luce mihi est, & salus mea, qui in ipsis rerum periculis auxilium præstat: quem igitur timebo?

Dominus protector & robur ipsum ac fortitudo vite mee: à quo trepidabo? à nemine certè, à nemine.

Nam dum prodeunt in aciem & appropinquāt ac praliantur super me homines nocentes ac maligni, vt quasi deuorent me, & edant carnes meas.

Re ipsa compertum est, quòd, qui tribulant me hostes & inimici mei, ipsi impingentes infirmati sunt, & destituti viribus ceciderunt.

Quod quidē cum ita sit; & si consistent ac figantur aduersum me castra, & integri exercitus, non timebit cor meum.

Et

Et si exsurgat & committat aduersum me prelium, in hoc ipso ego sperabo, certo confidens, quod tum Deus maximè mihi aderit, & me iuuabit.

Etenim vnam rem dumtaxat semper petij à Domino, securus de ceteris; hanc solum requiram & indefinenter petere pergam, quæ est, ut pace parta, & republica bene constituta consideream & inhabitare requiescamq; in domo Domini, omnibus diebus vitæ meæ.

Ut quæ ibi videam ac contempler voluptatem, & immensum decus, ac pulchritudinem Domini cum summa incanditate ac amœnitate coniunctam, & mane consurgens, nihilq; aliud quàm ipsum querens, visitem templum eius.

Quoniam abscondit me in tabernaculo & umbraculo suo, ut ibi tutus ac securus lateam, in die malorum & calamitatum protexit & occuluit me in abscondito, & intimis penetralibus tabernaculi & tentoriij sui.

In petra & rupe inaccessa exaltauit me, quò hostes non possunt peruadere, & iam nunc exaltauit caput meum, & me fecit superiorem super inimicos meos, qui me undique circumuallant.

2. *Quare circuiui, gratias ipsi agens, & immolaui in tabernaculo eius hostiam vociferationis, quæ cum iubilo fit, & clangore tubarum, pro victoria parta, cantabo ipse, & Psalmum dicam ac conscribam Domino, dicens:*

Exaudi Domine vocem meam, qua te inuoco
 &

& clamaui ad te, ostendens beneficentiam tuam: miserere mei, & exaudi me, respondens votis meis.

Tibi enim, hoc est, tam per te, & propter te, quam ad te, & de te dixit, & ex intimis penetralibus locutus est cor meum his verbis: Exquisiuit te facies mea, prout tu ipse iubes debere fieri, faciem tuam Domine requiram, ut placido & benigno vultu me adspicias.

Ne auertas, quaeso, nec abscondas faciem tuam à me, & ne declines aut auerferis in ira à seruo tuo; nec ipsi subtrahendo misericordiam tuam, ira ac doloris causam prabeas.

Sed contra, adiutor meus esto, ut semper fuisti, & ne derelinquas me, neque despicias aut dimittas me, tu qui es Deus salutaris meus.

Quoniam olim pater meus & mater mea dereliquerunt me, Dominus autem assumpsit & collegit me, & curam mei suscepit.

Quare legem pone mihi Domine, & doce me quo pacto ambulem in via tua, & facto ipso dirige me in semitam rectam, qua ad te itur, idque propter inimicos meos, qui oculos suos in me & actiones meas intentos habentes, mihi insidiantur, ut alio me aueriant.

De quibus rogo te, ne tradideris me in animas, & desiderio ac voluntati illorum hostium, tribulationum me: quoniam quae de me dicunt mala, non sunt vera, insurrexerunt in me testes iniqui, qui me falsis criminibus in inuidiam trahere student, & mentita est iniquitas sibi ipsi, dum falsa inter se de me dicunt,

2. Da igitur illis secundum opera eorum, & secundum nequitiam studiorum & adinventionum ipsorum, quas non à Deo acceperunt, sed ipsi pro turpi libidine sua excogitauerunt.

Secundum opera, inquam, manuum eorum tribue illis, ut dignas factis pœnas luant: redde retributionem eorum, quam aliis prestant, ipsis; ut quemadmodum aliis faciunt, ita fiat & illis.

Quoniam enim non intellexerunt, nec considerarunt opera Domini, & in opera manuum eius non intenderunt animum, ut ex iis ipsum cognoscerent & colerent: digni sunt qui iustas pœnas luant, & secundum hoc, in procul dubio destrues illos funditus, & non ædificabis nec restitues illos unquam in æternum.

3. Ergo benedictus Dominus, omniq; laude & gratiarum actione celebrandum, quoniam exaudiuit vocem deprecationis meæ.

Dominus quippe fortitudo mea est, & adiutor meus, & tanquam scutum protector meus, & in ipso sperauit cor meum, & re ipsa adiutus sum.

Unde subsiliit præ gaudio cor meum, & re floruit caro mea, quæ emarcuerat, & ex intima voluntate mea, canticis & carminibus meis confitebor ei, & testatum faciam, quantis me beneficiis affecerit.

Dominus nempe robur & fortitudo est illorum qui mecum sunt, & in uersæ plebis suæ, & protector ac robur saluationum regis Christi sui est, præbens illi omnem salutem.

Secundum quod, saluum fac, obsecro, populum tuum (Domine) & benedic, rebusq; omnibus bene fac genti hæreditati tuæ, quam tanquam filium heredem elegisti, & ex qua verus tuus filius, & hæres nascetur: atque vti pastor ouium rege eos, pascendo, & extolle illos de die in diem, magis ac magis, vsque in æternum.

EXPLANATIO.

Adinventionum] Adinventiones humanæ dicuntur, quæ non Legis Dei, aut naturæ sunt, nec ex illa per consequentias aut similitudines deductæ, sed quas homo peccator, mentis errore ac cupiditate ad libidines suas explendas excogitat. vnde tales non ex Dei, sed suo ore loqui dicuntur.

PSALMVS XXVIII.

Titulus.

Psalmus Dauid, quem cantauit (in consummatione tabernaculi) quod pro arca Domini exstruxerat.

Argumentum.

1. **D**avid perfecto Dei tabernaculo, quod exstruxerat, inuitat principes populi, & a iis, vtiibi Deo sacrificet, & gratias agat, vt in quo sedem sibi fixerit.
2. Cuius rei signum est, quòd natus de exlo tonuit, ostendens admirabilem suam in eo potentiam.
3. Quia fultum, perpetuò in eo tabernaculo regnaturum ipsum ait, omniaque bona populo suo inde daturum.

1. **Q**uoniam tabernaculum Dei iam exstructum est, afferte ibi Domino, ô vos filij Dei, qui virtute ac potentia principatum in populo tenetis,

nam qui te verè colit, Domine, solus populus Jacob est; & tu Jacob solus es, qui Deum verè colis. Eia eia Sela.

3. *Vt igitur id verè facere possitis, attollite, & altiores capacioreſq; facite portas, ô principes Israel, vestras, & vos portæ summi templi eleuate capita vestra; eleuamini, inquam, & in totum aperimini vos portæ æternales, per quas in eum locum est aditus, ubi perpetuò Dominus commoratur, & introibit eò magnus & inclytus ille Rex gloriæ; ut cum Deo commoretur, & in eius Sabbatho conquiescat, ipse, & totus exercitus eius.*

De quo quidem quòd quaritis: Quis est iste Rex gloriæ? respondeo: Dominus fortis & potens, Dominus potens in prælio, qui morte & resurrectione sua omnes hostes suos fregit ac vicit.

Igitur iterum dico: eleuate portas, ô principes, vestras, & vos portæ templi Israëlitiçi, eleuate capita vestra; eleuamini, dico, portæ æternales, ubi diuina est sempiternitas, & introibit verus ille Rex gloriæ diuina, & honor domus Israëlitiçe.

De quo si iterum quaritis: Quis est iste Rex, quis iste rex gloriæ? respondeo denuo: Dominus virtutum ac fortitudinum, cui omnes parent exercitus caelestes ac terrestres, ipse est Rex gloriæ. Eia eia triumphæ Sela.

EXPLANATIO.

Prima Sabbathi] Sic inscribitur hic Psalmus, quoniam agit de vero Sabbatho Christo, in quo vno homo iustificatur ac conquiescit: describitque Vates primò ipsum rerum omnium opificem Deum; deinde quo pacto ad eum perueniri possit, nempe per vitæ innocentiam; tum quo modo quis possit esse innocens, nimirum in vno Christo.

Portas principes vestras, porta aternales] Quatenus princeps Vates alloquitur, vt portas suas aperiant; homines hortatur, vt animi sui sensa aperiant, ad Christum recipiendum, per quem solum innocentia, qua opus est vt ad Deum ascendatur, acquiritur. quatenus autem ipsas portas; ad cælum se conuertit, vt Christum victorem ab inferis redeuntem recipiant.

PSALMVS XXIIII.

Titulus.

Dauid, siue in finem, hoc est, ad summum perfectum chori musici, cantandus missus hic Psalmus Dauid.

Argumentum.

1. **P**recatur Deum ne ab hostibus superetur ac irrideatur: 2. Et vt à peccatis liberetur: 3. Natrans omnes vias Domini, veritatem esse in seruandis promissis suis, & misericordiam in condonandis peccatis aliorum. 4. Quare rursum precatur, vt à peccatis & hostibus liberari possit ipse, & totus populus Israël.

1. **A**D te Domine leuaui animam meam, Deus meus in te confido, non permittas, obsecro, vt pudore affectus erubescam, quemadmodum nec faciam.

Neque irrideant me inimici mei, aut latentur super me, quasi superiores exstiterint: etenim vni-

uerſi qui ſuſtinent & ſidunt in te, auxilium tuum exſpectantes, non confundetur pudore, nec fruſtrabuntur exſpectatione ſua.

Imò vero confundantur, & deſtituti exſpectatione ſua pudeſcant omnes iniqua agentes, & qui legi tuæ fraudē facientes, eam præuertiunt, non opinionis errore, ut ſit, aut cupiditate, & infirmitate aliqua, ſed ſola malitia, & penitus ſuperuacue ſine quâ vlla vel putatiua cauſa.

2. Quod ne mihi contingat, nèue vel aliquo modo à mandatis tuis recedam, vias tuas Domine maiores, quibus ad te itur, & per quas vis ut ambulemus, demonſtra & potas fac mihi, & ſemitas tuas, etiam minorum legum tuarum ne quidquam mihi deſit doce me: ut tum quidem ſciam ea quæ faciendæ ſunt, tum autem quæ non omittenda.

Quinimo non ſolùm demonſtrando intelligentiam meam inſtrue, ſed & reipſa, manu me præhendēs, dirige voluntatem meam, & deduc, & aſſueſc me fideliter ut ſoles, ita ut ambulem in lege ac veritate tua, & ſic plenè perfectèq; doce me, quia tu es Deus ſaluator meus, & ea re fretus, te ſuſtinui & exſpectaui tota die.

Scio equidem me his tantis beneficiis ob grauiſſima peccata mea, indignum eſſe: ſed tu, quaſo, remiſcere non ſeueritatis iuſtitia, ſed bonitatis & miſerationum tuarum Domine, & benignitatum ac miſericordiarum tuarum quæ à ſæculo ſunt in te, & quibus tu ſemper es uſus.

Delicta

Delicta iuventutis meæ, in vita & moribus, & ignorantias meas ac errores, & qua inde secuta sunt transgressiones, ne, quaeso, pro iustitia tua memineris.

Sed secundum misericordiam tuam memento mei, qui ad tuam imaginem factus sum, tu, idque propter bonitatem tuam, unde illa effluit o Dñe.

3. Enimvero hæc duo habet, quod dulcis bonusq; & rectus, iustusq; est Dominus: & propter hoc misertus peccatorum, quod bonitatis est, legem dabit delinquentibus per ignorantiam, & docebit eos quo pacto rectè hic ambulare debeant in via virtutis, quod est iustitia.

Sed & re ipsa diriget ac deducet mansuetos, qui commonstrantibus faciles se præbent in iudicio, ut quæ iusta sunt exequantur: & docebit mites ac humiles (nam in cor maleuolum non intrat sapientia) vias suas, ut legem eius norint & intelligant, eiq; assuescant.

Etenim vniuersæ viæ Domini, quibus ipse nobis præit, & vult ut ipsi insistamus, sunt bonitas & misericordia erga alios, & veritas ac iustitia in propriis dictis ac factis; quæ duo semper ipse præstat omnibus requirentibus testamentum, & custodientibus pactum ac fœdus legis eius, quod cum hominibus fecit, & testimonia praeceptorum eius, quibus suam voluntatem est testificatus.

Et ideo non dubito, quin propter nomen tuum Domine, ut facta tua cum eo congruant (nam bonus diceris & misericors) propitiaberis, ut dixi, &

parces peccato meo: nam ut ipse id eluam, nequaquam sufficio; nimis multum est enim.

Quinimo si quis est homo quantumcunque ille antè peccauerit, qui timet Dominum, & eius misericordiam auxiliumq; implorat, nihil est dubium quin legem statuit ei, & docebit eum quo pacto rectè progredi & gerere se debeat in instituto vite, & via, quam ipse vel potius Dominus pro ipso elegit.

Et sic anima eius in bonis & rerum omnium prospero successu demorabitur, & quasi securè dormiēs, tota nocte quiescet, & semen eius continua posteritatis successione hæreditabit terram.

Nam firmamentum est Dominus, & arcanum eius intelligitur à timentibus eum, & testamentum ac fœdus legis ipsius vult & facit ut manifestetur illis.

Quod cùm ita se habeat, oculi quoque mei semper ad Dominum intenti sunt, quoniam ipse proculdubio euellet & extrahet de reti & laqueo pedes meos.

4. *Ad quod efficiendum, conuertens te, respice in me, quæso, Domine, & miserere mei: quia omni ope destitutus, solus, & vnicus, & pauper sum ego.*

Tribulationes & angustia cordis mei multiplicatæ sunt, & longè latèq; se sparserunt, de necessitatibus & angustis meis educ & erue me.

Vide afflictionem & humilitatem meam, & laborem meum, & aufer à me ac dimitte vniuersa delicta erratæque mea.

Et

Et è contrà, respice inimicos meos, quoniam multiplicati sunt, & odio iniquo capitaliter & sceleratè oderunt me.

A quibus custodi, obsecro, animam & vitam meam, & erue ac libera me de manibus eorum: non confundar, rogo te, pudore, nec erubescam ob id, quoniam speravi in te.

Sanè quia innocentes à malo & recti in bono semper adhæserunt mihi, vidētes innocentiam meam; non dubito quin ea res, ipsaq; adeò simplicitas & innocentia, rectitudoq; & aq̃uitas custodient me: quia secundum hoc sustinui & expectavi semper cum patientia sperans in te Domine.

Quare libera me, quæso, Deus, unaq; populum tuum Israël, cui me regem præposuisti, innocentesq; illos & rectos erue ex omnibus tribulationibus & angustiis suis, in quibus ob persecutiones quas patior, versantur.

EXPLANATIO.

Ad te Domine] Singuli versus huius Psalmi à singulis literis Alphabeti Hebraici incipiunt: quod signum est de Lege Domini eam agere, nam literæ Legis sunt hieroglyphicum: quoniam Lex ipsum Dei est verbum, quod literis constat.

Misericordia & veritas] Hæc duo frequentissimè in Psalmis coniunguntur: quoniam neq; iudiciū debet esse sine misericordia, neque zelus sine scientia, sed tanquam vinū & oleum semper cōiungi, vnde Christus plenus dicitur gratiæ & veritatis. Et est animaduersione dignum, cum misericordiæ & veritatis frequēs in Psalmis, vt dico, coniunctim sit mentio, semper misericordiā priore, veritatem posteriore

posteriore loco poni, vno dumtaxat versu excepto. Ac est quidem misericordia iustitiæ; veritas prudentiæ, misericordia benignitatis; iustitia rectitudinis: misericordia condonare aliis; veritas, sua promissa præstare.

Israël] Regis ac principis est, non pro se tantum, sed & pro toto populo suo orare, cui tanquam pastor præest.

PSALMVS XXV.

Titulus.

Dauid, sine in finem, hoc est, ad summum præfatum chori musici cantandus missus Psalmus Dauid.

Argumentum.

1. **F**ALSI criminibus ab hostibus impetrus Dauid, Deum inuocat testem ac iudicem: 2. Dicens utique illum inuehens, quam amans iusti & recti, & à facinorosoꝝ hominũ cõsuetudine alienus sit. 3. Quare vt ab eorum persecutione liberari possit, orat.

1. **I**VDICA me Domine, & cognosce me, ac vias meas, quoniam ego utique in innocentia ac simplicitate mea, semper ambulavi & ingressus sum: & in Domino sperans, quod in eo vita cursu me conseruabit, non infirmabor, nec deficiam, aut vacillabo.

Imò ampliùs, proba me Domine, & tenta me, vte, & tanquam metallum fundendo & excoquendo explora renes meos, in quibus inferior & imbecillior pars animi inest, & cor meum, in quo superior & robustior.

2. Quoniam utique inuenies quod misericordia & bonitas tua, qua me & omnes mortales afficis, ante oculos meos est, vt eo nomine gratias tibi agã,

&

& ipse te imitando idem faciam, & complacui ac detectus sum, & sequens vestigia tua, reipsa ambulans in lege ac veritate tua, secundum quam dicta & promissa rectissime prestas.

Non fedi cum concilio nec interfui congregationi eorum hominum qui vanitatis & mendacij vias in sermone suo persequuntur, & cum iniqua gerentibus, qui superbia & fastu olati seorsim ab aliis videntur, aut callidi & versuti se occultant, ut alios decipiant, vel denique ob malefactorum conscientiam in publicum prodire non audent; cum his, inquam, non introibo, tantum abest ut conuenticulis eorum interfui.

Imò quod plus est, Odiui etiam & ecclesiam malignantium, qui ore maledicentes omnia in pessimam partem interpretantur, & cum impiis, qui factio male agentes, nulla certa lege vinunt, non sededo.

Sed contrà lauabo inter innocentes, cum omni puritate animi manus & actiones meas humanas externas, & sic purgatus foris circumdabo & amplectar ac circuibo altare tuum Domine, rebus diuinis interioribus dans operam.

Ut ibi coram te consistens, & nomen tuum pradicans, de proprio ore meo audiam, aliosq; audire & intelligere faciam vocem confessionis laudis tue, & enarrem vniuersa mirabilia tua, que à communi hominum intelligentia planè sunt separata.

Nam tu scis, Domine, quod semper dilexi decorem & habitaculum domus tue, & locum habitationis ac tabernaculi glorię ac maiestatis tue.

3. *Quæ quidem cùm ita sint; ne perdas, quæso, nec coniungas cum impiis illis, qui à Deo auersi recta eunt ad interitum, ô Deus, animam meam internam: & cum viris sanguinum, qui se homicidiis & latrociniis inter homines polluerunt, ne ponas vitam meam externam.*

Cum iis, dico, in quorum manibus, & omni vitæ actione iniquitates & mala cogitationes sunt, neanò prauaricationes & legum contemptiones: cuius rei causa, dextera eorum repleta est muneribus; dum largitione corrupti, iusta Dei iudicia peruertunt.

Nam tu utique scis, quòd ego autem contrà in innocentia & simplicitate mea, semper ingressus sum, quemadmodum & in posterum semper ambulabo: quare redime me, quæso, & miserere mei; ut à malo liberatus, boni particeps effici possim.

Pes enim meus, semper ut scis, stetit in directo, nec unquam aberrauerunt actiones meæ à via & rectitudine iustificationum tuarum: & si tibi placet mihi auxilio esse palàm in ecclesiis, & publicis conuentibus, benedicam, atque omnibus laudibus prædicabo (te) Domine.

EXPLANATIO.

Vanitatis] Tametsi ipsum vanum & inane per se non est malū, quoniam procedit ab eo quod non est, quod etiam in diuinis reperitur, ut dictum est: ferè tamen in malam partem accipitur, cùm quis nimirum id quod non est, perinde ac si esset amplectitur, nebulam pro Iunone colens, vel ipse apud alios præ se fert, ut solent hypocritæ.

Repleta

Repleta est muneribus] Quæ suâ naturâ pulcherrima & diuinissima sunt, vt iudicia, sacra, opera misericordiæ, ea si pecunia, hoc est, mammona iniquitatis inquinentur, fiunt pessima acturpissima.

PSALMVS XXVI.

Titulus.

David, siue Psalmus David, quem cecinit Domino (priusquam secundò in regem liniretur.)

Argumentum.

1. **L**iberatus sæpe vir sanctus à periculis, & pro instantibus rogaturus: in Domino se fidere ait, nec quemquam metuere.
 2. Qua de re gratias ipsi agens, orat vt & nunc auxilio esse velit,
 3. Quod ad extremum planè se confidere ait, ita futurum.

1. **D**ominus illuminatio mea, qui vel in mediis tenebris calamitatũ pro clara luce mihi est, & salus mea, qui in ipsis rerum periculis auxilium præstat: quem igitur timebo?

Dominus protector & robur ipsum ac fortitudo vitæ meæ: à quo trepidabo? à nemine certè, à nemine.

Nam dum prodeunt in aciem & appropinquāt ac præliantur super me homines nocentes ac maligni, vt quasi deuorent me, & edant carnes meas.

Re ipsa compertum est, quòd, qui tribulant me hostes & inimici mei, ipsi impingentes infirmati sunt, & destituti viribus ceciderunt.

Quod quidē cū ita sit; & si consistent ac figantur aduersum me castra, & integri exercitus, non timebit cor meum.

Et

Et si exsurgat & committat aduersum me prelium, in hoc ipso ego sperabo, certo confidens, quod cum Deus maximè mihi aderit, & me iuuabit.

Etenim vnam rem dumtaxat semper petij à Domino, securus de ceteris; hanc solum requiram & indesinenter petere pergam, quæ est, vt pace parta, & republica bene constituta confideam & inhabitem requiescamq; in domo Domini, omnibus diebus vitæ meæ.

Vt quæ ibi videam ac contempler voluptatem, & immensum decus, ac pulchritudinem Domini cum summa incanditate ac amœnitate coniunctam, & manè consurgens, nihilq; aliud quàm ipsum quærens, visitem templum eius.

Quoniam abscondit me in tabernaculo & umbraculo suo, vt ibi tutus ac securus lateam, in die malorum & calamitatum protexit & occuluit me in abscondito, & intimis penetralibus tabernaculi & tentoriij sui.

In petra & rupe inaccessa exaltauit me, quò hostes non possunt peruadere, & iam nunc exaltauit caput meum, & me fecit superiorem super inimicos meos, qui me undique circumuallant.

2. *Quare circuiui, gratias ipsi agens, & immolaui in tabernaculo eius hostiam vociferationis, quæ cum iubilo fit, & clangore tubarum, pro victoria parta, cantabo ipse, & Psalmum dicam ac conscribam Domino, dicens:*

Exaudi Domine vocem meam, qua te inuoco

&

& clamaui ad te, ostendens beneficentiam tuam: miserere mei, & exaudi me, respondens votis meis.

Tibi enim, hoc est, tam per te, & propter te, quàm ad te, & de te dixit, & ex intimis penetralibus locutus est cor meum his verbis: Exquisiuit te facies mea, prout tu ipse iubes debere fieri, faciem tuam Domine requirā, ut placido & benigno vultu me adspicias.

Ne auertas, quaeso, nec abscondas faciem tuam à me, & ne declines aut auerferis in ira à seruo tuo; nec ipsi subtrahendo misericordiam tuam, ira ac doloris causam prebeas.

Sed contrā, adiutor meus esto, ut semper fuisti, & ne derelinquas me, neque despicias aut dimittas me, tu qui es Deus salutaris meus.

Quoniam olim pater meus & mater mea dereliquerunt me, Dominus autem assumpsit & collegit me, & curam mei suscepit.

Quare legem pone mihi Domine, & doce me quo pacto ambulem in via tua, & facto ipso dirige me in semitam rectam, qua ad te itur, idque propter inimicos meos, qui oculos suos in me & actiones meas intentos habentes, mihi insidiantur, ut aliò me auerant.

De quibus rogo te, ne tradideris me in animas, & desiderio ac voluntati illorum hostium, tribulationum me: quoniā quae de me dicunt mala, non sunt vera, insurrexerunt in me testes iniqui, qui me falsis criminibus in inuidiam trahere student, & mentita est iniquitas sibi ipsi, dñs falsa inter se de me dicunt,

& consequenter falsò sibi persuadent, me à te derelictum esse, & continuò ad inferos, & terram obliuionis descensurum.

3. *Etenim, quod planè contrarium est, credo firmiter, & sine ulla dubitatione confido, breui videre bona Domini, quibus me certò aucturus est, in terra uiuentium, tam hac praesenti, quàm qua apud superos expectatur.*

Quod cùm ita se habeat, eia anima mea infractè expecta Dominum, viriliter age quod oportet, & confortetur ac toto robore firmetur cor tuum, & cum omni patientia sustine Dominum: qui licet tardare videatur, procul dubio tamen venturus & opem tibi laturus est.

EXPLANATIO.

Vnam petij] Vera salus non in multis, sed in vno magno, hoc est, amore Dei consistit, vnde reliqua porrò manant ac profluunt. Quare Dominus in Euangelio: Martha Martha, sollicita es circa plurima; porrò vnum est necessarium: Maria optimam partem elegit, quæ non auferetur ab illa.

Hostiam vociferationis] Quicquid Deo offertur, hostia dicitur, siue sacrificium, vt sacrificium laudis, sacrificium iustitiæ, cum similibus.

Legem pone] Legem Dei, viam esse, per quam homo ad iustitiam peruenit, iam suprà dictum est.

PSALMVS XXVII.

Titulus.

Dauidi, sine, Psalmus conscriptus huic eidem Dauid, cui precedens scriptus est, ad implorandam opem Dei contra hostes.

Argumentum.

1. **C**onstitutus Dauid in graui periculo, inuocat Dominum petens exaudiri, & non perire cum impiis: à Quibus dignas factis pœnas precatur, certoque ita fore sibi pto mitti. 2. Vnde Deo gratias agit, quem pro toto populo (vt regem decet) orat.

1. **A**d te Domine clamabo: tu, *quæso*, qui Deus ac creator meus, *rupesq;* ac fortitudo mea es, ne obsurdescas penitus, aut sileas, non respondens votis meis; sed contra, auertens te à me: ne, si quando taceas, & planè obsurdescens obmutescas auersus à me, totus periero, & assimilabor mortuis descendentibus in lacum sepulcri.

Exaudi, obsecro, Domine vocem deprecationis meæ, dum oro & clamò ad te, dum extollo manus meas ad intimũ adytũ & tẽplum sanctũ tuum.

Ne simul tradas aut trahas me ad interitum, vel reputes me cum impiis peccatoribus, & cum operantibus iniquitatem (ne perdas me.)

Qui simulatores & hypocritæ (quod grauissimũ est in malis) loquuntur foris ea quæ ad pacem & amicitiam pertinere videntur, cum proximo & socio suo: ceterũ, mala autem sunt insus in cordibus eorum.

2. Daigitur illis secundum opera eorum, & secundum nequitiam *studiorum* & adinventionum ipsorum, *quas non à Deo acceperunt, sed ipsi pro turpi libidine sua excogitauerunt.*

Secundum opera, *inquam*, manuum eorum tribue illis, *ut dignas factis pœnas luant*: redde retributionem eorum, *quam aliis præstant*, ipsis; *ut quemadmodum aliis faciunt, ita fiat & illis.*

Quoniam enim non intellexerunt, nec considerarunt opera Domini, & in opera manuum eius non intenderunt animum, *ut ex iis ipsum cognoscerent & colerent*: digni sunt qui iustas pœnas luant, & secundum hoc, tu procul dubio destrues illos funditus, & non ædificabis nec restitues illos unquam in æternum.

3. Ergo benedictus Dominus, omniq; laude & gratiarum actione celebrandum, quoniam exaudiuit vocem deprecationis meæ.

Dominus quippe fortitudo mea est, & adiutor meus, & tanquam scutum protector meus, & in ipso speravit cor meum, & reipsa adiutus sum.

Unde subsiliit præ gaudio cor meum, & re floruit caro mea, *qua emarcuerat*, & ex intima voluntate mea, canticis & carminibus meis confitebor ei, & testatum faciam, quantis me beneficiis affecerit.

Dominus nempe robur & fortitudo est illorum qui mecum sunt, & uniuersæ plebis suæ, & protector ac robur saluationum regis Christi sui est, præbens illi omnem salutem.

Secun-

Secundum quod, saluum fac, obsecro, populum tuum (Domine) & benedic, rebusq; omnibus benefac genti hæreditati tuæ, quam tanquam filium heredem elegisti, & ex qua verus tuus filius, & hæres nascetur: atque vti pastor ouium rege eos, pascendo, & extolle illos de die in diem, magis ac magis, vsque in æternum.

EXPLANATIO.

Adinventionum] Adinventiones humanæ dicuntur, quæ non Legis Dei, aut naturæ sunt, nec ex illa per consequentias aut similitudines deductæ, sed quas homo peccator, mentis errore ac cupiditate ad libidines suas explendas excogitat. vnde tales non ex Dei, sed suo ore loqui dicuntur.

PSALMVS, XXVIII.

Titulus.

Psalmus Dauid, quem cantauit (in confirmatione tabernaculi) quod pro arca Domini exstruxerat.

Argumentum.

1. **D**avid perfecto Dei tabernaculo, quod exstiterat, inquit principes populi, & a iis, vt ibi Deo sacrificet, & gratias agat, vt in quo sedem sibi fixerit.
2. Cuius rei signum est, quodiam de celo tonuit, ostendens admirabilem suam in eo potentiam.
3. Quia sultum, perpetuo in eo tabernaculo regnaturum ipsum ait, omniaque bona populo suo inde daturum.

1. **Q**uoniam tabernaculum Dei iam exstructum est, afferte ibi Domino, o vos filij Dei, qui virtute ac potentia principatum in populo tenetis,

(afferte & sacrificare Domino filios arietum.)

Afferte, inquam, Domino gloriam & honorem, eiꝯ omnem fortitudinem & potentiam quam habetis tribuite: afferte Domino, & tribuite gloriam nomini eius, & prout adorare Dominum in hoc tabernaculo & atrio sancto (eius,) ubi summum illius decus resplendet ac quiescit.

2. In cuius rei signum, ecce vox Domini super aquas in aëre pendentibus fertur & auditur; Deus, inquam, maiestatis & gloria plenus, intonuit: Dominus imperium suum ostendit super aquas multas, quæ toto calo ac pelago diffunduntur.

Vox Domini tonantis in virtute ac potentia audiri se facit: vox Domini fulminantis in magnificentia & splendore videndam se præbet.

Vox Domini tonantis & fulgurantis, est Domini confringentis cedros: & cōfringet Dominus non vulgares tantum, sed & ipsas cedros Libani, quæ omnium altissima ac robustissima sunt.

Et, quod magis est, comminuet eas in partes infinitas, cum terra motu concussas, subsilire eas faciet tamquam vitulū Libani: & quod amplius est, ipsum Libanum & montem etiam Sirion, quantumcumque magnus & dilectus ei sit, subsilire faciet, quemadmodū saltitare solet filius siue pullus vnicornium.

Vox enim Domini cum tonat, est Domini intercidentis & in multos radios disseccantis flammam ignis ac fulguris: vox Domini, est Domini concutientis ac tremere facientis desertum, quod quasi partu-

parturire facit, cum fera tonitru perterrita, inde effugiunt: & hoc modo, commouebit Dominus, & tremere ac parturire faciet etiam magnum illud desertum Cades.

Quippe vox tonitru Domini, est Domini præparantis & præ metu parturire facientis ceruos, quantumcumque difficilis sint partus; & deiectis arboribus siluarum vi ventorum & imbrum, reuelabit condensa: & homines his rebus exterriti & reuerentia commoti, in hoc templo sancto eius, omnes ipsi dicent gloriam in eluione illa aquarum.

3. Nam Dominus præfidentis calis ac maris tempestatibus, homines diluuium in habitate facit, dum aquis vndique cinguntur: & hoc modo regnans & principatum super omnia tenens, sedebit in hoc tabernaculo Dominus Rex in æternum.

Dominus, inquam, virtutem ac fortitudinem populo suo inde dabit, ut hostes suos, omneq; adeo malum superet, quod primum munus iustitiæ est: Dominus benedicet populo suo, omnibusq; benefactis eum complectetur, & augebit, ut in pace ac tranquillitate viuat, quod alterum.

EXPLANATIO.

Tabernaculi] Mysticè; tabernaculū hoc, sacrosanctam Dei Ecclesiam accipe, in qua vox Christi verum verbum ipsius regnat, & mirabilia illa quæ hic dicuntur perpetrat, veramque pacem populo suo præstat.

PSALMVS XXIX.

Titulus.

Psalmus cantici Davidis, quod cantatum est in dedicatione cedrine domus David, eo tempore quo à gravi morbo convalescerat.

Argumentum.

1. **D**edicans vir sanctus siue domum suam quam sumptuosissimam ædificasse scribitur; siue tabernaculum Dei, cuius superior Psalmus meminit, gratias agit Deo de liberatione à morbo quo gravissimè laborauerat. 2. Inuitat ad eam rem & alios sanctos ut idem faciant, dicens, iram Dei breuem esse, misericordiam autem perpetuam. 3. Quod ostendit suo exemplo, commemorans se ob peccatum in morbum incidisse, sed mox liberatum: quare de re perpetuam gratiarum actionem se Deo debere proficitur.

1. **E**xaltabo & laudibus efferam te Domine, quoniam suscepisti, & tanquam è fovea extraxisti & eleuasti me, nec delectasti aut letari permisisti inimicos meos super me, dum, me graui morbo laborante, mortem meam quotidie expectabāt.

Etenim Domine Deus meus, clamaui ad te, cum ad desperationem vsque iam egrotarem, & continuo sanasti me.

Tu, inquam, Domine eduxisti ab inferno, & quasi ab orcoreuocasti animam meam, saluasti ac viuificasti me, eripiens me à descendentibus in lacum, & foveam sepulchri.

2. Quod cum ita sit, psallite mecum Domino omnes sancti eius, qui experti estis misericordiam & bonitatem eius, & confitemini cum celebritate & gratiarum

gratiarum actione memoriae sanctitatis & bonitatis eius, qua me & vos afficit.

Quoniam si quando irascitur, momentanea dumtaxat est ira in indignatione & furore eius; & è contrà quantum ad benevolentiam & amorem, vita est integra in bona voluntate eius, qua per totam vitam nos complectitur, illamq; ipsam nobis tribuit.

Atque ita, ad vesperum demorabitur aliquando, & pernoctabit ad tempus, fletus ob peccata nostra: & mox ad matutinum, aderit rursum cantus & lætitia.

3. Cuius quidem rei exemplū ego autem ipse esse possum: nam cum in summa tranquillitate degerem, & rerum omnium circumfluentibus copiis abundarem, dixi tacite mecum, in illa abundantia mea, nō mouebor, nec decidam de felici hoc statu in aternū.

Nam tu Domine, in bona voluntate tuā, qua me complecteris, præstitisti ac dedisti, decori meo, & dignitati regie, quam gero, virtutem ac fortitudinem, qua tanquam montis firmata est.

Vix hæc dixeram, nimium confisus rebus illis secundis, & ecce, auertisti protinus, & abscondisti paululum faciem tuam (à me) & factus sum conturbatus, eger corpore & animo, nesciens quid consilij caperem.

Sed respiciens & colligens me paululum, dixi, Non fidam meis viribus ampliùs, sed, ad te Domine clamabo, & ad Dominum Deum meum deprecabor, ut ab hoc morbo me liberet.

Nam quæ utilitas in vita & sanguine meo, dum descendo in corruptionem, & foveam sepulcri, multis rebus præclare gestis, quibus nominis tui gloria propagetur?

Nunquid confitebitur tibi pulvis, gratias agens de felici rerum successu, eumq; tibi acceptum ferens, aut annūciabit ille inter homines veritatem & constantiam tuam in promissis præstandis?

Iterum vix sic dixeram; & ecce mitigata breui illa ira, audiuit me statim Dominus, & misertus est mei; Dominus, inquā, factus est adiutor meus, liberans me à gravi morbo illo & agitudine.

Et sic conuertisti planctum & gemitum meum in gaudium, & chorum mihi: cōcidiſti ac ſoluisti ſaccum meum, quo tristiſſie ac pœnitentiæ cauſa indutus eram; & circumdediſti me, & tanquam zona cinxiſti lætitia.

Idque amne, vt cantet ac pſallat tibi inter viros gloria (mea): quæ de ore, & intima mente mea procedit, & vt non compungar ac ſileam. Enimuera ſcilicet hoc, ô Domine Deus meus, in æternum confitebor tibi, tibiq; ſolæ cum omni celebritate & gratiarum actione ſalutem meam acceptam feram, in ſancta domo hac quam nomini tuo dedicavi.

EXPLANATIO.

Psalmus cantici] Quidam diſtinguunt inter Psalmum, canticum, canticum Psalmi, Psalmum cantici.

In indignatione eius] Hoc inter rigorem iuſtitie, quæ ira dicitur, & æquitatem & miſericordiam quæ bona voluntas,

luntas, interest; quòd illa brevis est, ad malum, quod per se nihil est, castigandum; hæc autem longa, ad bonum, quod perpetuum, exercendum.

PSALMVS XXX.

Titulus.

In finem, *sive ad summum præfectum chori musici, decantandus missus* Psalmus David (pro ecstasi) ac mentis excessu; qui partim præ dolore illi accidit, ob persecutionem inimicorum; partim præ lætitia, quòd ab iis esset liberatus.

Argumentum.

1. **C**onstitutus vir sanctus in gravissimis periculis, erat Deum, ut ab illis ipsum eripiat, cōmemorans quantis beneficiis eum semper affecerit. 2. Vnde & nunc idē sibi fieri optat, ostendēs quantis in malis versetur. 3. A quibus denuo petit liberari, & hostes impios perdi, quos odio Dominus prosequitur, eum contrā bonos ac pios amet ac defendat. 4. Quare his omnibus de rebus Deo gratias agit, & ad pios se conuertens, Dominum diligere & bono animo semper esse iubet. Gerit autem hīc David personam Domini pendentis in cruce, quasi ille hæc proferat, & in manus Dei Patris (ut in Evangelio proditum est) spiritum suum commendet.

1. **I**N te Domine speravi; non permittas, *quæso*, ut pudore affectus, confundar in æternum; sed contrā in iustitia tua, *quā promissa inconcussè servas*, libera & eripe me.

Inclina ad me aurem tuam, accelera ut cruas citò me.

Esto mihi in Deum protectorem, *tanquam rupes fortissima & inaccessa hostibus*, & in domum refugij, *quæ bene munita, tanquam propugnaculum mihi*

mihi sit, vt hoc modo saluum me facias.

Quoniam rupes & fortitudo mea, & arx munita, ac refugium meum es tu solus, & propter nomen tuum, quod bonitatis est, & gloriam tuam deduces me, & enutries me, ubicumque locorū fuero.

Educes, inquam, me de reti & laqueo hoc quem absconderunt mihi, vt me capiant, quoniam tu es protector meus, & robur meum, absque quo nihil possum.

Et ideo in manus tuas commendo quotidie & item nunc spiritum meum, & tu semper redemisti me Domine, qui es Deus ipsius veritatis, quam & fecisti, persans fidelissimè in promissis exhibendis iis qui in te confidunt.

Et contra, odisti obseruantes vanitates falsas ac superstitiosas, quæ non sunt, & in quibus ob id frustra ac superuacue spem suam reponunt, quibus, tanquam abs te auersis, nullum præstas auxilium: cæterum ego autem in Domino speraui, qui solus reuera est: & ideo abs te adiutus, exultabo & lætabor in misericordia ac bonitate tua.

Quoniam respexisti semper humilitatem & afflictionem meam: & cognoscens tribulationes & angustias meas, saluasti de necessitatibus animam meam.

Nec concludisti aut passus es cadere me in manibus inimici, sed contra statuisti in loco spatioso pedes meos, quo liber essem ab hostibus.

2. Quæ quidem cum de præterito ita se semper habuerint, & nunc quoque miserere mei Domine,

&

& pro summa beneficentia tua adiuvā me, quoniam tribulor, & in angustiis versor: conturbatus est & contabuit ac caligavit in mœstitia & ira, propter frequentes lachrymas, oculus meus: contabuit & anima mea, & venter meus, dum neque quietem unquam, neque cibum aut potum sumere possum.

Quoniā, inquā, defecit & cōsumpta est in dolore tota vita mea, & omnes anni mei in gemitibus.

Infirmata est, & propè tota corrui in paupertate ac calamitate, quam ob iniquitatem & peccatum meum suffero, virtus mea; & ossa mea, in quibus est fundamentum vita, conturbata sunt, & tabida facta putruerunt.

Sed &, super omnes inimicos meos, qui ei rei causam dant, & in has angustias me cogunt, magis quā quisquam eorum, tametsi perditissimi sint, factus sum opprobrium, non vulgo modo, sed & proximis vicinis meis, idque valde vehementer, sic ut & timor factus sim etiā notis & familiaribus meis, qui propter obloquia qua patior, non audent mecum versari.

Quinimo qui videbant me, foras fugerunt à me, derelictusq; ab omnibus, obliuioni datus sum tanquam mortuus, qui non solum è vita excessit, sed & à corde, & omni memoria hominum abscessit.

Denique factus sum tanquam vas figulinū, quod perditum ac confractum foras eiicitur. quod quidem ita esse certò scio, quoniā audiui vituperationem & contumelias ac criminationes multorum commorā-

morantium, & inter se conuenientium in circuitu meo, ut pauorem circumquaque mihi incutiant.

Nam in eo ipso dum conuenirent, & consilium inirent, simul aduersum me accipere animam meam, & vitam mihi auferre consiliati sunt, ac constituerunt.

Ceterum, ego autem, tot ac tantis malis circumuentus, in te tamen speraui, ô Domine: dixi, machinentur illi quidquid velint, solus Deus meus es tu, qui mihi vitam & mortem tribuis: in manibus tuis, non autem illorum, sortes sunt, & tempora mortis & vita mea.

3. Quare eripe me, quæso, ac libera me de manu illorum inimicorum meorum, & à persecutibus me.

Illustra faciem tuam super seruum tuum, & vultu sereno ac benigno eum respice: saluum me fac in immensa bonitate ac misericordia tua.

Domine, inquam, non patiâris ut pudore affectus confundar, quoniam inuocaui te: quasi verò hoc probatum sit, ut mali illi mihi obiciunt.

Sed contrâ, erubescant impij, quòd te non agnoscant, & silentes deducantur in sepulchrum & infernum; comescantur ac muta fiant labia dolosa ac mendacia.

Quæ loquuntur aduersus iustum dura admodum & graua, meramq; iniquitatem, idq; in superbia cum magno fastu, & in abusione cum contemptu: quod quidem quàm tu grauiter oderis, utique non ignoro.

Et vice versa, etiam illud scio, quàm magna multitudo ac copia sit dulcedinis ac bonitatis tuæ, ô (Domine) quam abscondisti, & tanquam secretum thesaurum reſeruasti timentibus te.

Quaquam ſemper perfecisti, & opere ipſo oſtendiſti eis qui ſperant in te, in conſpectu filiorum hominum.

Abscondes eos in abscondito faciei tuæ, gerēs eos ſemper in oculis, & lumine vultus tui ipſos comprehendens, ut tuti ſint à conturbatione, & ſuperbis minis hominum, quicunque tandem illi ſint.

Abscondes, inquam, & proteges eos in tabernaculo & umbraculo tuo, ut immunes ſint à contradiſtione & ſuperba contentione virulentarum linguarum.

4. Quare benedictus Deus, & omni prædicatione & gratiarum actione dignus, quoniam mirificauit & ſingulariter exhibuit miſericordiã ſuam mihi, protegens me, tanquam in ciuitate munita.

Nam, ego autem dixi in conſternatione & exceſſu mentis meæ, cùm præceps fugerem, preſſus ab hoſtibus, certè proicetus & tanquam abſciſſus ſum à conſpectu & facie oculorum tuorum, nec me ampliùs reſpiciſ.

Verùm tu continuò contrarium oſtendere voluiſti, & ideo exaudiſti vocem orationis meæ, dum clamarem ad te.

Quæ quidem cùm ita ſint, diligite Dominum omnes ſancti eius, quotquot miſericordiam & boni-

tatem illius experti estis, quoniam fideles, & qui veritatem sequuntur, eos requirit, ac diligit, tuetur quæ Dominus; & contrà retribuet ac rependet abundanter & cumulatè faciētibus superbiam, qui fastu supra alios se extollunt.

Ac quanquam quidem tardare nonnunquā videatur, tamen constantēs vos monstrate, & viriliter agite, & confortetur cor vestrum, ipsumq; robur vobis additurum certò confidite, & vos omnes qui speratis in Domino, eiusq; auxilium expectatis.

EXPLANATIO.

Deus veritatis] Deus non solùm veritas est, sed & auctor veritatis, nam quemadmodum à Deo patre omnis paternitas, quæ in cælo & in terra est, secundum Apostolum, proficiscitur: ita & à Deo omnis veritas promanat. Vnde Dominus in Euāgelio, Ego sum via, inquit, veritas & vita.

In excessu] Ab hoc excessu, & consternatione mentis titulus huius Psalmi maximè ductus videtur.

PSALMVS XXXI.

Titulus.

Psalmus scriptus ipsi David, ut sit ei intellectus & eruditio, decantandus ad modos carminis, cuius initium est Maschil.

Argumentum.

1. **A**lt David beatos illos esse, quorum peccata sunt remissa, quod non alia re quàm libera eorum confessione contingit: quod postquam fecit, dicit se continuò exaudiri: 2. Vnde & omnes bonos idem facturos narrat, ut Dei graviam, qui vnicuique omnium

refu-

refugium est, consequantur. 3. Qua de re triumphum agens, Deum loquentem introducit, qui se intellectum illi daturum ait, dummodo docilem se præbeat, addens, si qui contrā faciant, ut eos vel vi ad virtutem cogat. 4. Nam ad hoc pœnas & præmia constituta esse, ut mali malo ad rectam doctrinam cogantur, boni autem bono inuitentur, quos ob id lætari in Domino & exultare iubet.

1. **B**Eati quorum expressè remissæ sunt iniquitates, prevaricationesq̃, ac transgressionēs Legis Domini, & rebelliones contra eum: & quorum tacitè per dissimulationem ac conniuentiam tecta sunt peccata.

Beatus vir cui verè pœnitenti non imputauit Dominus peccatum, sed contrā ex immensa bonitate sua reputauit eam ipsam pœnitentiam ad iustitiam, propterea quòd verè pœnitens est: nec est in spiritu eius dolus; sic ut reticeat delicta sua, sed libere confiteatur omnia.

Enimvero quoniam ego hæc non feci, sed tacui peccata mea, inueterauerunt & attrita sunt ossa mea, & vires corporis mei, dum clamarem, & rugitu meo infremebam præ dolore tota die.

Quoniam enim die ac nocte ob hoc ipsum magis ac magis grauata est super me manus tua, conuersus sum & immutatus, totusq̃, alius factus in miseria & erumna mea, adèd ut humor & virens succus meus haud secus exaruerit, atque sit media astate, dum radius solis cōfigitur & arefit spina vel arista. Sic sanè se res habet, Scla.

Verum ego hæc animaduertens, planè aliam institui rationem, quippe nihil subticens amplius, omne
H deli-

delictum meum cognitum tibi feci, *ô Domine*, & iniustitiam meam non abscondi.

Dixi, confitebor aduersum me ipsum, & aperiam iniustitiam & transgressionem, rebellionemq³ meam Domino, & ecce, simulatque hoc feci, tu continuo, nulla interposita mora, remisisti impietatem crimenq³ & culpam peccati mei. ita profectò factum est, *Sela*.

2. *Atque idcirco me imitantes*, pro hac ipsa misericordia orabit ad te pronus omnis sanctus, quicumque tuam benignitatē unquam expertus est, & precabitur te in tempore oportuno, quo maxime te pateris inueniri.

Quodcum faciet, nullis unquam malis opprimetur: veruntamen in contrarium etiam in plenissimo diluuiio & inundatione aquarum & tribulationum multarum, ad eum non pertingent fluctus, nec appropinquabunt.

Etenim, *ô Domine*, tu es refugium meum, in quo tanquam in loco quodam arcano abscondor: tu, à tribulatione & angustia quæ circumdedit me, custodies me: tu, inquam, exultatio mea es, dum latis orationibus, quas ob liberationem ab hostibus tibi cano, me circumdas: quare & nunc erue me à circumdantibus me. *euge euge triumpha Sela*.

3. *Triumphum*, dico, canamus: quia dum hæc loquor, ecce iam nunc respondet mihi Dominus, dicēs: Intellectum tibi dabo, & instruam te in via hac, qua gradieris, ne erres; & consulēs rebus tuis, firmabo

bo super te oculos meos, ne à quoquam offendaris.

Tu modò docilem te prabe, & nolite vos populus meus culpa vestra fieri sicut equus & mulus, quibus non est intellectus.

Sed contrà, tu qui Rex eorum es, ad similitudinem equorum ac mulorum in chamo & freno maxillas eorum constringe, si qui erunt qui indociles se prabentes non ultrò approximant ad te; ut si non sponte, qui summus gradus est virtutis, saltè malo coacti, qui infimus, officium faciant, & à peccato abstineant.

4. Etenim multa sunt flagella peccatoris & impij, quibus nò solum pœna, sed & disciplina ac doctrinae causa afficitur, dum non uliro virtutem sequitur: sperantem autem in Domino, & uliro docilem se prabentem, misericordia & omnis omnino bonitas circumdabit.

Quod quidem cum ita sit, lætami in Domino, quod talem patronum, ac Deum tam propitium habetis, & exultate iusti, & iubilantes gloriamini non in vobis, sed in eo, omnes recti corde.

EXPLANATIO.

Sicut equus & mulus] Quemadmodum qui virtutem sequuntur, Angelis similes sunt, & dii in sacris literis vocantur: ita contrà, qui ad vitium se applicant, bestiæ sunt, non oris quidem speciei, sed vitæ ac morum turpitudine, unde Dominus in Evangelio Herodem vulpem vocat.

Iusti, recti] Iusti & recti vocabula sæpe coniunguntur, quoniam uti à Lege Domini, quæ nos iustos facit, aberrantes, prævaricatores dicuntur, ita recta via in ea incedentes, meritò recti appellantur.

PSALMVS XXXI I.

Titulus.

In finem, *sive ad summum præfectum chori missi*, missus Psalmus David.

Argumentum.

1. **E**Xsuscitat vir sanctus iustos ad Dei laudes prædicandas. 2. Quoniam bonitate ac iustitia plenus Dominus omnia condidit ac creauit, nec quisquam illi potest resistere, aut voluntatem eius impedire. 3. Quare beatam illam gentem esse ait, quæ Dominum habet Deum suum, qui suorum curam gerit, & per quem solum, non autem per proprias vires nostras, conseruamur. 4. Quæ omnia considerans, in vno Deo se confidere ac lætari dicit, orans vt quemadmodum sperat, ei contingat.

1. **E**Xultate iusti in Domino, *celebrantes nomen eius*: rectos enim decet, non verò iniustos & impios Dei collaudatio.

Confitemini Domino, *publicè decantantes laudes eius*, in cithara: & *pulsantes bene nablū* in psalterio decem chordarum psallite illi.

Cantate ei canticum nouum, *quod non vetus & tritum, sed recens factum sit*: bene psallite ei in vociferatione, *suauitatem vocis & iubilationis cum instrumentis bene pulsatis coniungentes.*

2. Quia rectum est, & *insti equiq;* plenum omne verbum *factumq;* Domini: & omnia opera eius in fide ac veritate firma sunt & indubitata.

Diligit misericordiam, *que bonitatis est*; & iudicium, *quod veritatis*: misericordia & gratia Domini, *que exuberans bonitate, supra omnia est*
opera

opera eius, plena est *uniuersa* terra.

Nam secundum hanc bonitatem verbo Domini celi facti & firmati sunt: & spiritu oris eius omnis virtus & exercitus ac ornatus eorum, qui tum quidem in Angelorum choris, tum autem in sole & luna, & reliquis sideribus consistit.

Congregans in *cumulum* sicut in vtre aquas maris, quæ suis littoribus continentur: & ponens ac recondens in intimis penetralibus ac cavernis, tanquam in thesauris abyssos & voragines aquarum; ne exundantes terram obruant.

Hac contemplans, timeat Dominum omnis terra: ab eo autem commoveantur ac paueant omnes inhabitantes orbem.

Quoniam ipse dixit vno verbo (ecce tanta est illius potentia,) & continuo fecit quod dixit, & facta sunt omnia: ipse mandauit, & mox exstitit quod precepit, & creata sunt firmiterque steterunt *uniuersa*.

Nec valet vlla vis humana aduersus eum, quoniam Dominus dissipat & irrita facit omnia consilia gentium: reprobatur autem & auertit cogitationes integrorum populorum, (& quod magis est, reprobatur consilia ipsorum regum ac principum.)

Et è contrà, consilium autem Domini in æternum stat ac manet; & cogitationes cordis eius durant perpetuo in generatione & generationem, ut tum perficiantur cum ipse volet.

3. Quare beata gens cuius est Dominus, qui *caelum ac terram creauit*, Deus eius: beatus populus

H 3

quem

quem ipse elegit in hereditatem sibi, *ut sint haeredes regni eius.*

Nam diligentem semper gerens curam suorum, de cælo respexit Dominus, & vidit omnes filios hominum, considerans quid quisque eorum agat: de firmiter, inquam, constituto ac præparato solio & habitaculo suo, ubi sessio eius est, respexit super omnes qui habitant terram.

Ipse, dico, qui finxit ac formavit sigillatim omnia pariter corda eorum, nullis omnino exceptis, & qui intelligit ac cognoscit omnia opera eorum.

Nam quod aliunde quam ab illo salutem nobis venire putemus, certe non saluatur ne rex quidem per multam virtutem, & exercitum suum magnum: & gigas, quantumcumque fortis ac viribus præstans sit, non saluabitur, nec eruet se in multitudine roboris ac virtutis suæ.

Sed & fallax equus ad præstandam salutem, ac quantumcumque celer sit & viribus excellens: in abundantia autem illa roboris ac virtutis suæ non saluabitur tamen nec ipse, nec sessor eius.

Ceterum, si verè cōsideres unde omnis salus nascatur; ecce oculi Domini intenti sunt, ut dixi, super metuētes & reuerenter solentes eum; & infixi sunt in eis qui sperant super misericordia & bonitate eius, eamque solam expectant.

Idque ad hoc, ut tempore belli ac pestilentia eruat ac liberet à morte animas eorum, & tempore penurie & caritatis annona alat ac vivificet

nificet eos in ipsa media fame.

4. Quod quidem cum ita sit, & anima nostra sustinet, & plena bona spe exspectat Dominum, quoniam ipse adiutor, & tanquam clypeus, protector noster est.

Quia, inquam, in eo lætabitur cor nostrum, cum potiti erimus victoria ab omnibus malis & aduersis: quod ob hoc nobis cōtinget, quoniam in eo confidimus, & in nomine sancto eius sperauimus.

Secundum quod sit, quaeso, & fiat ac ostendat se bonitas ac misericordia tua, ô Domine, super nos, quemadmodum certo sperauimus in te.

EXPLANATIO.

Decem chordarum] Hæc res iustis conuenit, quoniã ipsa iustitia non aliud est quam musicus cōcentus nouem partium animi sub numero denario, vt suo loco latius tradetur.

Misericordiam & iudicium, misericordia] Sæpissimè obseruare licet, cum semel in Psalmis iustitia vel iudicium ponitur, bis poni misericordiam.

Ipse dixit, mandauit] Substantia legis indicendo, hoc est, subiecto & prædicato consistit, virtus in iubendo & vetando.

Verbo Domini & spiritu] Hic nota diuinam Trinitatem, nempe Dominum Patrem, Verbum, & Spiritum sanctum. Ad hæc cæli nomine, mundus; virtutis, anima mundi significatur.

PSALMVS XXXIII.

Titulus.

Psalmus David, siue à Davide cantatus, cùm simulans furorem & morbum comitiale, immutauit vultum suum coram Abimelech, Rege Palaestinarū, & sic Rex dimisit ac eiecit eum, & ipse abiit, euadens periculum mortis in quo erat.

Argumentum.

1. **G**ratias agit Deo, quòd ab Ache, qui Abimelech, hoc est, rex erat Palaestinarum, eum liberauerit. 2. Inuitatque ad id omnes pios, quibus ostendit quàm bonus sit Deus his qui recto sunt corde, & in eo, non autem in diuitiis suis, confidunt. 3. Inde ad filios se conuertit, quos timorem Dei, omnemque virtutem in dictis & factis se docturum ait, demonstras per antithesin, quæ bonorum sint premia, & quæ poenæ malorum.

1. **B**enedicam & predicatione extollam Dominum in omni tēpore. siue res secunda sint siue aduersa: semper versabitur laus eius in ore meo.

In Domino, non verò in se laudabitur & se iactabit anima mea: audiant hoc afflicti, homines & mansueti, qui nihil sibi arrogant, sed omnia Deo tribuunt, & lætentur.

2. Magnificate vos, inquam, mansueti & laudibus extollite Dominum mecum: & exaltemus ferentes in calū nomen eius unà omnes in idipsum.

Nam exquisiui Dominum, & exaudiuit me, precibus meis respondens: & ex omnibus paenaribus & tribulationibus meis eripuit me.

Quare

Quare & vos accedite, & respicite ad eum; & recipientes in vos splendorem eius, illuminamini; & proculdubio facies vestrae non confundentur pudore: quoniam quotquot ad eum accurrunt & confingunt, illustratur, nec poenitet aut pudet eos unquam eius quod fecerunt.

Etenim iste pauper & afflictus, qui sum ego, clamaui, & Dominus exaudiuit eum: & de omnibus tribulationibus & angustiis eius saluauit eum.

Imò immitet exercitum, & castra sua figet Angelus Domini in circuitu timentium eum: & eripiet eos ab omnibus periculis in quibus versantur.

Quod ita se habere uti certò sciatis, experimentum sumite, & delibantes gustate Dominum, & videte quidnam rei sit, quoniam utique suauis & bonus est Dominus: & beatus vir qui inferioribus animi affectibus prauatens, & ad solum Deum fortiter se applicans sperat in eo.

Timeat & reueremini Dominum (omnes) sancti eius: quoniam in quantacunque necessitate versentur, non est unquam inopia, nec deest quidquam timentibus eum.

Diuites & potentes homines, qui tãquam leones, & eorum catuli, omnia diripere solent, pauperes facti, eguerunt & esurierunt: inquitētes autem Dominum, non minuentur omni bono, sed cunctis felicitatibus augebuntur.

3. Quare venite filij, audite me; non diuitiarum quidem acquisitionē, sed timorē Dñi docebo vos.

Nam dicite mihi, quis est homo qui vult vitam longam, & qui diligit dies videre bonos ac felices? anne omnes hoc exoptant?

Vt igitur hoc tibi contingat, prohibe linguam tuam à malo, cohibens eam à maledicentia; & labia tua ne loquantur dolum, ita ut neque fictus sis, neque maledicus in sermone.

Et quantum ad vitæ actiones attinet, diuerte à malo, & fac bonum; quo ad te ipsum, & quantum ad proximum: inquire pacem, & persequere eam, firmiter in ea persistens.

Quod si facias, certò sperare potes, id quod dico te assecuturum: nam oculi Domini benignè intenti sunt super iustos, ad eos custodiendos; & aures eius arrecte in clamores & preces eorum, ad illos exaudiendos.

Contrà vultus autem Domini toruus ac iratus super faciētes mala, ut perdat ac penitus exscindat de terra non ipsos modò, sed & memoriam eorum.

Enimvero clamauerunt (iusti,) & Dominus exaudiuit (eos,) & ex omnibus tribulationibus & angustiiis eorum liberauit eos.

Iuxta enim est Dominus, & propè adest his qui contrito ac tribulato subactòque sunt corde; & humiles spiritu, qui nihil magnum de se sentiunt, saluabit.

Multæ quidem sunt tribulationes iustorum, ob mala quæ patiuntur ab impiis, & tamen de omnibus his liberabit eos Dominus.

Nam

Nam custodit Dominus omnia ossa eorum, vnum ex his non conteretur, nec confringetur.

Sed contrà, quantum ad impios attinet, mors peccatorum pessima, dum per ipsam malitiã suam interimuntur: & qui oderunt iustum, praterquam quòd delinquent, tum desolati ac destituti ab omnibus denastabuntur.

Quod longè aliter se habet, ut dico, in piis ac sanctis: quoniam redimet ac saluabit Dominus animas seruorum suorum, & non delinquent aut peccabunt, neq; ad eò desolati denastabuntur omnes qui sperant in eo.

EXPLANATIO.

Benedicam] Hic Psalmus ex eorum est numero, quorum versus à literis alphabeti Hebraici incipiunt, quoniam agit de Lege & iustitia, cuius literas Hieroglyphicum esse, iam antiè diximus.

Mansueti] Mansuetudo, siue pudor & verecundia principium est iustitiæ: sic vt nusquam inueniatur iustitia, nisi præcesserit pudor.

Diuertere à malo, & fac bonum] Hæc tota iustitia est, cuius præmium est pax firma & perpetua.

P S A L M V S XXXIIII.

Titulus.

Psalmus scriptus huic ipsi David cui superior.

Argumentum.

1. Implorat vir sanctus auxilium Dei contra hostes, vt illis pereuntibus, ipse in Domino lateatur.
2. Narrans quàm se illis amicis semper præstiterit, sic vt eorum malis non minùs quàm suis doleret,

doleret, cum contrā ipsi de rebus illius aduersis: non solum non doleant, sed & mirifice lætentur. 3. Quare rursus Dominum precatur, addens, licet foris amicos se simulent, intus tamen grauissimos esse inimicos. 4. Quamobrem tertio ad Deum se conuertens, orat ut ab ipsis liberari, illique pudore affici, & omnes boni de hoc lætari, & Deo gratias agere possint, quemadmodū & ipse est facturus.

1. **I**udica Domine, & suscepta causa mea, eaque tractata ac cognita, puni nocētes me, qui falsa specie iustitiæ iniuste mecum contendunt, meq; indicant ac condemnant: expugna impugnantes me, qui facto ipso me aggrediuntur.

Apprehende fortiter arma, hastam, dico, & scutum: & exurge in adiutorium mihi, protegendo me scuto, & hasta inimicos inuadendo.

Effunde & educ è vagina frameam, & transuersam ponens lanceam tuam, cōclude ac obstrue viam aduersus eos qui persequuntur me, ne ulterius progredi, & me assequi possint: dñe animæ meæ, salus tua ego sum.

Confundantur pudore, & erubescētes reuerentur, querentes animam meam, dum quod volunt, non possunt perficere.

Auertantur retrorsum, & confundantur ignominia, vel cogitantes mihi mala.

Fiant tanquam pulvis & leuis stipula ante faciem venti, qui in omnes partes dissipatur, nec usquam potest consistere: & sit Angelus Domini coarctans & impellens ac vrgens eos.

Fiant viæ illorum obscura sicut ipse tenebræ, ne videant quò fugiendum sit; & lubrica sicut ipsum
lubri-

lubricum, ne effugere possint: & sit Angelus Domini persequens eos.

Quoniam gratis sine ulla causa & merito meo, absconderunt & latenter intenterunt mihi interitum, defodiendo foueam, circa quam tetenderunt insidias retis & laquei sui: superuacue, inquam, & sine ulla causa iusta, exprobrauerunt ac probro habuerunt animam meam, dum foueam illam ad capiendam ac perdendam eam defodiunt.

Ergo veniat illi, & unicuique eorum, laqueus calamitatis quem ignorat, sic ut de improniso comprehendatur; & captio retis, quam abscondit in perniciem meam, apprehendat eum, omni ope amicum ac bene consulentium destitutum: & in laqueum cum fragore dilapsus, cadat in eum ipsum lacum, ac foueam, quam mihi parauerat.

Quod cum fiet, anima autem mea exultabit & letabitur in Domino: & delectabitur ac gaudebit super salutari suo, quod ei prestitit.

Sed & omnia ossa mea virescent, corporis dicent: Domine quis similis tibi?

Qui eripiens es inopem & afflictum de manu fortiorum eius, qui viribus illis sunt superiores; & egenum & pauperem mendicum à diripientibus eum, qui per fraudem ac dolum omnia auferunt.

2. Surgentes mihi falsi testes & iniqui, quæ ignorabam, nec vnquam cogitaram, obiciebant, & interrogabant me, quasi ea perpetrasset.

Et cum iis semper bene fecissem, illi contra retribuebant

buebant mihi mala pro bonis, & querebant sterilitatem, ac quasi filiorum orbitatem, animæ meæ; ut omni ope destitutus, desolatus incederem.

Ecce ego autem, cum ipsi malè valerent, & dolores eorum, non ipsis magis quam mihi molesti essent, propter summam amicitiam inter nos, induebar præ mœrore ac tristitia sacco ac cilicio.

Humiliabam in ieiunio & affligebam animam meam, & oratio mea, quam pro salute eorum iteratis vicibus ad Dominum fundebam, talis erat, ut in me ipsum eam recidere optarem, & ut spero, in proprio sinu meo conuertetur, ita ut, si non ipsis, mihi saltem prosit.

Etenim quasi proximum, & omnibus officiis coniunctum amicum; & quod magis est, quasi fratrem nostrum, sic tractabam eos, & cōuersans semper circa ipsos malè valentes complacebam iis in quibuscumque rebus poteram; deniq; quasi lugens matrem qui pullatus & contristatus incedit, sic ego humiliabar, & incuruatus ambulabam.

Et hæc quidem cum propter illos ego egerim, illi contrà, si quid mihi mali acciderit, ita ut vel paululum agrotarem aut claudicarem, aduersum me lætati sunt, & exultabundi in vnum conuenērunt: congregata sunt, inquam, super me, & in perniciem meam, vilissima quæque hominum etiam claudicantium genera, qui flagris digni, nihil aliud sunt quam mastigia sine flagella, & ego penitus ignoravi tale quid aduersum me parari; quippe
cum

cum aliud simularent, aliud agerent.

Nam foris dolorem simulantes, & vestimenta sua scindentes, dissipati sunt, tristes ac solitarij incedentes, ut videbatur; sed intus reuera nec compuncti unquam, nec vlla tristitia affecti sunt; imò tacitè semper conuitiis me proscindebant, nec unquam à carchinnis cessabant, aut silebant; denique coniungentes se cum hypocritis & parasitis, qui amicitias fœlis verbis simulantes, mensas & placentas sequuntur, tentauerunt me, præ se ferentes quasi etiam subcineritium panem mea causa ob dolorem comederent, sed re ipsa subsannauerunt me subsannatione, & frenduerunt super me dentibus suis.

3. Hæc tu videns ac cognoscens Domine, quamdiu conuinebis? quando tandem me respicies? restitue, queso, ô Domine, & reduc animam meam à malignitate eorum, & contumeliis ac calamitatibus, quibus me afficiunt: retrahere, inquam, à violentis istis leonibus vnicam illam meam, quæ tanquam unio preciosissima mei pars, opæ tuæ destituta, solitaria est & vaga.

Quod quidem si feceris, confitebor tibi, & cum gratiarum actione acceptam tibi feram salutem meam in publico conuentu hominum & ecclesia magna, in populo graui ac fortiter laudabo te.

Non superbiant, obsecro, mihi, nec iactent se de me inimici mei, qui aduersantur mihi iniquè, falsis criminibus me onerantes: qui oderunt me, inquam, gratis, sine vlla causa, & subsannantes me,

me, annuunt inter se oculis.

Quoniam, ut eos verè cognoscas, cum nihil cogitent pacatum, mihi quidem in os pacificè loquebantur, sed re ipsa longè aliud agebant: & in iracundia ac superbia sua, qua cuncta pro scindere cupiunt, cum humilibus & mansuetis terræ, quos sibi pro rapina deputant, loquentes, verbaq; fraudulenta concinnantes, dolos cogitabant.

Et dilatauerunt super me os suum, nihil nō plenius buccis & aperto ore in me effundētes, & exultantes pra latitia, in calamitatibus meis dixerunt: Euge euge, iam viderunt oculi nostri quod tanto tempore expetiuius videre.

4. Hac ita planè contigisse tu ipse vidisti Domine: quare ne sileas, queso, nec dissimules amplius, ô Domine: ne amabo surdum te mihi prabeas, nec discedas longius à me.

Euigila & exsurge, & intende iudicio meo ut ius mihi dicas: tu, qui Deus meus & Dominus meus es, intēde in causam meam, ut eam cognoscas.

Iudica me secundum iustitiam tuam Domine Deus meus, qui ius suum vnicuique tribuis: & non supergaudeant mihi hostes mei, quasi triumphum de me agentes.

Non dicant in cordibus suis, euge euge, vah vah, iam bene est animæ nostræ, quoniam pro voto omnia successerunt; nec dicant, deuorabimus & iam respā absorbuimus eum.

Sed contrā erubescant, & affecti ignominia reuercantur

reantur simul *omnes* qui gratulantur malis meis.

Induantur *pudore ac confusione & reuerentia ignominiosa*, qui *contra me se extollentes*, maligna loquuntur, & *superba magnaq;* super me.

Et ex *aduerso* exultent & latentur qui volunt iustitiam meam, *fauentes innocentia mea*: & dicant semper: Magnificetur, & *omnibus laudibus extolatur* Dominus, *hi* qui volunt & *exoptant* pacem serui eius, *quam ille ipse dedit*.

Quod cum fiet, & lingua quoque mea meditabitur ac *predicabit* iustitiam tuam, & *cantabit* tota *omniq;* die laudem tuam.

EXPLANATIO.

Iudica Domine] Depinguntur in hoc Psalmo pereleganter per antithesin facta bonorum & malorum, & quis utrumque sit finis. refertque hic David Christum de Iudeis conquerentem.

PSALMVS XXXV.

Titulus.

In finem, *sive ad summum prefectum chori musici*, scriptus Psalmus seruo Domini, *nempe ipsi* David.

Argumentum.

1. **D**escribit per pulcherrimam antithesin opera diaboli & impietatis, quæ primo ponit: 2. Et opera Dei pij & iusti quæ secundo: 3. Quæ quidem homines amplectentes, omni bono replentur. 4. Quod ut ita fiat, & ab insidiis malorum illæsus maneat, ad extremum orat.

1. **D**ixit iniustus, cum iam parat se in illo impietas ipsa, ut *præuaricetur ac delinquat*,
I dicit,

dixit, inquam, in semetipso, peruersus ab impietate, atq; adeo apud animū meum iam videor illum audire dicere: quod non est timor Dei ante oculos eius.

Quoniam blandiens impietas iniusto, dolosè semper egit in conspectu oculorum eius, leniens peccatum, & persuadens malum non esse malum; vt hoc modo inueniatur & progrediatur semper iniquitas eius, delectando se in peccatis suis, vel ad satietatem & odium siue fastidium vsque, & ad plenum contemptum timoris Dei.

Verba oriſ eius mera iniquitas sunt in se, & dolus, ad circumueniendum homines: & si cogitationes spectes & facta, noluit vnquam intelligere nec animum docilem præbere ad hoc vt bene ageret, & in melius vitam commutaret.

Sed contrà, iniquitatem meditatus est in cubili suo, dum aliis quiescentibus, aut peccata sua deflentibus, ipse cogitat quo pacto leges contorquere, & bonos extorquere possit; indeq; surgens adstitit omni viæ non bonæ, quærens rationem qua cogitata sua exsequatur; quod vt efficiat, malitiam autem non odiuit, nec vllum scelus abominatus est, nec adire recusauit.

Caterū cū hac impietatis sint opera, quanam autem è contrario sunt tua, ô Domine? enimvero cū per cūcta supera & infera permees, in cælo ipso, quod omnia continet ac coercet, versatur militicaudia ac benignitas siue gratia tua, qua peccatoribus
resipien-

resipientibus das veniam, & bonitate tua omnia im-
ples, & quæ in terra est veritas tua, qua promissa
inviolabiliter præstas, & cuncta suis ratis ordinibus
disponis, vsque ad nubes & æthera se extendit, sic
ut nihil sit neque tam altum neque tam profundum,
quod non veritas iustitiæ, & misericordia bonitatis
tue incomprehensibiliter perneadant, & cuncta com-
prehendant.

Nam quantum ad iustitiam attinet, iustitia tua,
quæ caput est imperij tui, ad ius suum cuiq; tribuen-
dum, sicut altissimi montes Dei est, quorum verti-
ces hominibus incõspicui, ipsi omnia cõspiciunt: & iu-
dicia tua, quæ pro pedibus sunt ad iustum exsequen-
dum, abyssi sunt & vorago multa, cuius fundus la-
tens omnia ad se rapit.

Et quantum pertinet ad bonitatem tuam, non solum homines (quod quoquo modo ratione compre-
hendi potest, quia ad imaginem tuam creati sunt) sed
& vilissima pecora & iumenta (quod quæ ratione fi-
cis, quis intelligit?) salvas quotidie, & saluabis sem-
per Domine, quemadmodum clarè videmus quòd
multiplicasti & per omnia extēdisti preciosam mi-
sericordiam tuam Deus.

3. Quod quidem agnoscentes filij autem homi-
num (nam beluis datum hoc non est) & derelicta im-
pietate supradiçta, ad te se applicantes, tãquam pulli
gallinæ in tegmine & umbra alarum tuarum spe-
rabunt, ne ab impiis illis miluiis & hostibus suis di-
ripiantur, ad malum vitandum.

Et quantum ad bonum adipiscendum attinet plenitudinis bonitatis ac iustitie tue immersi, satiabuntur & quasi inebriabuntur à pinguedine & vberitate domus tue, quæ rerum omnium copia abundat; & tanquam torrente ac flumine voluptatis tuæ potabis eos.

Quoniam apud te est fons & quasi vestis ac primus motus vitæ ac morum; quod bonitatis est: & in lumine tuo, splendente super nos, videbimus & cognoscemus lumen veritatis; quod scientiæ.

*Quod quidem tu animaduertēs Domine, & gratū tibi esse ostendens, prætende, quæso, & amplifica misericordiam tuam super scientibus & agnoscen-
tibus te, quantum ad intellectum ad peccata condonanda; & iustitiam tuam his qui recto sunt corde, quantum ad vitam & mores ad promissa largiū præstanda.*

*Et secundum hoc, non veniat mihi nec domine-
tur super me pes superbiæ, sic ut ab hominibus arrogantibus conculcer: & violenta manus impij peccatoris non moueat aut de loco detrudat me.*

*Sed contrà exemplum in eos edens, ostende, quod
ubi mihi nocere voluerunt, ibi ipsimet ceciderunt
qui operantur iniquitatem; & qui me prosternere
putabant, ipsimet expulsi ac prostrati sunt, nec po-
tuerunt stare aut resurgere.*

EXPLANATIO.

Iustitia, montes, iudicia, abyssus] Legis Dei, qua cuncta administratur ac gubernatur, caput est iustitia; vnde proœmia legum manât: pes autem iudicium vnde sanctiõnes. De his duo omnino dicuntur: Primum, nihil neque tam altum, neque tam profundum esse, quod non iustitia & iudicia Dei peruatad; vnde apud Græcos iustitiæ nomen inde ductum est, quod per omnia peruatit. Et ne diaboli quidem regnum stare posset, nisi umbram aliquam iustitiæ haberet, vt in Euangelio est proditum. Secundum, iustitias & iudicia Domini tam alta & profunda esse, vt nullo ingenio humano cõprehendi possint. Sed quæ apud nos exstat eiusmodi rerum cognitio, inchoata tantum est, quantum ad vitam degendam sufficit, & ad Deum cognoscendum, in quo solo est acquiescendum.

Inebriabuntur] Quæ diuina sit ebrietas, iam antè dictum est; nempe cum homo, relictis non solum sensibus, sed & intellectu, extra se in vno Deo est positus. Estque huic satietati sanctæ opposita satietas mala, de qua hoc Psalmo versu secundo dicitur.

Vbertate, torrente] A iustitiâ pacem, à pace vbertatem existere, & quodnam sit flumen ciuitatis Dei, iam antè exposuimus.

Fons] Omnium rerum fontes in vno Deo sunt, siue vitam & mores spectes, in quo, per quem, & cum quo solo, volumus, currimus, & perficimus; siue artes & scientias, in quo, cum quo, & per quem solum, lumen veritatis cernimus. Et nisi inde principia repetantur, manca sunt & imperfecta omnia.

PSALMVS XXXVI.

*Titulus.**Psalmus scriptus ipsi David.**Argumentum.*

Admirabilis est antithesis in hoc Psalmo bonorum & malorum, præmiorumque iustitiæ & iniustitiæ. 1. Primum monet ut sanctus iustos, ne impiorum felicitate commoveantur, sed in vno Deo spem suam reponant, qui bonos amore complectitur, malos autem disperdit. 2. Idque semel positum repetit. 3. Deinde iustos & iniustos inter se opponitur, tum quidem potentie ac diuitiarum ratione, tum verò respectu Dei. 4. Post iterum ad bonos se conuertens, repudiata iniustitia, iustitiam sequi iubet, quod ter, quinquies, sexies, septies inculcat, sic ut membris tribus, partibus autem septem, hic diuinissimus & consolationis plenus Psalmus contineatur, verumque effectum iustitiæ & iniustitiæ demonstret.

1. **N**oli æmulari, nec te malè habeat prosperitas & felix successus rerum quem vides in improbis & malignantibus: neque zelaueris aut inuidia prosequaris facientes iniquitatem; sic ut eorum res secunde te vrant, eaque de causa excalescas.

Quoniam qui tibi nunc magni ac beati videntur, tanquam fœnum velociter succidentur, & arefcēt: & quemadmodum virētia olera, & germina herbarum, citò marcescent ac decident.

Tu autem spera in Domino, & fac bonitatem, & sic inhabita terram, nullo vita tedio affectus; sed contrà omni bona spe plenus, & procul dubio pascēris per fidem tuam, & nutriet te Dominus in veritate sua, in diuitiis eius.

Delectare

Delectare in Domino, ponens voluntatem tuam
in voluntate ipsius, & dabit tibi omnes petitiones
cordis tui.

Revela & notam fac Domino viam tuam; &
voluens super eum, illiq; committens omnium rerum
tuarum statum, spera confidenter in eo, & ipse fa-
ciet quod oportet, & procurabit diligenter omnia, ne
quicquam tibi desit.

Imò &, quod amplius est, ad te cohonestandum
educet in publicum quasi lumen solis orientis iusti-
tiam & bonā voluntatē tuam, & iudicium tuum,
& rectē facta tua splendere faciet tanquam ipsum
meridiem: tu modo tacitus subditus esto Domino,
& cum patientia exspectans ora eum.

2. Noli æmulari, dico, nec offendi in eo (nam
quid opus est ut rebus ipsius te immisceas?) qui pro-
speratur in via sua, in homine, inquā, faciente in-
iustitias, & omnes peruersas animi sui cogitationes
ac libidines supra numerum capillorum multipli-
catas, quasi scilicet indignum sit, res ei tam feliciter
cedere.

Desine ac desiste ab ira quam ab eam rem fort as-
se concepisti, ut saepe etiam optimis viris fieri solet, &
derelinque ac depone indignationem illam, tāquam
furorem quendam: noli æmulari (ut vel tertio hoc
inculcem) nec vsque adeò his rebus offendi ac irrita-
ri, ut aut verbo maligneris, detrahendo illi ac male-
dicendo, aut facto imitando eum in sua iniustitia.

Quoniam qui malignantur, siue id verbo fiat,

siue factò exterminabuntur: sustinentes autem Dominum, & cum patientia gratiam illius expectantes, ipsi longa vita & successione post se hæreditabunt terram.

Quod longè aliter accidet impiis: nam paululum respice, & videbis eum, & adhuc pusillum, & non erit peccator, & quod amplius est, quæres locum eius ubi constiterat, & non inuenies nec ipsum, nec locum ipsius.

Contrà mansueti autem & mites ac humiles hæreditabunt terram, ut dico, tam per se quam per successionem suorum, & delectabuntur in multitudine pacis, quæ merces est & fructus iustitiæ.

3. *Quinimo vis videre quo pacto iustus & iniustus se habeant, tam inter se quam erga Deum? ecce obseruabit impius peccator iustum, & multa cogitans ac moliens aduersum ipsum, stridebit & frendet super eum dentibus suis, potentia sua elatus.*

Caterum, Dominus autem irridebit eum, quoniam prospicit quòd breui veniet dies eius, quo plectatur ac pereat.

Ad hæc gladium acuerunt & euaginauerunt impij peccatores; & intenderunt arcum suum.

Ut decipiant ac de statu suo deiciant ac diruant pauperem & inopem, qui tamquam mendicus ope humana est destitutus; & ut iugulantes trucident ac dilanient rectos corde, qui recta via ingrediuntur.

Sed id longè aliter eueniet: nam fiet ut suo se ense iugulantes, gladius eorum intret in corda eorum,
&

& arcus eorum confringatur.

Atque hæc quidem cum circa vim & potentiam ita se habeant, porrò circa diuitias multo melius est modicum recte partam iusto, viuenti moderatè, super rapinas & diuitias peccatorum multas, quibus male quaesitis, malè vtuntur, & supra alios superbè se efferunt.

Quoniam brachia illa peccatorum, dum ob ingentes diuitias valde potentes se esse putant, contendantur & confringentur: confirmat autem & sustentat iustos Dominus, quantumvis in re parua & exigua esse videantur.

Etenim nouit Dominus, & sunt illi cura dies immaculatorum, vt opem illis ferat cum est tempus: & hæreditas eorum in æternum erit, dum Dominum habent partem hæreditatis suæ, à quo, tamquàm filij, iure hæreditario nutriuntur, tam ipsi quàm liberi eorum.

Et ob id non confundentur, nec spe sua frustrati pudefient in tempore malo & aduerso; sed contrà rebus omnibus inuari se sentient, & in diebus famis saturabuntur: quod sane contrà impiis accidet, quia peccatores tam fame quàm aliis rebus aduersis peribunt.

Nam pii perpetuò florebut; inimici verò Domini mox vt honorificati fuerint & exaltati, sicut monocerotes deficientes, quemadmodum fumus deficient, haud aliter atque adeps pinguium & pretiosorum agnorum, qui altari impositus igne ado-

letar, ac consumitur, & in fumum euanescit.

Quinimo mutuabitur peccator ab amico suo, & nō restituet nec soluet quod debet; quin præterquam quod impius & iniustus est, in summis etiam diuitius semper indiget: contra iustus autem, quātumuis tenuis fortuna videatur, non modò habet unde soluat debitum, prout facit, sed & cū superet etiam aliquid, miseretur aliorum egentium, & ultro retribuet ac dabit eis.

4 Quæ quidem res omnino sic continget vtrique à Domino, quia benedicētes ei, quod iusti faciunt, rursum benedicti ab eo, tanquam iure successionis paterna, hæreditabunt terram: maledicentes autem ei, quod faciunt peccatores & iniusti, contrà maledicti ab eo succidentur ac disperibunt, nec ullis terra bonis fruuntur.

Etenim apud Dominum gressus hominis iusti dirigētur, sic ut nullum vestigium ponet, quod non ad voluntatem & nutum Domini, & iuxta legem eius dimetiatur, pendens totus & accipiens omnia ab eo, & ob id gratam habebit Dominus viam eius, & volet, & amabit eam.

Et cū ceciderit, rebus aduersis afflictus, non collidetur, nec succumbet calamitati, quia Dominus supponit manum suam; quātum quidem cauet ne ledatur, tum verò manum eius sustētat ne totus corruat.

Enimvero iunior ego fui, & vixi multis annis, etenim iam senui, & tamen non vidi unquam
iustum

iustum à Deo derelictum, nec semen eius quærens panem.

Imò verò contrà in re lauta constitutus, tota die beneficium se ostendit erga alios, & miseretur eorum qui re & ope ipsius indigent, & commodat iis qui mutuum ab eo postulant: & non solum ipse, sed & semen illius, rebus omnibus abundas, in perpetua benedictione erit, dum munificentiâ eius ac diuitiis, omnes mortales prædicabunt.

5. Quæ quidem cum ita se habeant, & tanta sit inter bonum & malum, iustum & iniustum differentia: tu, quicumque hæc audis, utrumq; tibi ob oculos ponens, declina à malo, cuius tanta sunt maledictiones; & fac bonum, cuius summa est benedictio; & sic inhabita terram hanc, & fructu perpetua felicitate in sæculum sæculi.

Quia Dominus amat iudicium quo iustitia cum equitate exercetur; & non derelinquet unquam sanctos suos, quos misericordia & beneficentia sua est complexus, sed diligenter custodit, in æternum conseruabuntur.

Contrà verò iniusti punientur, & semen impiorum peribit: iusti autem, tanquam iure successionis paternæ, hæreditabunt terram, & inhabitabunt in sæculum sæculi super eam.

Sed & sic considera, os iusti meditabitur ac tractabit sapientiam, ad iustum intelligendum; & lingua eius loquetur iudicium, ad ea quæ iusta sunt

sunt exequenda, sic ut duas principes virtutes prudentiam ad intelligendum, & iustitiam ad agendum semper coniungat.

Ad quod efficiendum, Lex Dei eius, per quam solam sapimus, & iusti sumus, in corde est ipsius: & sic non supplantabuntur nec nutabunt aut commovebuntur gressus eius, siue vite contemplationem, siue actionem spectes.

Quod autem cum videt, considerat quidem diligenter, & observat curiose peccatori iustum, & omnes actiones eius: & quaerit rationem, qua vel per falsas criminationes possit occidere & mortificare eum.

Ceterum Dominus autem non derelinquet eum in manibus eius, ut tyrannide & calumniis ipsius opprimatur, nec damnabit, aut damnari patietur eum, cum iudicabitur & sententia de eo feretur accusatori illi peruerso; qui cum ipse sit impius, impietatis eum, ut saepe fieri solet, insimularit.

6. Quod cum ita sit, iterum dico, expecta patienter Dominum, & custodi viam eius, & exaltabit te; ut tanquam filius eius, hereditate capias terram: & cum contra perierint peccatores aduersarii tui, videbis id coram, ut plane intelligas, quantaliter inter piium & impium sit differentia.

Etenim vidi aliquando impium superexaltatum robore virium suarum, & eleuatum ac florentem sicut cedros Libani, & lauros qua perpetua fronde virent.

Et

Et paulo pòst, transiui, & ecce non erat, *tāquam qui euannisset*; quæsiui eum, & non est inuentus nec ipse, & ne (locus quidem eius.)

7. *Quare ut tertio etiam idem inculcem, custodi innocentiam, sic ut vita & moribus simplex & perfectus ab omni scelere absis, & vide æquitatem, ita ut ratione & intelligentia quod iustum rectumq; sit cognoscas ac perficias: quoniam hæc sunt vera reliquæ homini pacifico sine iusto, cuius finis est pax & iustitia efflorescens.*

Contrà iniusti autem, qui legem Dei transgrediuntur ac præuaricantur, disperibūt simul omnes, & verò non ipsi modò, sed & reliquæ sine posteris impiorum, nec non fines, quos sibi habebant propósitos, *tanquam res vanæ & futiles succidentur, & interibunt; sic ut postera eorum nihil aliud sint, quàm perpetuum excidium & interitus.*

Salus autem iustorum à Domino est, qui & protector est ac fortitudo eorum in tempore angustia ac tribulationis.

Secundum quod & adiuuabit eos Dominus, & liberabit eos ab afflictionibus in quibus versantur, & eruet eos à peccatoribus, qui afflictiones istas inferunt, & saluabit eos, quia sperauerunt in eo.

EXPLANATIO.

Noli amulari] Quoniam de lege & iustitia hic agitur, digestus est hic Psalmus secundum ordinem literarum alphabeti Hebraici, de quo supra dictum est.

Quasi lumen iustitiam tuam] Duplex est lumē in sacris literis:

lueris: vnum intellectus, quod prudentiæ est; de quo supra dictum est: Et in lumine tuo videbimus lumen. alterum vitæ ac morum, quod iustitiæ: de quo hic agitur. Et Dominus in Euangelio, Tunc iusti, inquit, fulgebunt sicut Sol in regno Patris sui. Atque hinc quidem Sol iustitiæ apud Zachariam dicitur, origine inde ducta, quod omnis iustitia in actione vitæ consistit, ex vitæ autem præstantia claritas existit; vnde viri iusti, clari & illustres vocantur. Et in Euangelio Ioannes, In ipso, inquit, vita erat, & vita erat lux hominū. Et, Dominus: Luceat lux vestra coram hominibus, vt videant opera vestra bona, & glorificent Patrem vestrum qui in calis est.

Subditus esto Domino] Tota enim hominis iustitia non alia in re consistit, quàm in obedientia erga legem Dei, in qua magnum illud sacrificium consistit, quod iustitiæ vocari, supra diximus; cuius respectu alia sacrificia exigua sunt: vnde melior obedientia dicitur quàm victima, quæ est victima victimarum.

PSALMVS XXXVII.

Titulus.

Psalmus David quem cecinit graui morbo afflētus, in rememorationem peccatorum suorum, propter quæ affligebatur, idq; (die Sabbathi) quo singulari Dei beneficio iam allevationem & quietem à malis animi & corporis sentiebat.

Argumentum.

Morbo correptus David, & ab inimicis exagitatus ob adulterium Bersabæ & homicidium mariti eius, implorat Dei misericordiam, v. à malo animi pariter & corporis possit liberari.
 1. Ostendens primò quàm sit corpore afflētus: 2. Deinde quàm ab hostibus exagitetur, à proximis amicis deselētus: 3. Addens,
 licet

licet habea. quod hostibus respondeat, silete tamen, quia in vno Deo confidit, cuius auxilium cum multa exaggeratione gradatim inuocat. 4 In quo tandem concludit.

1. **D**omine ne, *quæso*, in primo indignationis furore ac motu tuo, quem zelo iustitiae re-
 ete concipis, arguas, & accuses me; non enim potero consistere in iudicio: neque in merita iræ tuæ, quæ post primum motum sequitur, ulterius corripas aut castiges me.

Quoniam ecce iam nunc sagittæ doloris & afflictionis tuæ descendentes infixæ sunt mihi, & me pungunt toto corpore: & confirmasti ac penitus depressisti super me manum tuam, quæ me percutis.

Non est vlla omnino sanitas, nec quicquam integrum in tota carne mea exteriore, propter acutos radios quibus stimolor, qui à facie iræ tuæ procedunt, & tam animum quam corpus pungunt: non est, inquam, pax aut quies vlla nec intimis cõsibus meis, propter merita supplicia, & stimulos conscientie, qui à facie peccatorum meorum prorumpunt, & in me reflectuntur.

Quoniam iniquitates meæ, quibus tanquam in profundissimam aquam immersus sum, supergressæ sunt caput meum, ita ut nec videre, nec respicere amplius possim: & sicut onus graue, quod capiti & humeris imponitur, grauatae sunt super me, sic ut amplius ferre ac consistere prorsus nequeam.

Putruerunt & insano corruptæ sunt malè ob-
 ductæ

ducta cicatrices meæ, quas semper recrudescere faciunt terrores conscientia, procedentes à facie insipientiæ & stultitiæ meæ, cum in errorum meorum liuores & fœditates intueor.

Miser factus sum omni genere afflictionis, & distorto corpore totus curuatus sum usque in extremum & finem, tota die contristatus, omniq; corpore & animo niger ac pullatus, tanquam habitu lugubri, ingrediebar.

Quoniam lumbi mei impleti sunt illusionibus falsarum voluptatum; unde ardores fœdissimos, & ulcera putidissima contraxerunt; & non est ulla sanitas, ut dixi, nec quidquam integrum in tota carne mea peccatrice.

Afflictus sum & humiliatus sum, debilitatis & attritis omnibus viribus meis nimis vehementer; sic ut more leonum rugiebam, dum summa vi erumpit & effertur vox à gemitu & dolore cordis mei.

2. Hac coram te commemoro Domine; quoniam antequam os meum aperiâ, iam clarum, & manifestum est ante te omne desiderium meum & spiritum meum, ac gemitus meus à te non est absconditus.

Nam cor meum palpitans, & huc illucq; se versans conturbatum est in me: dereliquit me virtus & robur ac fortitudo mea, & lumen oculorum meorum, tam mentis quam corporis, & ipsum non est mecum.

Sed & amici olim mei & proximi sedales mei,
non

non audentes propius accedere ad auxiliū ferendum, aduersum me, è regione (appropinquauerunt,) & planè ociosi steterunt, nihil pro me molientes.

Et qui iuxta me prius erant vicini & propinqui cognati mei, de longè steterunt, & interim irruentes in me, vim faciebant inimici mei, qui laqueos & resia sua tendentes quærebant animam meam.

Et qui inquirebant ac concinnabant mala mihi, locuti sunt vanitates & mendacia contra me, & dolos tota die meditabantur.

3. *Ego autem, licet abundè haberem quod responderem; tamen dissimulans omnia, tanquam surdus non audiebam, & gessi me sicut mutus, non aperiens os suum.*

Et factus sum sicut homo non audiens, & non habens in ore suo redargutiones, quibus obiecta aduersum se diluat.

Quod quidem ideo feci, quoniam non in viribus & defensionibus meis, sed in te solo Domine speraui, & expectaui te: tu exaudies me, Domine Deus meus, & respondebis votis meis.

Quia dixi, cum te rogarem ac supplicarem, nequando permitte, quaeso, ut supergaudeant mihi & latentur de me inimici mei: nam vsque adeò insolentes sunt, ut vel de minimis qua mihi aduersa accidunt, supra modum efferantur; & dum vel paululum commouentur ac lubricitant pedes mei, super me elati & magna locuti sunt.

Et si hoc nondum sufficit ad te commouendum,
K Domine,

Domine, hoc saltem reflectat, quoniam ego omni genere malorum vsq; adeo iam diu exagitor, vi planè videri possit, quod in flagella & ad verbera accipienda paratus ac natus sum, trahens tanquā claudus vitam meam, sic ut numquam quiescam, & sit dolor meus in conspectu meo semper.

Sed si nec illud quidem adhuc sat est, vel ob id, quāso, miserere mei, quoniam iniquitatem meam, ob quam in grauiissimum hunc morbum incidi, cognosco, & annuntiabo palam, ac profitebor, & cogitabo anxius pro peccato meo, quo pacto id queam expiare.

Quibus omnibus & hoc accedit indignius, vt tanto magis mei te misereat, quod inimici autē mei viuūt ac valent, & confirmati sunt robore ac viribus (super me,) & quod magno numero multiplicati sunt qui oderunt me sine causa, & penitus iniuste, ac iniquè.

Qui, inquam, rependunt ac retribuunt mihi mala pro bonis, & prosequentes me odio, detrahebant ac aduersabantur mihi, nō alia de causa, quā quoniam contra eorum institutum sequebar virtutem ac bonitatem.

4. *Ergo hec cum ita se habeant, ne derelinquas me, quāso, Domine Deus meus, ne discesseris, obsecro, nec elongeris à me, sed contrā festinanter accurrens, intende in adiutorium & auxilium meum, ô Domine, quies (Deus) meus, & adiutor salutis meæ.*

EXPLA-

EXPLANATIO.

Domine ne in furore] Pœnitentialis hic est Psalmus: ac quatenus ab amicis se desertum, nec quidquam ad falsas criminationes respondere velle Dauid ait, Christi in passione personam repræsentat.

Oderunt me iniquè] Hoc dicit ad differentiam odij boni & iusti. vt, Odiui ecclesiam malignantium.

PSALMVS XXXVIII.

Titulus.

In finem, siue ad summos præfectos chori musici, ac nominatim pro Idithun insigni cantore conscriptum & decantandum missum hoc canticum siue Psalmus Dauid.

Argumentum.

VI morborum, & hostium persecutionibus oppressus Dauid ait se initio constituisse, vt tacitus omnia perferret, ne vel minimâ cuiquam calumniandi occasionem præberet: Sed post vi doloris victum, non potuisse se amplius continere, quin in clamorem prorumperet, & à Domino quæreteret, quisnam tandem malorum sic futurus finis, quandoquidem homo per se non immortalis, sed mortalis est, & sicut umbra transiens, nisi à Deo iuuetur. 2. Vnde ad illum se conuertens, ipsum totam spem suam esse ait, togarq̃ue, & quidem iteratò, vt à malis animi & corporis, per ipsum qui omnipotens est, & cui nemo resistere queat, possit liberari.

Oppressus gravi hoc morbo, quo nunc laboro, dixi, & quidē initio constitui firmiter apud me, quòd custodiā diligēter omnes vias meas, & totius vitæ rationem, ita vt non modò factò ipso non delinquam, sed nec in lingua mea peccem, ne quem-

quam offendam, aut calumniandi occasionem praebeam, quasi impatiens sim dolorum.

Itaque posui ori meo custodiam, tanquam capistrum & fiscellam illi iniiciens, cum consisteret impius peccator aduersum me, versans mecum, ut obseruaret an aliqua in re me effunderem.

Quinimo obmutui, pressus silentio, & comprimēs me summa vi, humiliatus sum, & victus à me ipso; nam & ne quidquam omnino loquerer, silui ac etiam continui me à bonis sermonibus, ne quid esset quod in calumniam raperetur: sed hoc dum facio, ecce & dolor meus propter silentium exasperatus, & per multas vices renouatus est.

Sed & concaluit cor meum intra me, in medio corporis mei, dum sermonum vicissitudine se nunquam refocillat: & quantum video, in diutina hac meditatione, & silenti cogitatione mea exardescet tandem morbus tanquam ignis.

Hac igitur re pressus ac compulsus, non potui me diutius continere, sed locutus tandem sum in lingua mea: quāso, notum fac mihi Domine finem meum.

Et mensuram ac numerum dierum meorum, dic mihi, quis quantū sue est: ut sciam quid desit adhuc mihi temporis, ad finē his malis imponēdum.

Ecce enim non perpetuos & aternos, sed breues, & ut fit, palma quatuor digitorum mensurabiles posuisti dies meos: & ipsa substantia mea, & aūā totum meum, quod mihi constitutum ac determi-

natum

natum est, tanquam nihilum ante te.

Verumtamen & amplius dicam, aio enim hominem non solum rem aliquam vanam ac inanem esse, sed est ipsa vniuersa vanitas, omnis homo viuens, quantumcumque aliquid esse, & firmiter stare videatur; dum nimirum à te se auertens, conditor est ac fabricator ipsius vanitatis, in quam se immutat. ita certè se res habet, Sela.

Nam quòd quidquam cum quisquam esse existimet, nihil sanè est; quia. nunquam re ipsa est, neque firmiter consistit: verumtamen in imagine dumtaxat & umbra quadam tenebricosa pertrahit, & quasi perfluit homo; sed & amplius, quòd existimat, tamen si ipse perpetuò viuere nequeat, per propagationem tamen nominis, & successionem honorum id effici posse, frustra profectò laborat, & in vanum multa sollicitudine conturbatur.

Nam thesaurizat magno studio, & per suas nefasq; congerit multa: & ignorat prorsus cui congregabit ea, heredibusne sui nominis, an aliis exteris, qui mox cuncta sint dissipaturi.

2. Quod quidem cum ita se habeat, & verò in cunctis hominibus, & omni tempore, & nunc, quo in extremo hoc periculo versor: quæ est expectatio mea? (nonne,) repudiat is rebus illis vanis ac inanibus, solus Dominus? ita profectò; & sanè omnis spes & substantia mea apud te est, Domine, ad cuius imaginem sum factus, & ad quem cōuersus, similitudinem eius refero, quæ est sola veraque substantia mea.

Tu igitur ab omnibus iniquitatibus meis, ob quas in hac mala incidi, erue me, condonando mihi transgressiones meas, auferq; à me ignominiam hanc, quòd opprobrium stulto homini & insipienti, qui non modo te non agnoscit, sed & eos qui agnoscunt ludibrio habet, dedisti ac posuisti me.

Nam tu vti que scis, quàm patienter hac ferens, prorsus obmutui, & nō aperui os meum: quoniam non ignorabam quòd tu, qui Deus meus es, & in cuius manu sunt omnia, hoc fecisti: quare iterum te rogo, amoue à me, quaeso, plagas tuas.

Etenim qua vis & potestas tua est, & mea contra imbecillitas iam à fortitudine & robore manus tuę, qua me percutis, prorsus ego defeci & exanimatus sum, dum in increpationibus & obinurgationibus propter iniquitatem meam corripuisti ac castigasti me hominem infirmum ac imbecillum.

*Et tabescere fecisti sicut araneam, qua inedia consumitur, animum ac desiderium eius, dum quod maximè pretiosum ac desiderabile in illo est, qui est animi vigor ac praestantia, liquefieri ac maiore exedi-
sinis, haud aliter atque tinea vestē corrodere, aut limax colliquescere solet: nam ut viribus tuis resistat, non solum nihil magnum, verumtamē ipsa vanitas est, & vanè laborat ac conturbatur omnis homo, qui se robori tuo resistere posse existimat. ita sanè res est Sela.*

*Ergo, inquam, ut rursum rogem, exaudi, obsecro, orationem meam Dñe, & deprecationē meam, &
clamo-*

clamorem auribus percipe, ad lachrymas autem meas

Ne obsurdescas ac fileas, quoniam non ut in sempiternum in hac terra uiuam, hanc uitam peto; sed ad tantulum temporis dumtaxat, quo tanquam hospes per hanc terram transeo: nam aduena ego sum apud te uerum Dominum, ut scis, & peregrinus, sicut omnes patres mei.

Quod considerans, remitte mihi, & aufer à me manum plagæ tuæ, ut refrigerer, & refociller nonnihil, resumens pristinas vires meas, priusquam hinc abeam, & ampliùs in hac terra non ero.

EXPLANATIO.

Tanquam nihilum ante te] Quoniam solus Deus est qui est; quicquid extra Deum est, ad ipsum collatum, nihil est; nam non est ipsum id quod est, sed eius imago dumtaxat, quæ mox transit, ut post dicitur.

Vniuersa vanitas] Homo à Deo se auertens, non solum vanus est, sed ipsamet vanitas, quatenus pro peccato accipitur: quoniam vanitas peccati non consistit per se, sed est in ipso peccante.

Substantia mea apud te est] Nam quemadmodum homo à Deo auersus, vanitas fit, ita ad Deum conuersus, & illi insertus, substantiam suam ab illo accipit, potestque dici, hominem per se imaginem quandam esse; quæ cum ad Deum se conuertit, substantiæ eius fit particeps; cum ab eo se auertit, vanitati immergitur.

Titulus.

In finem, *sive ad summum præfectum chori missi, decantandus missus Psalmus qui conscriptus est ipsi David.*

Argumentum.

1. **P**Rædicit ac laudat Deum Rex, quod à præteritis malis illum eripuerit. 2. Quà quidem re fore ait, ut alij pñ, id videnter, & ipsi rebus inanibus derelictis, ad Deum, & eius opera se conuerterent; in quorum cōtemplatione non sic versabuntur, ut in iis existissecus acquiescant; sunt enim immunera, sed ut voluntatem Dei facere discant, ipsumque omni laude prædicent: quod se fecisse ait.

3. Vnde, quantum ad mala præsentia, & instantia, orat, ut ab iis liberetur, & hostes pudore suffundantur. Gerit David personam Christi de resurrectione gradas agentis, quod quidem & de se in Legge scriptum ait, ut Dei Patris voluntatem faceret, & nomen eius ad homines deferret, eorumque peccata elueret.

1. **E**Xspectans omni sollicitudine ac patientia expectavi Dominum, & ecce iam tandem inclinans se intendit mihi.

Et exaudiuit preces meas, & clamorem meum, & eduxit me de lacu & puteo miseriæ, ubi horrens aquarum est strepitus, in quem incideram; & de luto fecis densò ac cænofo, in quo infixus eram.

Et statuit in alta rupe supra firmam petram pedes meos, & direxit gressus meos, ut recta via incedam.

Et immisit in os meum canticum nouum ob noua beneficia in me collata, ut de iis carmen laudesq; canam ipsi Deo nostro.

2. Vide-

2. Videbunt *id* multi, & cum reuerentia timebunt, & sperabunt in Domino, *idem* ab eo expectantes, quale in me contulit.

Beatus enim vir cuius est nomen Domini, ipseque Dominus, spes & fiducia eius, & qui non respexit nec admiratus est homines potentes ac fastuosos: nec in vanitates eorum, & insanias falsas, quæ licet aliquid esse videantur, nihil tamen reuera sunt, deflexit aut intendit animum suum, sed in te solum, & in opera tua.

Etenim multa & numerosa fecisti tu Domine Deus meus, mirabilia facta tua, ab hominum capiti longè separata, & admirabilibus cogitationibus ac consiliis tuis non est qui similis sit tibi, ut vel narrando ea possit æquare, aut ullum in iis ordinem inuenire.

Ego enim annunciaui ea aliquando, & predicare conatus sum, & locutus sum plurima, volens ea certis distinctionibus ac rerum ordinibus comprehendere, & multiplicati sunt ordines illi super omnem numerum; sic ut ne minimam quidem partem eorum predicando me assequi posse re ipsa comperirem.

Tu enim predicationem illam exteriorem, ac sacrificium hostiæ pacificæ, & oblationem simile noluit; nam non sunt illa præcipua quæ tu quaris: ceterum aures autem, quibus verba tua percipiuntur ad faciendum ea, perforasti ac perfecisti aperuistique mihi, sic ut dicto tuo audiens sim, ei que obediā, meque totum tibi animo pariter & corpore perficiendum

tradam, quod est illud quod maxime in nobis requirunt.

Quinimo ut animaduerti quod etiam ipsum holocaustum, quod summum est sacrificium; & hostiam pro peccato, quod secundum, non postulasti, tanquam verè tibi gratum, sed aliud quod in propriitudine bonæ voluntatis consistit, tunc dixi, ecce venio, & adsum, tibi paratus, ut id quod imperabis faciam.

Nam in capite ipsiq; primo volumine libri Deuteronomij scriptum est de me, quo pacto Rex vnctus tuus gerere se debeat: quæ quidem in re ut facerem voluntatem tuam, ô Deus meus, id semper optavi ac volui, & secundum hoc gessi semper legem tuam, non in sinu solum ut Lege precipitur, sed & in medio viscerum pectoris & cordis mei.

Et sciens nullum tibi sacrificium esse magis gratum, quam sacrificium laudis, annunciaui ac predicavi palam iustitiam tuam, quam in seruandis promissis prestatas, in medio cætu populi, & ecclesia magna: ecce labia mea non prohibebo, nec prohibui vnquam, quo minus sic facerent, quod ita esse utique Domine tu scisti, & cognitum habes.

Etenim iustitiam, dico, tuam non abscondi in medio corde meo, prohibens linguam meam ne loquatur veritatem tuam, & constantiam in promissis seruandis: & salutare tuum, quod reipsa prestatas, publicè dixi & professus sum.

Non abscondi, inquam, nec celavi misericordiam

diam ac gratiam bonitatemq³ tuam, & veritatem ac iustitiam tuam à concilio multo, & conuentu publico.

3. Quò quidem respiciens tu autem Domine, ne, quæso, longè facias, nec prohibeas miserationes tuas à me, haud aliter atque ad hoc vsque tempus: misericordia & bonitas illa tua, & veritas ac iustitia illa tua semper susceperunt ac custodierunt me.

Quoniam circumdederunt me mala, quorum non est numerus, comprehenderunt me iniquitates meæ, & populi mei, quas in me suscipio, quæ tot sunt, vt oculis perlustrari nequeant; & tam fœda, vt non potui nec quinerim præ nausea ferre vt eas viderem.

Multiplicatæ sunt, inquam, numero super capillos capitis mei, & cor meum præ dolore & angustia dereliquit me.

Quare complaceat tibi Domine vt eruas me, ô Domine ad adiuuandum me respice ac festina.

Confundantur pudore, & erubescerent reuerantur simul ad vnum omnes, qui quærunt animam meam, vt auferant ac perdant eam.

Conuertantur retrorsum spe sua frustrati, & ignominia affecti: reuerantur simul omnes qui volunt mihi mala.

Ferant confestim confusionem suam, sic vt infamia, qua me volebant afficere, in caput eorum re-
dundet, & hoc sit præmium machinationis eorum, & sic pereant cuncti, qui insultantes dicunt mihi
per

per cachinnum: Euge euge, vah vah.

Contrà autem, exultent & latentur super te omnes quærentes te, & habeant unde dicant semper, magnificetur Dominus, quotquot sunt qui diligunt salutare tuum, quod in præstas.

Nam ego autem per meipsum mendicus sum & pauper, omnibus rebus ac virtutibus destitutus: sed Dominus de me cogitans, sollicitus est mei; ut quæ necessaria sunt, tribuat; & in bonum quæ facio imputet.

Etenim adiutor meus & protector ac liberator meus tu es, ô Domine: Deus meus, ne, quæso, amplius tardaueris.

EXPLANATIO.

Timebunt, sperabunt] Primus gradus amoris Dei est timor filialis, secundus spes, & tertius charitas.

In capite] Describitur in Deuteronomio, quo pacto Rex qui Christum repræsentat se gerere debeat; & ut ad eam rem librum ipsum Deuteronomij, propria sua manu descriptum, semper secum ferat.

PSALMVS XL.

Titulus.

In finem, siue ad summum præfectum chori missi, missus Psalmus, ut decantetur ipsi Dauid.

Argumentum.

1. **L**aborans gravi morbo vir sanctus, ait beatum eum esse qui egenorum curam gerit: fore enim, ut si quid illi simile contingat, Dominus curam eius suscipiat. 2. Cuius quidem rei ipse sibi conscius, inuocat in morbo suo Dominum, enarrans quantis malis

malis affligatur, non à morbo solum, sed & ab hostibus, qui tamen amicos se simulant, & olim summa necessitudine ipsi fuere coniuncti. 3. Vnderursum ad precandum reuertitur, seris sperans facturum Dominum id quod postulat.

1. **B**Eatus vir qui intelligit, & cum cura & sollicitudine respicit super egenum & pauperem, qui morbis, & aliis rebus aduersis affligitur: quoniam in die mala, si quid calamitatis ipsi accidat, liberabit etiam eum Dominus, idem ei praestans, quod ipse proximo suo praestat.

Dominus conseruet ac custodiat eum, & dans bonam valetudinem, viuificet eum, & beatum ac rerum omnium copia circumfluentem faciat eum in terra: & nō tradat, nec cadere patiatur eum in animam ac potestatem inimicorum eius.

Dominus opem ferat illi, & confortet ac fulciat eum super lectum doloris eius, si in morbum quandoque inciderit: imò, tu Domine, vniuersum stratum eius, in quo decumbebat, versasti ac discussisti in infirmitate eius, quo mollius ac suauius cubaret.

2. Quod quidem cum ita sit, & ego erga egenos me semper ita gessisse mihi sim conscius; dixi in his malis & agritudinibus meis: Domine, miserere mei, sana animam meam; quia ob id scio in morbum corporis me incidisse, quoniam animi morbo ac vitio peccaui tibi.

Ecce inimici mei dixerunt & imprecati sunt mala mihi: quando tandem morietur, inquiunt, & peribit nomen, & fama gloria eius?

Et

Et si fortè quispiam ex illis ingrediebatur ad me ut me videret, & quasi officij causa viseret; nihil ex animo, sed vana & ficta omnia loquebatur, & corcius, quod longè diuersum erat à verbis illis officiosis, congregauit iniquitatem sibi, ut sceleri simulata amicitia, aliud scelus adderet.

Nam egrediebatur à me foras, & ecce continuò loquebatur de me malè in id ipsum, quemadmodum priùs fecerat, iactans insuper se de verbis mihi datis.

Et, quod amplius est, iungens se cum aliis, aduersum me susurrabant ac murmurabant omnes inimici & osiores mei, & aduersum me cogitabant ac struebant mala mihi.

Sed & verbum planè iniquum, quod ipsius Be-lial & diaboli erat, constituerunt & iactarunt aduersum me: dicebant enim, ecce ob peccatum quod commisit, verbum maledictionis Domini effusum est in eum, & inheret illi, sic ut à morbo quo decumbit, nunquam omnino resurget. verùm tu Domine contrà an-ne me adiuuabis? nunquid qui dormit, & agrotus decumbit, non adiciet, aut concedetur ei, ut aliquando resurgat, & de inimicis suis se vindicet?

Etenim vide quàm indigna sint quae patiar: homo pacis meae, cum quo arctissima mihi erat amicitia, & in quo speraui, fidens ei omnia, & qui edebat panes meos, de propria mensa mea, magnificauit & extulit super me supplàtationem, & calca-neum suum: ut quemadmodum mula matrem sub-lato

lato pede calce me percuteret, & supra me se efferret.
 3. Ergo hoc considerans, & rationem eius habens,
 tu autem Domine miserere mei, & resuscita me
 de morbo, erigens me rursum in pedes, & retribuam
 ac reddam eis quod promeriti sunt.

Nam in hoc semper cognoui quoniam voluisti
 & dilexisti me: quoniam nō gaudebit unquam
 nec causam habebit ut iubeat aut insultet inimicus
 meus super me.

Etenim tu me autem propter innocentiam &
 & simplicitatem meam semper suscepisti ac fulxisti,
 & confirmasti ac statuisti me in conspectu tuo in
 æternum.

Quare benedictus Dominus Deus Israël, omni-
 que laude predicetur à sæculo & usque in sæcu-
 lum: ita fiat, fiat.

EXPLANATIO.

Beatus] Gerit etiam in hoc Psalmo David personam
 Christi, qui à Iuda Iscariote, vno de Apostolis suis, fuit
 proditus.

LIBER

LIBER SECVNDVS.

PSALMVS XLI.

Titulus.

In finem, siue ad summum prefectum chori missi; ut decantetur ad modulos cantilena, cuius initium maschil siue intellectus, & ad hoc tradatur filiis siue posteris Core, qui arte canendi præ cæteris præstant.

Argumentum.

1. **A**bsens à patria David ob hostium persecutionem, ostendit quanto desiderio teneatur redeundi, addens in quanto mare versetur; à quo tamen se vinci non patitur, increpans ac superans ipse animi suum. 2. Quod quidem tametsi omni studio faciat, dicit tamè dolorem sæpe recurrere, & ad inferiora animum trahere; à quibus iterum emergens, ad Deum rursus se applicat, & in eo spem suam omnem reponit.

1. **Q**uemadmodum desiderat ceruus gloriatus ac mugiens ad fontes ac torrètes aquarum: ita desiderat & anhelans clamat anima mea ad te Deus.

Sitiuit anima mea ad Deum, ad Deum, inquam fortem, & fontem viuum, dicens secum: quando veniam & redibo ad meos, & apparebo cum reliquis bonis omnibus in templo ante faciem Dei, qui irinus est & vnus?

*In quo quidem desiderio dum versor, expectans
miseri-*

misericordiam tuam; enimvero fuerunt mihi languenti, & prae marore ab omni cibo ac potu abstinenti, lachrymæ meæ panes die ac nocte, dum dicitur mihi quotidie ab hostibus meis, qui me subsannant, ubi nunc est Deus tuus, in quotantum fiducia ac spei collocas?

Hæc tam indigna recordatus sum, & recordor sapius, & pugnans cum iis totis viribus, effudi in me animam meam, subinde relaxans illam, ut indulgere possit dolori quantum velit; subinde contrà vincens ac suppeditans, ne supra spiritum efferatur: quoniam, quantumvis longa mora est, certum tamen mihi est, quòd reuersus ad meos, cum omni piorum multitudine transibo in vmbraculum, & locum tabernaculi admirabilis, & deducam eos vsque ad domum Dei.

Atque id in voce exultationis & gratia confessionis benefactorum tuorum, cum qua coniunctus erit sonus multitudinis epulantis ac tripudiantis, diemq; festum agentis.

Itaq; increpans eam, dixi, quare tristis & tantopere deiecta & quasi incuruata es anima mea? & quare intra me tumultuans conturbas me?

Spera in Deo, expectas eum cum patientia, quoniam utique adhuc tempus erit, & quidē breui, quo cum gratiarum actione confitebor & acceptam feram illi salutem meam: illi, inquam, qui vultu sereno me respiciēs, salutare est vultus mei, & ipse Deus meus.

2. *Hæc, ô Deus meus, tamen si sæpe ingeram, tamen semper contranitens ad me ipsum anima mea conturbata est, & tumultuans intra me, nimiumq; se deiciens non admittit consolationem: propterea ad veram tranquillitatem intra me constituendam, & animi motus superandos, non deorsum spectabo, sed sursum, & memor ero tui de terra hac Iordanis & Hermonijm, & à monte hoc modico Mizacer, ubi precul à meis nunc dego, nihil omnino dubitans, quin suavis illa recordatio tui, plenam consolationem mihi sit allatura.*

Nam si præsentēs calamitates meas inspiciam, una quidem abyssus aquarum alteram abyssum inuocat in voce illa cataraetarum tuarum, qua vis venti vnā pluuiam post aliam inducit, & tanquam per canales de celo diffundit.

Atque hoc modo omnia excelsa illa tua procellarum, qua è nubibus cum fragore erumpunt, & fluctus tui nimborum & imbrum super me transierunt omni genere calamitatum oppressum.

Sed contra postquam sic cogito, ecce dispulsis istis nubibus, in die mandauit Dominus, & misset ad me misericordiam suam, & nocte cantabo canticum eius, gratias illi agens de summis beneficiis mihi prestitis.

Tum continuo accurrit & stat parata apud me oratio quam facio Deo vitæ meæ: tum bona spe plenissimus, dicam Deo, ecce tu susceptor meus, & firma rupes ac petra mea es.

Quare

Quare ergo oblitus es mei, & quare contristatus ac tanquam lugubri veste indutus incedo, dum affligit & quasi opprimit me inimicus?

Quinimo ad maiorem fiduciam ostendendā, dum confringuntur ossa mea, & quasi morte conficimur, hi videor, per hoc quod exprobrauerunt mihi qui tribulant & in angustias redigunt me inimici mei.

Dum, ridentes dicunt mihi per singulos dies, ubi est Deus tuus? qua exprobratione nihil potest accidere acerbius: tamen in his tantis malis reprimam ipse me, & cunctam desperationem à me repellens, dicam ut antè: quare tristis & tant opere deiecta es anima mea, & quare fremitu ac gemitu tuo conturbas me?

Spera in Deo, expectans eū cum patientia, quoniam utiq, adhuc occasio dabitur & quidem breui, qua confitebor & cum gratiarū actione acceptam feram illi salutem meam: illi dico qui vultu benigno me adspiciens, salutare est vultus mei, & ipse Deus meus.

EXPLANATIO.

Sitiuit] Demonstrat magnum desiderium suum eodem modo quō in Evangelio esurire & sitire dicitur iustitiam: nā desiderij erga Deum & iustitiā eius, multi sunt gradus.

Ante faciem Dei] Addidimus autem, Qui trinus est & vnus, quia in Hebræo est ante facies Deorum. Et verò quotiescumque in sacris literis nomen Dei in plurali numero occurrit, quod in fonte Hebraico frequentissimum est, ad eum modum res est accipienda.

PSALMVS XLII.

Titulus. Psalmus Dauid.*Argumentum.*

1. **E**Xulans à patria vir sanctus hostium causa, orat Deum ut causam suam diiudicet & patriæ restituat. 2. Quod cum fieri, promittit se gratias acturum, & laudes coram ipso cantaturum.

1. **I**udica me Deus, tu, qui æquus index es omnium: & discerne ac defende causam & litem meam, quæ iusta est, de gente non sancta & immisericordi, quam iniustam & iniquam causam sruere constat: ab homine, inquam, iniquo factis, & doloso verbis, erue me.

Quia enim tu es Deus fortitudo mea, quare ergo nunc me repulisti & elongasti: & quare tristis ac tanquam lugubri veste indutus incedo, dum affligit & opprimit me inimicus?

Emitte quæso, lucē tuā opis & auxilij contra tenebras afflictionū; & veritatem tuam, qua opem illam promissisti: nam quemadmodum ipsa semper me deduxerunt & adduxerunt; ita & nunc deducant & adducent me in Sion montem sanctum tuum, quod per inimicos nunc non possum accedere; & in tabernacula tua, ubi sanctum templum tibi est.

2. Et hoc cum facies, introibo porrò ad altare Dei, ubi sacrificia & gratiarum actiones ei sunt; & tandem ad Deum ipsum, qui lætificat iuuentutem meam, & auctor est magnæ & tanquam iuuenilis lætitiæ & exultationis meæ.

Aque

Atq; ita coram te stans confitebor & acceptam feram salutē meam tibi, cantans in cithara, ô Deus Deus meus: & increpans animam meam, dicam: quare tristis & tantopere deiecta es anima mea, & quare tumultuaris & conturbas me?

Spera in Deo, & exspecta eum cum patientia: quoniam adhuc tempus erit, quo confitebor & acceptam feram illi salutem meam: illi, inquam, qui vultu suo benigno me adspiciens, salutare est vultus mei, & ipse Deus meus.

EXPLANATIO.

Montem] Nota gradationem, montem nempe Dei, tabernaculum, altare, & ipsum Deum: qui est ascensus ad Deum per quatuor gradus.

Quare tristis] Hic vide quo pacto superior animi pars dominatum habet in inferiorem.

PSALMVS XLIII.

Titulus.

In finem, siue ad summum præfectū chori musici, pro filiis Core, ut per eos hunc Psalmū curet decantandum, idq; ad intellectum, hoc est, ad modulos carminis cuius initium est maschil, siue intellectus.

Argumentum.

POpulus Israëliticus seruitute oppressus, partimque in captiuitatem abductus, Deum pro auxilio rogaturus, 1. Primum commemorat quanta olim bona patres ipsorū à Domino acceperint.

2. Deinde autem è conqâ quanta ipsi in prœsentiarum malapatiantur. 3. Cùm tamen legi ipsius temper adhaerent; n inimicque ad gentiles declinantes. 4. Ad extenu opem eius implorat.

1. **D**Eus, auribus nostris audiuius, patres nostri annunciauerunt nobis

Opus quod operatus es in diebus eorum, & item alia qua prius fecisti in diebus antiquis.

Etenim manus tua gentes disperdidit & expulit de sedibus suis, & in locum eorum plâstisti ibi patres eos nostros: tu afflixisti populos, & expulisti eos; ut germinare ibidē faceres nostros progenitores.

Nec enim in gladio suo possederunt terram, & brachium eorum non saluauit eos.

Sed dextera tua, & brachium tuum, & illuminatio ac fauor benigni vultus tui: quoniam complacuisti in eis, amans ac diligens eos.

Atque hoc modo, tu es quoque, ipse Rex meus, & Deus meus, qui sum populus Israël, descendens à primis illis patribus: tu es qui mandas ac disponis salutes populi Iacob.

In te inimicos nostros ventilabimus & feriemus cornu, & in nomine tuo spernemus ac conculcabitur omnes insurgentes in nos.

Non enim in arcu meo sperabo, & gladius meus non saluabit me.

Sed tu solus es qui nos conseruas ac defendis: saluasti enim nos de hostibus affligētibz nos, & odientes nos pudore confudisti, dum spe sua decidunt.

Quare in solo Deo laudabimur ab aliis, & ipse quoque

quoque gloriabimur & nos efferemus tota die, & in nomine tuo confitebimur tibi soli cum gratiarum actione, accepta ferentes omnia nostra in sæculū. ita sanè est Sela.

2. Sed cum ad hunc modum pro tua bonitate nos semper tractaueris, ecce nunc autem contrà elongans nos abs te, repulisti & ignominia confudisti nos: & offensus nobis, non egredieris Deus unà nobiscum in exercitiis & virtutibus nostris, cum aduersum hostes erit pugnandum.

Sed quod deterius est, auertisti nos retrorsum, & post nos terga vertentes currere fecisti inimicos nostros: & hoc modo qui oderunt nos, diripiebant & in prædam suam vertebant nos, & res nostras sibi.

Dedisti ac fecisti nos partim tanquam oves escarum, quas ad mactandum ac comedendum patres familias & ad dilaniandum ferè eligere solent: & partim in gentibus, inter homines impios ac barbaros, tanquam vento dispersisti nos.

Atque ibi vendidisti populum tuum in seruitutem vilissimè, sine vlla re, quæ alicuius substantiæ sit, aut pretio: & non fuit multitudo mercium, quibus rem tuam augeres, in commutationibus eorum.

Et si qui in terra nostra adhuc mansimus, posuisti nos opprobrium & in contumeliam vicinis nostris, & fecisti nos sublationem & derisum his qui sunt in circuitu nostro.

Posuisti, inquit, nos in fabulam ac prouerbum

sive similitudinem omnibus gentibus; ut si quem valem ac calamitosum dicere velint, cum nobis Israelitis eum comparent: & fecisti nos commotionem capitis in populis, sic ut omnes ubique populi cum capitis agitatione sannis nos impetant.

Atque hoc modo tota die verecundia mea, qua ego populus tuus afficior, contra me est, versaturq; semper ob oculos meos: & confusio ac pudor faciei meae cooperuit me rubore, toto vultu meo.

Idq; à voce & propter linguam maledicam hominis exprobratis mihi miseriae meas, & cum conuicio obloquentis ac blasphemantis mihi, & à facie ac propter sauum intuitum inimici mei & persequentis, qui se ultorem ad pœnas à me exigendas constitutum iactat.

3. Ecce hæc omnia, Domine, venerunt super nos, nec tamen obliti sumus te, & iniquè non egimus, nec mentiti aut preuaticati sumus in sancto fœdere ac testamento tuo, quod tecum habemus, ad legem tuam seruandam.

Et non recessit retro cor nostrum ab eo quod semel tibi polliciti sumus, nec declinauerunt gressus nostri à semita tua, & tamen tu contra ira percitus, declinasti semitas & res nostras à via & benedictione tua.

Quoniam humiliasti, & tanquam puluerem attriisti nos in loco afflictionis, ubi ob impiorum ac sceleratorum multitudinem, non tam homines quàm feri dracones habitant; & cooperuit nos multitudo tribula-

tribulationum, tanquam umbra quædam mortis.

Certè, si oblitus sumus nomen Dei nostri, & si expandimus manus nostras ad Deum alienum, implorantes auxilium eius:

Nonne meritò Deus nos puniet, & inuestigabit ac requireret ista? ipse enim nouit abscondita cordis.

Sed nunc planè contràres se habet: quoniã nò solum abs te non recedimus, sed propter te & confessi nem nominis tui mortificamur & occidimur tota die, & æstimati sumus sicut oues occisionis, quæ ad hoc destinata sunt ut ingulentur ac maculentur.

4. *Quod quidem cùm ita sit, exsurge, quaeso, & euigila: quare obdormis Domine, dum nos impiorum libidini permittis? exsurge, dico, & ne repellas nos abs te perpetuò in finem.*

Quare faciem tuam auertis & abscondis? cur obliuisceris afflictionis & inopiæ nostræ, & tribulationis oppressionisq; nostræ?

Quoniam humiliata ac depressa est in puluere anima & vitæ nostra, & conglutinator est in terra venter noster, dum præ multitudine afflictionum non tam verè viuimus & rectè incedimus, quàm vix trahentes animam humi repimus.

Ergo exsurge, inquam, (Domine) adiuua nos, & redime nos à captiuitate hac miseriarũ, propter immensam bonitatem ac misericordiam, ipsumq; nomen tuum.

EXPLANATIO.

Testamento] Hoc unum de nominibus est Legis diuinae, quam tanquam testamētum paternum nobis reliquit, ut voluntatem ipsius nobis testetur.

PSALMVS XLIIII.

Titulus.

In finem, siue ad summum praefectum chori musici, ut ad instrumentum quod Sossanni vocatur, hoc est, liliū, vel pro iis qui commutabuntur, tradat filiis Core decantandum ad intellectum, id est, modulos carminis, cuius initium est masculinū seu intellectus, hoc canticum amatorium siue nuptiale quod pro dilecto & dilecta factum est.

Argumentum.

1. **D** Auid spiritu Dei plenus, post breuē praefationem qua se ipsum incitat, 2. Deū Patrem introducit loquentem, Primum ad filium Messiam, cuius regnum ac triumphum pulcherrimae defenbit. 3. Deinde ad sponsam eius Ecclesiam ex ethnicis collectam, quam omni orantū vestitam, antiquae suae legis paternae obliuisci, & vni Christo sponso adherere iubet, ut perpetua beatitudine fruatur.

1. **E** Ructauit cor meū, diuinis epulis refectum, Verbum bonum, praeclarissimum quippiam efferre gestiens: dico enim ego ac decanto opera ac carmina mea, non cui libet, sed Regi ipsi Messiae, qui praecunētis praecellit.

Tu modo lingua mea sis expedita ad pronūciandum ea qua cor suggerit, & Deus Pater filio suo,
eiusq;

cuiusq; sponsa locutus est haud aliter atque calamus
(scribæ) velociter scribentis, qui dictata celeriter
excipit.

2. Speciosus es forma, inquit, ô dilecte fili, &
pulcher factus es præ cunctis filiis hominum: dif-
fusa est gratia orationis & sermonis in labiis tuis,
propterea quod benedixit te Deus, omnibusq; rebus
ornavit in æternum.

Ergo accingere gladio tuo super femur tuum,
ô Heros prævalens ac potentissime.

Et indue te specie ac gloria tuâ, nec non decore &
pulchritudine tua, quam vi gladij & verbi tui com-
parabis: & cum hac ipsa pulchritudine, ac splendore
intende prosperè, & gentes omnes persuadens, pro-
cede feliciter, & regna.

Idq; propter veritatem & rectitudinem in di-
ctis ac factis tuis, & mansuetudinem ac misericor-
diam erga humiles & subiectos, & iustitiam ac se-
veritatem contra elatos & superbos: nam currui
verbi tui insidens, cum his tribus tanquam equis ve-
hère; omnia ex animo succedent: & deducet te mi-
rabili ter dextera tua, docebitq; ac monstrabit tibi
omnes nationes terra.

Nam verba & sagittæ tuæ acutæ sunt, quibus
iusti populi sub te cadent: cadent ipsa sagitta in cor-
da inimicorum & hostis tui regis.

Atque hoc modo potitus victoria, thronus ac se-
des tua, ô tu qui Deus es populorum & subditorum
tuorū, in sæculum erit, & ultra in sæculum sæculi:
virga

virga autem directionis & iustitia equitatisq³,
sceptrum erit, & virga regni tui, qua cuncta modere-
ris ac gubernes.

Quia enim dilexisti iustitiam, per quam solam
omnia regna reguntur; & odisti iniquitatem, per
quam cuncta regna evertuntur: propterea vnxit te,
qui Deus Christus es, Deus Pater tuus oleo maie-
statis ac lætitiæ spiritus, præ cunctis aliis regibus ac
confortibus tuis.

Myrrha & gutta, stactes siue aloës, & casia fra-
grant ac spirant à vestimentis tuis, qua omnia de-
prompta sunt à domibus ac scriniis eburneis, ubi
tanquam in templis adseruantur, ex quibus ea pro-
ferentes, delectauerunt & exhilararunt te filia re-
gum, qua tibi seruiunt in maiestate ac honore tuo.

Quin adstitit regina, coniunx tua, à dextris tuis,
cum diademate, & in vestitu deaurato, ex auro pu-
rissimo, quod ex regione Ophir adfertur (circumdata
varietate) ob versicolores & variegatas vestes.

3. Atque ut ad te, qua uxor filij mei es, conuertar,
audi filia; & vide quid tibi sim dicturus, & inclina
autē tuam, ut facias quod dicā; & collocās omnem
amorem tuum in vno Rege, marito tuo, obliuiscere
populum tuum externum, vnde huc venisti, & do-
mum patris tui.

Et concupiscet viciissim Rex formam ac decorem
tuū: quoniam ipse est Dominus & (Deus) tuus,
& tu, & omnes populi, corpore incuruato adorabūt
eum.

Et

Et hoc si tu facias, venient filia Tyri in muneribus, cum donis suis, ad amicitiam tecum ineundam; & vultum tuum deprecabuntur (omnes) diuites ac potētissimi quique populi ac plebis, cupientes admitti ad conspectum tuum in gratiam ipsius Regis.

Idē ob hoc, quoniam animaduertent, quod omnis gloria eius, qua in regno ipsius versatur, coniungi eius filia regis, ob praeclarissimas animi sui virtutes & egregium erga Regē amorem, defertur ab intus per totam aulam, & intima eius penetralia, vbi ornata sedet in fimbriis aureis, vestibus auro intertextis induta, & circumamicta varietatibus, zona acupicta praecincta.

Vbi & adducentur Regi virgines, quas in comitatu reginae, & post eam semper esse iubeat, & proximę eius, quas pro amicabus suis habere solet, afferrentur tibi, & adducentur ad te, ut tibi seruiant.

Afferrentur, inquam, in letitia & exultatione, & adducentur in comitatu tuo vsq; in intimum thalamum ac palatium & quasi templum Regis.

Quare oblita dico populi tui, & in vnum Regem omnem amorem tuum defigens, sic repulsa (& tu quique filii mei eodem modo) nempe quod pro patribus tuis nati sunt tibi filii, & quod cōstitues eos principes super omnem terram.

Sed & ego ipse, qui pater tuus sum, memor ero nominis tui, ut duret in omni generatione, & ab vna ad aliam generationem.

Et propterea omnes quoque populi confitebūtur tibi,

tibi, & celebrabūt te omnibus laudibus in æternum,
& in sæculum sæculi, vltra cunctas generationes.

EXPLANATIO.

Communtabuntur] Fit hīc & intellectus mentio, & commutationis: quoniā regnum Christi, quod hīc describitur, & prudentia constat, quæ intellectus est; & iustitia, quæ amoris: cuius ea vis est, vt hominem penitus commutet, & extra se ponat. quod nuptiali carmini est proprium.

Speciosus] Istud & amatorio carmini conuenit, nā amor propriè est pulchri; & iustitię. nam vt alio loco dictum est, ea splendorem & claritatem inducit.

Propter veritatem] Nota illi, regna esse committenda, non qui armis sunt feroces, sed prudentia præstant, & iustitia, cum mansuetudine coniuncta. Porro cum tres sint formæ iustitiæ, nempe, recta iustitia, moderata, & intensa: omniū trium hīc meminit, sub nominibus veritatis, mansuetudinis, & iustitiæ. nam nusquam est iustitia, nisi præcesserit mansuetudo.

Dilexisti iustitiam] Idem hīc quoque animaduerte.

Audi filia] Ad Ecclesiam Christi, quæ sola speciosa & omni cultu virtutum ornata est, omnes aggregantur, Iudæi pariter & Ethnici, illique inservire debent, ad veram felicitatem adipiscendam; cuius rei causa, reliqua omnia obliuisci & pro nihilo ducere oportet.

PSALMVS XLV.

Titulus.

In finem, siue ad summum præfectum chori musici; ut detur filiis Core, & per eos ad instrumentum analoth, vel ad modulos carminis, cuius initium est almoch, sive pro arcanis decantetur hic Psalmus.

Argumentum.

Gratulatorium est carmen, quod ab omnibus malis liberatus David canit: 1. Dicens, si quidem Deus nobiscum est, neque cæli tempestates, neque hostium impetus nocere posse, idque se res ipsa expertum fuisse. 2. Vnde ad Dei opera contemplanda homines inuitat. Ad Christi autem regnum nonnulli hunc Psalmum accommodant, & bene. Continetque ter verbum triumphi Sela.

1. **D**eus noster refugium & spes protectioq; nostra est, & fortitudo ac virtus, adiutor noster in tribulationibus quæ inuenerunt & inuasurunt nos: atque is quidem non vulgaris adiutor, sed planè eximius, & omnino, ac nimis quàm exprimi queat, validus.

Propterea non timebimus dum turbabitur & ab imis fundamentis commouebitur tota terra, & dum transferentur ac se precipitabunt montes in cor ipsum & medium maris.

Etenim sonuerunt aliquando cum magno strepitu, & intumescētes exundātesq; turbatę sunt aquæ eorum, terra dico & maris: & conturbati sunt ac concussi montes in superba elatione, ac mota terra, & fortitudine eius. Et tamen eia eia Sela, vide quid factum sit.

Tantum

Tantum abest ut mali aliquid ea re perpeſſi ſimus, ut planè contrà acciderit: nam fluminis ille & aquarum impetus non ſolùm non nocet, ſed contrà, per rivulos diuſus, lætificat civitatem Dei Hieruſalem, ubi ſanctificavit tabernaculum, & poſuit ſacrarium ſuum Altiffimus.

Eſt q̃ Deus ipſe in medio eius, unde non cōmouebitur, ſed reſpiciet & adiuuabit eam ſuo tempore Deus, cū oppugnabitur manè ab hoſtibus in ipſo diluculo, tenebris adhuc inuoluto, ut fieri ſolet.

Sed & præter hac conturbatæ ſunt aliquando contra nos gentes ac populi, & inclinata ac concitata ſunt integra regna: & dedit vocem ſuam, ac fremit, & mora eſt aduerſum nos, & tanquam liquefacta in nos effuſa eſt uniuerſa terra.

Et tamen quidnam tandem contigit? Dominus virtutum & exercituum nobiſcum ſemper fuit: ſulceptor & proteſtor noſter & tanquam arx ſublimis nobis fuit Deus Iacob. Eia cia triumphet: ita proſectò ſe res habet, Sela.

2. Ergo huc agite quotquot eſtis mortales, venite, & videte opera Domini, & conſiderate quæ poſuit prodigia, & quàm admiranda perpetraverit ſuper terram, conſtituēs vaſtas in ea ſolitudines hominum impiorum, qui nos affligebāt, & auferens à nobis bella vique ad extremum finem terræ.

Sed & arcum hoſtis noſtri conteret, & confringet baſtas & arma, & ſcuta curruſq̃ bellicos comburet igni.

Incre-

Increpans eos propria sua voce, ac dicens: Cessate mortales homines à conatibus vestris; & prophana negotia vestra deponentes, vacate ab omni perturbatione animi, & videte, & planè cognoscetis quoniam ego sum Deus, Deus, inquam, qui sublimis super omnes exaltabor in gentibus, & exaltabor in terra.

Quod quidem cum ita se habeat, meritò utique dicimus: Dominus virtutum & exercituum nobiscum, susceptor noster, & tutissimum refugium Deus Iacob. Eia eia triumphe Sela, ita omnino res est.

EXPLANATIO.

Vacate & videte] Ad Deum cognoscendum primùm opus est ut ab omnibus externis & profanis negotiis vacemus: deinde ad eum videndum nos conuertamus.

PSALMVS XLVI.

Titulus.

In finem, siue ad summum præfectum chori musici, pro filiis Core, ut per eos iussu ipsius cantetur hic Psalmus.

Argumentum.

EXsuscitat vir sanctus populum ad Deum laudandum ac prædicandum. 1. Primùm quia deuictis hostibus apud ipsos sedem elegit: 2. Deinde quia quotquot vbique sunt gentes, ad ipsum & Filium eius se conuerterunt, & quasi dii facti sunt: nam quotquot eum receperunt, dedit eis potestatem filios Dei fieri.

1. **O**Mnes quotquot estis gentes, plaudite manibus, iubilare Deo in voce laudis & exultationis.

M

Quo-

Quoniam Dominus *Deus noster* excelsus est *super omnes Deos*, terribilis, & Rex magnus *super omnem terram*.

Subiecit *populos nobis*, & *gentes sub pedibus nostris*.

Elegit, ac *segregavit ab aliis*, & *dedit nobis hæreditatem suam propriam*, quam *nostrā esse voluit*, & *in ornamentum ac speciem esse iussit gentis sue* Iacob, quā *pra ceteris dilexit*. *Eia eia triumphe Sela*.

Adscendit enim *apud nos Deus in altum* in iubilum cum *summa acclamatione*; adscendit, inquam, Dominus in voce, & cum clangore tubæ.

Quare psallite, dico iterum, Deo nostro in hymnis, psallite, psallite Regi nostro, psallite.

Quoniam enim Rex est *omnis terræ Deus noster*: psallite quotquot *sapientiā & eruditione præstatis*, psallite sapienter & eruditè.

Regnabit quippe post hac Deus *super omnes gentes*: imò Deus iam *sedet super thronum ac sedem sanctam suam*, ut *ius cunctis reddat*.

Et quidē principes omnes *populorum iam nunc congregati sunt cum Deo Abraham*, eiq; cum *populo Israëlítico se subiecerunt*: qua quidem re quoniam, *vera religione suscepta*, quasi *dij fortes evaserunt*, ita ut sint *protectores ac tãquam scuta terræ*: factum est quòd & ipsi per hoc *vehementer eleuati & reuera decorati sunt*, nec non & *Deus noster*, qui *solus toto mundo celebris*, Deum Deorum hoc modo se ostendit.

EXPLA-

EXPLANATIO.

Pfallite] Nota quater hic repeti verbum pfallendi, non sine quaternarij numeri mysterio.

PSALMVS XLVII.

Titulus.

Psalmus *psalmi*, siue cantici, destinatus filiis Core, ut ab eis decantetur (secunda Sabbathi.)

Argumentum.

1. **P**Rædieat vir sanctus Deum ob ciuitatem Hierosolymanam contra hostes defensam, ipsosque in fugam coniectos. 2. Vnde vocem altius tollens, iterum laudat eum, & iubet spectari urbem Hierosolymanam, quam bene ope Dei sit munita. Potest & de noua ciuitate Agni, quæ in Apocalypsi describitur accipi.

1. **M**agnus Dominus, & laudabilis valde nimis, in ciuitate Dei nostri *Hierusalem*, & in monte *Sion* sancto eius.

Fundatur & situs est, tanquam sponsa bene ornata, in loco pulcherrimo, & rebus omnibus florente, & tanquam in amœnitate & exultatione vniuersæ terræ mons *Sion*, qui latera tenet Aquilonis, Boream spectans, & iuxta eum est ciuitas *Hierusalem* Regis magni.

Deus in domibus ac palatiis eius vniuersis & singulis publicis & priuatis cognoscetur, ibique præsens esse intelligetur, cum defendendam ac protegendam subleuandamque suscipiet eam.

Quoniam ecce multi Reges terræ aliquando

congregati sunt & conspirauerunt aduersus eam, & iungentes copias suas, conuenerunt in vnum, & obsederunt eam.

Quam ipsi videntes, ita ut adspexerunt eam, sic extēplo admirati sunt aggeres ipsius, & mœnia, & reliqua munimenta, quòd Dei numine ita procurante, mox conturbati sunt, cōmoti, & in præceps acti sunt, & tremor apprehendit eos.

Ibi & dolores inuaserunt eos grauissimi, vt mulieris parturiētis esse solēt: & disiecti ac dissipati sunt quemadmodum fit ac fiet cū in spiritu vehementi & vi v̄eti orientalis, tu Domine, conteres ac mutua collisione confringes naues maris Tharsis.

Certē sicut audiuius à Prophetis ac Patribus nostris, Deum populo suo nūquam defuturum: sic & ipsa vidimus & experti sumus, in hac ciuitate Domini virtutum & exercituum, in ciuitate, inquam, Dei nostri.

Deus enim fundauit ac fecit eam perpetuam, vt maneat in æternum. Ita profectò res est Sela. tollamus vocem altiùs.

2. Exspectantes suscepimus, ò Deus, gratiam ac misericordiam tuam, eamq; celebrauimus in medio templi tui.

Et quidem secundum quod nomen tuum Deus nomen est fortitudinis, (nam El, hoc est, fortis vocaris) & per omnes mundi partes se extēdit: sic & laus tua, qua profligatis hostibus nostris è strenuis factis tuis proficiscitur, in omnes fines terræ pertinet: quoniam

quoniam non solum fortitudine, sed & iustitia plena est dextera tua, dum in cunctis quæ facis, cum potentia ac robore iustitia ac bona voluntas est coniuncta.

Quare lætetur mons Sion, & tota ciuitas Ierusalem, & exultent filia omnesq; vrbes tribus Iudæ, propter iudicia tua (Domine) quibus hostes nostros vindicas, & inuictos contra omnes nos reddis.

Et verò circundate vos exteri simul & Israëlita, obambulantem montem & arcem Sion, & contemplantur diligenter, complectimini ac circuite eam, & narrate ac cōsiderate in turribus eius, numerātes quot nā sint, & dispicientes quā benè sint munita.

Adhibentes, inquam, animum, ponite corda vestra, & intuemini in virtute ac robore murorum & propugnaculorum eius, & distribuite, clarèque & distinctè inspicite domos ac palatia eius, & cōsiderate quā admirabilia ea sint opera, vt enarretis ea filiis vestris in progenie altera.

Et proculdubio comperietis reipsa; non humana esse opera, sed idèò tam esse mirabilia, quoniam hīc in loco hoc ac ciuitate nostra est Deus Deus noster, qui regnat in æternum & in sæculum sæculi. Ipse verus Princeps ducet ac reget nos per omnem vitam & post mortem in sempiterna sæcula.

EXPLANATIO.

Psalmus cantici] Excellentiam hīc notat carminis.

Sabbathi] Vt post bellicos labores in Deo acquiescat.

Iustitia] Bonus rex, non solum armis, sed & iustitia, & quidem præcipuè, debet esse decoratus.

PSALMVS XLVIII.

Titulus.

In finem, siue ad summum præfectum chori musici, ut per eum detur filiis Core decantandus hic Psalmus.

Argumentum.

1. **P**ost proœmium quo auditores exsuscitat & attentos facit, dicit Dauid, 2. omnes spes opesque in solo Deo reponendas esse, non autem in bonis corporis & fortunæ, quæ facile hominem destituunt, & tanquam umbra euanescent. 3. Cui accedit, quod & post mortem hominem ad perpetuum interitum trahunt. 4. Quare ad pios conuersus, nō admitandos eos esse ait, qui his opibus & honoribus circumfluentes, mox ex hac vita decedunt, & tam animo quam corpore moriuntur.

1. **A**vdite hæc quæ dicturus sum, omnes gentes ac populi, auribus percipite omnes qui habitatis nunc orbem, & sub temporis conuersione degitis.

Quique terrigenæ estis ignobiles, & filij hominum virorumque præclarorum nobiles, quantum ad honores, simul in vnum diues & pauper, quantum ad facultates.

O enim meum loquetur sapientiam, varia scilicet, proder scientias, quibus sapientia constat; & meditatio cordis mei prudentiam, ac multarum rerum intelligentiam, vnde prudentia conflatur.

Inclinabo, inquam, in parabolam ac similitudines rerum maximarum, quas Deus mihi inspirabit in aurem meam, ut audiam, quid in me loquatur Dominus,

Dominus, quo pacto aperiam ac detegam porrò vobis in psalterio ac cithara propositionem meam, quam quasi sub enigmate cum carmine suauissimo enarrabo.

2. *Summa autē huc redibit, ut intelligatur unum Deum esse, qui verē est, & in quo solo spes opesq; nostra debent esse sita, quicquid autem extra ipsum est, vanum esse & inane, nec quicquam habere firmū aut stabile. Quod quidem cū ita sit; cur, quæso, timebo aut animum despondebo in die mala, qui vulgo putatur esse, cū diuitiis & honoribusq; amicisq; quis destituitur: id enim si faciam, iniquitas proprii calcanei & facti mei circumdabit & demerget me.*

Nam qui omisso Deo confidunt in virtute ac fortitudine sua, quæ sunt bona corporis; & in multitudine diuitiarum suarum, quæ bona sunt fortune, gloriantur ac superbiunt.

Hos si rebus istis culpa sua, ut ferē sit, vel aliter destitui aliquando contingat, omnium mortalium miserrimos esse necesse est; nā si homines spectes, etiā si frater sit, non redimit eum: quo pacto igitur redimet homo aliquis externus? si verò Deum, non rogabit eum, nec dabit Deo placationem & propitiationem suam, recedendo à malo.

Et multo minis pretium redemptionis animæ suæ, accedendo ad bonū; cū sit à Deo penitus alienus. & ideo quidnam de eo fiet? certē laborabit & cōsuetabitur cum miseria sua in æternum, & sic agrē trahens animam suam, viuet adhuc in finē vsque.

Et sepe mortem optans, non videbit interitum cum volet, sed cum penitus demonstratum illi fuerit quam inanis res sit, in alio quam in Deo spem habere; & viderit etiam sapientes huius mundi morientes, qui specie quadam prudentie rem fecerunt ac diligenter conseruauerunt: tum simul cum illis insipiens iste & stultus tanquam bestia peribunt.

Et relinquent utrique alienis loco posterorum, substantiam & diuitias suas, & erunt sepulcrorum domus intima illorum in æternum.

Ac quantum ad alia ædificia ipsorum pertinet, tabernacula autem & habitationes eorum in quibus degerant, alij possidebunt in progenie & progenie: nec aliud de illis supererit, quam nudus sonus nominis, dum vocauerunt & imposuerunt nomina sua in terris & possessionibus suis.

Qui & ipse honor nominis non durabit, sed breui tempore euanesceat; ita vt nihil omnino remaneat, & sic homo quoniam (cum) in summo honore ac claritate (esset) factus ad imaginem ac similitudinem Dei, & ad eius contemplationem & cognitionem erectus, non intellexit, nec perstitit in eo; sed contrà ad honores, ac diuitias, & inanes rerum umbras se conuertit: comparatus est iumentis (insipientibus,) dum nihil altum sapit, & similis (factus est illis) dum quemadmodum ipsa interit.

3. Ergo hæc via est illorum qui à Deo, qui verè est, auersi, opum ac diuitiarum potentiam, aliasq; falsas imagines sequuntur, quæ stultitiæ & insipientiæ plena,

plena, scandalū est ipsis, & perniciēs posteris eorum, qui postea succedunt, dum patris vestigiis insistentes, in ore suo & sermonibus ipsius, quibus quo pacto res faciēda sit, ipsos edocet, complacēbunt ac delectabuntur, & secundū hoc vitā suā cūrsū instituent. Ita profectō res est Sela.

Nam sicut oves suę potius greges ouium in magna multitudine in inferno ac sepulcro positi sunt, & quotidie ponuntur: ubi mors pastorem inter eos agens depascet & perpetuo interitu consumet eos.

Et ubi extremi iudicii dies aduenerit, dominabuntur eorum iusti ac recti, qui nunc ab illis opprimuntur, in matutino illo tempore quo noua lux lucebit: & auxilium ac robur eorum, inanissq; illa rerum figura, qua nunc tantopere delectantur, veterascet ac conteretur in inferno, ubi perpetuum ipsis erit habitaculum, longē diuersum à præterita illa gloria eorum.

Quod quidem planē aliter nobis, qui p̄i ac iusti esse studemus, accidet: nam non solum non cōdemnabit, verumtamen, quod magis est, resuscitabit me Deus, & redimet animam meam de manu ac potestate inferi, cū acceperit me, & ab hac vita ad alteram transtulerit. Sic sanē se habet Sela.

4. Quare ne mireris, nec timueris, aut pœniteat te tūe conditionis, cū diues factus fuerit homo, & cū multiplicata fuerit gloria domus eius, quasi magni aliquid sit affecutus.

Quoniam cū interierit, non sumet secū quid-

M S

quam

quam ex illis, sed relinquet hîc omnia, quantum ad bona; neque descendet cum eo gloria eius, quantum ad honores.

Quoniam anima eius, nō post mortem, sed in sola vita & hoc corpore ipsius benedicetur, & felix iudicabitur, propter rerum copiam & affluentiam: ubi si quis existat qui honorem eum prosequi & corpus illius molliter curare norit, confitebitur tibi, & gratias habebit, cū ad hunc modum benefeceris ei.

Ceterū post hāc vitam introibit vsq; in progenies patrū suorū, quorum vanam stultamq; doctrinam est imitatus, ubi perpetuis tenebris erit circumfusus, & vsque in æternum non videbit lumen.

Atque hoc modo homo quoniam, ut dixi, cū in honore esset, Deo similis creatus, non intellexit, nec agnouit auctorem suum: comparatus est iumentis (insipientibus) quæ nihil aliud sapiunt, quàm quæ ad corporis pastum pertinent; & (similis factus est illis) moriens quemadmodū illa intereunt.

EXPLANATIO.

Comparatus est iumentis] Quemadmodum boni sicut Angeli Dei fiunt, ascendendo sursum: ita mali sicut bruta animalia fiunt, descendendo deorsum, ut suprà tactum est.

PSALMVS XLIX.

Titulus.

Psalmus Davidis cantandus traditum ipsi Asaph.

Argumentum.

1. **P**redicit Propheta, simulque alios Prophetas prædicentes inducit, fore sine dubio ut ad cunctos mortales iudicandos Deus veniat. 2. Quem primùm bonos alloquentē iuducit, ac docentem verum Dei cultum nō in sacrificiis exterioribus, sed interioribus potissimùm consistere. 3. Deinde autem malos, quos frustra legem suam in ore habere ait, cum facta sint contraria, quæ utique nō manebunt impunita.

1. **D**eus Deorum, qui fortis ac potens est supra omnes Deos, omnesque principes ac iudices terræ, Dominus, inquā, noster, trinus & unus, locutus est per se ac Prophetas suos, & vocavit in vnum totam terram, cunctosque habitatores eius.

Idque à solis ortu usque ad occasum eius, ne quisquam prætermittatur qui non verbi illius fiat particeps, dicentibus ac clamantibus Prophetis: Ecce iam ex monte Sion, in quo perfectissima species & imago est decoris ac pulchritudinis eius:

Ecce iam apparebit Deus manifestè, caelesti splendore illustris: veniet, inquam, Deus noster, & non cunctabitur ampliùs, nec filebit, sed disertis verbis vobis ipse loquetur.

Ignis vorax, qui reliquas doctrinas omnes vanas ac falsas consumet, in cōspectu eius exardescet, ac tãquam de vultu ipsius erumpet: & in circuitu eius tempestas

tempeſtas erit valida, cum turbine, qua cuncta que in orbe ſunt concutiantur.

Sed & aduocabit cælum, & omnes exercitus eius de ſurſum, & terram cum cunctis potentatibus ſuis de deorſum, quos ſibi tanquam teſtes & cooperarios adeſſe iubebit, & vnà ſecum à Diaboli poteſtate & à filiis ipſius diſcernere ac ſegregare populū ſuum.

Cui præcepto vos poteſtates cæli ac terra obtemperantes, cōgregate illi ſanctos eius, qui ſacrum cum eo fœdus habentes ordinant, ac faciunt ſecundūm teſtamentū & voluntatem eius ſuper ſacrificia: ſic ut cum iis veram colendi Dei rationem coniungatis.

Hæc cum Prophetæ ſic prædicant, nihil dubium erit, quin ita fiet: nam deorſum in terra nati omnes homines, mali ſimul & electi Dei, ſinguli ſeparatim collocabuntur, & ſurſum de ſuperis annuntiabunt, & adducent cæli iuſtitiam eius, quam in bonos & malos exercebit: quoniam Deus ipſe de calo in terrā deſcendēs, iudex eſt & erit inter hos bonos & malos, iuſtos & iniuſtos. Ita proſectōres eſt Sela.

2. Ac primū quidem ad bonos ſe conuertens, eoſq; alloquens: audi populus meus, inquiet, & loquar tibi: audi Iſraël, & adhibitis poteſtatibus iſtis cæli ac terræ teſtificabor tibi: nec verò tu ipſe ignoras, quòd Deus Deus, inquam, tuus ego ſum, quem puramente ſuper omnia colere & amare debes.

Quare non in ſacrificiis tuis exterioribus arguam nec reprehendam te, quaſi officiū non facias, nec quantum ad holocauſta autē tua pertinet, ob-
iurgabo

iurgabo te, quòd nō in cōspectu meo sunt semper.

Sed nec ob id tibi irascat, quòd non accipiam de domo tua vitulos & iuencos, neque de gregibus & canis tuis hircos.

Quoniam meæ sunt omnes feræ siluarum, iumenta in mille mōtibus, & boues omnes mei sunt.

Cognoui & in numerato habeo omnia volatilia cæli, volucresq; in montibus, & omnis pulchritudo agri, & quicquid in eo est ferarum, mecum & in potestate mea est.

Si esuriero, non opus est vt dicam tibi: meus est enim orbis terræ, & plenitudo eius.

Nūquid enim putas quòd māducabo carnes fortium taurorū, aut quòd sanguinē hircorū potabo?

Nequaquam profectò, nequaquam: nec est verò necesse quòd his mihi offerendis precipua opera te occupes: sed si verè mihi vis sacrificare, vnde reliqua omnia dependēt, immola mihi Deo tuo sacrificium laudis, quo cor mihi tuum offerens, gratias agas de beneficiis acceptis, & redde ac persolue mihi altissimo vota ac promissa tua, tã generalia, quibus mandatis meis odedire pollicitus es; quàm specialia, si quæ fortè fecisti.

Et hæc faciens inuoca me in die tribulationis & angustia, & eruam te, & magis magisq; materiam habebis ac causam qua honorificabis me, & omnibus laudibus offeras.

3. Hæc cū ad bonos dixisset; ad alios se conuertens, peccatori autem & impio dixit Deus: quare

tu enarras & quotidie verbis iactas iustitias & constitutiones meas? & qua fronte tu assumis testamentum & pactum meum, quod cum mortalibus habeo, per os tuum?

Tu enim nihil horum facis qua præcepi; & verò, quod deterius est, odisti omnem rectam disciplinam & admonitionem, & proiecisti sermones meos retrorsum.

Si videbas furem, currebas & consentiebas cum eo, & cum adulteris inita societate portionē tuam ponebas.

Os tuum ad detrahendum alteri se componens, abundavit malitia, & lingua tua cōcinnabat dolos.

Sedens in compitis ac circulis, non solum contra alienos, sed & aduersus proprium fratrem tuum loquebaris, & aduersus filium matris tuæ ponebas scandalum, probrosè de illo loquēs, & calūniam ei struēs: hæc fecisti, & tacui, expectās anne fortè resipisceres.

Sed tantum abest ut id feceris, ut contra in reprobum sanè sensum patientia mea te verterit: existimasti enim sceleratè & iniquè, quoddā dissimulo, & iustam punitionem differo, ero tui similis, approbans facta tua sed, tu, è contrā sic habe: ecce arguam & acriter corripiam te, & statuā me contra faciem tuam, & te ipsum omniāq; adeò scelerata facta tua ordine tibi ob oculos ponam, ut te perpetuis suppliciis exagitent.

Hoc tu omnino ita futurum certò scito: & aduertentes animum, intelligite hæc, quotquot estis mortales,

mortales, qui obliuiscimini me Deum vestrum: ne quando tamquam fera deuorados, & exquisitis suppliciis subiiciendos vos rapiat, & non sit qui eripiat.

Etenim si quis verè, & ut oportet, velit viuere, recedat à malo, & accedens ad bonum, non externas victimas, sed sacrificium laudis, siue cōfessionis & gratiarum actionis, qua cūcta sua mihi habeat accepta, offerat: & hoc faciens verè honorificabit me, & inueniet illic sibi iter, quò deducēs eum manu mea, ostendam illi salutare Dei.

EXPLANATIO.

Sacrificium laudis] Bis istud ponitur: primum in medio orationis ad bonos; deinde in fine orationis ad malos, nempe ut utrique intelligāt verum Dei cultum, neque in ceremoniis exterioribus, neq; in verbis, sed in animo cōsistere.

PSALMVS I.

Titulus.

In finem, siue ad summum præfētū chori musici, missus Psalmus Dauid, cū venit ad eum Nathan Propheta, quando intrauit ad Bethsabée.

Argumentum.

1. **A**dmonitus Rex à Propheta de grauissimo peccato in adultério Bethsabée, & homicidio Vtrix mariti eius commissio, veniam à Deo precatur, varias adferens causas cur id facere debeat, & promittens gratiarum actionem, si id fiat. 2. Vnde & secundo ad precandum reuertitur, orans ut totus reparari ac reformari possit: addens, si id impetret, fore ut suo exēplo ac doctrina etiam alij peccatores conuertantur. 3. Et quoniam trinum omne perfectum est, redit

redit tertio ad eandem orationem, supplicans ne sui peccati causa toti civitati Hierosolymorum minus Dominus fauceat, sed contra omnibus rebus eam ageat, ut cum hoc fiet, gratias illi summas omnes agat.

1. **M**iserere mei Deus: nam si iudicio contentam, certo succumbam: miserere, inquam, mei, non pro ordinaria bonitate tua, qua mundum, & quae in eo sunt, creasti; sed secundum magnam illam bonitatem ac misericordiam tuam, qua oblitus senectutis iustitiae, veniam peccatoribus dare consuevisti.

Et secundum infinitam multitudinem miserationum & piarum actionum tuarum, quae ex magna illa misericordia tanquam fonte profluunt, dele ex libro delictorum iniquitatem meam, qua legem tuam transgressus & prauaricatus sum.

Imò amplius multiplicans beneficentiam tuam, non solum a malo libera me; sed & ad bonum adducens, lava me etiam atque etiam ab iniquitate mea, & vitio intellectus, & à peccato meo prae voluntatis munda me, ita ut totus purus nitidusq; appaream.

Quoniam cum nihil aliud à peccatore exigere soleas, quam resipiscentiam, ecce ego iniquitatem & transgressionem prauaricationemq; meam cognosco & fateor, & quod magis est, peccatum meum, quod admisi, pra pudore ac dolore contra me est semper, pungens me, & ob oculos versans.

Quin, quod omnium gravissimum est, fateor, quod cum homines mortales tanti facerem, ut coram illis peccare puderet, & ob id delictum meum ipsis tegerem,
tibi

tibi Deo immortalī, atque omnia contuenti, tibi, inquam, soli peccare non sum veritus, & reipsa peccavi, & malum hoc coram te atque ad eum in oculis tuis feci: quare cum hac tam liberè confitear, quasi miserere mei, idque non mea sed tua causa, scilicet ut iustificeris & verax dicaris in sermonibus tuis, quibus pœnitentibus veniam promissisti; & vincas & quasi te purges in iudicio cum iudicaris ab hominibus, utrum clemens sis nec ne.

Quod quidem vel eo minùs inuitus facere debes, quoniam non tam prauitate spontanea, quàm innata concupiscentia deliqui: ecce enim in iniquitatibus ut scis, conceptus, ac formatus, & in lucem editus sum, & quod amplius est, in peccatis concepit, & in utero fuit ac calefecit me mater mea.

Cuius utique rationem habere debes, nec non promissionis illius tua, quam dixi de condonando his qui resipiscunt: quoniam ecce enim veritatem semper in intimis visceribus ac renibus tuis dilexisti, ut tam tu reipsa facias quod pollicitus es, quàm alij id ipsum firmiter abs te expectent: qua sanè sunt duo illa vulgo ignota & incerta & occulta ipsa & intima penitusq; abstrusa secreta sapientiæ tuæ, qua manifestasti mihi.

Quare adsparges & expiabis me (Domine) hyssopo, qua in sacrificiis corporis cōtagiones elui solent: & mudabor à peccatis meis; lauabis me, & induit us novis ornamentis virtutum, super niuē dealbabor.

Atque hoc quidem faciens, simul etiam auditui

meo dabis gaudiū & lætitiā, si, quemadmodum
offensionem animi tui, ita & placationem, per
prophetam aliquem nunciare digneris: & ex-
sultabunt eo nuncio ossa mea tam humiliata & abs
te contrita.

2. Igitur auerte, inquā, quæso, & absconde faciem
tuā à peccatis meis, ne ampliùs ea videas & me-
mineris: & omnes iniquitates meas de libro pecca-
torum, & rationum, quas à nobis exigis, dele.

Imò quoniam totus nunc corruptus & inquinatus
sum, cor mundum & animum purum crea in me
Deus: & spiritum vitæ, qui à corde procedit, rectum
& integrum innoua in mediis visceribus meis.

Quod ut fiat, ne, obsecro, proiicias me à facie tua,
sine cuius tanquam exemplaris adspectu cor mūdum
haberi planè nequit: & Spiritum sanctum tuum
ne auferas à me, absque quo nec mens, nec spiritus
queat esse rectus.

Sed contrā, redde mihi, ut olim, lætitiā salu-
raris vultus tui: & spiritu principali, qui ad vir-
tutem liber sit & sponte erectus, confirma & suf-
fulci me.

Quod quidem ubi feceris, non solum me seruaueris,
sed & ipse experiētia edoctus, docebo porrò iniquos,
& transgressores ac prauaricatores Legis tue vias
tuas; quæ sunt, misericordia in condonādo, & veritas
in promissis præstandis: & hoc intelligentes impij &
peccatores, ad te conuertentur.

3. Quare iterum te oro, libera me, quæso, de
sanguini-

sanguinibus, & cade inssu meo facta, ô Deus, qui auctor es & Deus salutis meæ: & exultabit ac resonante voce & cantu celebrabit lingua mea iustitiam tuam, ob promissa penitentibus facta servata.

Nam ut id facere possim, tu Domine labia mea aperies, & sic os meum annunciabit laudē tuam: quæ res omnium maximè grata tibi est.

Quoniam si non hoc, sed potius voluisses sacrificium exterius, dedissem utique: verum tu vel holocaustis, quæ sunt summa sacrificia, non delectaberis; nec penitus ea voles, si animus verè pœnitens deest.

Nam verum sacrificium, quod Deo fit, est spiritus contribulatus, qui per pœnitentiam tanquam victima quedā in partes confractus est: & cor contritum & humiliatum, tibiq; pro hostia oblatum, Deus non despicias.

Quo quidem subnixus, quoniam nunc ad te venio, benignè, quæso, fac (Domine) in bona voluntate ac benivolentia tua, quæ uti soles, monti tuo Sion, & Regi quem illi præfecisti; ut ipso florente, ædificentur ac floreant muri Hierusalem, quos meorū scelerum causa, obsecro, ne tutari desinas.

Quod sanè cūm fiet, & tam Rex Sion, quàm tota ciuitas Hierusalem ad te & nomen tuum ex animo se conuertet, tunc acceptabis & gratum habebis sacrificium illud iustitiæ, quod in bona voluntate tibi oblata consistit: nec non oblationes, & holocausta externa, quæ cum bona voluntate coniuncta, utiq; tibi

*placere solent: atque illi id tunc intelligentes, suble-
uabunt & imponent super altare tuum vitulos ac
tauros, qui pro gratiarum actione secundum legis
tue præcepta offeruntur.*

EXPLANATIO.

Cum venit ad eum Nathan] Nota Regem à Propheta admoneri, & quidem Prophetam maximum à minori.

Holocaustis non delectaberis] Tria sunt sacrificia, bonorum externorum, corporalium, & animi : sed sine ultimo non sunt grata priora, cum eo autem omnia grata.

Muri Hierusalem] Iam antè admonuimus, Regem non de se solū, sed & de populo suo semper debere esse sollicitū.

Sacrificium iustitia] De hoc sacrificio suprà diximus, nec mouere nos debet quòd apud Hebræos sacrificia dicuntur, non sacrificium; quoniam idem sacrificium sæpe à multis repetitum, sacrificiorum nomen meritò habet.

PSALMVS LI.

Titulus.

*In finem, siue ad summum præfectum chori mu-
sici, ut ad modulos carminis cuius initium est ma-
schil, seu intellectus, decantetur hic Psalmus Da-
uid, quem fecit cum venit Doeg Idumæus, & an-
nunciauit Sauli, & dixit: Venit David in domum
Achimelech Pontificis.*

Argumentum.

1. **I**nuehitur David in Doeg ob prodicionem, cui extrema ob id à Deo minatur. 2. Opponitque seipsum contrà illi, dicens: ob virtutem se omnibus rebus florere, Deoque gratias agere. Porro gerit hic David figuram Christi, Doeg autem Iudz proditoris.

1. **Q**uid tantopere gloriaris in malitia, tu qui potens ac validus es in iniquitate, dum
bonos

bonos ac sanctos opprimis? quid? an nescis bonitatem ac misericordiam Dei semper mihi & illis adesse, nec unquam eos derelinquere, licet ita subinde videatur?

Enimvero in opprobrium Dei tota Dei iniustitiam ac prauitatem cogitauit & molita est pestilens lingua tua, qua, sicut nouacula acuta, qua à mento aberrans, in ingulum incidit, ad alios proscindendos utens, fecisti ac struxisti dolum.

Dilexisti malitiam super benignitatem, ut facto noceas potius quàm benè agas; & in verbis detestisq; tuis iniquitatem ac mendacium magis amasti quàm loqui equitatem veritatemq; ac iustitiam. Ita sanè res est, Sela.

Etenim dilexisti omnia verba præcipationis, ut bonos perdas ac deprimas, & de statu suo deicias lingua tua dolosa.

Propterea vide quid de te futurum sit, & quis te casus maneat: ecce Deus destruet te in finem ac perpetuū, euellet te, & emigrabit, ac penitus abradet ac tollet te de tabernaculo suo, & exstirpabit radicē tuā de terra viuentiū. Sic profectò erit Sela.

Atque id cū fiet, videbunt hæc iusti, quos tantopere nunc opprimis, & laudātes Deum timebunt & reuerentur eum, gratiāsque illi agent: & super eum qui hoc patietur, & tanquam arbor pestilens euelletur, qui tu es, ridebunt & (dicent:) ecce hic homo validus, qui non posuit Deum fortitudinem & adiutorem suum.

Sed sperauit ac confisus est in multitudine opum

ac diuitiarum suarum: & præualuit ac robur suum posuit in vanitate ac prauitate sua.

2. Ego autem contrà, tantum abest ut simile quippiam patiar, ut rebus omnibus floream, & sim sicut oliua virens ac fructifera in domo Dei: quod ideo mihi contingit, quia non in rebus illis inanibus confisus sum, sed speravi in una misericordia Dei in æternum, & in sæculum sæculi.

Atque ob id celebrans nomen tuum Domine, confitebor & accepta feram tibi in sæculum ac perpetuum omnia quæ mihi bona, & hostibus meis mala acciderunt, quia tu ea fecisti: & quantum ad futura pertinet, exspectabo nomē tuum, ut ei facta tua respondeant, quoniam bonum est, & à bonitate ipsa deductum. Atque hac omnia profitebor palam ac publicè in conspectu sanctorum tuorum, quos bonitate ac misericordia tua semper complecteris.

EXPLANATIO.

Radicem] Præmium peccati, mors est; sic ut non ipse solum, sed & tota stirps eius pereat: cui contrà opponitur præmium iustitiæ, quod in florenti statu consistit, quem per oliuam virentem hîc Dauid exprimit.

PSALMVS LII.

Titulus.

In finem, siue ad summum præfectum chori musici, pro instrumento musico amaleth siue mahabath, ut ad id cantetur, ad modulationem carminis, cuius initium est intelligentia, hic Psalmus eruditurus Dauid.

Argumentum.

1. **C**onqueritur vir sanctus omnes homines à Deo auersos, & ad malum conuersos esse: 2. Vnde Deum ipsum loquentem inducit, qui querit anne tandem resipiscant, ita ut à tyrannide malorum populus liberetur. 3. Ad quod respondet id fore, cum Deus opem populo suo feret, & à captiuitate malorū eos liberabit.

1. **D**ixit insipiens & agrestis in corde suo, non est Deus: propterea corrupti sunt in viis suis, & abominabiles facti sunt coram Deo in iniquitatibus, quas perpetrant: denique non est ex iis qui faciat bonum.

7mò Deus de cælo prospexit super filios hominū: ut videat si est aliquis intelligens ex iis qui hac stultitia nō sit imbutus, aut qui requirēs sit Deum.

Et vidit quòd omnes declinauerunt, & auersi sunt à Deo: atq; ita simul cuncti cōputruerunt, carentes Dei lumine, & inutiles facti sunt: non est, inquam, qui faciat bonum, nō est vsque ad vnum.

2. Vnde admiratus, nōne resipiscant, inquit, aliquādo, & scient utique me Deum esse, qui rerum humanarum curam geram (omnes) illi mali, ac

peruersi qui operantur iniquitatem, qui comedunt ac planè deuorant plebem meam ut cibum ac frustum panis.

Certè, quia Deum non agnouerunt nec inuocauerunt, non solum alij, sed & ipsimet pœnas scelerum à se exegerunt, viuentes in perpetua conscientia perturbatione: vnde etiam illic trepidauerunt timore vbi non erat timor, nec causa vlla timendi.

Quod quidem ideo illis accidit, quoniam Deus dissipauit ac dispersit ossa eorum qui Deum negligentes, eiq; quasi bellum inferentes, & Hierusalem sanctam eius ciuitatem obsidentes, solis hominibus placent & se accommodant: confusi, dico, sunt, & pudore affecti, quoniam Deus spreuit & abhorruit eos.

3. *Etenim quis putatis dabit ex arce Sion salutare, & soluta hac obsidione Hierusalem, saluum faciet populum Israël ab hostibus istis impiis ac sceleratis? certè non alius quàm Dominus ipse, qui dissipat eos ac confundit: & sic, cùm conuerterit Deus ac soluerit captiuitatem & obsidionem plebis suæ, exultabit Iacob, & lætabitur Israël.*

EXPLANATIO.

Non est Deus] Fons & origo omnium malorum est, putare non esse Deum, qui rerum humanarum curam gerat. Estq; hic Psalmus idē, paucissimis mutatis, cum Psalmo decimo tertio.

Ut cibum panis] Tyrannorum hæc tribus verbis est descriptio.

PSALMVS LIII.

Titulus.

In finem, siue ad summum præfectum chori musici, ut in carminibus, & cum plausu manuum, ad instrumentum quod vocatur Neginoch, & ad modulos cantilena, cuius initium intellectus, cantetur hic Psalmus eruditius David, quem fecit cum venissent Ziphæi, & dixissent ad Saul: Nonne Dauid absconditus est apud nos?

Argumentum.

1. **I**nuocat David auxilium Dei contra prodicionem Ziphæorum.
 2. A quo se mox exauditum iam ait, promittens grauarum actionem pro salute quam petit.

1. **D**Eus in nomine tuo, quod à bonitate ac robore ducitur, saluum me fac: & in virtute ac fortitudine potètiaq; tua iudica me, & ius meum sustine ac vindica.

Deus, inquam, exaudi orationem meam, auribus percipe verba oris mei.

Quoniam alieni; quos sic voco, quia licet nomine Israëlita sunt, vita tamen & moribus se præstant alienos; insurrexerunt aduersum me, & fortes ac saui terribilesq; tyranni quæsierunt animam & vitam meam, & non proposuerunt te Deum ante conspectum suum. Sede iei eia Sela iam nunc me sentio exauditum.

2. Ecce enim Deus adiuvat me, & Dominus, medius versans inter protectores ac sustentatores

N 5 meos,

meos, ipse lusceptor est animæ meæ.

O Domine, auerte, quæso, ac retorquendo mala quæ illi mihi parant, tribue ea ipsis inimicis meis, qui mihi insidiantur: & in veritate fideq, tua, quam in præstandis promissis semper ostendere soles, disperde ac penitus subuertere illos.

Quod cum facies, cum summa animi liberalitate voluntariè sacrificabo tibi sacrificium gratiarum actionis: & ferens tibi acceptam salutē meam, cōfitebor nomina tuo Dñe, celebraboq, id omnibus laudibus, quoniam bonū est, & rebus ipsis conueniens.

Quoniam cum à fortitudine, ut dixi, & beneficentia ducatur, tu ex omni tribulatione & angustia eripuisti me: & super inimicos meos despexit oculus meus, ultionem de iis vidēs, quam exspectabam.

EXPLANATIO.

Quoniam bonum est] Varia Dei nomina, variis ipsius actionibus sunt accommodata.

PSALMVS LIIII.

Titulus.

In finem, siue ad summum præfectum chori musici: ut in carminibus & cum plausu manuum ad instrumentum quod dicitur Neginoth, ad modulos cantilena, cuius initium intellectus, cantetur hic Psalmus eruditius Dauid.

Argumentum.

1. **N**Arrat vir sanctus in quantis angoribus ob hostium persecutionem versetur: 2. Vnde Dei opem aduersum eos implorat,

implorat, commemorans quanta illorum sint scelera, & quam perfidē secum agāt, ex coniunctissimis amicis proditores facti. 3. Quod quidem cum ita sit, dicit omnino fore ut Deus eos disperdat, ipsumque tanquam innocentem iuuet, cum contra illorum respicientia sit desperata. 4. Atque ita seipsum alloquens, concludit non in hominibus, sed in vno Deo esse fidendum. Gerit autem hic Dauid personam Christi, qui à proprio Apostolo suo proditus & à propria gente Israelitica in crucem actus fuit.

1. **E**Xaudi Deus, & arrige aures tuas ad orationem meam, & ne despexeris, nec abscondēs te auerferis deprecationē meam: intende, inquam, mihi, & exaudi me.

Contristatus sum conquerendo ac lamentando, & nunc huc nunc illuc me versando, in exercitatione, & clamore, ac oratione mea, in qua & totus conturbatus sum, fremens ac strepitum edens, idq; à voce ac propter vociferationem & minus inimici, & à tribulatione, propterq; toruum adspēctum hominis peccatoris & impij, & me persequentis, & in angustiam redigentis.

Quoniam conspirantes aduersum me omnes declinauerunt in me, & falsis criminibus confectis impegnerunt mihi iniquitates & delicta: & in ira, quasi furore concitati, molesti erant, & aduersabantur, vnāque omnes imminēt mihi.

Quare cor meum conturbatum est ac contremuit in me, & intra mediā viscera mea: & formido ac terror mortis cecidit super me.

Timor & tremor venerunt super me, & contexerunt penitusq; operuerūt me tenebræ, horroris ac pavoris plene.

Et

Et dixi, quis dabit mihi pennas sicut columbæ? & certè volabo hinc ad tutum aliquem locum habitationis, & requiescam.

Etece sic mecum cogitans, quantum votis potui, elongaui me, fugiens & animo sedem fixi ac mansi in solitudine, procul ab hominibus. Sic profectò res est Sela.

Atque ita solus agens, quoad cogitatione poteram assequi, exspectabam (ut cum festinatione veniret) eum qui saluum semper me fecit, & me liberauit à pusillanimitate ac deiectione spiritus & animi mei, & à tempestate quam mihi hostes excitabant: quos equidem & nunc vento ipso rapidissimo ac turbine citius effugere festinarem, si possem.

2. Sed quoniam id non humane opis est, sed prorsus diuine; tu, quæso, præcipita ac dissipa consilium eorum Domine, & diuide linguas eorum, ut alij alios non intelligant, sed in varias sententias distrahantur: quoniam certè digni sunt qui pereant, & vidi ipse iniquitatem eorum & contradictionem ac contentionem quam exercent in sua ciuitate.

Quæ ciuitas si verè describenda est, ut intelligatur quàm sit ciuitati Dei contraria, inuenietur quòd hæc quam dico contentio ac discordia die ac nocte circumdabit & circuiuit eam super muros eius, quodq; iniquitas & labor, quo boni affliguntur & opprimuntur, in medio versatur foro eius, & denique omnis corruptela ac prauitas, ipsaq; adeò iniustitiâ, in ipsis penetralibus est ac domibus eius.

Et

Et quantum ad vicos eius & vias attinet, quòd non defecit nec recedit unquam de plateis eius impostura illa damnabilis v'sura, qua se mutuo exedunt; & fraus ac dolus, quo se inuicem circumueniunt.

Quem quidem dolum, cum per mille machinationes fictas ac simulatas quotidie mihi intentent; non est sanè ferenda tanta perfidia: quoniam si apertus inimicus meus maledixisset aut exprobrasset aliquid mihi, sustinuissem utique.

Et si is qui manifestè oderat me, super me magna locutus fuisset, detrahēdo, & superbè minando mihi ore pleno, abscondissem me (forsitan) ab eo: quoniam facile est effugere odium manifestum.

Ceterum, tu verò, qui his gravissimis malis me nunc afficis, homo olim vnanimis mihi fuisti, quem fratris loco & aequalem mihi ducebam, quemque in tanto pretio ducebam, ut dux meus; & familiaris amicus ac notus meus esses.

Qui simul mecum dulces capiebas cibos, secretum nostrum suavi sermone delinientes, & in domo Dei vnà semper ambulauimus cum summo studio ac consensu sine ullo tumultu; sic ut diuina & humana omnia communia haberemus.

3. Quod quidem cum ita sit; veniat ac irruat de repente mors super illos, quæ debitum cum v'suris ab iis exigat; & descendant in infernum viuentes, nullo morbo precedente.

Quoniam scelera & nequitia in ipsis sunt habitaculis & congregationibus eorum, & versantur

in

in medio penetralium cordium eorum.

Ego autem contrà, qui omnem vitam innocentiam semper sum secutus, ad Deū clamaui: & scio quòd nihil aduersum me hostes poterunt, sed Dominus saluabit me.

Vespere, & manè, & meridie narrabo, & tum quidem susurrado, tum autem alta ac resonanti voce annuntiabo illi pericula mea, precaborq; instanter vt ab iis me liberet, & exaudiet, sāt scio, vocē meam.

Et redimet ac in pace collocabit animam meam, liberans eam ab his qui appropinquant & imminent mihi, vt bellum mihi inferāt: quoniam tametsi inter multos hostes versor, qui erant contra me, plures tamen sunt numero qui stant mecū & pro me.

Exaudiet, inquam, Deus deprecationem meam, & humiliabit ac affliget illos is qui est, & in calis habitans rebus omnibus presidet; iam inde ab initio ante omnia sæcula. Ita profectò res est Sela.

Non enim est vlla spes de illis, nec commutatio in iis à malo ad bonum, & non timuerūt nec timebunt vnquam Deum quemadmodum deberent: & ideo extendit Dominus manum suam in retribuendo, vt pro meritis eos castiget.

Nam vide quid fecerint: miserunt sceleratas manus suas in eum quem Dominus ipse pace ac fœdere suo comprehenderat, & cum quo amicitiam semper simularant: contaminauerunt perfidia sua testamentum & pactum eius, quod ipsi quoque seruare promiserant: denique qui princeps inter eos est, ita simulat è

simulatè se gessit, ut si os & verba spectes, qua quouis butyro leniora gerit, diceret: ecce iam diuisi sunt, & penitus recesserunt ab ira, minacia ora & vultus eius: si autem res & facta, contrà praelium meditatur, & iam ad pugnandum appropinquauit & se praparanit cor illius.

Etenim molliti sunt sermones eius super oleum, si quidem exteriorem speciem eorum spectes: & tamen si reuera eos consideres, nihil aliud ipsi sunt quàm gladij, & iacula acuta.

4. *Quæ quidem cùm ita se habeant, ne ponas unquam, ô anima, in hominibus spem tuam: sed si quid est quod tibi sit molestum, suorum pondere te premit, iacta ac penitus coniice super Dominum curam ac sarcinam tuam, & ipse te ita ut oportet gubernans, sustentabit ac enutriet: & non dabit in æternum fluctuationem iusto, ut semper à malis oppressus, penitus labascet ac succumbat.*

Ceterum quantum ad impios ac sceleratos attinet, tu verò Deus deduces ac precipitabis eos in puteum foveæ, ac voraginem interitus.

Atque ita viri sanguinum, & dolosi, qui in manu sanguinolenta & fraudibus suis confidunt, non dimidiabunt dies suos, sed immatura morte peribunt, dum numquam ad moriendum se componunt, quantumcunque etate sint prouecti: ego autem non in alio sperabo quàm in te uno ô (Domine.)

EXPLANATIO.

In ciuitate] Quemadmodum ciuitas Dei, iustitia; ita ciuitas Diaboli, iniustitia plena est: quæ tum quidem aperta vigrassatur in dictis ac factis, quæ sunt duo grauissima vitia quæ in hominum conuictum incidunt; tum autem tacita fraude per vsuram & dolum, quæ sunt duo maxima mala quæ in commerciis hominum intercedunt.

PSALMVS LV.

Titulus.

In finem, *sive ad summum prefectum chori musici, pro columba muta, quæ procul auolauerat, & constituta erat in locis longinquis à terra sancta; nec nò pro populo qui à sanctis longè factus est, missus Psalmus David, ut decantetur ad modulos cantilene, quæ in tituli inscriptione habet Michtam, quem fecit cum comprehenderunt & tenuerunt eum Allophyli sive alienigenæ Philisthai in Geth.*

Argumentum.

1. Implorat Rex David auxilium Dei contra hostes, dicens ea reficium se non metuere quid faciat homo. 2. Qui quidem licet multa molietur, nihil tamen efficiet, sed contra ipse peribit.
3. Vnde ad Deum conuersus, rogat ut ita fiat, & vota sua quæ pro salute præstita vovit, persoluat.

1. **M**iserere mei Deus, quoniam conculcavit & absorbere me vult homo: tota die sine intermissione impugnans tribulauit, & in angustiam redegit, & penitus oppressit me.

Conculcauerunt, inquam, & absorbere studuerunt me

me inimici mei tota die, quoniam multi insidiatores & bellantes aduersum me, ô Excelsè.

Certè Domine, quoties ab altitudine & locis superioribus me oppugnabūt, quod omni parte die faciunt, non potero omittere quin timebo: sed tamen rediens ego ad me, & verò rem uti oportet expendens, mox abiiciam omnem timorē, & in te sperabo.

In te, inquam, Deo fiet proculdubio quod aliquando laudabo & approbabo hos sermones meos tanquam bene factos: quibus boni consulens quicquid à te mihi immittitur, dico quòd in te Deo immortalis speraui, & non timebo quid faciat mihi caro mortalis: nam proficiscuntur hi sermones mei ex promissione & sermone tuo de auxilio mihi contra hostes prestando, quod non dubito quin sis factururus.

2. Enimvero illi tota die verba mea execrabantur, & calumniantur quicquid dicam & faciam: & aduersum me sunt omnes cogitationes eorum in malum, ut me funditus perdant.

Inhabitabunt & congregabuntur inter se, & abscondent se, ut delitescerent insidias mihi parēt: ipsi calcaneum meum & omnia vestigia mea obseruabunt, ut vitam mihi auferant.

Sed sicut ipsi sustinuerunt & expectant animam meam ut eam tollant; an ita, tu Domine, illis peccātibuseris auxilio, ut euadant pœnam? non profectò, nequaquā: nam hoc plus quàm iniquum esset: sed cōtrā omnes conatus eorum eludes, & pro nihilo eos duces, nec vllō modo saluos facies illos, & quod
O magis

magis est, in iusta ira tua omnes illos populos confringes, ac tanquam de gradu deiicies.

Tu, ô Deus, omnes fugas meas ab hostibus numeratas habes: nam omnem vitam meam annunciaui tibi, & posuisti omnes lachrymas meas in cōspectu tuo, quas tanquā in vtriculo quodā in vnum collegisti, & in libro rationū tuarū scripsisti. Annō ita est?

Ergo sicut & in libro de promissione tua manifestè exstat, ita nihil dubito quin tunc conuertentur continuo inimici mei retrorsum.

Vbi auxilium tuum imploranero, in quacunque tandem die fuerit qua inuocauero te, ecce enim iam certè cognoui, & habeo penitus exploratū, quoniam tu Deus meus es.

Quare in te Deo laudabo verbum meum, in te Domino laudabo sermonem meum, quo boni consulens quicquid à te mihi accidit, dixi: in Deo speraui, non timebo quid faciat mihi homo.

In me sunt Deus & ob oculos mihi semper versantur, & ad onus meum pertinent vota tua, quæ tibi vni: quæ equidem sine dubio reddam ac persoluiam in sacrificio longè gratissimo, quod est, cum canuntur laudationes & gratiarum actiones tibi.

Quas utique ipse canam, quoniam eripuisti animam meam de morte, quam hostes minabantur; & pedes meos de laplu peccati, quod Diabolus machinabatur: ut viuus incedam, & purus à peccato placeam coram te Deo in lumine viuentium; qui cognitione tui illustrati, in te solo viuunt.

EXPLA-

EXPLANATIO.

In lumine viventium] *Viventium in Deo duplex esse lumen suprà diximus: vnū intellectus; veluti cū dicitur: Lucerna pedibus meis verbum tuū, & lumen semitis meis. alterum claritatis vitæ ac morum; vt cū dicitur: Luceat lux vestra coram hominibus, vt videant opera vestra bona.*

PSALMVS LVI.

Titulus.

In finem, siue ad summum præfectum chori missi, missus Psalmus, quem tibi Domine, ne disperdas ipsum, fecit Dauid vt cantetur ad modulos cantilenæ, qui in tituli inscriptione habet Michtan, & cecinit eum cū fugeret à facie Saul regis Israël in speluncam.

Argumentum.

1. *I* Acens in spelunca vir sanctus cū eum Saul persequeretur, implorat Dei auxiliū: quod certò ita sperat futurum, quemadmodum sæpe factum est, quantumcumque hostes ferociant. 2. *A* quibus vt liberetur iterum orat: vt quemadmodum olim, ita & nunc gratias Deo agere possit. 3. *A*d quam rem seipsum excitat, & de salute accepta gratias agit.

1. **M**iserere mei Deus, miserere mei: quoniam in te sperat ac prorsus confidit anima mea.

Et tanquam pullus in vmbra ac tegmine alarum tuarum sperabo, donec transeat iniquitas, & tempestas calamitatum quibus nunc premor.

Clamabo ad te Deum altissimum, Deum qui benefecit mihi, & perficit quod in me ad

regiam dignitatem vocando incepit.

Nam sepe misit de cælo manum, & Angelum suum, & liberauit me à probro eorum qui me absorbere studebant: & quod magis est, dedit in opprobrium & ignominiam conculcantes & absorbentes me. Ita profectò res est, Sela.

Misit, inquam, Deus frequenter misericordiam suam, pro bonitate sua: & veritatem suam, pro iustitia, quam exercet in promissis præstandis, & eripuit animam meam de medio catulorum leonum: quare & nunc cum idem mihi contingat (etenim anima mea inter medios leones versatur, & iaceo inter inimicos ferocientes, & ira inflammatos & ardentes), ac cubui & dormiui securus, quantumcumque ab illis & eorum armis resplendentibus sim conturbatus.

Qui quidem tametsi homines sint, & filij hominum, dentes tamen eorum sunt tanquam ferarum, & tanquam arma, siue lanceæ, & sagittæ: & lingua eorum gladius acutus.

2. A quibus ut liberer, adfer mihi, quaeso, solitam opem tuam, & exaltare, & effer te super cælos Deus, & dispergatur in omnem terram gloria tua.

Etenim sepe olim laqueum parauerunt, & tetenderunt rete pedibus & gressibus meis, & incurruerunt ac debilitari timore fecerunt animam meam.

Et foderunt ante faciem meam foueam, ut me caperent: & quid factum est? equidem ipsi inciderunt in mediâ eam, qua de re tam triumphabam, Sela.

Vnde & nunc paratum cor meum Deus, paratum
cor

cor meum ad similem triumphum agendum de victoria quam certò mihi præbebis: cantabo voce, & psalmum dicam in instrumentis musicis tibi Dño.

3. Ad quod faciendum exsurge & exergiscere, ô anima, omnisq; virtus & gloria mea, exsurge, tu; psalterium & cithara: exurgam enim primo diluculo & ipsam auroram excitabo.

Et cõfitebor ac cantabo tibi in populis Domine, acceptam tibi ferens salutem meã, & psalmũ dicam tibi in gẽtibus, prædicans apud omnes laudẽ tuam.

Quoniam magnificata est vsque ad cælos misericordia & bonitas tua in me adiuvãdo, & vsq. ad nubes veritas & iustitia tua in promissis servãdis.

Quare exaltare & effer te super cælos, ô Deus; & expandat se super omnem terram gloria tua.

EXPLANATIO.

Dentes & arma] Quemadmodum feris animantibus, ita & armis & sagittis, quibus hominibus nocetur, mali comparantur.

PSALMVS LVII.

Titulus.

In finem, sive ad summũ præfectum chori musici, missus Psalmus, quem tibi, ô Domine, ne disperdas eum, fecit David, ut cantetur ad modulos cantilena, quæ in tituli inscriptione habet *Michtam*.

Argumentum.

1. Invehitur David in hostes suos primores republicæ, qui Sauli adulabatur, quos in malo suo vsque adeò iam inde à natiuitate inuete-

peruersi qui operantur iniquitatem, qui comedunt ac planè deuorant plebem meam ut cibum ac frustum panis.

Certè, quia Deum non agnouerunt nec inuocauerunt, non solum alij, sed & ipsimet pœnas scelerum à se exegerunt, viuentes in perpetua conscientia perturbatione: unde etiam illic trepidauerunt timore ubi non erat timor, nec causa ulla timendi.

Quod quidem ideo illis accidit, quoniam Deus dissipauit ac dispersit ossa eorum qui Deum negligentes, ei^q quasi bellum inferentes, & Hierusalem sanctam eius ciuitatem obsidentes, solis hominibus placent & se accommodant: confusi, dico, sunt, & pudore affecti, quoniam Deus spreuit & abhorruit eos.

3. *Etenim quis putatis dabit ex arce Sion salutare, & soluta hac obsidione Hierusalem, saluum faciet populum Israël ab hostibus istis impiis ac sceleratis? certè non alius quàm Dominus ipse, qui dissipat eos ac confundit: & sic, cùm conuerterit Deus ac soluerit captiuitatem & obsidionem plebis suæ, exultabit Iacob, & lætabitur Israël.*

EXPLANATIO.

Non est Deus] Fons & origo omnium malorum est, putare non esse Deum, qui rerum humanarum curam gerat. Estq; hic Psalmus idē, paucissimis mutatis, cum Psalmo decimo tertio.

Ut cibum panis] Tyrannorum hæc tribus verbis est descriptio.

PSALMVS LIII.

Titulus.

In finem, siue ad summum præfectum chori musici, ut in carminibus, & cum plausu manuum, ad instrumentum quod vocatur Neginoch, & ad modulos cantilena, cuius initium intellectus, cantetur hic Psalmus eruditius David, quem fecit cum venissent Ziphæi, & dixissent ad Saul: Nonne David absconditus est apud nos?

Argumentum.

1. Nuocat David auxilium Dei contra prodicionem Ziphæorum.
 2. A quo se mox exauditum iam ait, promittens gratiarum actionem pro salute quam petit.

1. **D**Eus in nomine tuo, quod à bonitate ac robore ducitur, saluum me fac: & in virtute ac fortitudine potētiaq; tua iudica me, & ius meum sustine ac vindica.

Deus, inquam, exaudi orationem meam, auribus percipe verba oris mei.

Quoniam alieni; quos sic voco, quia licet nomine Israhelita sunt, vita tamen & moribus se præstant alienos; insurrexerunt aduersum me, & fortes ac sani terribilesq; tyranni quæsierunt animā & vitam meā, & nō proposuerūt te Deum ante cōspectum suum. Sede iā eia Sela iam nunc me sentio exauditū.

2. Ecce enim Deus adiuuat me, & Dominus, medius versans inter protectores ac sustentatores

N 5

meos,

meos, ipse susceptor est animæ meæ.

O Domine, auerte, quæso, ac retorquendo mala quæ illi mihi parant, tribue ea ipsis inimicis meis, qui mihi insidiantur: & in veritate fidem tuam, quam in præstandis promissis semper ostendere soles, sperde ac penitus subuertere illos.

Quod cum facies, cum summa animi liberalitate voluntariè sacrificabo tibi sacrificium gratiarum actionis: & ferens tibi acceptam salutem meam, cōfitebor nomina tuo Dñe, celebraboq; id omnibus laudibus, quoniam bonum est, & rebus ipsis conueniens.

Quoniam cum à fortitudine, ut dixi, & beneficentia ducatur, tu ex omni tribulatione & angustia eripuisti me: & super inimicos meos despexit oculus meus, ultionem de iis vidēs, quam expectabam.

EXPLANATIO.

Quoniam bonum est] Varia Dei nomina, variis ipsius actionibus sunt accommodata.

PSALMVS LIIII.

Titulus.

In finem, siue ad summum præfectum chori musici: ut in carminibus & cum plausu manuum ad instrumentum quod dicitur Neginoth, ad modulos cantilenæ, cuius initium intellectus, cantetur hic Psalmus eruditius David.

Argumentum.

1. **N**Arrat vir sanctus in quantis angoribus ob hostium persecutionem versetur: 2. Unde Dei opem aduersum eos implorat,

implorat, commemorans quanta illorum sint scelera, & quam perfidē secum agāt, ex coniunctissimis amicis proditores facti. 3. Quod quidem cū ita sit, dicit omnino fore ut Deus eos disperdat, ipsumque tanquam innocentem iuuet, cū contra illorum respicientia sit desperata. 4. Atque ita seipsum alloquens, concludit non in hominibus, sed in vno Deo esse fidendum. Getit autem hic Dauid personam Christi, qui à proprio Apostolo suo proditus & à propria gente Israelitica in crucem actus fuit.

I. **E**Xaudi Deus, & arrige aures tuas ad orationem meam, & ne despexeris, nec abscondēs te auerſeris deprecationē meam: intende, inquam, mihi, & exaudi me.

Contristatus sum conquerendo ac lamentando, & nunc huc nunc illuc me versando, in exercitatione, & clamore, ac oratione mea, in qua & totus conturbatus sum, fremens ac strepitum edens, idq; à voce ac propter vociferationem & minas inimici, & à tribulatione, propterq; toruum adspēctum hominis peccatoris & impij, & me persequentis, & in angustiam redigentis.

Quoniam conspirantes aduersum me omnes declinauerunt in me, & falsis criminibus consiliis impeerunt mihi iniquitates & delicta: & in ira, quasi furore concitati, molesti erant, & aduersabantur, unāque omnes imminēt mihi.

Quare cor meum conturbatum est ac contremuit in me, & intra media viscera mea: & formido ac terror mortis cecidit super me.

Timor & tremor venerunt super me, & contexerunt penitusq; operuerūt me tenebræ, horroris ac pauoris plēne.

Et

Et dixi, quis dabit mihi pennas sicut columbæ?
& certè volabo hinc ad tutum aliquem locum habitationis, & requiescam.

Et ecce sic mecum cogitans, quantum votis potui, elongavi me, fugiens & animo sedem fixi ac mansi in solitudine, procul ab hominibus. Sic profectores est Sela.

Atque ita solus agens, quoad cogitatione poteram assequi, exspectabam (ut cum festinatione veniret) eum qui saluum semper me fecit, & me liberavit à pusillanimitate ac deiectione spiritus & animi mei, & à tempestate quam mihi hostes excitabant: quos equidem & nunc vento ipso rapidissimo ac turbine citius effugere festinarem, si possem.

2. Sed quoniam id non humane opis est, sed prorsus diuine; tu, quæso, præcipita ac dissipa consilium eorum Domine, & diuide linguas eorum, ut alij alios non intelligant, sed in varias sententias distrahantur: quoniam certè digni sunt qui pereant, & vidi ipse iniquitatem eorum & contradictionem ac contentionem quam exercent in sua ciuitate.

Qua ciuitas si verè describenda est, ut intelligatur quàm sit ciuitati Dei contraria, inuenietur quòd hæc quam dico contentio ac discordia die ac nocte circumdabit & circuiniet eam super muros eius, quodq; iniquitas & labor, quo boni affliguntur & opprimuntur, in medio versatur foro eius, & denique omnis corruptela ac prauitas, ipsaq; adeò iniustitiâ, in ipsis penetralibus est ac domibus eius.

Et

Et quantum ad vicos eius & vias attinet, quòd non defecit nec recedit unquam de plateis eius impostura illa damnabilis v'sura, qua se mutuò excedunt; & fraus ac dolus, quo se inuicem circumueniunt.

Quem quidem dolum, cum per mille machinationes fictas ac simulatas quotidie mihi intendant; non est sanè ferenda tanta perfidia: quoniam si apertus inimicus meus maledixisset aut exprobrasset aliquid mihi, sustinuissem utique.

Et si is qui manifestè oderat me, super me magna locutus fuisset, detrahēdo, & superbè minando mihi ore pleno, abscondissem me (forsitan) ab eo: quoniam facile est effugere odium manifestum.

Ceterum, tu verò, qui his grauissimis malis me nunc afficis, homo olim vnanimis mihi fuisti, quem fratris loco & equalem mihi ducebam, quēque in tanto pretio ducebam, ut dux meus, & familiaris amicus ac notus meus esses.

Qui simul mecum dulces capiebas cibos, secretum nostrum suauis sermone delinientes, & in domo Dei vnà semper ambulauimus cum summo studio ac consensu sine ullo tumultu; sic ut diuina & humana omnia communia haberemus.

3. Quod quidem cum ita sit; veniat ac irruat de repente mors super illos, qua debitum cum v'suris ab iis exigit; & descendant in infernum viuentes, nullo morbo precedente.

Quoniam scelera & nequitia in ipsis sunt habitaculis & congregationibus eorum, & versantur in

in medio *penetralium cordium* eorum.

Ego autem contra, qui omnem vitam innocentiam semper sum secutus, ad Deum clamaui: & scio quod nihil aduersum me hostes poterunt, sed Dominus saluabit me.

Vespere, & mane, & meridie narrabo, & tum quidem susurrando, tum autem alta ac resonanti voce annuntiabo illi pericula mea, precaborque, instanter ut ab iis meliberet, & exaudiet, sat scio, vocem meam.

Et redimet ac in pace collocabit animam meam, liberans eam ab his qui appropinquant & imminet mihi, ut bellum mihi inferat: quoniam tametsi inter multos hostes versor, qui erant contra me, plures tamen sunt numero qui stant mecum & pro me.

Exaudiet, inquam, Deus deprecationem meam, & humiliabit ac affliget illos is qui est, & in calis habitans rebus omnibus presidet; iam inde ab initio ante omnia secula. Ita profecto res est Sela.

Non enim est ulla spes de illis, nec commutatio in iis à malo ad bonum, & non timuerunt nec timebunt unquam Deum quemadmodum deberent: & ideo extendit Dominus manum suam in retribuendo, ut pro meritis eos castiget.

Nam vide quid fecerint: miserunt sceleratas manus suas in eum quem Dominus ipse pace ac foedere suo comprehenderat, & cum quo amicitiam semper simularant: contaminauerunt perfidia sua testamentum & pactum eius, quod ipsi quoque seruare promiserant: denique qui princeps inter eos est, ita simulatè

simulatè se gessit, ut si os & verba spectes, quæ quovis butyro leniora gerit, diceres: ecce iam diuisi sunt, & penitus recesserunt ab ira, minacia ora & vultus eius: si autem res & facta, contrà prælium meditatur, & iam ad pugnandum appropinquauit & se praparanit cor illius.

Etenim molliti sunt sermones eius super oleum, si quidem exteriorem speciem eorum spectes: & tamen si reuera eos consideres, nihil aliud ipsi sunt quàm gladij, & iacula acuta.

4. *Quæ quidem cùm ita se habeant, ne ponas unquam, ô anima, in hominibus spem tuam: sed si quid est quod tibi sit molestum, suoq; pondere te premit, iacta ac penitus coniice super Dominum curam ac sarcinam tuam, & ipse te ita ut oportet gubernans, sustentabit ac enutriet: & non dabit in æternum fluctuationem iusto, ut semper à malis oppressus, penitus labascet ac succumbat.*

Ceterùm quantum ad impios ac sceleratos attinet, tu verò Deus deduces ac precipitabis eos in puteum foveæ, ac voraginem interitus.

Atque ita viri sanguinum, & dolosi, qui in manu sanguinolenta & fraudibus suis confidunt, non dimidiabunt dies suos, sed immatura morte peribunt, dum numquam ad moriendum se componunt, quantumcunque ætate sint prouecti: ego autem non in alio sperabo quàm in te uno ô (Domine.)

EXPLANATIO.

In ciuitate] Quemadmodum ciuitas Dei, iustitia; ita ciuitas Diaboli, iniustitia plena est: quæ tum quidem aperta vigrassatur in dictis ac factis, quæ sunt duo grauissima vitia quæ in hominum conuictum incidunt; tum autem tacita fraude per vsuram & dolum, quæ sunt duo maxima mala quæ in commerciis hominum intercedunt.

PSALMVS LV.

Titulus.

In finem, siue ad summum præfectum chori musici, pro columba muta, quæ procul auolauerat, & constituta erat in locis longinquis à terra sancta; nec nõ pro populo qui à sanctis longè factus est, missus Psalmus David, ut decantetur ad modulos cantilena, quæ in tituli inscriptione habet Nichtam, quem fecit cùm comprehenderunt & tenuerunt eum Allophyli siue alienigena Philisthai in Geth.

Argumentum.

1. Implorat Rex David auxilium Dei contra hostes, dicens ea rescium se non metuere quid faciat homo. 2. Qui quidem licet multa molietur, nihil tamen efficiet, sed contra ipse peribit. 3. Vnde ad Deum conuersus, rogat vt ita fiat, & vota sua quæ pro salute præstita vovit, persoluat.

1. **M**iserere mei Deus, quoniam conculcauit & absorbere me vult homo: tota die sine intermissione impugnans tribulauit, & in angustiam redegit, & penitus oppressit me.

Conculcauerunt, inquam, & absorbere studuerunt me

me inimici mei tota die, quoniam multi insidiatores & bellantes aduersum me, ô Excelsè.

Certè Domine, quoties ab altitudine & locis superioribus me oppugnabunt, quod omni parte die faciunt, non potero omittere quin timebo: sed tamen rediens ego ad me, & verò rem vti oportet expendens, mox abiiciam omnem timorē, & in te sperabo.

In te, inquam, Deo fiet proculdubio quod aliquando laudabo & approbabo hos sermones meos tanquam bene factos: quibus boni consulens quicquid à te mihi immittitur, dico quòd in te Deo immortalis speraui, & non timebo quid faciat mihi caro mortalis: nam proficiscuntur hi sermones mei ex promissione & sermone tuo de auxilio mihi contra hostes præstando, quod non dubito quin sis factururus.

2. Enimvero illi tota die verba mea execrantur, & calumniantur quicquid dicam & faciam: & aduersum me sunt omnes cogitationes eorum in malum, ut me funditus perdant.

Inhabitabunt & congregabuntur inter se, & abscondent se, ut delitescerent insidias mihi parēt: ipsi calcaneum meum & omnia vestigia mea obseruabunt, ut vitam mihi auferant.

Sed sicut ipsi sustinuerunt & expectant animam meam ut eam tollant; an ita, tu Domine, illis peccatibus eris auxilio, ut euadant pœnam? non profectò, nequaquā: nam hoc plus quàm iniquum esset: sed cōtrā omnes conatus eorum eludes, & pro nihilo eos ducēs, nec vllō modo saluos facies illos, & quod
O magis

magis est, in iusta ira tua omnes illos populos confringes, ac tanquam de gradu deiicies.

Tu, ô Deus, omnes fugas meas ab hostibus numeratas habes: nam omnem vitam meam annunciaui tibi, & posuisti omnes lachrymas meas in cōspectu tuo, quas tanquā in vtriculo quodā in vnum collegisti, & in libro rationū tuarū scripsisti. Annō ita est?

Ergo sicut & in libro de promissione tua manifestè exstat, ita nihil dubito quin tunc conuerterentur continuò inimici mei retrorsum.

Vbi auxilium tuum implorauero, in quacunque tandem die fuerit qua inuocauero te, ecce enim iam certè cognoui, & habeo penitus exploratū, quoniam tu Deus meus es.

Quare in te Deo laudabo verbum meum, in te Domino laudabo sermonem meum, quo boni consulens quicquid à te mihi accidit, dixi: in Deo speraui, non timebo quid faciat mihi homo.

In me sunt Deus & ob oculos mihi semper versantur, & ad onus meum pertinent vota tua, quæ tibi vovni: quæ equidem sine dubio reddam ac persoluam in sacrificio longè gratissimo, quod est, cum canuntur laudationes & gratiarum actiones tibi.

Quas utique ipse canam, quoniam eripuisti animam meam de morte, quam hostes minabantur; & pedes meos de laplu peccati, quod Diabolus machinabatur: ut vivus incedam, & purus à peccato placeam coram te Deo in lumine viventium; qui cognitione tui illustrati, in te solo vivunt.

EXPLA-

EXPLANATIO.

In lumine viuentium] Viuentium in Deo duplex esse lumen suprà diximus: vnū intellectus; veluti cū dicitur: Lucerna pedibus meis verbum tuū, & lumen semitis meis. alterum claritatis vitæ ac morum; vt cū dicitur: Luceat lux vestra coram hominibus, vt videant opera vestra bona.

PSALMVS LVI.

Titulus.

In finem, siue ad summum præfectum chori musici, missus Psalmus, quem tibi Domine, ne disperdas ipsum, fecit David vt caneretur ad modulos cantilena, qui in tituli inscriptione habet Michtan, & cecinit eum cū fugeret à facie Saul regis Israël in speluncam.

Argumentum.

1. **I**acens in spelunca vir sanctus cū eum Saul persequeretur, implorat Dei auxiliū: quod certò ita sperat futurum, quemadmodum sæpe factum est, quantumcumque hostes ferociant. 2. A quibus vt liberetur iterum orat: vt quemadmodum olim, ita & nunc gratias Deo agere possit. 3. Ad quā rem seipsum excitat, & de salute accepta gratias agit.

1. **M**iserere mei Deus, miserere mei: quoniam in te sperat ac prorsus confidit anima mea.

Et tanquam pullus in vmbra ac tegmine alarum tuarum sperabo, donec transeat iniquitas, & tempestas calamitatum quibus nunc premor.

Clamabo ad te Deum altissimum, Deum qui benefecit mihi, & perficit quod in me ad

cor meum ad similem triumphum agendum de victoria quam certo mihi præbebis: cantabo voce, & psalmum dicam in instrumentis musicis tibi Dño.

3. Ad quod faciendum exsurge & expergiscere, ô anima, omnisq; virtus & gloria mea, exsurge, tu; psalterium & cithara: exurgam enim primo diluculo & ipsam auroram excitabo.

Et cōfitebor ac cantabo tibi in populis Domine, acceptam tibi ferens salutem meā, & psalmū dicam tibi in gētib; prædicans apud omnes laudē tuam.

Quoniam magnificata est vsque ad cælos misericordia & bonitas tua in me adiuvādo, & vsq; ad nubes veritas & iustitia tua in promissis servadis.

Quare exaltare & effer te super cælos, ô Deus, & expandat se super omnem terram gloria tua.

EXPLANATIO.

Dentes & arma] Quemadmodum feris animantibus, ita & armis & sagittis, quibus hominibus nocetur, mali comparantur.

PSALMVS LVII.

Titulus.

In finem, siue ad summū præfectum chori musici, missus Psalmus, quem tibi, ô Domine, ne disperdas eum, fecit David, ut cantetur ad modulos cantilena, quæ in tituli inscriptione habet Michtam.

Argumentum.

1. Inuehitur David in hostes suos primores reipublicæ, qui Sauli adulabatur, quos in malo suo vsque adeo iam inde à natiuitate inuete-

inueteratos ait, vt ne audire quidem velint id quod rectum est. 2. Ceterum, quantumcumque callidi videntur, fore tamen, & quidem breuissimè, vt in nihilum à Deo redigantur. 3. Quod videntes iusti, in sanguine eorum manus suas lauabūt & Deum bonorum & malorum iustum remuneratorem esse agnoscant.

7. **S**I verè vtique vos senatores, qui conuentum & concilium ciuitatis constituitis, iustitiam loquimini, & rectè meditamini in cordibus vestris; secundum hoc ipsum iuste quoque & ex bono & a quo iudicate vos filii hominum ac primorum, qui nobilitate præcellentes, republicam regitis ac gubernatis.

Sed sanè res longe aliter se habet: etenim, quantum ad animum intus attinet, in corde iniquitates operamini: & quantum ad facta externa, in omni terrâ ac republica iniustitias manus vestræ cōcipiunt & appendunt, dum non equa sed iniqua lance res & causas (& id tamē sub specie iustitiæ) trutinatis.

Alienati enim sunt isti peccatores & impij à Deo iam inde à tempore quo concepti fuerunt à matre in vulua, & errauerunt in omnibus viis suis ab eo vsq; tempore quo editi fuere ex utero: unde locuti sunt semper falsa, ac mendacia fucoplena.

Furor illis est & venenum secundum similitudinem iræ ac veneni serpentis, non communis quidem, sed sicut aspidis surdæ, & per astutiam obturantis aures suas; quarum vnâ terræ admonet, & alteri caudam inferit.

Quæ quidem ne deposito veneno innocua fiat, non exaudiet vocem incantantium, & suauiter murmurantium, & non auscultabit ad carmina venefici

nefici incantantis, quantumcūque incantet, ac verba ad hoc pertinentia in unum iungat artificiosè ac sapienter.

2. Caterum quantumuis callidi in malitia sua videantur, nihil sani consilij aut admonitionis admittentes, Deus tamen conteret dentes & conatus eorum in ore ipsorum, molas horum catulorum leonum, qui tantopere nunc ferociunt, confringet Dominus.

Dissoluti ac liquefacti ad nihilum deuenient, tanquam aqua decurrens, intendit Dominus arcum suum, & parauit sagittas quibus eos iaculetur, donec omnes infirmentur ac pereant: & si quas sagittas ipsi emitteret, fient inter volandum ac si essent confractæ.

Sicut cera quæ fluit, & limax qui inter repèdum colliquescit, auferetur ac pertransibunt: cecidit super illos ignis de calo, quo mox consumentur, & non apparebunt non magis quàm abortiuum mulieris, aut talpa, quæ vno momento erupentes è terra, & iterum se condentes, non viderunt solem.

Imò priusquam fieret vt intelligerent spinæ vestre & cresceret in rhamnum, quod minùs sit quàm momento temporis, cum idem sint spina & rhamnus, & non nisi sono nominis differant, aut prius etià quàm olla vestra sentirent ignem rhamni accense, quæ illi sit subiecta, quod in instanti accidit, dissipabuntur planè ac peribunt isti impij ac peccatores: nam sicut crudum quid & immaturum, & carnes quæ

ad huc viuentes deuorantur: sic in ira & cum vehemēti turbine ac tempestate absorbet eos Dominus, & tanquam poma de arbore decutit.

Atque ita lætabitur iustus in Dei gloria ac potentia, cū viderit vindictā quam de malis & impiis Deus sumet: manus suas, ac pedes, lauabit præ latitia in sanguine peccatoris & impij.

Et dicet homo, & percontabitur apud se, si utiq; est fructus iusto de iustitia sua: & concludet ac dicet, utiq; est Deus, iudicans eos (cū sit Iudex iudicum) & dāns unicuique iusto & iniusto pro meritis suis in terra.

EXPLANATIO.

Non exaudiet] Vltimum in malis, est non audire velle bonum.

PSALMVS LVIII.

Titulus.

In finem, siue ad summum præfectū chori musici, missus Psalmus, quem tibi, ô Domine, ne disperdas eum, fecit Dauid, vt cantetur ad modulos cantilene, quæ in tituli inscriptione habet Michtam, idq; quādo misit Saul, & custodiuit domum eius, vt interficeret eum.

Argumentum.

1. **O**bsessus vir sanctus domi suæ à militibus Saulis, implorat Dei auxilium: 2. A quo mox se exauditum ait, nihilque hostes facturos. 3. Quos non vno impetu, sed paulatim perire optat,

optat, vt respiciant, & Deum agnoscant. 4. Et conferens se cum illis, conatus eorum irritos fore dicit: se verò ob liberationem gratias Deo acturum.

1. **E**Ripe me de inimicis meis Deus meus, qui *erinus es & vnus*, & ab insurgentibus in me libera ac protege me.

Eripe, *inquam*, me de operantibus iniquitatem: & de viris sanguinum, qui *manus habent sanguinarias*, salua me.

Quia ecce *insidiis positis* ceperunt animam meam: & *conspiratione facta*, irruerunt in me homines fortes ac feroces.

Atque eius rei *causam* neque iniquitas mea illis præbuit, quasi *vlla re à me sint lasi*; neque peccatum meum *aduersum eos*, Domine; quoniam sine vlla iniquitate *semper cucurri & direxi gressus meos*: sed illi nō alia re quàm *sola sua peruersitate incitati*, *curstant & parāt ac instruunt se ad me inuadendū*.

Quod considerans, *exsuscita te & exsurge, queso*, in occursum meum, vt mihi assistas; & vide quid isti homines moliantur: & cū tu Domine sis Deus virtutum ac exercituum, Deus, *inquam*, Israël;

Expergiscere, amabo, & intende ad visitandas omnes istas gentes *sceleratas ac peruersas*, & non miserearis cuiusquam ex omnibus qui *obstinatè & malitiosè operantur iniquitatem*. Eia eia Sela: iam sentio Deum mihi propitium: tollamus vocem alius.

2. Venient illi quidem obfessum domum meam

O S summo

*summo mane, & cōuerrentur ac redibunt ad vesp-
ram, & latrabunt, ac famē cupiditatis suae patien-
tur, vt rabiosi ac famelici canes, & circumibunt to-
tam ciuitatem ad me comprehendendum.*

*Et, quod amplius est, ecce loquentur in ore suo
multa scelerata ac nefanda contra me, quibus id
abundabit, & erit tanquā acutus gladius in labiis
eorum: quod tanto faciunt audacius, quoniam si
quis eos reprehendat, continuò respondent, quis au-
diuit? & sic liberè effutiunt quicquid volunt, quasi
nemo esset qui audiret.*

*Sed tu, Deus meus, aduersum haec omnia mihi
eris adiutor, & tu Domine deridebis eos, sub san-
nabis eos, & ad nihilum deduces omnes istas gen-
tes malas & impias.*

*Et omnino fortitudinem meam, si quod robur ego
habeo, quod tibi acceptū fero, non exferam solus absq;
te, sed ad te & in aduentum vsque tuum custodiam
ac reseruabo; vt tunc viribus aduersarij mei, vires
tuas opponam: quia tu, Deus, susceptor & protector
meus es, & eleuatio mea. Deus, inquam, meus ipse
est, & misericordia ac bonitas eius preueniet & an-
teuerret me; ita vt priusquam vel parem me ad resi-
stendum hostibus, ipse iam confecerit eos.*

3. *Dom enim hac loquor, ecce iam Deus osten-
dit mihi & videre me fecit quae volui. super inimi-
cos meos: caterum ne occidas eos subito Domine,
nequādo, sublati illis è medio, obliuiscatur statim
populus meus, cui me Regē designasti, factū inum,*

nec illi amplius seruiant pro exemplo virtutis & potentie tue.

Sed ut quàm diutissimè memoria rei duret, disperge ac dissipa illos in virtute ac fortitudine tua, sic ut incertis sedibus huc & illuc vagentur, & depone ac deice eos de statu suo, tu, qui protector & clypeus meus, es Domine.

Idq; propter delictum oris eorum, quo malè de te & me sunt locuti; & propter elatum ac fastuosum sermonem labiorum ipsorum, quo supra cunctos se efferebant: ut sic capiantur & comprehendantur in superbia sua.

Sed & de execratione & mendacio interim annuntiabuntur, & conuincètur, manifesteq; in eoprehendentur, ut omnes intelligant in cōsummatione ac perditione eorum id nō alia re fieri, quàm quia circa te contumeliosè versati sunt, & blasphemantes veritatem, non nisi mendacia docuerunt: qua ratione accidet, ut hominū execratio facti, lenta tabe in ira ac furore cōsummationis tue cōficiantur, donec paulatim omnes perierint & amplius nō erunt.

Et sic scient tam ipsi qui antè tam elatè ac contumeliosè se gerebant, quàm reliqui mortales omnes, quia Deus dominabitur, & princeps est populi Iacob, & omnium finium terræ. Eia eia triumphes Sela, ita profectò res est.

4. Quin si illos & me inuicem compares, ecce illi manè, ut antè dixi, ad me circumfidentes exeuntes conuertentur & redibunt domum suam re infecta ad vespe-

vesperam, & latrabunt, ac famem inexplata cupiditatis suae patientur, ut famelici ac rabiosi canes, & circuibunt totam ciuitatem, tumultuantes aduersum me.

Et dum hoc facient, passim vagabuntur ipsi & dispergentur per omnes urbis angulos, ut & hospitia inueniant ad manducandum: & si verò non fuerint saturati, fremunt & mormurabunt, fameliciq; concedent dormitum.

Ego autem contrà celebrabo ac cantabo fortitudinem tuam, Domine, qua eos confecisti; & exsultans laudabo & exaltabo summo mane misericordiam ac bonitatem tuam, quam mihi ostendisti.

Quia factus es susceptor & protector meus, & refugium meum, in die angustiae & tribulationis meae.

Tu es, inquam, fortitudo mea, & adiutor meus: tibi cantabo ac psallam, quia Deus susceptor & protector meus es; Deus auctor ac thesaurus misericordiae & bonitatis meae.

EXPLANATIO.

Eripe me] Gerit in hoc Psalmo David Christi personam, quem in horro Iudæi obsessum rapiebant, & morti tradebant, sed tertia die resurgebat.

Dispergentur] Hic prædicit fore, ut Iudæi, grauioris poenae causa, ob mortem Christo illatam, non statim omnes pereant, sed per multas gentes dispergantur.

PSALMVS LIX.

Titulus.

In finem, *sive ad summum prefectum chori musici, ut ad instrumentum quod vocatur Susam sive Rosā, vel pro iis qui cōmutabuntur, & ad modulos cantilene, quæ in tituli inscriptione incipit Mich-tam, cāteatur ipsi David hic Psalmus in doctrinam, quem fecit cū iratus succendit Mesopotamiam, sive aram fluviorum Syriæ & Sobal, & conuertit Ioab, & perculsit Idumæam in valle Salinarum usque ad duodecim milia.*

Argumentum.

1. **R**ex David orans pro felici be'li successu, dicit Deum sæpe quidem populo suo durum fuisse ob peccata, sed mox eius muerum, benignum se illi præbuisse: quod ut & nunc facere velit, precatur. 2. Vnde Deum in spiritu loquentem inducit, quo pacto iam omnes populos vicinos sibi subiecerit. 3. Quod cū ita se habeat, ut & re ipsa ad effectum deduci possit, optat.

1. **D**eus, repulisti nos aliquando abs te, & destruxisti ac dissipasti nos: iratus es factus aliquoties, & tamen semper rediens iterum & conuertens te ad nos, misertus es nobis.

Itaque & nunc quoniam commouisti, & tremere fecisti terram, & diruptione facta conturbasti & quasi hiare fecisti eam: refice iterum, & sana contritiones & rupturas fissurasq; eius: quia sic commota est, ut planè vacillet, & ruinam minari videatur.

Osten-

Ostēdisti iam populo tuo, & exhibuisti ei dura miserandaq; spectacula: potasti nos vino non hilaritatis, sed compunctionis, quod pauoris & anxietatis amaritudine & veneno est plenum.

Quare quemadmodum olim dedisti & erexisti metuentibus te, & sanctum tuum nomē colentibus, certam significationem & signum tanquam vexillum, ut id conspicientes, & sub eo militantes, fugiant ac salui euadant à facie arcus inimici, & quod magis est, erigerent se, & proualerent aduersum eos, iuxta veritatem promissionum tuarum: nam sic illis eras pollicitus. Ita sanè res est Sela.

Ita & nunc, quæso, facito, ut liberentur hoc modo, & eripiantur ex omnibus periculis dilecti tui: saluum me fac, inquam, dextera tua, & exaudi me, votisq; meis responde.

2. Sed ecce dum hac precor & oro, Deus locutus est mihi in Spiritu sancto suo, ad hunc modum: deponens iram meam ac tristitiam, lætabor, inquit, & partibor in hereditatem meam Sichem; & conuallem tabernaculorū Suroth tanquam meā metibor.

Meus est Galaad, & meus est Manasses, & Ephraim fortitudo capitis mei, in qua precipuam vim bellicam constitutam habeo.

Iuda Rex meus, quem ducem sub me feci, ac legislatorem super populum meum, & Moab olla est spei meæ, quo tanquam vase lotionis pedum meorum, utor, si quando peregre rediens, lassus ad speratum domicilium reuertor, adeò in omnibus vel
abiectionis-

abiectionibus mihi obtemperant.

Sed & in Idumæam extendam calciamentum meum, ut imperio ac pedibus meis eam subiiciam: & mihi iam Palestini alienigenæ subditi ac confœderati sunt, & cum plausu me suscipiunt.

3. *Quæ quidem cum ita se habeant, ô Domine, quis deducet me in ciuitatem istam munitâ, quam tanto tempore iam teneo obsessam: quis deducet me usque in Idumæam, cum qua tamdiu bellum gero?*

Nonne tu Deus, qui hæcenus repulisti nos, & nō egredieris Deus vel tandē in virtutibus, & cum exercitibus nostris: ut te ducem nostrum præbeas ad expugnandam Idumæam, in quam te calciamentum tuum extensurum dixisti?

Da igitur tu, obsecro, nobis auxilium de tribulatione: quia vana & inanis est salus hominis.

In te Deo faciemus virtutem, & robur ac fortitudinem habebimus ad rem bene gerendam, & ipse conculcabit & ad nihilum deducet inimicos tribulantes nos.

EXPLANATIO.

Partibor Sichem] Verè ad Christum hæc referre possumus, qui vi Euangelij cunctos populos sibi subiecit.

PSALMVS LX.

Titulus.

In finem, siue ad summum præfectum chori musici, ut in hymnis, & cum plausu manuum, ad instrumentum quod vocatur Neginoth, cantetur hic Psalmus Dauid.

Argumentum.

1. **P**etit exaudiri vir sanctus à Deo, quemadmodum semper.
 2. Quod iam tunc cum loquitur, ita factum esse, perpetuæque felicitate in Domino se fruiturum, ait.

1. **E**Xaudi Deus clamorem ac deprecationem meam, intende orationi meæ.

A finibus enim ultimis, & extremo terre Iudea, ubi tanquam exsul delitescō, semper ad te clamaui, dum anxietetur, & quasi collaberetur, penitusq; deficeret cor meum, & tu in excelsam petram, quæ longè altior me erat, & quò meis viribus nequaquam poterā euadere, semper exaltasti me, ut ab hostibus ibi tutus esse possem.

Deduxisti me, quia, inquam, quibuscumque in periculis sum versatus, tu omni tempore factus es & re ipsa fuisti protectio & spes mea: fuisti, dico, mihi turris fortitudinis à facie inimici, & aduersus eum, ne me expugnaret.

Quod cum ita sit, & in posterum fretus bonitate tua, non dubito quin breui ab hoc exsilio reuertar, & inhabitabo in tabernaculo tuo in omnia & per omnia

omnia sæcula, ibique tanquam pullus confidam, ac protegar, ac deliteſcam in velamento alarum tuarum. Eia eia triumphe: ita profectò res eſt Sela: tollamus vocem altiùs.

2. Quoniam ecce uti ſemper, ita etiam dum hæc loquor, iã nunc tu Deus meus exauდიſti orationem meã, & vota mea, & dedisti hoc regnũ in hereditatẽ mihi, & poſteris meis, timẽtibus nomen tuum.

Quin & dies alios ſuper alios dies Regis uncti tui adicies, & annos eius uſque in diem generationis & generationis produces, & tanquam connexionem diuerſarum generationum ſtatues.

Atque hoc modo ſedebit, & iam nunc reiſſa permanet in æternum in conſpectu Dei, perpetuò felix ac beatus: nam miſericordiam in peccatis mihi condonandis, & veritatem eius in promiſſis mihi præſtandis, quis unquam requireret aut deſiderabit in me, quaſi ea ſim deſtitutus? certò nemo: nam ſemper utrumque præparatum habet, ut iis me cuſtodiat ac tueatur.

Quare gratias tibi hæc de re agens, Domine, ſic pſalmum dicam nomini tuo in ſæculum ſæculi, ut perſoluam ac reddam tibi vota mea, qua tibi pro ſalute voti, de die in diem.

EXPLANATIO.

In petram exaltaſti me] Quoniam viribus naturalibus ad diuina conſcendere non poſſumus, ut vi diuina Deus ed nos efferat, necelle eſt.

T

Dies

Dies super dies] Perpetuum Christi regnum describitur; quod quantum ad ipsum, plenum est gratiæ in peccatis per misericordiam condonandis, & veritatis in promissis præstandis, & quantum ad nos, tum quidem in veritate fidei consistit erga Deum, tum autem in misericordia bonorum operum erga proximum.

PSALMVS LXI.

Titulus.

*In finem, siue ad summum præfectum chori missi, pro Idithum insigni cantore, ut per eum cante-
tur h:c Psalmus Dauid.*

Argumentum.

1. **P**rimùm Dauid se Deo dicit esse subiectum, & in eo spem omnem suam reponere, nec vim hostium curare, ad quod se ipsum excitat. 2. Deinde & alios omnes hortatur ut non in vanis hominibus nec in seipsis, quantum ad ingenij, corporis, & externa bona, sed in vno Deo spem suam collocent.

1. **N**onne Deo soli subiecta erit ex toto anima mea, illumq; patienter cum silentio, sineq; ulla querimonia expectabit & respiciet? ab ipso enim omne salutare meum.

Nam & ipse solus est Deus meus, & tamquam rupes & propugnaculum, scutumq; meum, & planè salutaris meus, & susceptor ac receptator meus fortissimus in omnibus aduersis: quare non mouebor vllis rebus ampliùs; aut si qua in re pro imbecillitate humana vacillem, non multum id erit, sed planè exiguum.

Quod quidem cum ita se habeat, quousque tandem

dem vos homines insani praua cogitantes, insidias mihi struitis, & irruitis in unumquemque hominē, alius in alium? enimvero id dum facitis, nihil aliud agitis, quam quod ipsi interficitis vniuersi vos, & mutuis vulneribus conficimini, sic vt tota vestra respublica tanquam ruinam minetur, & similis sit paricti inclinato, & maceriz manu depulsæ, qua iam corruit.

Verumtamen ecce vnde nam odium suum conceperint contra me: videntes enim in quanto sim pretio apud Deum, & quomodo omnibus rebus angear ac crescam: propter hoc solum pretium meum, in quo ille me habet, dum tantis honoribus me cumulat, inito consilio cogitauerunt me repellere, & de sedibus meis deicere: quare profugus ego factus cucurri, & erravi per deserta in fame & siti, ipsi autem mendaciis delectati, & in iis sibi placentes, foris ore suo benedicebant, & intus in medio corde suo maledicebant, omniāque mala aduersum me machinabātur. Ita profectò res est Sela.

Verumtamē vt initio dixi, tu his rebus nō cōmota Deo soli omnino subiecta esto anima mea, cumq̃, cum silentio sine obmurmuratione respice & expecta: quoniam ab ipso pendet & salus mea, & spes mea, & patientia mea, in expectatione salutis.

Quia ipse solus firma mihi petra est, & Deus meus, & saluator meus, & adiutor meus: quare non emigrabo, nec vlla in parte rerum mearū mouebor aut vacillabo.

2. In Deo, *inquam*, salutare meum, & gloria mea: Deus robur & *tanquam* rupes est fortitudinis & auxilij mei, & *omnis* spes mea in solo Deo est.

Quod quidem videntes & vos, sperate in eo *omni* tempore, o vos omnis congregatio populi: effundite coram illo, & reponite in sinum ipsius tota corda vestra, *cunctasq;* curas ac sollicitudines vestras: nam Deus adiutor noster & spes nostra est in æternum. Sic sanè est Sela.

Verumtamen quantum ad homines attinet, certè vani omnino & inanes, imò vanitas ipsa sunt filij hominum: vani, dico, & mendaces, atq; adeò mendacium ipsum sunt filij hominum, sine illi plebeij sint, & terra filij, siue nobiles, & à claris viris orti: nam si in stateris eos ponas, & contra vanitatem appendas, si quidem putas eos esse ponderosiores, videbis fore vt decipiant te ipsi, etenim de vanitate re ipsa comperies multo eam esse ponderosiore, & ipsa descendente, illos adscendere, etiam si omnes simul & in unum & quasi in id ipsum collecti sint.

Porrò quantum ad ingenij & corporis vires attinet, nolite quoque sperare in iniquitate, quæ per dolum & calumniam exercetur; & rapinas quæ per vim extorquentur, nolite concupiscere: quoniam & hoc ipsum est vanitas, quam appetere nullo modo debetis: & quātum ad bona fortuna attinet, diuitiæ si fortasse ultro quasi germinantes affluant, nolite quoque cor iis apponere.

Sed si veram rationem exsequi voletis, ad vniuersum
Domini

Domini verbum animum erigite : Etenim semel locutus est Deus, & erit firmum ac ratum : duo hæc ab ipso non semel dumtaxat, sed iteratò audiui: quia nimirum potestas omnium rerum & imperium Dei est, & quòd tibi Domine est bonitas & misericordia, & quòd secundùm hoc & potes & vis bonis qui in te sperant benefacere, & malos, qui in rebus vanis spem suam reponunt, malè perdere: quia tu utique reddes vnicuique iuxta opera sua.

EXPLANATIO.

In stateris] Quoniam vanitas per se malum non est, ut antè diximus, peccatum autem malum: meritò homo peccator, ipsa vanitate leuior dicitur.

PSALMVS LXII.

Titulus.

Psalmus David, quem cecinit Domino, cùm esset in deserto Idumææ, hoc est, in ea parte Indææ, vbi est desertum Ziph.

Argumentum.

1. **D**Egens in deserto Rex David, non minùs se ibi quàm in ipso templo Deum colere & celebrare ait: qui in omnibus rebus aduersis eum semper defendit. 2. Quare hostes nihil aduersum ipsum valituros, sed perituros, seque Deo gratias acturum, ait.

1. **O** Deus, Deus meus, & fortitudo mea es tu: ad te de prima luce vigilo, & te requiro.

Sitiuit in te, tanquam ad fontem aquæ viue, anima mea: concupiscit quàm multipliciter, tanquam

fame pressa, ut tibi iungatur, caro mea.

Idque in terra hac deserta & inuia, ubi nihil est quod comedatur; & inaquosa ac siticulosa, ubi nihil est quod bibatur: in qua degens licet procul à templo tuo absim, sic tamen atque si in ipso sancto, ac sacra ade tua essem, quotidie apparui, & sisto me tibi, ut viderem ac contempler apud animum meum fortitudinem ac virtutem tuam, & gloriam ac sanctam arcam tuam, anhelans ad te haud aliter atque terra hac sicca aquam & humorem appetit.

Quoniam melior est bonitas & misericordia tua super omnes vitas, quantumvis rebus omnibus circumfluentes: quare labia mea laudabunt te.

Sic benedicam & celebrabo te, etiam in hac vita mea solitaria; & ad eum modum in nomine tuo leuabo & extollam ad te, & ad res agendas admouebo manus meas.

Sicut si in medio regni mei degens, & rebus omnibus ad vitam necessariis abundans, adipe & pinguedine ad satietatem usq, repleatur anima mea: nam & tum vel maximè etiam sine cibi & potus deliciis satiabor & pinguescam, cum rerum diuinarum contemplatione pascus, te labiis exultationis laudabit & canet os meum.

Atque sic suauiter degens, semper in his solitudinibus memor fui tui, vel super ipsum stratum meum, & in ipsis matutinis, & vigiliis custodiarum noctis meditabor in te, quia fuisti auxilium meum, & adiutor meus.

Et

Et in velamento ac umbra alarum tuarum constitutus, letus cantabo & exultabo: quoniam vii adhæsit anima mea post te, cupiens tibi adhærescendo se servare, non solum me non reiecisti, sed ultro me suscepit dextera tua, & sustentavit me, cōtra omnes inimicos meos.

2. Ipsi verò frustra & in vanum per falsas delationes ac criminationes quæsierunt perdere, & ad nihilum deducere animam meam, quia nihil proficiunt, sed contrā ipsimet morientes introibunt in inferiora terræ, & coniecti in fugam tradentur unā cum principe suo, in manus gladij, partes vulpium erunt, à quibus mortui dilaniabuntur, & quibus in fugiendo erunt similes.

Rex verò Israhël, qui hæc loquitur, lætabitur in Deo, & laudabuntur ac seriò triumphabūt omnes de populo qui ad ipsum & eius nomen se conferentes iurant in eo, dum se illi subiiciunt, & iurant per salutem ipsius, quia obstruetur, & quasi iam obstrutum est os loquētium iniqua, qui per mendacium eum calumniantur, & extrema illi minantur.

EXPLANATIO.

Deus, Deus meus] Typum hîc gerit David Christi, qui & ipse ob persecutionem Iudæorum in desertum subinde secedebat.

PSALMVS LXIII.

Titulus.

In finem, siue ad summum præfectum chori musici, decantandus missus Psalmus Dauid.

Argumentum.

1. **I**mplorat Dei auxilium vir sanctus contra vim hostium, quos aduersum se conspirasse, & in sidias sibi tendere ait: 2. Addens, ad id efficiendum varia illos iniuisse consilia, sed Dominum ea fecisse irrita. 3. Quod quidem alij videntes, ab iis defecerunt, & ad Deum laudandum se conuerterunt.

1. **E**Xaudi Deus *vocem* & orationem meam cum deprecor, & calamitates meas cum lamentatione tibi recenseo: à timore & minis inimici, serua & eripe animam vitamq; meam.

Protexisti enim semper, & abscondisti me à conuentu & secretis conspirationibus malignantium, & à multitudine ac fremitu operantiū iniquitatē.

Quia exacuerunt vt gladium linguas suas, & intenderūt vt arcum cum sagitta verba sua virulenta, & rem amaram, vt hoc modo sagittent in occultis insontem & immaculatum.

Subitò & de improviso sagittabunt eum, & non timebunt, nec considerabunt Deum inspectorem & vindicem esse omnium: firmauerunt sibi, & animo prorsus obdurato firmissimè inter se constituerūt rem & sermonem nequam ac execrabilem.

Et post omnia vtrò citroq; consultata narrauerunt ac decreuerunt inter se, vt absconderent ac
tende-

tenderent mihi laqueos secretos, & dixerunt, quis videbit eos?

2. *Ad quos intendentes, scrutati sunt iniquitates, & quaesierunt varias nocendi occasiones, ambagesq̃, & modos, & post cuncta deliberata defecerunt tandem & destiterunt ab ulteriori deliberatione postquam diu multumq̃, scrutantes, finem denique scrutinio imposuerunt, & consultationem suam absoluerunt.*

In qua tractāda, mirum dictu est quo pacto unusquisque intima quaque sua excusserit, & ad profundum usque cordis sui inuestigando euaferit: sed tamen ita est, accedet homo in consiliis suis capiundis ad cor altum, & profundissima quaque rimabitur, verum Dominus mox omnia euertet; & coniciens in eos de improviso sagittas suas, exaltabitur Deus super ipsos.

Quod quidem cum & cōtra inimicos meos ostenderit, propriae sagittae paruulorum illorum hominutionum factae sunt plagae eorum: & infirmate sunt contra me, & corruerunt in eos, & impingere fecerunt illos propria lingua eorum.

3. *Qua quidem re conturbati & attoniti sunt ac fugerunt omnes qui videbant eos: & timuit ac contremuit omnis homo prae rei admirabilitate.*

Et predicare coeperunt ac annunciauerunt opera Dei: & quae acciderant, non hominum, sed facta eius esse intellexerunt.

Quare haec considerans, lætabitur semper iustus

in Domino, & sperabit in eo, & laudabuntur *ea*
dere & gloriabuntur omnes recti corde.

EXPLANATIO.

Exaudi] Et hinc typum Christi gerit David, contra quem nihil valuerunt omnia consilia Iudæorum.

PSALMVS LXIIII.

Titulus.

In finem, siue ad summum præfectum chori musici, missus hic Psalmus David, ut sit in carmen ac canticum publicum, & (quemadmodum & fuit postea) Aggæi, Ieremiæ, & Ezechiel, de re & verbo peregrinationis ac populo transmigrationis, quando incipiebant proficisci.

Argumentum.

1. **D**avid tum quidem suam, tum autem populi Israelitici in Babylonica captiuitate degentis personam gerens, orat Deum ut ab ea per illum liberati possit. 2. Nempe qui spes est omnium bonorum, & facit in cælo, terra, & mari, omne id quod vult. 3. Vnde rursum ad orandum rediens, reditum in patriam, eiusque fertilitatem optat.

1. **T**E manet ac decet laus & hymnus, ô Deus, in Sion, qui est locus solus tuo cultui destinatus, & tibi soluetur & reddetur votum (in Hierusalem) ubi ab exilio hoc, in terram, promissionis redierimus.

*Tu modò exaudi orationem (meam) ut id quàm
citiissime*

citissime fieri possit: quo facto, nihil erit dubium, quin mox ad te celebrandum ac laudandum omnis caro & hominum multitudo veniet.

Hactenus quidem, te sic permittente propter peccata nostra, verba & vires iniquorum & impiorum hominum preualuerunt super nos, qui ab illis in hoc exilium deducti sumus; sed, ut confidimus, aliquādo nos respicies, & impietatibus ac prauaricationibus nostris tu propitiaberis, ut per te expientur.

O quā beatus, quem tu elegisti & assumpsisti, sic ut tibi propinquus sit, & iuxta te degat! inhabitabit enim in atriis tuis, & tecum tota die morabitur.

Quod quidem cū nobis continget, replebimur & saturabimur in bonis domus tuæ, ubi sanctum est templum tuum, & mirabile in æquitate: sic ut suavis illa tua sanctitas ac bonitas, & terribilis ac admirabilis iustitia tua in eo vigeant.

2. *Secundū quam utramque exaudi, quæso, nos Deus salutaris noster, tu, qui spes es omnium finium terre, & eorum qui in mari longè ab aliis hominibus diuisi degunt.*

Tu, inquam, qui præparās montes firmas ac stabilis eos in virtute ac fortitudine tua, accinctus vndeque potētia: qui, cū vis, conturbas profundum maris; & rursum, cū sic videtur, compescis fremitum & sonum fluctuum eius.

Turbabuntur, cū ita tibi placuerit, gentes, & rursum sedabuntur cū voles, & timebunt omnes qui

qui vel extremos habitant terræ terminos, à sanctis ac celestibus signis tuis; quos etiam, cum sic tibi visum fuerit, per exitus stellarum matutini temporis, & sidera quæ vespere apparent, delectabis & exhilarabis, efficiesq; ut tam ipsæ stella quàm homines earum conspectu excitati, tibi cantent, & nomē tuum summis laudibus celebrent.

Visitasti semper, cum tibi sic visum fuit, terram pluuiæ tuæ, & irrigasti, & quasi inebriasti eam, dum anidē aquam appetit & haurit: & multiplicasti beneficentiam tuam, dum variis modis tibi placet locupletare eam.

Sed & flumen Dei Iordanis, quod nomini tuo dedicatum est, repletum est aliquando aquis per te, sic ut exundaret, & terram sitientem irrigaret: quare parasti frumentū & cibum illorum qui iuxta flumen habitabant: quoniam ita se habet, & est natura terræ, & præparatio eius, ut flumine irrigata, ubere fructum proferat.

3. Quæ quidem cum ita se habeant, age & nunc quoque, ô Domine, renocans nos ab hoc exilio, & in terram promissionis reducens, riuos & sulcos eius humecta & inebria: & descendere faciens aquam in liras eius, sic ut glebæ mollesiant, & aquetur terra, multiplica genimina & fruges eius: sed & suavi pluuiæ ac imbribus liquefaceam, & benedic gementi ipsius: sic enim in stillicidiis eius guttatim cadentibus mirificè lætabitur germinans, & fructū suum producens.

Quod

Quod cum facies, benedices coronæ & toti circuitui anni, sic ut per totum ambitum suum muneribus benignitatis ac bonitatis tuæ ornatus sit, & quasi coronatus: & quātum ad terram attinet, campi tui replebuntur vbertate, dum ipsa vestigia tua, quagua verſum in calis incedis, diſtillabunt, ac demittent pinguedinem in terram.

Sed & pingueſcent & ſpecioſa ſient paſcua & habitacula ipſius deſerti aridi & ſicci: & exultatione, tanquam veſtimento induentur ſteriles campi, dum lato gramine virescent, & gregibus ouium infructuoſi colles quaſi accingentur.

Et præter hoc, induiti ſunt & erunt arietes ouium lana ſua copioſe, & valles abundabunt & operientur frumento: denique, quacunque ubique ſunt, omnia una voce cum ſummo iubilo ac lætitia clamabunt, clamabunt, dico, & hilarem vocem edent, etenim hymnum gratiarum actionis & laudis tibi dicent, & cum clangore canent.

EXPLANATIO.

Te decet] Secundum myſticum ſenſum de Eccleſia hic Pſalmus accipitur, quæ liberationem à iugo Diaboli optat, & reditum in veram patriam cœleſtem, ubi omnium rerum copia eſt & abundantia.

PSALMVS L XV.

Titulus.

In finem, siue ad summum præfectum chori musici, missum hoc canticum cantici siue psalmi resurrectionis, pro his qui ab exilio & captiuitate Babylonica domum sunt reuersi.

Argumentum.

1. **A**git vir sanctus (personam populi ab exilio redeuntis gerens) gratias Deo de liberatione ab omnibus malis, ter vocem magis ac magis extollens, 2. 3. 4.

1. **I**ubilare & clangite Deo omnis terra; & quotquot eam incolitis, psalmum dicite, & cantate laudes maiestati & nomini eius, date gloriam laudi eius, dum eam ubique predicatis, & in ea sola gloriam vestram collocatis.

Dicite Deo, quàm terribilia ac stupenda sunt opera tua, & quàm item tu terribilis in iis Domine: in multitudine virtutis ac fortitudinis tuæ, mentionentur, & spe sua frustratos se reperient, cum tibi se opponent, inimici tui, putantes se aliquid posse aduersum te, & negantes te Deum esse omnipotentem.

Omnis terra adoret te incuruata, & psallat tibi: psalmum, inquam, dicat ac canat nomini tuo. Eia eia triumphe Sela: efferamus vocem alitius.

2. Venite quotquot estis mortales, & videte opera Dei, videte quàm admirandus ac terribilis sit in consiliis & factis suis, super filios hominum, qui ab Adamo descenderunt.

Qui

Qui conuertit (olim) mare rubrum in terram aridam, & in flumine pertransibunt homines per de sicco, quemadmodum patres nostri quondam per Iordanem transierunt: quod cum fieri, ibi lætabitur in ipso.

Qui dominatur, inquam, in virtute ac fortitudine sua toti mundo in æternum, oculi eius super gentes respiciunt, obseruantes quid rerum gerant, ut si qui sint rebelles, qui eum exasperant, & ab ipso deficiunt, non exultentur in se, licet in semetipsis aliter sibi persuadeant. Ita profecto res est, Sela: iterum extollamus vocem.

3, Benedicite, dico, o gentes, & laudibus extollite Deum nostrum, & auditam facite vocem laudis eius.

Eius, inquam, qui posuit animam meam & vestram ad vitam, quam ipse nobis tribuit, & non dedit in commotionem nec permisit vacillare pedes meos & vestros.

Quod quidem eo magis dicere possum, quoniam ut explorares qualēs nā essemus, probasti nos Deus rebus aduersis, igne nos examinasti & purificasti, sicut examinatur & purificatur argentum.

Induxisti & cadere permisisti nos in rete ac laqueum inimicorum nostrorum: posuisti tribulationes in dorso nostro, & angustias in lumbis nostris, dum cathenis vincti circumdamur, & imposuisti homines super capita nostra, qui quasi iumentis nobis inequitarent.

Deni-

Denique transiimus per ignem & aquam, dum omni genere probationum nos exploras: & tandem videns constantiam nostram, eduxisti nos pro immensa tua bonitate in refrigerium, & terrā istam irriguam, & rebus omnibus abundantem.

Quare introibo, ut cœperam dicere, in domum tuam in holocaustis, quæ cum gratiarum actione tibi offerā: reddam ac persolvam tibi vota mea, quæ distinxerunt, & nominatim expresserunt labia mea, & locutum est os meum in tribulatione mea.

Holocausta, inquam, medullata & pinguis offeram tibi, quæ adscendere faciam cum incenso ac suffitu arietum: offeram & faciā tibi in sacrificium boues cum hircis. Sic sanè se habet. eia eia triumphe Sela: intendamus vocem etiam tertio.

4. Vos autem gentes ac populi quos modò cōpellamini, venite, & audite: & narrabo vobis, ô vos omnes qui timetis Deum, quanta Dominus fecit animæ meæ.

Ad ipsum ore meo clamaui, inuocāse eum: & exaltaui illum sub lingua mea, coniungens laudes cum precibus.

Idque feci animo puro, & nullius sceleris sibi conscio: nam cogitabam intra me, iniquitatē si adspexi in corde meo, & alicuius flagitij mihi sum conscius, non exaudiet me Dominus.

Propterea exaudiuit me Deus, & attendit voci deprecationis meæ.

Quare benedictus Deus, omniq; laude predicetur, qui

qui non amouit *nec reiecit orationem meam*, & misericordiam suam *non auertit à me.*

EXPLANATIO.

Iubilare } Myſticè de Chriſto accipi poteſt hic Pſalmus, poſtquam reſurrexiſſet à mortuis.

PSALMVS LXVI.

Titulus.

In finem, ſiue ad ſummum præſectum chori muſici: vt in hymnis ad inſtrumentum quod dicitur *Neginoth*, cantetur hic Pſalmus cantici Dauid.

Argumentum.

1. **O**rat Dauid Dei miſericordiam, vt ab omnibus nomen eius celebretur, 2. Quod cum vocis intentione repetens, iam terram fructum ſuum dediffe ait.

1. **D**eus miſereatur noſtri, & benedicat ac benigne faciat nobis, illuminet vultu ſuum ſuper nos, oſtendens adſpectum ſuum beneuolum ac lucidum (& miſereatur noſtri.) *Ite, quaſo, facias, ô Domine, Sela.*

Nimirum vt lumine tuo illustrati, cognoſcamus in terra, qua per ſe tenebroſa eſt, viam tuam, qua ſecundum veritatem ambulatur & ad te itur: & pateſcat ac ſentiat in omnibus gentibus, qui iam perierunt, ſalutare tuum, & gratia tua.

Et ſecundum hoc, confiteantur tibi populi Deus, & cum gratiarum actione tibi acceptam ferant ſalutem ſuam,

suam, confiteantur, inquam, tibi populi omnes, quotquot in vniuerso orbe degunt.

Lætentur, dico, & cum laudum tuarum predicatione exsultent cunctæ gentes ac nationes: quoniam pro immensa tua bonitate iudicas populos non in rigore sed in rectitudine, atq; aded in æquitate ac misericordia: & gentes in terra hac tenebrosa in lumine veritatis tuæ dirigis. Eia eia triumphe Sela, tollamus vocem altius.

2. *Confiteantur, inquam, iterum tibi populi Deus, & cum gratiarum actione tibi acceptam ferant salutem suam: confiteantur, dico, tibi populi omnes: iam enim te largiente, terra dedit germen ac fructum suum; ex cuius pane vino, qui de calo descendit, pascuntur omnes gentes.*

Quæ quidem te ac nomen tuum celebrantes, dicunt vna voce: Benedicat nos Deus, Deus noster, benedicat nos Deus, trinus & vnus, & metuant ac reuerentur eum omnes fines terræ.

EXPLANATIO.

Deus misereatur] Optat vir sanctus aduentum Christi, quem mox venisse, terramque fructum suum dedisse ait: estque Psalmus breuissimus, maximo mysterio plenus.

PSALMVS LXVII.

Titulus.

In finem, *sive ad summum præfectũ chori musici, vt hic* Psalmus cantici *cantetur ipsi* David.

Argumentum.

CAnit hoc elegantissimum carmen vir sanctus contra hostes ob victoriam de iis partam. 1. Optans primò vt Deus exsurgat, & concitâs homines ad laudes eius prædicandas, enumerat beneficia quæ cõtulit. 2. Vnde deinceps mulieres canentes inducit de spoliõrum diuisione, & vrbi sanctæ supra omnes excellentia. 3. Qua de re iterum gratias agit Deo: 4. Quem triumphum agentem introducit, circum quem totus populus circumfunditur: 5. Qui tum quidem Deum precatur & laudat, tum autem alios, vt idem faciant, hortatur.

1. **E**Xsurgat Deus, & dissipentur inimici eius: & fugiant qui oderunt eum à conspectu & facie eius.

Sicut propellitur ac deficit fumus, propellantur ac deficiât: sicut liquefcit ac fluit cera à facie ignis, sic pereant peccatores & impij à facie Dei.

Et contrà iusti latantes, epulentur & exsultent in conspectu Dei, & gaudeant ac delectentur in lætitia.

Quod quidem vt exsequamur, age, cantate Deo quotquot estis sancti ac piij, psalmum dicite nomini eius, exaltate eum, & iter praparate ac facite ei qui orbibus calorum, tanquam vehiculo, insidens, ab Oriente adscendit, & defertur super occasum:

Dominus, & Lach, qui solus verè existit, & potest omnia, nomen illi.

Exsultate, inquam, in conspectu eius: nam id^dum facietis (turbabuntur impij à facie eius) patris, dico, orphanorū, & iudicis ac vindicis viduarum, quos tot iniuriis oppresserunt.

Deus enim in habitaculo ac loco sancto suo est, unde omnia videt, Deus est qui inhabitare facit vnus moris & instituti homines in vna eademq; domo; sic vt qui prius solitarij vixerant, dulci propagatione sobolis in familiam excrecant.

Deus, inquam, est, qui pios & iustos educit è carcere, catenis & compedibus vinctos, in fortitudine brachij sui: & similiter eos qui rebelles contra ipsum sunt, & exasperant eum, hos ab se abiicit, & procul ab hominibus in locis solis ac desertis aridisq; habitare facit, ita vt viuentes sint quasi mortui, qui habitant in sepulchris.

Etenim, ô Deus, cum tu egredereris & praibas exercitum in conspectu populi tui, proficisceris ex Aegypto ad terram promissionis; cum, inquā, pertransires in desertum desolatum. Certè verissimum est quod dicturus sum, Sela.

Tum terra mota est ac tremuit; etenim cæli distillauerunt, & quasi sudarunt imbribus à facie & ob praesentiam Dei: ipse mons Sinai concussus est à facie Dei, Dei Israël, qui trinus est & vnus.

Ac quemadmodum tunc faciebas, ita & nunc pluuiam voluntariam ac tempestiuam copiosamq; segre-

segregabis, & speciatim excitabis Deus hereditati tuæ Israelitica, quæ aliquando quidem afflicta & infirmata est, sed tu verò semper recreasti ac perfecisti eam.

Quare & animalia tua per greges & armenta habitabunt in ea: quæ, cum ad præsidia vitæ sint necessaria, tu parasti in dulcedine ac bonitate tua populo tuo pauperi, ô Deus.

2. Quin porrò, Dominus, concedendo nobis victoriam, dabit verbū & materiam sermonis, ac cantus mulieribus euangelizantibus, quæ cum gaudio & laude denunciant quid in exercitu contra hostes sit factum fortiter & virtute multa.

Dicent enim hæ ipsæ mulieres, Rex ille virtutum & tot exercituum, hostis dilecti Dei, dilecti Regis nostri, victus pralio fugit, fugit: & direptis bonis eius, iam nostri occupati sunt, quonam modo unusquisque eorum, uxori suæ nempe habitatrici, & decori ac speciei domus suæ, diuidere possit spolia quæ accepit.

Ac si hætenus sordidi & pauperes, & in metu hostium semper versantes, incommodè & inquietè dormiistis inter ollas fuligine obductas, habentes breuem supellectilem: post hæc eritis sicut si securi, & nitidi, rebusque omnibus affluentes, dormiatis accubantes inter medios clericos, ac sortes quæ vobis obtigerint, tanquam sub vmbra & in medio duarum alarum mollissimæ pennæ columbæ alba ac deargentatæ, & cui posteriora dorsi & ala eius fulgent in pallore ac virore auri.

Etenim dum profligatis hostibus, ab hereditate sua discernit ac constituit Dominus cælestis proprios Reges suos, quos regionibus inter se diuisos extendit super eam: tum sordibus omnibus depositis, tanquam niue dealbabuntur filij Israël, haud secus atque in monte Selmon sit, qui perpetuis niuibus candet: eritq; mons Sion mons Dei, in quo ipse inhabitet, mons, inquam, pinguis tanquā Basan, quæ regio fertilissima est, & omnibus rebus abundans.

Mons, dico, coagulatus, qui tanquam caseus ex multis collibus coadunatus est, & excelsus valde, mons pinguis sicut terra Basan: ut quid vos alij montes excelsi, qui in vicinia estis, & principes qui in illis degitis, suspicamini & exsilitis, bellum mouentes cōtra montes illos nostros coagulatos, qui ex multis altis collibus inter se iunctis, ut dico, cōstant?

Inter quos est & mons Sion, in quo bene placitum est Deo habitare in eo: etenim quicquid faciat is ac moliamini, hoc certum habetote, quod Dominus eum habitabit in finem vsq; ad perpetuum.

Nam quòd vos multis curribus armatos aduersum nos in bellum vos prodituros minitamini, equeidem vnus currus Dei, decem millibus curruum vestrorū, & eo ampliùs vsque ad duas myriades, & in infinitum, quantumcumque multiplex sit numerus vester, praualet, circum quem innumera versantur Angelorum millia lætantium, & canentium Deo laudes: ipse autem Dominus medius in eis emicat sublimis, haud aliter atq; olim in Sinai, in mōte, dico,

dico, sancto suo maiestatem suam populo Israëlítico ostendebat.

Nam tu, Domine, adscendisti in altum, ut pro nobis pugnares: cepisti ipsam captiuitatē, & duxisti eam captiuam: & subiugatis cunctis mortalibus, accepisti dona in hominibus, quæ in signum victoriae & subiectionis cuncta gentes tibi, à quo prius data & profecta erant, obtulerunt.

Etenim non eos solum qui aliquo modo tenuerunt ac celebrant, tibi adiunxisti, sed & penitus rebelles, & non credentes te ipsum verum Deum, ac Dominum, esse, subiecisti tibi & inhabitare te in Sion & verum Dominum Deum esse, agnoscere fecisti.

3. Quare benedictus Dominus, omniq; laude quotidie per singulos dies predicandus: ille post hac prosperū iter faciet nobis in omnibus viis nostris, portabitq; nos, & ingentibus beneficiis ornabit ipse qui est Deus salutarium nostrorum. Eia triumphē ita profectò res est, Sela: tollamus vocem, altiùs.

Etenim Deus ille noster, Deus est saluos facienti: & est ipsius Domini, Domini, inquam, Dei nostri exitus mortis, quippe per quem à morte ad vitam reuocamur.

Non enim patitur nos ab hostibus opprimi: verūtamen è contrà Deus omnipotens cum sit, confringet capita inimicorū suorum, & comminuet verticem capilli hominum superborum, & erigentium cristas suas, & perambulantium in delictis suis.

Quippe dixit nobis Dominus : Quemadmodum ex Balaam miracula mea olim vidistis , cum potiti maxima victoria Og Regem mea opera occideretis : ita & nunc me conuertā ad auxilium vobis ferendum ; conuertam , inquam , me tanquam in profundum maris rubei , ubi olim Pharaonem cum toto exercitu delebam .

Vt hostibus cunctis occisione occisis , intingat pes tuus in sanguine eorum , & rubescat lingua canum tuorum ex inimicis tuis , cum eundem ipsum sanguinem illorum lambent .

Hæc cum tam ingentia ac magnifica nobis praestiteris , viderunt omnes mortales , pijs pariter & impijs , ingressus tuos Deus , quibus malis occisis , tam prosperum iter nobis aperuisti , ingressus , dico , & incensum triumphalem Dei mei , Regis mei , qui habitat & est in sancto .

Ad quem triumphum celebrandum , præuenerunt & præibant principes cantorum , qui voce cantabant coniuncti psallentibus , qui organis musicis canentes , ponē sequebantur , idq; in medio puellarum & iuencularum tympanistriarum , quæ manibus instrumenta sua pulsantes , vndeque erant circumfusa .

Qui omnes una voce Dominū laudantes , & alios ad id suauī cantu adhortabantur dicentes : Quotquot estis homines sancti ac pijs , in ecclesijs ac cōuentibus vestris benedicite ac laudes canite Deo : benedicite , inquam , Dōmino quotquot estis de duodecim

decim tribubus ac fontibus ac venis Israël.

Præter istos cantores aderat ibi quoque Beniamin adolescentulus, tribus parua numero, & procedens ex minimo natu filiorum Iacob, qui præsidens cantoribus, in summa hilaritate, & quasi mentis excessu versabatur.

Aderant etiam principes Iuda & duces eorū in vestibus suis purpureis, & auro pictis: nec nõ principes Zabulō & principes Nephtalim, sic ut ad summā letitiam ac triumphum nihil penitus deesset.

5. Atque omnes simul pari voce Dominum prædicantes, manda Deus, inquit, ac precipe fortitudini ac virtuti tuæ, & dilecto Filio tuo, ut nobis sit semper auxilio: & secundum id confirma ac roborata hoc Deus, quod tam præclarè cœpisti & operatus es in nobis.

Id enim si facias, à templo sancto tuo, quod est in Hierusalem, cuius visendi causa omnes gentes eò venient, tibi offerent Reges munera, & te Regem Regum, & verum Deum esse, ibi confitebuntur.

Increpa, inquam, ac dissipa feras illas bestias, hostes tuos, qui magno numero congregati, & lanceis armati, arundinis speciem præ se ferunt: disturbetur, dico, abs te, & tributaria facta, cum frustis argenti supplex obuiam tibi venire compellatur cōgregatio illa taurorum agrestium & principum, qui inter vitulos, ac nobiles, & in vaccis à plebeiis populorum dominantur, eosq; concitant aduersum te ac tuos, ut perdant & excludant tributisq; exhauriant eos

viros pios ac bonos, qui per multa experimenta probati sunt esse tales, haud aliter atque in argento fieri solet.

Iterum, dico, dissipa gentes quæ bella volunt: nam si hoc facias, venient ultro principes ac legati ex Ægypto, pacem abs te postulaturi, & Æthiopia cum summa festinatione accurrēs, præueniet omnes, ut manus eius fœdere iuncta sit Deo.

Atque id vidētes, vos populi, & regna terrę, cantate Deo: psallite, inquam, Domino, quot quot estis mortales. Eia eia, ita facite, Sela.

Psallite, dico, Deo, qui adscendit super cælum cæli, illiq; tanquam vehiculo insidet ad Orientem, iam inde a primo rerum omnium initio.

Et quantum ad futuram attinet, ecce dabit voci suę, quam per Verbum suum in hunc mūdum est immissurus, vocem virtutis ac fortitudinis; sic ut quemadmodum cælos, ita & hominum animos commoveat: vos autem date gloriam Deo, agnoscentes fortitudinē eius super populum suum Israël: etenim magnificentia eius, & virtus ac robur eius in nubibus quotidie apparet, ubi fulgur ac tonitru, vētosq; ac tempestates excitat.

Certē mirabilis ac terribilis Deus in sanctis habitaculis ac templis suis: Deus, inquam, Israël ipse dabit virtutem & fortitudinem plebi suę: benedictus, dico, Deus, & omni laude ac gloria celebrandus.

EXPLANATIO.

Exsurgat] De triumpho Christi mysticè exponitur
apud Paulum hic Psalmus.

PSALMVS LXVIII.

Titulus.

In finem, siue ad summum præfectum chori musici, vt ad instrumētum quod vocatur *Sofannim*, siue *Lilium*, *Rosæue*, vel pro iis qui commutabuntur, cantetur hic Psalmus ipsi Dauid.

Argumentum.

1. Constitutus in grauissimis periculis Dauid, petit ab iis liberari, narrans quantas persecutiones iniuste, atque adeò ob Dei cultum patiatur. 2. Aduersum quas quia non mutuis iniuriis, sed oratione ad Deum certat, rogat illum, vt ab iis ipsum etipiat, quoniam vtiq̃ue videt quàm indignis modis ab inimicis tractetur. 3. Quibus meritis pœnas infligi optat. 4. Quod cum fiet, dicit se, & omnes bonos, ipsum quæ adeò cælum ac terram gratias Deo acturos. Gerit hîc Dauid personam Christi in cruce pendentis, vt multis locis videre licet, contigit quæ ob eum crucifixum Iudæis, id quod hîc iis optatur.

1. **S**Aluum me fac Deus, quoniam iam intrauerunt aquæ malorum & calamitatum vsque ad animam meam, ita vt in os ipsum influant.

Quod amplius est, infixus sum in limo profundæ sub aqua, & non est substantia, nec quidquam stabile, vbi consistam, sed demergor magis ac magis.

Et quidem veni in altitudinem & summam profunditatem aquarum, tanquam ipsius maris: & tempestas superueniens in flumine penitus demersit,

merſit, & undis obruit ac cooperuit me.

Ad cuius rei remedium inueniendum laboraui ac deſſus iam ſum clamans ad te, ſic quòd arida ac rauca facta ſunt fauces meæ, & defecerunt oculi mei, dū in altum ſuſpiciēs ſperoin te Deū meum.

Enimvero multiplicati ſunt ſuper capillos capitis mei, qui oderunt me gratis, ſine cauſa, & præter meritum meum.

Confortati ſunt & penitus inualuerunt, qui ad internicionem uſque perſecuti ſunt me inimici mei iniuſtè: & quod deterius eſt, quæ non rapui, tunc reſtituēs exſoluebam, quaſi ſcilicet manifeſtus eſſem latro, cum nihil ſim minùs.

Nam tu, ô Deus, tu, inquam, optimus es teſtis, utrū quid unquā aut vitio intellectus, aut morum prauitate peccauerim, nec ne: ſcis enim inſipientiam meam, & delicta mea à te non ſunt abſcondita.

Quæ quidem cum non ignoras eſſe nulla, tamen ſi illi falſo contrà iactitent; non erubeſcant, quaſo, nec pudore afficiantur in me, qui exſpectant te Domine, Domine Deus virtutum & exercituum, qui omnia potes quæ viſ.

Non confundantur, inquam, ignominia ſuper me, qui quærent te Deus Iſraël, dum me pro exemplo allegando, per irriſionem illis obicitur, fruſtra te illos innocare, & ad nomen tuum ſe conuertere.

Quoniā & ego de illorū ſum numero qui in te omnes ſpes, opeſq; ſuas reponūt, & propter te ſuſtinui opprobriū, & operuit rubor ac cōfuſio faciem meā.

Propter

Propter te, dico, alienus & extraneus factus sum vel propriis fratribus meis germanis, dum tãquam hominem perditum ac sceleratum me fugiunt ac contemnunt: & peregrinus habitus sum filiis matris meæ, qui mihi fratres sunt vterini.

Quod ideo mihi contigit, quoniam zelus domus tuæ totum affecit & comedit me, ita ut penitus ferre non possim quidquam iniustum aduersum te, & domum tuam perpetrari: & sic opprobria exprobratium, & iniuriam tibi inferentium, ceciderunt super me, dum eos de malefactis suis reprehendo, & iniuriam tibi factã, tanquã meam, ad animã traho.

Quare commotus fleui amarè, & operui ac afflxi in ieiunio animam meam, & factum est & hoc ipsum in opprobrium mihi, dum ob id me deridēt.

Sed & posui vestimentum meum saccum ac cilicium: & multo adhuc magis factus sum illis in fabulam ac parabolam.

*Denique aduersum me loquebantur dictæriis etiam ipsi primores vrbis, & negocia publica tractantes, qui sedebant in porta: & compositis canticis cum plausu manuum in me psallebant qui bibe-
bant siceram & vinum.*

*2, Aduersum qua, ego verò non maledictis re-
gerendis certavi, sed conuerti orationem meam ad te, ô Dñe, expectans tempus recõciliationis, & beneplaciti tui, quo me à malis istis liberes, ô mi Deus.*

*Tu igitur eius rei rationem habens, in multitudine misericordiæ tuæ exaudi me, votis meis re-
spondens,*

*spondens, iuua me in veritate salutis tuæ, qua opem
& auxilium pollicitus es omnibus innocantibus no-
men tuum.*

*Eripe, inquam, me de luto hoc, de quo antè dixi,
vt non penitus infigar, sic vt extrahi nequeam: li-
bera me ab iis qui oderunt me, & de profundis
aquarum, in quibus sum demersus.*

*Non me demergat aut obruat tempestas aut
fluctus aquæ, neque absorbeat me in voragine pro-
fundum, neque vrgeat aut claudat super me pu-
teus os suum.*

*Sed contrà, exaudi me Domine, quoniam sua-
vis & benigna est misericordia tua: & secundùm
multitudinem miserationum tuarum proceden-
tium ab illa misericordia respice in me.*

*Et ne auertas nec abscondas faciem tuam à pue-
ro ac seruo tuo: sed è contrà, quoniam grauissimè tri-
bulor, & in summa versor angustia, velociter exau-
di me, & responde votis meis.*

*Accedens ad me propius, intende, quæso, cura ani-
mæ meæ, & libera eam, & vel propter inimicos
meos, qui quotidie te blasphemant, & nihil posse
aiunt, aut certè nullam mei rationem habere iactant,
eripe ac redime me.*

*Tu enim scis improperium meum & opprobrium
quod patior, & confusionem meā, & reuerentiam
ignominiamq; meam, qua cum pudore afficior.*

*Nam in conspectu tuo sunt omnes hostes mei,
& tu vides cunctos qui tribulant me, nec ignoras
quòd*

quòd improprium ipsum, quod tam diu expecta-
uit me, vsque eò tandem superauit, quòd penitus con-
triuierit cor meum, & in summum dolorem ac mi-
seriam cum desperatione me coniecero.

Etenim expectaui & sustinui, ànne quis esset qui
commiseratione motus, simul mecum contristare-
tur, & non fuit; & qui cōsolaretur, & non inueni.

Imò & quod omnium miserrimum ac indignissi-
mum est, esurienti mihi loco consolationis dederunt
in escam meam fel, quod pro maximo veneno est, &
in siti mea potauerunt me aceto, quod me bibere
fecerunt.

3. Quod quidem cū ita se habeat, fiat contra
mensa eorum, quæ corā ipsis est omnibus lautitiis
referta, in laqueum, sic ut deglutiendo cibum, stran-
gulentur; & conuertantur conuiuia eorum, in quibus
quietem ac voluptatem suam collocant, in retribu-
tiones pœnarum, & in scandalum, sic ut mutuis ca-
dibus se ibi conficiant.

Obscurentur oculi eorum ne videant, & dor-
sum ac lumbos eorum semper incurua, ac viribus
destitue, ne recti possint ambulare aut incedere.

Denique effunde super eos iustam indignatio-
nem & iram tuam: & quod magis est, ipse ardor ac
furor iræ tuæ comprehendat eos.

Et fiat palatium & habitatio eorum deserta: &
in tabernaculis ac tentoriis eorum non sit qui in-
habitaret aut consideat.

Quoniam me, quē tu amās, & paternè castigare
volens,

volens percussisti nonnihil, ipsi planè hostiliter & sceleratè persecuti sunt, & super dolorem vulnorum meorū, quæ tu mihi inflixeras, ipsi cōspirantes inter se alia vulnera addiderunt, idq; aliis narrantes de eo etiam gloriantur.

Quam quidem pessimam viam iniquitatis quoniam semel ingressi sunt, tu ad pœnam eorum accumulandam appone iniquitatem super iniquitatem eorū: sic vt de peccato labantur in peccatum, & non reuertantur ampliùs nec intrent in iusticiam tuam.

Et hoc modo deleantur de libro viuentium, & cum iustis, qui soli verè viuunt, non scribantur.

4. *Quod quidem cū fiet, ego qui iam sum pauper & dolens, tum conseruatus & exhilaratus dicam, quòd salus tua Deus suscepit & erexit me.*

Et laudabo nomen Dei cum cantico, & magnificabo eum in confessione ac laude, illi soli acceptam ferens salutem meam.

Et placebit Deo hoc sacrificium laudis super sacrificium bouis, & magis quàm si illi offerrem vitulum nouellum, eumq; iam tamquam taurum cornua producentem & ungulas.

Atq; hac, obsecro, fac vt videant pauperes spiritu, & lætentur: vos autem quotquot estis homines pi, quærite Deum, & viuet cor, & anima vestra.

Quoniam semper exaudiuit & exaudiet pauperes ac mendicos Dominus: & vinctos suos, qui nomine illius vincula patiuntur & carceres, non despexit unquam nec despiciet.

Sed

Sed & laudent illum cæli & terra, mare totum, & omnia reptilia, & se mouentia in eis.

Quoniam quantumcumque mali & aduersi patiamur, Deus saluam tamē faciet Sion, & ædificabuntur ciuitates Iudæ.

Et inhabitabunt ibi pii ac sancti, & hæreditate acquirant ac possidebunt eam.

Et semen seruatorum eius hæreditate possidebit eam: & qui diligunt nomen eius, habitabunt in ea.

EXPLANATIO.

Intrent in iustitiam tuam] Hoc est in te, nam solus Deus ciuitas est & domus iustitiæ: cuius portæ sunt Leges eius, per quas in iustitiam intratur.

Super vitulum nouellum] Quantumcumque magnum est hoc sacrificium externum, longè tamen maius est sacrificium laudis internum, cuius causa externum est constitutum.

PSALMVS LXIX.

Titulus.

In finem, siue ad summum præfectum chori missi, missus hic Psalmus Dauid, ut cantetur in rememoratione, quòd saluum eum fecit, & ut saluum eum faceret Dominus.

Argumentum.

Implorans vir sanctus Dei auxilium, optat 1. malos malè perire.
2. bonos dignis præmiis affici.

1. **D**eus in adiutorium meum (intende) ut à malis istis me eripias, Domine ad adiuuandum me festina.

R

Confun-

Confundantur pudore, & reuecreantur ignominia affecti, qui quarunt animam meam.

Auertantur retrorsum, & erubescant, qui volunt mihi mala.

Auertantur, dico, statim, & in ipso vëstigio erubescantes, qui de me gloriantes, dicunt (mihi) Eugene euge, iam vicinus es.

2. Et è contrà exsultent & lætentur in te omnes qui quarunt te: & dicant semper: Magnificetur Dominus Deus, quot quot sunt qui quarunt ac diligunt redemptionem abs te, & salutare tuum.

Cum quibus & ego verò me numerans, fateor quòd egenus per me & pauper sum, nec aliter quàm per te saluus fieri possum: quare, ô Deus, festina & adiuua me.

Etenim solus adiutor meus, & liberator meus es tu: ô Domine, ne, quæso, diutius moreris.

EXPLANATIO.

Deus] Optat Danid pœnas malis, & premia bonis: qui sunt duo vltimi effectus iustitiæ.

PSALMVS LXX.

Titulus.

(Psalmus David, conscriptus ex persona filiorum Ionadab, & priorum captiuorum in Babylonia, ut inde liberentur.)

Argumentum.

1. Nuocaturus Rex Deum, dicit se in illo semper sperasse, & ab illo semper fuisse adiutum. 2. Vnde ut & nunc idem fiat, rogat: 3. Adiciens,

3. Addens, summas gratias se acturum, si ita fiat; 4. Quomodum sæpe, cum adiutum se à Deo sensit, factum est. Gerit hie David personam Christi Deum collaudantis, & contra persecuciones in vita & cruce orantis, addita mentione resurrectionis.

1. **I**N te Domine speravi, non confundar, nec
I pudore afficiar in spe mea in æternum: in iustitia tua, *quæ sô*, (nam auxilium inuocantibus te semper es pollicitus) libera me, & eripe me.

Inclina ad me aurem tuam, & salua me.

Esto mihi in Deum protectorem, *rupemq;*, &
arcem fortem ac firmam; & in locum munitum, ad quem confugiam, & in quo ingiter tutus ambulem: ut hoc modo, quemadmodum decreuisti, saluum me facias.

Quoniam firmamentum meum, tanquam petra; & refugium meum, tanquam arx munita, es tu.

Quare, Deus meus, eripe me de manu peccatoris impij, & de manu contra legem agentis, eamq; per fraudem detorquentis, & iniqui ac violenti contra eam.

Quoniam tu es patientia & expectatio mea Domine: tu, Domine, inquam, es spes & fiducia mea iam inde à iuuentute mea.

In te confirmatus & innixus sum ex eo usq; tempore quo in utero concipiebar: & de ventre ac visceribus matris meæ tu me extraxisti, & inde semper es protector meus.

Vnde & in te laus ac cantatio mea semper: ac quanquam quidem homines me fugiant, & itaquam

portentum ac prodigium factus sum multis: tu tamen numquam me deseris, sed contra semper & ubique tu spes mea, & adiutor meus fortis.

2. *Quod quidem & nunc demonstrans, & ex istis malis me eripiens, da occasionem, obsecro, ut repleatur os meum laude, sic ut cantem manè gloriam tuā, & tota die magnitudinem ac maiestatem tuam.*

Ne, quæso, proicias me in tempore senectutis: & cum defecerit robur & virtus mea, ne derelinquas me.

Quia loquentes aduersum me, multa dixerunt inimici mei mihi opprobria, & qui custodiebant, & obseruabant me, & animam meam, ut insidias vite mee struant, consilium fecerunt & conspirauerunt in vnum,

Dicentes: Ecce Deus dereliquit eum: persequi- ni & cōprehendite eum, quia non est qui eripiat.

Quare, ô Deus, ne elongeris à me: Deus meus, in auxilium meum respice ac festina.

Confundantur ignominia & amissis viribus suis deficient omnes detrahentes ac aduersantes animæ ac vite mee, amiciantur & operiantur penitus confusione & pudore qui quærunt mala mihi.

3. *Ego autem interim semper sperabo, & cum summa patientia expectabo te: & qui hactenus nunquam predicare cessavi, adiiciam & addam adhuc amplius super omnem laudem tuam.*

Os enim meum manè annunciabit ac narrabit iustitiam tuam in promissis seruandis, & cantabit
tota

tota die salutare tuum in piis ac bonis iuuandis.

Ac quoniam non cognoui numerum tuorum in me meritorum, nec literaturam quæ ad ea particulatim describenda sufficiat, aut qua ipse me queam extollere: referam generaliter, & introibo cætu carminum meorum in potentias Domini, dicens tam esse immensas, ut nullo sermone comprehendi possint: & oblitus operum meorum, ô Domine, memorabor iustitiæ tuæ solius.

Etenim si quid ego habeam aut scientiæ, aut recte facti, ô Deus, tu solus es qui docuisti me, iam inde à iuuentute mea, & vsq; nunc: quare nunquã cessabo, quin pronuntiabo & annũciabo cunctis mortalibus mirabilia tua, quæ à communi hominum intelligentia longè sunt separata.

Et id faciam vsque in senectam, & canitiem, ac senium ultimũ: tu modò Deus ne derelinquas me.

Donec annunciem fortitudinem ac brachium tuum generationi omni, tam præsentì, quàm quæ ventura est.

Nec non potetiam tuam, & iustitiam tuã Deus, quæ vsque in altissima pertingunt supra omnia quæ fecisti magnalia: ô Deus, quis similis tibi?

4. Quantas enim ostendisti mihi tribulationes! quàm multas, & quàm malas! & tamen conuersus viuificasti me, & tanquam de abyssis terræ iterum reduxisti me.

Multiplicasti aliquando magnificentiam, & ostendisti potentiam tuam, in me castigando, &

*omnibus miseris augendo, & conuersus rursum
consolatus es me.*

*Nam tantum abest vt tu pios ac bonos vnquam
deseras, vt contrà vel minimas calamitates summis
felicitatibus resarcias: qua re fit vt admirabilē illam
potentiam ac iustitiam tuam nunquam prædicare,
& laudibus in celum extollere desinant: cum quibus
& ego me coniungens, cōfitebor & acceptam feram
tibi in vasis psalmi, & instrumentis musicis, salutem
meam, & celebrabo organis veritatem tuam in pro-
missis seruandis, ô Deus: psallam tibi in cithara, ô
tu, qui sanctus & sanctificator es Israël.*

*Atque ita vocem cum instrumento coniungens,
exsultabunt & gestient præ latitia labia mea, cum
psallens cantauero tibi; & perfundetur gaudio ani-
ma mea, quam pro tua potentia redemisti.*

*Sed & verba instrumentis & voci addens, lin-
gua mea tota die meditabitur & loquetur iusti-
tiam tuam, quam utique secundum veritatem pro-
missorum tuorum nobis ostendisti, cum iam pudore
confusi, & ignominia affecti, ac reueriti fuerint
qui quærunt mala mihi.*

EXPLANATIO.

Potentiam tuā, & iustitiam tuam] Duo summa, id quod
est, vnde potentia nascitur; & bonum, vnde iustitia, sem-
per coniunguntur.

PSALMVS LXXI.

Titulus.

Psalmus in Salomonem, quo David ea illi optat ac precatur, quæ verum Regem ac Principem decent, ut in verum Salomonem, hoc est, pacificum, euadat.

Argumentum.

1. **O** Prat Rex pater, & vnâ cum eo totus populus filio Regi futuro iustitiam & iudicium, ut secundû n. legem Dei populum, ita vt oportet, gubernet. 2. Quod cû n. faciet, obediens illi cum summa man. uetud. ne in regnum suum venient omnes fines terræ. 3. Quoniam æquo iure cunctos regens, liberabit pauperes ab oppressi. ne potentiorum. 4. Vnde cuncti munera illi offerent, ipsaq; a d. ò terra fructus copiosissimi. n. profundet, sic vt nomen eius toto orbe longè fut. rum sit celeberrimum: 5. Quia de re Deo ad extremum gratias agit.

1. **D**eus, iudicium tuum, quo legis tue iussa executioni mandâtur, Regi da, qui iam rebus præsidet: & iustitiam tuam, unde leges omnes proficiantur, filio Regis, qui in regnum post est successurus.

Atque id quidem ad hoc, ut, quod proprium munus Regis est, iudicare possit populum tuum in iustitia, & iustificare pauperes tuos, quorum præceteris curam gerere debet, in iudicio.

Suscipiant, dico, montes, qui principes ac primores regni sunt, pacem inter se, quæ soror est iustitia; & ferant eam populo: & colles, qui magistratus sunt, & iudices, iustitiam; ut eam plebi cum aequitate administrent.

R 4

Hæc

Hæc enim si illi tribuas, iudicabit, & æquo iure cum diuitibus ac potentibus habebit pauperes populi, & saluos faciet ab omni oppressione filios pauperum, & humiliabit ac conteret calumniatorem, qui legum contortor, bonorum extortor, omniumq; defraudator esse solet.

2. *Et cùm hoc modo se geret, timor illi ac reuerentia exhibebitur vt oportet, & permanebit securus in regno suo, cum sole ipso, & ante lunam in conspectu eius: sic vt quemadmodum cursus eorum, ita & regnum ipsius duret in generatione & generationem.*

Ac descendet autem in regnum suum, non cum rigore & armorum strepitu, sed suauiter, & cum silentio, sicut descendit pluuia in vellus pratiumue recens detonsum, & sicut suauis imbris stillicidia, stillantia sunt super terram, & irrigant eam.

Ac quemadmodum terra sic humectata gratissimus est sol matutinus supernueniens: ita post rempublicam sic constitutam, orietur in diebus eius verus Sol reipublica, quæ est iustitia: quæ nascente, & iustus vt palma florebit, & abundantia erit pacis, quæ perpetuò durabit, donec mundi cardinibus dissolutis, auferatur luna, & quicquid est siderum celestium.

Et sic ordinata bene reipublica, & iustitia in eam inducta dominabitur à mari Orientis vsque ad mare Occidentis, & à flumine Australi vsque ad Boreales terminos orbis terrarum.

Coram illo procident in genna æthiopes &
quot-

quotquot desertum aridum & siccum incolunt: & inimici eius subditi facti, puluerem ac terram lingent, dum in signum obedientia, in conspectu ipsius eam deosculabuntur.

Reges Tharsis, & insule maris, munera offerent: Reges Scena, & Sena, siue Arabum, & Saba, dona adducent.

Et denique incuruabunt se & adorabunt eum omnes Reges terre, & omnes gentes ac populi seruiunt ei.

3. *Qua omnia ideo ei contingent, quia iustitiam colens, a quoq; iure cunctos gubernans, liberabit pauperem ad se clamantem à potente, à quo opprimitur: & inuabit pauperem, cui omni ope humana destituito non erat adiutor.*

Ac si quid secus quàm oportet eum fortè facere contingat, non mox pro summo iure pœnas exiget; sed misericordia motus, parcat pauperi & inopi, qui culpam agnoscens, ad gratiam eius confugit: & hoc modo quas è medio tollere poterat animas pauperum, saluas faciet, & in vita conseruabit.

Quin præterquam quòd vim & oppressionem potentiorum ab illis amouebit, tum & ex usuris, quibus tanquam lenta tabe pauperes conficiuntur, & fraudulencia ac iniquitate qua circumueniuntur, redimet animas eorum: & erit honorabile nomen eorum, & preciosus sanguis ipsorum coram illo, & in oculis eius, sic ut neque vi effundi, neque dolo exsugipatiatur.

4. Et ad hunc modum se gerens, viuet Rex felix ac beatus, & dabitur ei de auro Scena sine Arabia: & adorabunt ac precabuntur Deum populi eius, de ipso ac pro ipso semper, & tota die benedicent ei, omnibusq; laudibus eum pradicabunt.

Sed & terra fructus virtutibus eius respondebunt: etenim erit triticum, quod firmamentum est vite hominis in terra, in tanta abundantia, ut ex pugillo frumenti sati vel in summis cacuminibus montium, quae plerumque sterilia esse solent, maxima messis excrescat, ita ut superextolletur super Libanum fructus eius, & concutientur inter se culmina frumenti, & sonum edent haud aliter atque arbores Libani solent, cum vehemēti vento agitantur: & praeter hoc cines eius florebut & multiplicabuntur de ciuitate, sicut gramen siue foenum terrae.

Et dicent omnes: Sit gloria Regis nostri, & celeberrimum nomen eius (benedictum) & duret in aeterna saecula: etenim ante solem creatum, conceptum fuit, & una cum sole permanet, & tanquam filiorum procreatio crescet & floreſcet semper nomen eius.

Et benedicentur, ac beatos factos se sentient in ipso omnes tribus terrae, omnes gentes magnificabunt & beatum pradicabunt eum.

5. Quibus quidem cunctis de rebus benedictus Dominus Deus, Israël trinus & vnus, qui facit haec omnia, & alia cuncta mirabilia, & ab hominum sensu remota, solus, nulla aliena ope adiutus.

Et

Et sit benedictum nomen gloria & maiestatis eius in æternum, & sic replebitur gloria & maiestate eius omnis terra. Fiat, fiat.

EXPLANATIO.

Deus] Describitur hîc regnum Christi, & verum optimi Regis officium.

ATQVE hæc quidem cum summa sit votorum Davidis, quæ filio Salomoni optabat, *defecerunt*, & finiunt hîc *Laudes David filij Iesse*, quas ipse solus fecit, & ad modulos redegit: & ex iis quæ sequuntur nonnullas ipse fecit, & ad modulos redegit; nonnullas ab se factas, per alios ad modulos redigi fecit, inter quas sunt & nonnullæ, quæ penitus aliorum esse videntur.

LIBER

LIBER TERTIVS.

PSALMVS LXXII.

Titulus.

Psalmus Asaph videntis, siue ipse eum fecerit, siue à Davide factum ad modulos redegerit.

Argumentum.

1. **I**ncipiens ab immensa Dei bonitate vir sanctus, dicit se impiorum rebus secundis aliquando fuisse commotum, dum egentibus bonis ipsi rebus omnibus affluunt. 2. Qua quidem re fit ut boni id videntes & ipsi ad deterioiorem partem tæpe se applicet, quod & sibi seipse accidisse dicit, nisi Deus pro summa sua bonitate opem tulisset. 3. Itaque ab hoc se abducens, & ad naturalem huius rei investigationem se conuertens, quam & ipsam inattem repperit, tandem sensit non posse penitus intelligi, nisi in Deum se totum quis coniciat. 4. Quod cum facit, clarissimè videt quàm tristis & infelix malorum sit exitus, quamcumque felices videantur. 5. Ceterùm se inuidia, ut dictum est, aduersum eos commotum fuisse, quoniam in Deum se non coniecerat, in qua re perisset, nisi pro immensa bonitate illum extraxisset. 6. Unde deposita illa æmulatione, in vno Deo totum se collodit.

1. **E**cce quàm bonus ac beneficus est Israël Deus his qui recto ac mundo sunt corde.

Etenim accidit mihi aliquando, quòd mei autem penè loco moti sunt pedes, dum ambulo in via innocentia: & tanquam in lubrico penè effusi sunt gressus mei, desistens propemodum à cursu instituto.

Quòd ideo mihi contigit, quia æmulatione & quasi inuidia quadam commotus, zelaui super insipientes & iniquos, prosperũ rerum omnium successum,

in quo gloriantur, & pacem impiorum ac peccatorum videns.

Quia præterquam quòd in vita rebus omnibus affluunt, tum non est quoque difficultas, nec anxietas, cuius quidem aliquis sit respectus, aut qua aliquo modo sit æstimanda mortis eorum; sed tanquam ligaminibus paulatim solutis, leniter diem suum obeunt; & si quid aduersi aliquando accidat, id tam est breue, ut nulla sit mora, nec firmamētum in plaga eorum: & sic sani ac salui viuentes, & vinidum est robur corporis eorum, & alta ac firma sunt palatia ipsorum, quæ liberis suis relinquunt.

Porro in labore & miseriis hominum nō sunt; nihil enim huiusmodi sentiunt: & cum hominibus non flagellabuntur, nec ulla plaga afficientur.

Et ideo tenuit eos, ac instar torquis circumdedit ipsos superbia, dum supra reliquos mortales tam felices se vident: & tanquam vestimento quodam & ornatu pretioso amicti & operiti sunt iniquitate & impietate sua.

Sed & prodiit ac prominet præ pinguedine, quasi ex adipe superbus oculus, & iniquitas eorum, dum opibus ac potentia florentes, alios despiciunt: transierunt toti in affectum cordis sui, dum suprâ quàm sperauerant felices effecti, non aliud quàm propria desideria sequuntur, & in iis quasi liquecunt.

Hinc dissoluti facti, & in peccatis suis obsordescetes, pios ac bonos, quos derisui habent, affligere ac perdere cogitauerunt: & id cum nequaquã secretum habeant,

habeant, sed publicè profiteantur, palàm locuti sunt aduersum eos nequitiam ex puris mendaciis consummatam, & quod omnium impudentissimū ac pessimum est, iniquitatem ac calūniam etiā aduersum Deum ipsum, qui in excello habitat, clarè & aperitè & tanquam ex alto locuti sunt.

Etenim posuerunt in cælum os suum, ad Dominum ipsum blasphemandum: & lingua eorum transiit & ambulauit in terra, ad bonos ac iustos maledictis lacerandos.

2. *Quæ quidem cū boni videbunt, incipientes nutare, fiet ideo quòd propè derelinquētes viam iustam, conuertetur populus ille meus ad malos illos ac impios, quos tātò opere florere ac omnibus dominari cernunt, vt iisdem cum illis hīc in mundo deliciis fruantur, & continget quòd dies hilares inter se quoque fruētes, quemadmodum mali solent, aquæ fontis ac calicis pleni inuenientur in eis; sic vt mutuo adbibentes, & se tam potu quam malis opinionibus inebriantes, id felix ac beatum existiment, & in eo quastum uberrimum ponant.*

Etenim iam sæpe audiui, quòd nutantes illi dubitauerūt, & dixerunt inter se. Quomodo scit Deus quid inter mortales agatur? & quis certò nobis dicat, si est scientia in excello, quinam boni sint vel mali?

Ecce enim isti ipsi quos quotidie videmus, peccatores sunt & impij, & tamen abundantes sunt pace ac ocio in hoc sæculo, & ingentes obtinuerunt ac possident diuitias: quod utique non fieret, si Deus sciret,

sciret, aut illi cura esset, quid rerum inter homines ageretur.

Et ne de aliis solum dicam, sed & de me ipso, certè & mihi aliquando usu venit, quòd impiorum felicitatem videns, & meas è contra miseras, dixi apud me: Ergo frustra penitus & sine causa iustificavi ac mundavi cor meum circa interiora; & laui inter mundos & innocètes manus meas circa exteriora.

Sed & frustra fui flagellatus tota omniq^{ue} die, dum inflētis plagis ac vulneribus carnem meā coercere conor, & frustra est castigatio mea in matutinis, dum manè surgens, me ipse & factis castigo, & verbis increpo, deterrendo à malo, & exhortando ad bonum: quoniam totum hoc nihil mihi prodest; quin florentibus impiis, & rebus omnibus circumfluentibus, ego miseriis & calamitatibus opprimor.

3. Denique nihil propè iam aberat, quin derelicta via virtutis, ad impiorum societate me conferrem, nisi Deus pro immēsa sua bonitate, qua eos qui recto sunt corde, ut initio dixi, complectitur, opem tulisset: ille enim, si quando dicebam apud animum meū, Certè narrabo sic, nempe impios melius habere quàm pios; itaque sequar eorum vestigia, contrà alias cogitationes suggerens, & ob oculos ponens, causa mihi erat ut diligentius, & in omnes partes rem expendens, mox ab altera parte dicerem: Ecce si hoc facio, iam utique nationem ac generationem filiorum tuorum, ô Domine, derelinqui ac reprobaui, legemq^{ue} tuam pravaricatus sum.

Qua

Qua quidem re deterritus, mox subsistebam, & non me conferebam ad impios: caterum hoc mihi adhuc manebat vanitatis, quòd existimabam naturali inuestigatione fieri posse, ut cognoscerem quidnam causa sit, quòd in tanta bonorū afflictione impij tantopere florerēt: sed in eo dum versor, re ipsa comperio, quòd hoc inanis labor est ante me, & in oculis meis, huiusmodi cogitationibus torqueri:

Et reuera non posse me hac Domini secreta antè animo comprehendere, quàm donec supra inuestigationes naturales elatus, intrem in sanctuariū ipsius Dei, & ibi intelligam in nouissimis eorum, quoniam tandem finem atque exitum habeant peccatores atque impij, qui hic nobis vsque adeò felices ac beati videntur.

4. *Quae quidem res si diligenter expèdatur, inuenietur nihil fixum ac firmū eos abs te accepisse: verum tamē è contrà, quòd propter dolos, ac fraudes, vitamque turpem suam, viam posuisti eis doloſam ac lubricam, dum in bonis externis, quibus abundāt, nihil firmi inest, sed omnia fluxa sunt ac caduca, quodq; reuera deiecisti ac cadere fecisti eos in ruinam ac interitum, dum alleuantentur, & honoribus ac diuitiis se efferrī putarent, cū contrà re ipsa nihil est illis nec deiectius, nec infirmius, nec inanius.*

Quod quidem ita se habere, vel ex eo intelligi potest, si consideres quomodo, qui heri omnibus rebus florebant, hodie rebus omnibus destituti, facti sunt in desolationem ac vastitatem, & subito, veluti
vno

uno momento temporis defecerunt, & denique repentinis horroribus exterriti in totum perierunt, & ad nihilum reducti ac consumpti sunt propter iniquitatem suam.

Adco ut velut somnium surgentium & euigilantium, quo dormientes perbeati sibi videbantur, euanesceat ac perit: sic tu Domine in sancta ciuitate tua imaginē glorie ac felicitatis ipsorum euanesce, ac tanquam rem vilem contemni facies, & ad nihilum rediges.

Sed hac tanta tua mysteria antea penitus ignorabam, quia in sanctuarium tuum nōdum intraram: & ideo non ferens prosperitatem impiorum, inflammatum est, & dolore velut coactus cor meum, in quo ira residet, & lumbi ac renes mei, in quibus cupiditas inest, commutati, & ut ignis fumigans acuti facti sunt; & denique ego totus insipiens & ignorās effectus, ad nihilum reductus sum, & quod adhuc deterius est, hoc ipsum malū meum penitus nesciui.

Denique ut iumentum factus sum apud te, & sic proculdubio periissem, nisi una res auxilio mihi fuisset; que erat, quod quantumcumque vanis cogitationibus exagitabar, ad te tamen semper receptum meum habebam, & quod ego semper in omnibus rebus tecum esse cupiebam.

Quod tu pro immensa tua bonitate gratum habens, tenuisti semper manum dexteram meam, ne nimium prolaberer in cogitationibus meis: & quod amplius est, in bona voluntate tua in consilium illud

arcanumque deduxisti me, ut intelligerem qua de causa fiat, quod impij prosperè agere nonnumquam videantur: & sic postea denique ex omnibus calamitatibus me eripiens, cum summa gloria & honore suscepisti me.

6. *Quare deposito zelo illo super prosperitate impiorum, totius tibi vni adhaerere statui. quid enim mihi est vel in ipso caelo, quod à me prater te, & à te, sine quo tuo numine, quid vnquam volui aut expetivi super terram?*

Certè defecit pro amore tui caro mea, & cor meum, ô Deus, qui robur ac fortitudo es cordis mei: & pars ac hereditas mea Deus in aeternum.

Quia ecce iam scio quod qui elongant se à te, peribunt: & quod semper perdidisti, & quasi succidere fecisti omnes qui fornicantur abs te, dum te derelicto, ad alios amores se conferant.

Qui quidem id faciant quod animo ipsis est collubitum; nihil enim inuideo: caterum mihi autem appropinquare & adhaerere vni Deo bonum est, & ponere in Domino Deo spem meam.

Vt enarrem omnia mirabilia opera tua, & annunciem omnes laudes operum tuorum, ac praedicationes tuas (in portis urbis Ierusalem filie Sion.)

EXPLANATIO.

In sanctuarium Dei] Ad res diuinas cognoscendas neque sensus hominis sufficit, vnde carnalis huius mundi sapientia oritur: neque intellectus, vnde animalis, principium huius mundi; sed opus est spiritu Dei, vnde diuina, spiritualis.

PSALMVS LXXIII.

Titulus.

*Psalmus eruditivus siue intellectus, scriptus ipsi
Asaph, ut decantetur ad instrumentum musicum,
cui nomen Maschil.*

Argumentum.

1. **I**nuocans Propheta Deum contra ciuitatis Hierosolymitanæ
euerfionem, enumerat quanta ibi mala hostes perpetrarint.
2. Contra quæ, eius petit auxilium, enarrans quanta olim pro popu-
lo suo fecerit.
3. Quare ut & nunc opem rebus ferre velit, precatur.

1. **V**T quid Deus repulisti *as dereliquisti nos*
in finem & perpetuum? cur tantopere iratus
est furor tuus, & quasi accensus de naribus fumigat
super gregem & oues pascuæ tuæ, quas in tuis pra-
tis ipse pascendas suscepisti?

Memor esto, *quaso*, & recordare congregatio-
nis ac multitudinis tuæ, quam tibi olim selegisti, &
ut tuam possedisti iam inde ab initio.

Et cogita quod eam redemisti ex seruitute quæ
premebatur, ut in ea erigeres sceptrum ac virgam
regni, & hæreditatis tuæ; quodq; in ea mōs est Sion,
in quo tantopere delectaris, sic quod sedem ibi elegi-
sti, & habitasti in eo.

Leua ergo manus tuas in superbias eorum qui
nos affligunt; & exaltans gressus tuos, progredere ad
deuastandū ac desolandū eos in finem ac perpetuum:
quonia tu scis, quāta malignatus est, & quæ scelera

perpetrauerit inimicus in templo sancto tuo.

Et quòd frementes ac rugientes gloriati sunt de impijs factis suis, hi qui oderunt te, idè, non secretò nec seorsim, sed in medio habitationis ac solennitatis festiuitatisque tuæ.

Sed & posuerunt signa sua, tanquam signa victoria, in trophaũ super habitatione ac domo tua, & non cognouerũt nec aestimauerũt eam amplius pro templo tuo: sed disturbauerunt ac dissipauerũt ipsam ab imis fundamentis vsque ad supremum fastigium, ita ut sicut in infimo exitu est disturbata ac dilacerata, ita sis & super summum.

Denique quasi in silua lignorum, sic securibus exciderũt ianuas, & pulcherrimas sculpturas eius, quas omnes pariter in idiplum disturbarunt; ac quantum ad domum ipsam attinet, in securi & ascia, bipennique & malleo deiecerunt ac contriuerunt eam.

Quin immixtis flammis, incenderunt igni sanctuarium tuum: & deiectum in terra, polluerunt suis spurcitiis, ac prophanauerunt tabernaculum nominis tui.

Dixerunt enim in corde suo: Age depopulemur & perdamus posteritatem & cognationes filiorum eorum simul omnes, & comburamus omnia templa, & quiescere faciamus omnes dies festos Dei à terra.

Atque in his tantis & extremis malis constituti, nullam adhuc, ô Domine, significationem salutis cerni-

cernimus: etenim signa nostra, quæ olim patribus nostris ad salutem ostendere soles, non adhuc vidimus: iam non est amplius propheta, qui futura nobis prædicat, & inter nos non est quisquam qui cognoscat amplius quamdiu hæc sint duratura, adeo ut nec Deus ipse nos amplius nosse videatur.

2. Quod quidem cum ita sit; usque quod Deus, usque quo improperabit & omnibus contumeliis te ac nos afficiet inimicus? an, quæso, blasphemabit, & vis quod irrat aduersarius nomen tuum usque in finem & perpetuum?

Vt quid auertis ac retrahis manum tuam & dexteram tuam? cur non profers eos de medio sinu tuo, & perdis impios istos funditus in finem?

Etenim tu Deus autem & rex noster es iam inde ab initio ante sæcula, qui in omnibus miseriis & calamitatibus nostris semper operatus es, & attulit nobis salutem in medio cunctorum populorum, & conspectu vniuersæ terræ.

Tu dissipasti ac secuisti in duas partes, & tamquam muris utrimque confirmasti in virtute ac fortitudine tua mare rubrum, ut patres nostri pedibus illic pertransirent, & contriisti ibi ac contribulasti capita draconum in aquis, ne transseantibus nocerent.

Tu cōfregisti capita draconis, & ceteræ Leuiathæ, Pharaonis, dico, regis magni, quem maris fluctibus obruisti, & dedisti eum & cadavera & spolia gentis ipsius escam populis Æthiopum, usque qui in desertis aridis ac siccis littora maris rabri accolunt.

Tu in deserto è media petra dirupisti ac dissecuisti fontes, eosq; tam copiosos, ut & torrētes inde deduceres: & contrā in ingressu in terram promissionis tu siccasti vehementissimos fluuios Ethan in transitu Jordanis.

Denique tuus est dies, & tua est nox, tu ordinatione tua ad hoc fabricatus es luminaria minora, nec non auroram & solem.

Tu fecisti ac statuisti omnes terminos terræ: æstatem & hyemem ac ver tu plasmasti, & inter se opposuisti ea.

3. Qua quidem cū ita se habeant; & nunc, quasi, memor esto huius nostre miseria & contumelia tam insignis: quoniam inimicus eò usq; peruenit audacia, quod impropèrauit, & conuicia ingessit ipsi Domino, & populus stultus ac insipiens agrestisq; incitauit ac blasphemauit nomen tuum.

Ne tradas, obsecro, feris illis bestiis animas innocentium, imbecillium quasi turturum, cōfitentium tibi, & in lege tua eruditae: & animas ac congregationes pauperum tuorum ne obliuiscaris in finem & perpetuum.

Sed contrā diligenter scrutando respice in testamentū tuū ac fœdus quod cum patribus nostris pepigisti: quia res iā eò redacta est, ut nihil inter mortales amplius exstet sñi aut integri: verūm, è contrā penitus repleti ac referti sunt quotquot reperiuntur tenebricosi, qui obicurati & sine lumine sunt, anguli terræ, domibus ac societatibus hominum violentorum,

lentorum, ipsarumq; adeo iniquitatum: vnde ex insidiis exsistentes, impetum in hominem iustum ac innocentem faciunt.

Cuius tu rationem habens, ne permittas amabo, vt egressus domum suam ad te orandiū, auertatur ab illis impiis, & sic redeat humilis factus & oppressus, & pudore ignominiaq; te permittēte cōsulus: etenim quos putas veros tuos esse cultores? an diuites illos ac potentes? nequaquam, sed pauper & inops; hi sunt qui laudabunt nomen tuum.

Quare exsurge Deus, & defende ac iudica causam tuam; qua cum eos spectet quos tu in fidē tuam recepisti, vtique tua propria dicenda est: memor esto improperiorum tuorum, eorum, inquam, quæ ab impia ac insipiente agrestiq; illa gente sunt & existunt tibi tota die.

Et ne obliuiscaris impias illas ac contumeliosas voces inimicorum, nō dico nostrorum, sed tuorum, quo minùs eas vindices: etenim superbia, & fastus, conuictiosaq; vociferatio, ac fremitus corū qui te oderunt, & aduersum te insurgunt, adscendit & crescit semper, ita vt tardādo ac conniundo nihil ampliùs sani ab iis sit expectandum.

EXPLANATIO.

De quid] De qua euersione vr̃bis Hierosolymitanæ hic Psalmus accipiendus sit, valde queritur: sed credo ad omnes non malè accommodari posse.

PSALMVS LXXIIII.

Titulus.

In finem, siue ad summum prefectum chori mufici, vt ad modulos cantilena, cuius initium Nec corrumpas, vel; disperdas, canetur hic psalmus cantici Asaph.

Argumentum.

1. **G**ratias agens vir sanctus Deo, Christum loquentem inducit de extremo iudicio suo: 2. Qui increpat impios ne suis viribus fidant, quoniam Deus certo illos est puniturus. 3. Cum contra ipse nomen Dei patris sui predicaturus sit omnibus gentibus, ad depressionem malorum, & exaltationem bonorum.

Confitebimur tibi, o Deus, omnia nostra cum gratiarum actione accepta tibi ferentes; confitebimur, inquam; & presentia numinis tui excitati, inuocabimus nomen tuum.

Narrabimus mirabilia tua, qua olim facturus es. nam ipse dixisti nobis, & locutus est Christus tuus his verbis: Ecce, cum accepero tempus, & iudicii mei dies aduenerit, ego iustitias & quae recta sunt, iudicabo, sic vt boni pariter & impii digna meritis suis premia accipiant.

Liquefacta est & dissoluetur terra, & omnes qui habitant in ea: verum ego qui feci & confirmavi columnas eius, quibus innititur, maneo in aeternum, & ne apex quidem de verbis meis peribit. Ita profecto res est, Sela. tollamus vocem altius.

2. Ego dixi iniquis & gloriosis, qui mentis errore &

re & insania laborāt, Nolite insanire, & iniquè aut gloriose agere; & delinquentibus, qui impia facta sequuntur, Nolite exaltare cornu; & erigere cristas vestras.

Nolite, inquam, extollere in altum ad cælum excelsum cornu vestrum, & nolite loqui cernice dura & præfacta, ut solētis, aduersus Deum iniquitatē.

Quia neque ab oriente, neque ab occidente, neque à desertis montibus Australibus vel Borealibus, quisquam veniet mortalis, qui verè vos exaltare & amplificare possit; quoniam harum rerum omnium solus Deus iudex est & arbiter.

Ille hunc deprimens humiliat, & hunc erigens exaltat, prout ei placet ac videtur, quia calix est in manu Domini, vini quidem meri rubri optimi, sed qui idem plenus quoque sit misto, propter feces quæ insunt.

Et inclinauit se, & miscuit partem illius cum altero, effundens ex hoc in hoc; & propinans, aliis dat quidē merum ad gloriam, aliis feces ad pœnam, aliis ex utroque mixtum. Ac utrumque biberunt quidem omnes omnino mortales ex una fœce & alia; verum tamen fœx suppliciorum eius non est adhuc exinanita; sed surgent, & bibent in extremo iudicio ex ea omnes impij ac peccatores terræ, ad iustas delictorum suorum pœnas luendas.

3. Et è contrā, ego autem, qui filius eius sum vni-genitus, bibens merum ad gloriam, annuntiabo nomen eius inter mortales, ita ut duret ac celebretur

in sæculum ac perpetuum: & cantabo psalmos & hymnos ipsi patri meo Deo Iacob.

Et omnia cornua peccatorum impiorumque, quæ tantopere nunc ipsi erigunt, confringam: & contrà exaltabuntur cornua iusti, quæ nunc confecta videntur.

EXPLANATIO.

Calix] Calicis nomen in sacris scripturis duobus modis accipitur: in præmium, veluti, Calicem salutariis accipiam, & nomen Domini inuocabo. & in poenam, ut, Pater, sine ut à me transeat calix iste. hic utroque modo accipitur, sic ut vinum merum ad præmia bonorum pertineat, fex autem ad supplicium malorum.

PSALMVS LXXV.

Titulus.

In finem, siue ad summum præfectum chori musici, ut in laudibus ac carminibus ad instrumentum, quod dicitur *Neginoth*, canetur hic Psalmus Asaph, continens canticum (ad Assyrios deuictos pertinens.)

Argumentum.

1. **C**elebrat vir sanctus victoriam vibis Hierosolymorum contra hostes. 2. Iterum atque 3. Iterum vocem intendens, & triumphum canens.

1. **N**otus ac celebris in Iudæa Deus: in Israël magnum nomen eius.

Et factus ac constitutus est in Salem, cui à pace nomen est, locus ac tabernaculum eius: & habitatio

ac domus eius in monte ac arce Sion.

Ibi confregit potentias & volantes sagittas, arcum, nec non scutum & gladium, & confecit totum bellum. Eia eia triumphe, Sela: tollamus vocem altiùs.

2. Etenim illuminans tu tamquam fulgur mirabiliter & cum summa potentia apparuisti, & venisti nobis in auxilium à montibus tuis æternis, ubi fera bestia, qua ex prada viuunt, stabulatur: quo facto turbati, & in pradam dati sunt omnes hostes nostri, qui insipientes corde & cernice duri, mirè fortes ac robusti antè sibi videbantur.

Occidione occisi, dormierunt somnum suum: & cùm pugnandū esset, nihil inuenerūt roboris omnes illi viri diuitiarum, qui tam fortes ac potentes se putabant in manibus suis, quas nec ipsas reperiiebant.

Nam ab increpatione tua, ô Deus Iacob, morientes dormitauerunt, & tamquam somnium euauerunt omnes qui adscenderunt currus & equos.

Quippe tu (terribilis) es, & quis resistet tibi? vel etiam consistere potest coram te ex tunc cùm exarserit ira tua.

Mox enim ubi tu de cælo auditum fecisti iudicium, & ostendisti iustam vindictam te sumpturum, continuo terra cum suis inceptoribus, inimicis nostris, tremuit, & silens quieuit, ita ut ne hiscere quidem auderet.

Nempe cùm videret quòd seridè rem agens, exurgeret in iudicium Deus, ut saluos faceret, & à
tyran-

tyrannide liberaret omnes mansuetos & afflictos terræ. Ergo, eia eia, canamus triumphum Domino Sela: tollentes iterum vocem aliū.

3. Quoniam utique, Domine, ferocitas illa & ira hostium nostrorum abs te retrusa, occasionem dabit, quod cogitatio hominis superior, qua intus est, confitebitur tibi, & gratiasaget, acceptam tibi ferens salutem suam; & reliquæ cogitationis, qua inferiores sunt in homine & foris prominent, diem festum agent tibi, dum ad id quod restat superbia & ferocitatis hostium consumendum, iratu te accinges.

Et vos quidem quotquot estis p̃j, hoc cōspicientes, vouete & reddite ac persoluite Domino Deo vestro, eis quæ voueritis; atque omnes vos qui visitantes templum sanctum eius in circuitu eius estis, afferte ei munera vestra.

Ei, inquam, Deo terribili, qui cum vult infert spiritum principum, terribili, dico, apud omnes Reges terræ.

EXPLANATIO

In pace locus eius] Melchisedech, qui regem significat iustitiæ, ciuitatem pacis, quæ est Salem, condidisse, ibique sedem Dei esse, alio loco admonuimus.

Principum reges] Reges esse, apud quos summa rerum est; principes secundos ab illis, antè quoque diximus.

PSALMVS LXXVI.

Titulus.

In finem, siue ad summum præfectum chori musici, pro insigni cantore Idithun, ut per eum canatur hic Psalmus Asaph.

Argumentum.

1. **N**ARRAT vir sanctus, in quacunque malis fuerit versatus, semper à Deo se fuisse exaudiū. Atque id quidē aliūds repetēs. 2. Primum quæ mala passus sit cōmemorat, & quān desperat ē propemodū ad Deum sit locutus. 3. Post quod ad se rediens, seipsum consolatur, memoria repetēs, Deum nunquam suos, ac potissimum quidem Israelitas, ex toto deseruisse, sed iuuisse semper. 4. Vnde, quid illis olim fecerit, & quān mirabilia circa eos ostenderit, enarrat.

1. **V**OCE mea ad Dominum Deum clamaui, voce, inquam, mea ad Deum; & tandem post multa aurem præbens, intendit mihi.

Etenim in die tribulationis & angustia mea, Dominum Deum exquisiui, idq; extensis manibus meis tota nocte, cū malum meum recrudesceret contra eum in altum sine cessatione ac relaxatione, & non sum deceptus in spe mea.

2. Nam initio quidem tenuit consolari anima mea; sed mox ubi memor fui Dei, redi ad me, & delectatus ac recreatus sum: quin, ut rem totam ordine complectar, ego versans in angustis ac tribulatione, loquendo & meditando mecum conturbatus; & vociferando ad te, mirificè exercitatus sum & exagitatus, sic ut tandem dereliquit me, & defecit, & collapsus

lapsus est spiritus meus. Ita profectò res est, Sela.

Sed & anticipauerunt ipsas vigilias oculi mei, magis vigiles, quàm eorum oculi qui nocti excubias agunt, dum tu, Domine, vehementia dolorum quasi apprehendis palpebras oculorum meorum, ne claudi possint: vnde planè consternatus ac turbatus sum, & nō sum, ne verbum quidē, pra nimio dolore locutus.

Sed intrò me recipiens, & praterita memoria repetens, ad me consolandum, cogitavi dies antiquos ab initio: & annos æternos seculorum superiorum, reuolui, & in mente habui.

Et meditatus sum nocte cum corde meo, ad memoriam reuocans psalmos & cantica mea, quibus me & alios consolari soleo, & loquēs mecum cum corde meo, exercitabar in illis, & scrutando mundans me, scopebam, & ad intima mei peruadens, quasi fodiebam spiritum meum.

Dicens: Nunquid in æternum me proiciet Dominus Deus, aut non apponet nec addet quidquam amplius ad praterita in me beneficia: vt complacitior & propitius mihi sit adhuc, quemadmodum, esse solet?

Aut in finem ac perpetuum misericordiā suam abscindet, & iam cessauit & penitus consumptum est, verbum promissionis eius, quo misericordiam se inuocantibus pollicitus est non vno saculo, sed à generatione in generationem?

Aut est iam res eò redacta, quòd planè obliuiscetur misereri Deus, aut quòd prorsus continebit ac
clan-

claudet in ira sua misericordias suas? non potest sic fieri, non profectò; quare eia, Sela.

3. Et sic me ipse incitans, resumpsi animum, ac dixi: Quod hac ita desperata ac mortifera cogito, nihil aliud in causa est, quam mea ipsius culpa & imbecillitas: itaq; re ad summam desperationem adducta, nunc iterum cœpi in spem meliorem erigi, & ad salutē me conuertere. hæc est mutatio dexteræ ipsius excelsi, qua à morte ad vitam me nunc incipit reducere, quemadmodū annis ac seculis superioribus cum patribus nostris, si quando laborarent, per vices facere solet.

Et sic magis ac magis cogitando progrediens, memor fui antiquorum operum Domini, dicens: quia memor ero, & iam inde ab initio percurrens omnia, recordabor mirabilium tuorū, quibus occulta quadam ratione bonos ac iustos in calamitates incidere sinis, ut cum maiore gloria illos inde eruas.

Et hoc modo meditabor in omnibus operibus tuis, & in adinventionibus admirandisq; consiliis tuis exercebor, loquēdo de iis coram vniuerso mūdo.

Nam utique, ô Deus, licet durius nonnunquam agere videare, in sancto tamen est via tua, estq; semper bonum ac iustū quod facis, tamen si nobis aliquando secus videatur: etenim quis Deus magnus, sicut Deus noster? tu es Deus qui facis mirabilia, qua ab hominum intelligentia sunt remota.

Tu manifestè ostendisti & notam fecisti in populis virtutem ac fortitudinem tuam: tu redemisti
in

in brachio tuo robusto populum tuum, filios, dico, Iacob & Ioseph. *Ita certè res est, Sela.*

4. *Nam viderunt te aque, Deus, viderunt, inquam, te aque maris rubri; & tremantes timuerunt, & turbatae sunt abyssi.*

Sed & ingens fuit multitudo sonitus aquarum, quas in solitudine cum ingenti pluvia nubes effuderunt, cum qua & vocem dederunt nubes dum tonitru calum concutitur.

Etenim sagittae & fulgurationes tuae, cum summa vi transeunt ac discurrunt, & vox tonitru tui in rota, siue mundi sphaera, totam eam fragore implet.

Et sic postquam illuxerunt fulgura & coruscationes tuae orbi terrae, commota est & contremuit terra, & omnes qui habitant in ea.

Ac fuit in mari rubro via tua, & semitae tuae in Jordani fluvij aquis multis; ita ut itinera & vestigia tua non fuerint ab hostibus agnita, nec cognoscantur unquam.

Atque hoc modo rebus quantumvis desperatis, deduxisti sicut oves populum tuum in manu Moyfi & Aarō, cuius simile non dubito quin & nobis facies.

EXPLANATIO.

Obliuiscetur misereri] Quoniam nihil magis proprium Deo, quam clementia: nec quicquam durius agit, nisi ex ea ipsa clementia, ut per hoc homines ad se redeant, & misericordiam eius implorent; ideo hoc tantopere exaggerat Propheta.

PSALMVS LXXVII.

Titulus.

Intellectus siue Psalmus eruditius Asaph, decantandus ad modulos cantilena, cuius initium est *Maschil*.

Argumentum.

Adhortaturus Propheta suos ad bonum, & dehortaturus à malo, commemoratione rerum olim gestarum, Primum inuocat ad auscultandum, proponens quanta sit utilitas historiz ad prosequendum bonum, & fugiendum malum: 2. Deinde ad historiam accedens, quam hysseris proterbis ferè prosequitur, p r i m o quàm admirabiliter ex Aegypto Deus populum per mare rubrum duxerit, narrat, antecedens eos die in columna nubis, & nocte in columna ignis in deserto. 3. Qua quidem re ipsi non commoti, tamen peccant contra eum, & repantes eum, petunt carnes in deserto. 4. Quod ille audiens, primum dat illis quod petunt abundanter, ad potentiam suam demonstrandam. 5. Deinde autem punit eos grauius, ad iram ostendendam. 6. Quod autem flagello tamen nihil reuera fiebat meliores, nisi quoddam foris id simularent, tamen Dominus pro immensa bonitate sua cessauit ab ira, recordatus quàm fragilis res sit homo, & quàm facilis ad peccandum. 7. Qua quidem re etiam factum est, quòd immemores Israelitæ miraculorum quæ Deus fecerat contra Aegyptios, vt inde illos abduceret, & Canaanitos vt in eorum terra ipsos collocaret, quæ omnia graphicè hic depinguntur: 8. Tamen aduertum eum peccarent, atque adeò falsos Deos pro illo colerent. 9. Ob quod factum indignissimum, primum quidem grauissimè eos punit: 10. Sed mox misericordia motus, in gratiam eos recipit, Dauidemq; regem optimum iis constituit. Conuenit autem hic Psalmus gratiæ & misericordiz Domini cùm numero septuagesimo septimo, quoniam est numerus plenissimæ condonationis peccatorum.

1. **A**trendite popule meus legem ac doctrinam meam: inclinate aurem vestram in verba oris mei.

T

Aperiam

Aperiam in parabolis os meum, *repetens historias antiquas, quæ ob rerum magnitudinem fabulis propemodum sunt similes; & loquar propositiones ac enigmata, in quibus maximarum rerum ac mysteriorum abundantia inest, iam inde ab initio ac priscis temporibus deducta.*

*Etenim omnia quæ & quanta sunt iam audiui-
mus, & cognouimus ea literis prodita, & insuper
patres nostri narrauerunt illa nobis.*

*Et sic non sunt occultata à nobis filiis eorum, nec
sanè nos celabimus ea quo minùs cognoscantur in ge-
neratione altera, quæ post nos futura est: sed quan-
tū in nobis erit, posteris proderè conabimur, narra-
ntes laudes Domini, & fortitudinem ac virtutes
eius, & mirabilia eius, quæ supra sensum humanum
posita fecit.*

*Et enim super hoc suscitauit ac statuit volunta-
tis suæ testimonium in Iacob, & expressam legem
posuit in Israël.*

*Per quam constat quæ & quanta illa sint quæ
mandauit patribus nostris, nota facere ea filiis
suis, vt cognoscat generatio altera.*

*Nempe filij qui nascentur, qui & ipsi exsurgēt,
& narrabunt ea porro filiis suis.*

*Idq̃, ad eum finē, vt, cognitis rebus præteritis, po-
nant in Deo spem ac fiduciam suam, & non obli-
uiscantur operum ac consiliorum Dei, & mandata
eius exquirant ac custodiant.*

Et ne fiant sicut patres eorum, generatio praua

&

& exasperans, quæ deficiens à Domino Deo suo, rebellis illi esse, & ad iram eum provocare solet:

Generatio, in quâ, quæ nō direxit cor suū ad ea quæ recta sunt cognoscenda & amāda: & nō est creditus, nec fuit fidelis cū Deo spiritus eius, ut in eum quemadmodū oportet, crederet, illiq; se totū fideret.

Ex quibus filij Ephraim, qui custodiam arca fœderis in Silo, habentes, principatum belli inter omnes tribus Israël subinde obtinuerunt, armati euntes ad prælium, ibiq; intendentes & mittētes iaculantesq; arcum suum, conuersi sunt, & terga vertere coacti sunt in die belli.

Quod ideo illis contigit, quoniam non custodierunt testamentum Dei, & pactum ac fœdus quod cum eo inierant; & in lege eius noluerunt & apertè rennerunt ambulare.

Et quod deterius est, ingratos se exhibentes, oblitii sunt operum & benefactorum eius; & mirabilium eius, quæ ostendit eis.

2. Etenim, ut rem ordine commemorem, coram patribus eorum fecit mirabilia in terra Ægypti, in campo metropolis Taneos, siue Zohon, ubi Nilus in mare soluitur.

Interrupit ac diuisit mare rubrum, & perduxit eos: & statuit aquas natura sua fluidas, quasi in vtre, in molem ac acervum, uti murum.

Et deduxit eos in nube diei, quæ luce præibat castra: & tota nocte in illuminatione ignis, qui tum antegrediebatur ipsos.

Interrupit ac scidit petram in cremo, & ad-
aquauit ac potauit eos velut in abyſſo multa, qua
ingentem vim aquarum eructat.

Sed & ſecunda vice eduxit aquam & riuos de
petra: & deduxit ac deſcendere fecit de montibus,
tanquam ingentia flumina aquas.

3. Et tamen his rebus nihilo facti meliores, appo-
ſuerunt adhuc & perrexerunt peccare ei, in iram
excitauerunt Deum excelsum in deſerto in aquoſo.

Et, quod peius eſt, tentauerunt Deum in cordi-
bus ſuis, vt prater potum, peterent eſcas anima-
bus ſuis, non ad neceſſitatem, ſed voluptatem ac
delicias.

Et malè locuti ſunt de Deo & contra eum: dixe-
runt enim, Nunquid poterit Deus, qui tam potens
dicitur, parare nobis menſam in deſerto, vbi tanta
rerum omnium eſt penuria?

Quoniam ecce percuffit petram, & fluxerunt
aquæ, & ſicut torrentes inundauerunt.

Nunquid & panẽ poterit dare, aut parare men-
ſam carne inſtructam populo ſuo?

Ideo poſtquam hac audiuit Dominus, irasce-
pit, & tamen diſſimulãs principio, diſtulit adhuc, &
reiecit in aliud tempus zelum vindictæ ſuæ, qui pau-
lo poſt tanquam flamma & ignis accenſus eſt in
Iacob, & ſimul grauiffima ira & furor adſcendit
in Iſraël.

Quia ſubſannantes ac ridentes Dominum, non
crediderunt in Deo, quòd talia poſſet facere: nec
ſpera-

ſperauerunt ac fiduciam ſuam poſuerunt in ſalutari eius, quod, etiam ſi poſſet, vellet.

4. *Itaque vt primum potentiam ſuam oſtenderet, antequā ad vindictam veniret, praecepit & mandauit nubibus de ſuper, vt in vnum ſe cogerent: & ianuas cæli aperuit, vt in ſuaue imbre ſotuerentur.*

Et hoc modo pluit illis manna ad manducandum, & panem de tritico cæli dedit eis.

Panem fortium & immortalium, Angelorum, quem in nubibus illi coxerant, manducauit vir & homo mortalis: etenim cibaria miſit eis Dominus in abundantia uſque ad ſaturitatem.

Sed & tranſtulit Auſtrum, Eurumq; ventum, de cælo, & induxit in virtute ac fortitudine ſua Aphricum.

Et pluit ſuper eos ſicut puluerem carnes: & ſicut arenam maris, volatilia pennata. tanta erat multitudo.

Et ne neceſſe eſſet longè quærere, ceciderunt in medio caſtrorum eorum, circa propria tabernacula eorum.

Et manducauerunt, & ſaturati ſunt nimis valde, uſque ad nauſeam: & ſic deſiderium eorū quod habuerant de comedendo pane & carnibus, attulit ac tribuit eis, & non ſunt vllō modo fraudati à deſiderio ſuo.

5. *Ceterum cū hac ad potentiam ſuam oſtendendam feciſſet, vide nunc quid fecerit ad eos de rebellionē ſua puniendos: ecce enim adhuc eſcæ eorum*

erant in ore ipsorum, & subito ira Dei adscendit super eos.

Et occidit pingues eorum, qui opibus & potentia florentes, primatum inter ipsos obtinebant. & electos Israël, qui magistratus gerebant, impediuit ac incuruatos prostrauit.

Quibus rebus tamen si merito admoneri deberent ad vitam & mores corrigendos, tamen in omnibus his peccauerunt adhuc: & non crediderunt Deo in cunctis mirabilibus eius.

Quod ille videns, consumi eos fecit, & defecerunt hoc modo in externa vanitate, in qua versabantur, dies eorum, & anni eorum cum maxima festinatione & terrore, dum horribilibus moribus plerique omnes pereunt.

16. Qua quidem re nihilo adhuc sunt meliores, nisi quod tum forte eum occideret eos, quarebant eum, & reuertebantur nonnihil ad meliorem mentem: & surgentes diluculo supplicās, veniebant ad eum.

Sic ut viderentur quasi poeniterent, & quod ex animo rememorati sunt, quia Deus verus creator & adiutor & quasi petra est eorum, & Deus excelsus redemptor eorum est.

Sed si bene introspiceres, nihil erat eiusmodi, etenim dilexerunt eum, & lactantes illum blanditi sunt ei per simulationem in ore suo; & lingua sua mentiti sunt ei.

Ceterum cor autem eorum non erat rectum nec
candi-

candidum cum eo: nec permanserunt, aut fideles habiti sunt in testamēto, & pacto, aut fœdere eius; quod cum eo pepigerant de mandatis eius seruandis.

Et tamē ipse autē, qui sua natura suprā quā dīcī queat est misericors, suam potiūs bonitatem quā eorum peruersitatē respiciens; & quodammodo sātis habens quōd licet non corde, saltem ore meliora promitterent: statuit quōd ultro ignosceret, & propitiū fiet peccatis eorum, ad ea expurganda, & non in totum disperdet eos.

Et sic vim sibi quodammodo inferens, & à fœditate peccati ad pulchritudinem ac diuitias bonitatis suæ se conuertens, prorsus in eo genere abundauit, vt hac ratione auerteret iram suam: & non accendit omnem iram suam

Et recordatus est, repurauitq; apud se, quia homines, quātum ad inferiorem sui partem, nihil aliud quā caro sunt infirma, quæ faciliè labitur; & spiritus animalis, vadēs, & non rediens, qui facili momento huc & illuc impellitur.

Quoties enim exacerbauerunt eum in deserto, & molestantes irritantesq; in iram concitauerunt eum in solitudine & in aquoso?

Et rursus, quoties pœnitentiā de peccatis agentes, mox redierunt & conuersi sunt ad pristinos mores suos, & potentiam Dei certis locis ac temporibus circumscribentes, quasi non omnia posset omnibus locis ac temporibus, tentauerunt Deum, & sanctum Ifraël exacerbauerunt.

7. *Ac non sunt recordati auxiliatricis manus eius, qua tam potēter eos inuērat: nec dici illius, qua redemit eos de manu tribulantis Pharaonis.*

Immemores sicut posuit & quo pacto statuit in Ægypto signa sua, & prodigia sua in campo metropolis eius Taneos siue Sohan.

Et conuertit in sanguinem flumina eorum, & imbres distillantes, ac riuos eorum, ne biberent.

Misit in eos cynomyiam, omneq; genus muscarum & insectorum, & comedit eos: misit & ranam, & disperdidit eos.

Et dedit ærugini ac brucho fructus & germina eorum, & labores eorum locustæ.

Et occidit ac perdidit in grandine vineas eorū, & sycomoros & ficus eorum in pruina ac rubigine.

Et tradidit grandini iumēta eorum, & possessiones ac greges eorum fulmini, & igni carbonib; que, tanquam iaculis ignitis.

Misit quoque in eos iram indignationis suæ, indignationem, dico, & iram, & tribulationem, quæ sunt omnes immissiones, quas facere solet per angelos malos, qui ob punitionem, quam inferunt, tales vocantur, aut etiam reuera sunt, dum ad homines puniendos Deus pro instrumentis iis utitur.

Et sic re grauiter uti oportet ponderata: viam fecit semitæ iræ suæ, & non pepercit nec abstinuit à morte animarum eorum, & iumenta eorum in peste ac morte conclusit.

Et percussit omne primogenitū in terra Ægypti, primi-

primitias omnis laboris & fortitudinis eorum,
quam habebant in generādo in tabernaculis Cham,
à quo Aegyptij sunt progeniti.

Et abstulit ac abduxit sicut oues populū suum:
 & perduxit eos tanquam gregem in deserto.

Et deduxit eos in spe *bona, tuto ac securè,* & nō
 timuerunt: & inimicos eorum operuit mare.

Et induxit eos in montem *ad fines ac terminos*
sanctificationis suæ: montem, dico, quem acquisi-
uit & sibi possidendum asseruit dextera eius.

Et eiecit à facie eorum, *expulitq;* ante eos gen-
 tes, & sorte diuisit eis (terram) *earum* in funiculo
mensorio distributionis, ut in hereditatem eam sibi
possideant.

Et collocavit ac habitare fecit in tabernaculis
 eorum tribus Israël.

8. Et tamen in his tantis beneficiis, quibus eos af-
 fecit, vide, *quæso, quidnam fecerint, quidne pro illis*
rependerint. certe tentauerunt, & ad iram prouo-
cantes eum, exacerbauerunt Deum excelsū: &
testimonia voluntatis eius, quæ per legem ipsius ap-
paret, non custodierunt.

Et conuersi ad res malas ac peruersas, auerterunt
 se à Deo, & prauaricantes nō seruauerunt pactum
 initum cum eo de lege ipsius custodienda: quemad-
 modū olim patres eorum quoq; fecerant, conuersi,
inquā, sunt sicut in arcum prauum ac dolosum; qui
à scopo aberrās, non solum aliud ferit quàm voluerat
iaculator, sed & ruptus ipsummet percutit.

Et sic in iram concitauerant eum in lucis falsorum Deorum, & excelsis collibus suis, ubi eos colebant: & in idolis ac sculptilibus suis ad zelosam emulationem eum prouocauerunt.

9. *Audiuit & cognouit hac Deus, & commotus ira spreuit & abominatus exsecratusq; est, & ad nihilum redegit valde Israël.*

Et repulit ac dereliquit tabernaculum urbis Silo, quam ab hostibus capi passus est: tabernaculum, inquam, suum, ubi quoniam arca fœderis erat, habitauit in hominibus, & in medio eorum.

Et tradidit in captiuitatem omnem fortitudinem ac virtutem exercitusq; eorum: & decorem, ac veram pulchritudinem eorum, quæ in arca fœderis præsentia consistebant, dedit in manus inimici.

Et conclusit in gladio ac obiecit morti populum suum: & exardescens irâ, hæreditatem suam spreuit & exsecratus est.

Sed & iuvenes eorum comedit, & absumpsit vis belli, tanquã ignis: & virgines eorum, quoniam innuptæ manebant, nō sunt à quoquam nec lamentatæ cœrmine lugubri, ad virginitatem in nuptiis deflendam; nec laudatæ, nec celebratæ cœrmine nuptiali ad epithalamium cantandum.

Quin sacerdotes quoq; eorum in gladio ceciderunt, & viduæ eorū non plorabantur, tanquam suis maritis destitute: quoniam iam ante maritos ipsos occubuerant, quos ob id nec ipsæ lugubribus fletibus prosequi poterant.

10. *Atque*

10. *Atque hac quidem cum iratus deserto populo suo ita fieri permisisset, mox sponte sua ad misericordiam commotus est, & excitatus est tamquam dormiens Dominus, & grassatus tamquam vir potens ac fortis, crapulatus & exultans à vino quod bibit.*

Et percussit inimicos suos, qui populum eo dissimulante tot malis affecerat, in posteriora, dum terga eos vertere cogit: & infamiam, ac opprobrium sempiternum dedit & immisit illis.

Et quantum ad populum suum qui peccauerat attinget, repulit & auersatus est tabernaculum Ioseph, sic ut arcam fœderis in Siloë, qua vrbs stirpis Ioseph erat, amplius esse nollet: & ad Regem populo suo constituendum tribum Ephraim filij Ioseph non elegit.

Sed elegit tribum Iuda, & montem Sion, quem dilexit.

Et ædificauit ibi & excitauit in palatia excelsa ac pinnata, sicut cornua vnicornium sanctificium suum: quod tam firmum in eo loco ac terra constituit atque est ipsa terra, quam fundauit in perpetua sæcula.

Et elegit Dauid seruum suum, & selegit ac sustulit eum, humilem & abiectum, de caulis ac gregibus ouium: de infimo, inquam, loco, cum post fœtantes pecudes iret, accepit & abduxit eum.

Et pro pastore pecudum, pastorem populorum, hoc est, Regem faciens, iussit eum pascere Iacob seruum ac populum suum, & Israël hæreditatem suam.

Et

Et ille obtemperans, pavit eos in innocentia ac simplicitate cordis sui, cum omni iustitia: & in intellectibus manuum & actionum suarum deduxit eos cum omni prudentia.

EXPLANATIO.

Legem] Historica narratio Lex dicitur, quoniam exempla & præcepta virtutum & vitiorum, & aliarum plurimarum rerum, continet.

In parabolis] Quæcunque in veteri Testamento acciderunt, meritò dicuntur ænigmata propter mysteria Christi, quæ sub iis latent, ut apud Paulum multis in locis, & alibi videre licet.

In innocentia, intellectibus] Regiæ virtutes sunt duæ: iustitia, quæ bonitatis est; & prudentia, quæ sapientiæ.

PSALMVS LXXVIII.

Titulus.

Psalmus sine canticum Asaph.

Argumentum.

1. **N**Arrat primùm vir sanctus coram Deo deuastationem Hierosolymorum
2. Petens deinde ut vel tandem iram suam remittere, & populum suum liberare, hostesque perdere velit.
3. Quod cum fieri, gratias populum acturum ait.

1. **D**Eus, venerunt Gentes in hæreditatē tuam, polluerunt templum sanctum tuum: posuerunt Ierusalem in acervos lapidū & ruinarum, & tanquam in pomorum custodiam.

Posuerunt ac dederunt morticina & cadavera fetuorum tuorū escam volatilibus cæli, & carnes sancto:

sanctorum tuorum, quos tua gratia complecteris, bestiis terræ.

Effuderunt sanguinem eorum, tanquam aquam in circuitu Ierusalem, & non erat qui occisos sepeliret.

Facti sumus ludibrium & opprobrium vicinis nostris, subsannatio & illusio his qui in circuitu nostro sunt.

2. Usquequo Domine irascêris, an usque in finem ac perpetuum? an accendetur velut ignis zelus tuus?

Effunde furorem & iram tuam in gentes quæ te non nouerunt, & in regna quæ nomen tuum non inuocauerunt.

Quia hi illi sunt qui comederunt & penitus deuorauerunt Iacob, & locum habitationis eius desolauerunt.

Ne memineris, quæso, iniquitatum nostrarum antiquarum, secundum iustitiam: sed festina citò, & præueniant ac anticipent nos misericordiæ tuæ secundum gratiam, quia attenuati & pauperes facti sumus nimis.

Adiuua nos Deus salutaris noster, & non nostra causa (nam indigni sumus) sed propter gloriam nominis tui Domine libera nos, & propitius esto peccatis nostris propter nomen tuum, quod à bonitate & misericordia est deductum.

Ne fortè dicant in Gentibus (nam quo pacto aut quare hoc tu permittas?) ubi est Deus eorum?
sed

sed potius contrà intelligatur, & innotescat in omnibus nationibus, & coram oculis nostris,

Ultio sanguinis seruorum tuorum, qui effusus est. quod ut fiat, introeat, quæso, in conspectu tuo gemitus compeditorū, qui captiui ab hostibus nostris detinentur.

Et secundum magnitudinem potentia brachij tui pollide, & in libertatem affere filios mortis, qui ab inimicis neci destinati sunt, & mortificatorum loco iam habentur.

Et redde vicinis nostris ad septuplum vsq; in sinu eorum illud improprium ipsorum, quod exprobrauerunt & contumeliosè ingesserunt tibi Domine.

3. Quod cum facies, nos autem populus tuus, & oues pascuę tuę, confitebimur, & cum gratiarum actione tibi acceptam feremus salutem nostram in sæculum æternum.

Et in generationem & generationem annuntiabimus & predicabimus laudem tuam.

EXPLANATIO.

Septuplum] Hic est numerus ultionis peccati, vti de Cain qui Abel fratrem occiderat, dicitur, septuplo ampliùs peccaturum qui Cain interficeret. Spectatque huc quod Petrus quærebat, quoties ignoscet fratri, an septies.

PSALMVS LXXIX.

Titulus.

In finem, siue ad summum præfectum chori musici, vt ad instrumentum quod dicitur Sossannim, siue Rosa ac Lilia, secundum modulos carminis, quod est pro iis qui commutabuntur, cantetur hoc testimonium Asaph, siue Psalmus.

Argumentum.

1. Implorat populus Israëliticus, ab hostibus ob peccata sua oppressus, auxilium Domini, optans vt & ipse ad Deum, & Deus ad illum conuertatur. 2. Quemadmodum semper factum fuisse commemorat, cum Deus ex Aegypto populum suum educeret, & in Cananza tanquam vineam plantaret, quam nunc penitus vastataque deplorat. 3. Vnde ad precandum reuertitur, vt omnia in integrum restitui possint.

1. **Q**ui regis ac pascis Israël, intende, quæ scilicet auscultata tu, qui deducis velut ouem Ioseph, totamque gentem Israeliticam, ab illo olim in Aegypto sustentatam.

Qui in arca fœderis tui sedes super Cherubim, vnde responsa reddere soles: manifestare, & affulgens ostende te coram Ephraim tribu filij Ioseph, Benjamin, & Manasse.

Excita, inquam, potentiam tuam, & veni, vt saluos facias nos.

Quod vt fiat, Deus, conuerte nos ad te, & vice versa ostende faciem tuam nobis: & sic mutua conuersione facta, salui erimus.

Nam, ô Domine Deus virtutum & exercituum, quous-

Quæ quidem tam præclara cum olim nobis ostenderis, ut quid nunc Domine è contrà destruxilli ac rupisti maceriam ac sepes eius, & vindemiast eam, ac decerpunt ab illa omnes qui prætergrediuntur viam?

Exterminauit, impleto ventre, & vastauit eam aper de silua, dum præter reptilia Dei omnipotentis & aues agrestes, simul & singularis ac solinagus ille ferus porcus campi depastus est eam.

3. Ergo iterum, rogo te, Deus virtutum & exercituum, conuertere, quaeso, iterum ad nos: & respice de cælo, & vide, & visita vineam istam.

Et perface ac restitue in integrum locum ipsum, & plantulâ ac radicem eam, quam plantauit dextera tua: & respice super filium hominis populum tuum Israheliticum, quem ad illam colendam confirmasti ac roborasti tibi.

Etenim incensa est igni ab hostibus, & suffossa, penitusq; excisa, & si ita pergas, ab austeritate & increpatione vultus tui omnia tandem peribunt.

Quod quidem ne accadat, sit, obsecro, ac fiat manus tua auxiliatrix super virum dexterae tuae, & super filium hominis, quem ad vineam istam vindicandam ab hostibus, & restaurandam, confirmasti ac roborasti tibi.

Et sic restituti, cum nō discedimus ampliùs per peccata nostra à te, viuificabis nos: & nos viuificati, nomen tuum inuocabimus.

Quod quidem, ut fiat Domine Deus Zabaoth,

V

Deus

Deus virtutum & exercituum conuerte nos (*ut vel tertio id repetam*) ad te, & vicissim ostende & *illustra super nos faciem tuam*, & sic penitus salu erimus.

EXPLANATIO.

Vineam] Quemadmodum hic populus Israëliticus, ita in Euangelio Ecclesia vineæ comparatur, ad quam, secundum mysticum sensum, hic Psalmus optimè accommodatur.

Filium hominis] Hic mysticè Christus est, qui in Euangelio seipsum ita sæpe vocat.

PSALMVS LXXX.

Titulus.

In finem, siue ad summum præfectum chori musici, ut pro torcularibus, & felici vindemia ad instrumentum seu modulos carminis Githit canetur hic Psalmus ipsi Asaph, quinta Sabbathi.

Argumentum.

1. **A**dhortatur populum vir sanctus ad diem festum celebrandum, qui constitutus est ob summa beneficia in educendo populo ex Aegypto à Deo collata. 2. Pro quibus quid ipsi contrà fecerint, non obédientes mandatis Dei, ipsi summet commemorantem inducit.

1. **E**xultate Deo fortitudini & adiutori nostro: iubilate & clangite Deo Iacob.

Sumite in ore psalmum canentes, & date ac percutite tympanum pulsantes; etenim cantus & psalterium iucundum est cum cithara & chely nablog³.

Buccinate in neomenia calendis huius novilunij
tuba

tuba & cornu, in insigni hac & celebri die solennitatis vestræ.

Quia *vis ita faciatis*, præceptum in Israël est, & iudicium, ea de re constitutum a Deo Iacob.

Etenim ille in testimonium & memoriam in posteritate Ioseph posuit illud, cum ipso duce populus Israël exiret de terra Ægypti, ubi sub exteris & alienis miseram servitutē serviens, tot annis linguam quam non noverat audiuit.

Atq; inde ipsum educens diuertit ac liberavit ab oneribus, quæ sub Ægyptiis ferre cogebatur, dorsum & humeros eius: & manus eius in cophino & ollis lateribusq; è terra faciendis nõ amplius servierunt, sed recesserunt ab ea servitute, ac liberati sunt.

2. Pro quibus tam ingentibus beneficiis quidnam populus hic rependerit, ipsum Dominum commemorantem audite: Ecce, inquit, in tribulatione & angustia inuocasti me, & liberaui ac erui te: exaudiui te & respondi tibi in abscondito tonitruum ac tempestatis, dum nubibus circumfusus, pro te pugno: porro probaui te, an pro tantis beneficiis acceptis gratus esses, nec ne, apud aquam contradictionis. Ita perfectò res est, Selà.

Dicebā enim: Audi populus meus, & certò tibi pollicebor, ac contestabor te, ô Israël, si quidem audieris me, & secundum hoc non erit in te Deus peregrinus recens ab hominibus fictus, neque adorabis aut incuruabis te ante Deum alienum.

Ego enim, ut iam scis, sum Dominus Deus
V 2 tuus,

tuus, qui eduxi te de terra Ægypti: *aperi ac dilata os tuum, & pete à me quicquid omnino velis, & ego respondens omnibus votis tuis, implebo illud, sic ut nihil tibi desit, nec quidquam possis desiderare.*

Ceterum super hac promissione & exhortatione, vide quidnam sit factum: enimvero nō audiuit populus meus vocem meam, & Israel non intendit mihi, nec voluit monitis meis obedire.

Quod ego videns, dereliqui & dimisi eos re secundum desideria & prauitates duritiei cordis eorum, quantum ad inferiorem animi partem attinet: & quantum ad superiorem, ibunt in consiliis & ad inuentionibus suis propriis, quas ipsi sibi opinionis errore fingunt.

Ceterum si populus meus audisset me (quod utinā factū esset) Israël si in viis meis ambulasset:

Brevissimo tēpore quod, quasi pro nihilo sit ex toto forsitā, aut certē nō multo minùs, inimicos eorum humiliassem ac contriuissem: & super tribulantes eos, conuertissem ac misissem manum meam.

Quin planē effecissem, ut omnes mortales, felicitatem eorum videntes, dixissent: Ecce inimici Domini, qui bellum inferebant huic populo Israelitico, eò rerum redacti sunt, quòd mentiti sunt ei, sic ut coacti sint, si non verā, simulatā saltē obedientiā & amicitia illi prestare: & quātum ad ipsos Israeliticos attinet, dum hostes eorū perpetua calamitate affligētur, erit tempus eorū felix ac prosperum in perpetua secula.

Nam

Nam prater alia bona innumera, quæ ipsis Dominus exhibuit, tum & cibavit illos ex adipe frumenti ac tritici, & quod omnem admirationem superat, de arida & sterili petra, melle saturavit eos.

EXPLANATIO.

Exultat] De quo festo celebrando hîc agatur, nouilunij ne, an primi Septembris, quod clangoris & tubarum vocatur, quæritur. sed non puto multum referre, & utrique rectè accommodari posse. Inscriptio tamen de vindemia Septembri maximè congruit, quanquam & antè nouum vinum in Iudæa reperiri, ex Actis Apostolorum constat.

PSALMVS LXXXI.

Titulus. Psalmus Asaph.

Argumentum.

1. **D**icit Propheta Deum inter medios iudices constituisse.
2. Vbi cum loquentem, ipsosque reprehendentem & minitantem ob peruersa iudicia introducit. 3. Quo facto quoniam omnes iudices terræ corrupti sunt, uti ipse venire, filiumque mittere velit precatur.

1. **D**eus stetit in congregatione ac synagoga deorum, iudiciũ nempe Dei: in medio autem ipsorum ipsos deos ac indices diiudicat & reprehendit.

2. Usquequo, inquit, iudicatis iniquitatem, & facies ac personas peccatorum impiorumq; tum ipsi sumitis & induitis: tum verò in iudicando respicitis, ut illis placeatis? Ita sanè res est, Sela.

Quinimo verò contrà iudicate egeno & pupillo,

V. 3

quibus

quibus non aliud quam in vobis est refugium: humilem, afflictumq³, & pauperem iustificate. sua iusta illi reddentes.

Eripite, dico, pauperem à periculis: & egenum ac mendicum de manu peccatoris & impij liberate.

Sed quid ego frustra clamo? ecce quemadmodum huc usque nescierunt viam veritatis, neque intellexerunt ipsum bonum & equum: ita adhuc perstant in sua ignorantia, & in tenebris ambulant, sic ut futurum tãdem sit, quod legibus omnibus perruptis, iustitia neglecta, tota respublica peribit, & quasi movebuntur omnia fundamenta terræ.

Quare ad postremum ego dixi: Vos iudices dii quidem estis; à me, supremo Deo, rebus prapositi: & filij Dei excelsi omnes, cuius personam representatis.

Sed propter peccata vestra vos autem sicut vilissimi quique homines moriemini, quo ad corpus: & sicut Adam, & ut vnus ille de principibus Angelorum, à summo ad infimum cadetis, quo ad animam: nam hoc tyrannorum proprium est premium.

3. Haccùm tu Domine ipse ore tuo protuleris, & iam omnes iudices ac principes terra corrupti sint: surge tu, quæso, ipse ô Deus, & iudica terram, & mitte Filium tuum vnigenitum; quoniam eo veniente, tu hæreditabis in omnibus gentibus, easq³ tanquam hæreditatem tuam propriam possidebis.

EXPLANATIO.

Deorum] Dij vocantur iudices, quoniam Dei, qui solus verus Rex est & Iudex, sunt vicarij: & tanquam minores quidam dij, ex principiis diuinarum legum ac iudiciorum, suas inferiores leges ac iudicia deducunt.

PSALMVS LXXXII.

Titulus.

Canticum Psalmi Asaph.

Argumentum.

1. **C**ompellans vir sanctus Deum pro auxilio, narrat quot gentes ac nationes contra populum Israeliticum conspirauerint.
2. Aduersum quas Dei opem implorans, orat ut pereant, quemadmodum alij olim populi Dei inimici perierunt.

1. **D**eus (quis similis aut aequalis erit tibi) si modo vim ac potentiam tuam, contra peccatores & impios ostendere velis? itaque ne taceas, obsecro, amplius, nec obsurdescas ad preces nostras, neque compescaris aut quiescas, ô Deus.

Quoniam ecce iam inimici tui tumultuantes, sonuerunt *classicum*: & qui oderunt te, extulerunt caput.

Super populum tuum malignauerunt, & callidè & secretò inierunt consilium: & cogitauerunt aduersus sanctos tuos, qui sub tua protectione absconditi latent.

Dixerunt enim: Venite, & disperdamus ac succidamus eos de gēte, ita ut nō amplius sint in alicuius gētis numero, & nō memoretur nomē Israël ultra.

Quoniam, inquam, cogitauerunt, & iniquo cor-

de conspirauerunt vnanimiter simul omnes aduersum te, *fœdus pepigerunt, & tamquã testamentum disposuerunt* tabernacula Idumæorũ & Ismaelitarũ: item Moab, & Agareni, Gebal, & Ammon, & Amalech, & *Philistini alienigenæ*, cum habitantibus Tyrum, *qui omnes fortissimè & artissimè sunt confœderati.*

Etenim & Assur quoque venit & coniunctus est cum illis, & facti sunt omnes in adiutoriũ, & tamquam in brachium filiis Loth, qui sunt Moabita & Ammonita. Ita profectò res est, Sela.

2. Quare, ut dixi, ne conuineas amplius nec quiescas Domine: sed fac illis sicut olim fecisti Madian & Sizaræ, sicut fecisti Iabin in torrente siue flumine Cisson.

Qui disperierunt in fonte Endor: & dum insepulti computrescunt, facti sunt vt stercus terræ.

Pone, dico, principes ac duces eorum sicut fecisti Oreb, & Zeb, & Zebee, & Salmana.

Omnes inquam, principes eorum, qui dixerũt, occupemus, & hæreditate possideamus sanctuarium & habitaculum illud pulchrum Dei.

O Domine Deus meus, pone illos vt rotam, quæ nusquam consistit: & sicut stipulam ac glumã ante faciem venti, quæ perpetuò agitur.

Sicut enim ignis, qui grassabundus comburit siluam, & sicut flamma comburens montes arboribus vestitos:

Ita expectabo quòd persequeris illos in tēpestate tua,

tua, & in turbine ac ira tua turbabis & terrebis eos.

Imple ac perfunde facies eorum pudore & ignominia: & sic malo coacti, quærent fortasse nomen tuū Dñe. nā pudor principium esse solet ad virtutē.

Et ni id faciant, erubescant & conturbentur usq; in sæculum sæculi: & sic confundantur, ut penitus infames maneant, & pereant.

Vt cognoscant, & respsa cōperiant, quia nomen tibi Dominus omnipotens, trinus & unus; & quod tu solus idem es, quod nomen tuum, hoc est, potentissimus & Altissimus in omni terra.

EXPLANATIO.

Stipulam] Congruit hoc cum eo quod primo Psalmo dicitur: Sed tanquam pulvis quem proicit ventus à facie terræ. Quæ enim hic enumerantur, præmia sunt impietatis & iniustitiæ.

PSALMVS LXXXIII.

Titulus.

In finem, siue ad summum præfectum chori musici, ut pro torcularibus siue pro felici vindemia, ad instrumentum seu modulus carminis Gith, tradatur filiis Chore decantandus hic Psalmus.

Argumentum.

1. Absens Dauid ab Hierosolymis, narrat quantopere exoptat redire, ad templum Dei adeundum, cuius rei summam felicitatem cōmemorat. 2. Quare ut id sibi coniungere possit, orat.

1. **Q**uam dilecta tabernacula tua Domine virtutum & exercituum: concupiscit &

V s

pre

præ amore deficit & quasi consumitur anima mea, quoties cogitat in atria Domini.

Imo & cor meum, & caro mea saepe præ gaudio exultauerunt in Deum viuum, ad laudandum ac prædicandum eum.

Etenim anhelans ad te, dixi aliquando apud animum meum: Ecce passer inuenit sibi domum, & turtur hirundoq; nidum sibi, ubi reponat pullos suos, & quiescat.

Ego autem altaria tua, in quibus solus acquiesco (Domine) virtutū & exercitiū, qui Rex meuses & Deus meus, quando tandē potero inuenire & adire?

Profectò ter quaterq; beati qui habitant in domo tua Domine, ubi perpetuò in sæcula sæculorum laudabunt te, dicentes: Eia eia, Sela.

Beatus, inquam, vir, cuius est auxilium abs te, & fortitudo in te, quiq; vias virtutis & adscensionis per quas ad te quasi per gradus peruenitur, in corde suo disposuit, sic se rebus accommodas in hac valle lachrymarum & viuens in loco quem Deus ei posuit, ut tanquam amœnissimo (etiamsi alius sit) & limpidis fontibus irriguo co utatur.

Etenim tertum est, quòd, etiamsi non sint fontes, sed cisternæ tantùm, tamen à Deo aqua pluuia, quæ loco fontium sit, implebuntur: quòdque iis qui sic sunt affecti, benedictionem dabit Dominus, verus doctior virtutis & legislator: quæ amicti & armati, ibunt adscendentes de virtute in virtutem, per inferiora quæque, tamquam per exercitum unum & alterum

noua vi & fortitudine, quæ cundo crescit, perrumpentes, donec omnibus refecatis, videbitur illis tandem clarè & apertè Deus ipse Deorum, qui summus est omnium, & sedem suam habet in monte Sion, ubi coram ipso apparebunt.

2. *Quod quidem vt & mihi contingat, ô Domine, Deus virtutum & exercituum, exaudi quæso, orationem meam: auribus, inquã, percipè quod rogo, ô Deus Iacob. Ita amabo fiat, ita fiat, Sela.*

O qui protector & clypeus noster es, adspice nos Deus: & respice benignis oculis in faciem Christi tui, quem tu in Regem vnixisti, vt vel tandem tabernacula tua videre possim.

Quia melior est dies vna in atriis tuis, super multa millia dierum alibi.

Imò elegi abiectus esse in domo Dei mei magis, & ad limē ipsius tanquam hospes morari, quàm habitare, & viuere splendide in mediis tabernaculis impiorum ac peccatorum.

Quia cū apud impios omnia iniquitatis & vanitatis sint plena, contrà misericordiã, tanquã solum iustitiæ, & veritatē, tanquam firmum clypeum, diligit Deus: & gratiam, & gloriam, quæ sunt præmia iustitiæ, dabit Dominus.

Et non priuabit nec destituet vllò modo bonis omnibus eos qui ambulant in vitæ innocentia, & simplicitate perfectâ: etenim, ô Domine virtutum & exercituum, modis omnibus beatus homo qui sperat & confidit in te.

EXPLANATIO.

De virtute in virtutem] Gradus virtutum per quos ascenditur, sunt, ciuilis, purgatoria, purgati animi, & exemplaris, ubi conspicitur Deus Deorum Dominus. Ac quamquam quidem hic virtus pro fortitudine ponatur, accipitur tamen fortitudo generaliter pro virtute.

PSALMVS LXXXIIII.

Titulus.

In finem, siue ad summum præfectū chori musici, ut filiis Chore decantandus tradatur hic Psalmus.

Argumentum.

1. **C**ommemorans vir sanctus Deum corripisse ad populum suum se conuerrere, & e captiuitate eum educere, orat ut & ipsum populum ad se conuerrere, & plenam suam gratiam ei impartiri velit. 2. Quo facto, silentium sibi ipse imponit, ut audiat quid ad id respondeat Dominus: dicens, non dubitare se, quin plenam pacem Deus populo suo impartiet, quoniam plenus est misericordia & veritate: vnde per iustitiam pax erumpit, quam viique Christus Filius eius est allaturus, gratie & veritatis plenus.

1. **B**enedixisti Domine, & reconciliatus ac propitius factus nobis, recepisti in gratiam terram tuam, Israël: auertisti & soluisti captiuitatem Iacob.

Remisisti & penitus abstulisti iniquitatem populi ac plebis tue: operuisti omnia peccata eorum. Eia eia, Sela.

Mitigasti & quasi collegisti omnē iram tuam: auertisti te ab ira furoris, & indignationis tuæ.

Quod quidem cum ita sit à tua parte; fac, quæso,
ut

ut & à nostra parte debitum officium præstemus, itaque conuerte nos ad te, ô Deus salutaris noster, & sic penitus auerte iram tuam à nobis, & confringe eam, cum tu ad nos, & nos ad te conuerſi ſumus.

Nam alioqui, niſi id facias, quid aliud reſtat quàm ut queramus: Nunquid in æternum irascêris nobis? aut protrahes & extends iram tuam à generatione in generationem?

Etenim quid prodeſt, ô Deus, quod tu ad nos ſis conuerſus, niſi ſimul & nos ad te conuertas? quod faciens, tum verè, plenè, perfectèq; viuificabis nos, & plebs tua lætabitur in te.

Itaque exaudiens preces noſtras, oſtende nobis Domine integram bonitatem & miſericordiam tuam, & ſalutare tuum da nobis.

2. Sed ſatius erit ut taceam nonnihil, & audiam quid reſpondeat & loquatur (in me) Dominus Deus: quoniam certò cōfido, quòd loquetur pacem in plebem ſuam, oſtendens ſe iam ex toto illis eſſe reconciliatum.

Idèmq; loquetur & ſuper ſanctos ſuos, quos ſua immenſa miſericordia eſt complexus, & generaliter in eos omnes qui conuertuntur ad cor, ut ad priſtinam ſtultitiam non reuertantur.

Etenim nunquam longè nec diu abeſt, verumtamen ſemper prope timètes eum eſt ſalutare ipſius, idq; non per ſunctoriè, & tamquam in tranſitu, ſed ut perpetuò inhabitet gloria eius in terra noſtra.

Nam miſericordia & gratia remiſſionis peccatorum

torum, & plena perfectaq; veritas doctrina, iam obuiarunt sibi inuicem, cōcurrentes in vnum: & absoluta iustitia, quæ ex duabus illis constat, & consequenter pax, quæ filia est iustitiæ, post longam absentiam ob peccata nostra, se mutuò osculatae sunt.

Atque ita iam euenit, quòd veritas doctrina de terra orta est & effloruit per natū ē virgine Filium, qui ipsa est veritas: & iustitia vita de cælo prospexit, per eundem ex alto missum, qui ipsa est iustificatio nostra.

Etenim Dominus Deus Pater dabit benignitatem, mittendo de cælo Filium: & terra nostra dabit fructum & germen suum, producendo eum.

Atque vbi aduenerit, iustitia ante eum ambulabit, ad ius suum cuique tribuendum: & ponet in via gressus suos, ad populum suum regendum ac gubernandum.

EXPLANATIO.

Loquatur] Summum in rerum diuinarum contemplatione est sanctū & venerandum silentium, cū cessantibus omnibus viribus sensus, intellectus, & mentis, nihil restat, nisi vt nobis mutis factis, Deus in nobis loquatur.

Misericordia] Misericordia bonitatis est, veritas intellectus: ex quibus duabus constat iustitia vniuersalis, cuius effectus est pax. Iustitia specialis, vitæ ac morum est; veritas doctrinæ, in quibus verā beatitudo consistit. quæ omnia adferet Christus. Porro pulcherrima est hīc descriptio, & mysterij plena; occursum misericordiæ & veritatis, osculi iustitiæ & pacis, veritatis de terra ortæ, & iustitiæ de cælo prospicientis; Dei dantis benignitatem ex alto, & terræ dantis

dantis fructum suum ex imo, & denique iustitiæ anteam-
bulantis, & Regis gressus suos in via ponētis nam per quod
Rex regnat, solā iustitia est; & per quod terra dat fructū, solā
Dei est benignitas. Quod tum maximè cōtingit, cūm Chris-
tus veritas de terra è vīrgine natus est, & iustitia Spiritus
sancti, quo virgo obumbrata fuit, à Patre de cēlo prospexit.
Per quod pax nata est hominibus bonæ voluntatis, hoc est,
iustis, idque per Dei misericordiam in peccatis cōdonan-
dis, & veritatem in promissis seruandis.

PSALMVS LXXXV.

Titulus.

Oratio conscripta ipsi Dauid.

Argumentum.

1. **I**nuocat primū Rex Deum generaliter, addens multas causas
cur debeat exaudiri. 2. Deinde specialiter petit vt in lege Dei
possit ambulare: 3. Et ab hostibus liberari, sic vt ab animi paſſione
& corporis malis liberetur. Myſticè de Christo hæc omnia intelli-
guntur.

1. **I**Nclina Domine aurem tuam, & responde
Deus votis meis: exaudi me, quoniam destitue-
tus omni ope humana, inops & pauper sum ego.

Custodi animam meam, quoniam aliis presi-
diis omissis, tibi vni & misericordia tue dedicatus,
& sanctus sum: saluum fac seruū tuum *me*, Deus
meus, sperantem ac confidentem in te sola.

Miserere mei Domine, quoniam sine intermis-
sione ad te clamaui, & clamabo tota die: lætifica
animā serui tui, quoniam ad te Domine animam
meam leuaui, & attollam semper.

Quoniam

Quoniam tu Domine suavis & mitis, *bonusq;*
 & propitiabilis, & magna ac multæ misericordiæ,
 omnibus inuocantibus te.

Auribus, *quæso*, percipe, Domine, orationem
 meam: & intende voci deprecationis meæ.

Nam semper in die tribulationis & angustia
 meæ, clamaui ad te, quia *nunquam me destitisti,*
sed votis meis respondens, exaudisti me.

Non enim est similis tui in diis, *quos opinionis*
errore sic homines vocant, ô Domine: & non est qui
 comparetur tibi secundum immensa opera tua, qui-
 bus nulla alia sunt similia.

Nam adueniente regno tuo, omnes gētes, qual-
 cumque fecisti, venient, & inclinati, *genibusq;* fle-
 xis, adorabunt coram te ac facie tua Domine, &
 glorificabunt nomen tuum.

Quoniam magnus es tu, & faciens mirabilia,
 & ab hominum iudicio penitus separata: denique
 tu es Deus solus,

2. *Quod quidem cum ita sit,* doce & deduc me
 Domine in via tua, & ingrediar ac ambulabo in
 veritate tua: lætetur & exultet, tecumq; vniatur cor
 meum, & timeat nomen tuum.

Quod si facias, confitebor cum gratiarum actio-
 ne, & acceptam feram tibi salutem meam Domine
 Deus meus, in toto corde meo: & glorificabo no-
 men tuum in æternum.

Quia constabit quod misericordia tua nō vulga-
 ris, sed magna est super me: & quod eruisti animam
 meam

meam, non dico, ex inferno siue fovea sed ex inferno inferiori, dum ex ultimis periculis me extrahis.

3. Nam ecce, ô Deus, iniqui & superbi insurrexerunt super me, & cætus ac synagoga hominum robustorum ac potentium quæsierunt animam meam, & non proposuerunt te in conspectu suo, nec ullam tui habuere rationem.

Quod videns & considerans tu Domine Deus, miserator pius & misericors, patiens & tardus ad iram, sed celeris & multę misericordię in auxiliando, & verax in præstandis promissis,

Conuertens te, respice in me, & miserere mei: da imperium & robur tuum puero ac seruo tuo, ut illis possim resistere, & sic saluum fac filium ancillæ tuæ, qui non quouis modo, sed iam inde à natiuitate ipsa tibi est seruus.

Fac, inquam, mecum signum in bonum, edens illustrem aliquam significationem voluntatis erga me tuæ: ut videant qui oderunt me, & pudore confundantur, quoniam tu Domine adiuuisti me, & consolatus es me.

EXPLANATIO.

Deduc] Via siue Lex Domini ipsa est veritas: in qua qui ambulat, cum Deo viuit: vnde nascitur reuerentia erga eum, quæ est lætitia cum timore filiali coniuncta.

PSALMVS LXXXVI.

Titulus.

Ut detur filiis Chore decantandus hic Psalmus cantici.

Argumentum.

1. **P**Rædicat vir sanctus & summis laudibus extollit sanctam Dei ciuitatem. 2. Inducitque Dominum ipsum loquentem de eius celebritate, sic ut omnes gentes ac nationes ad eam accurrant propter natiuitatē Christi in ea. 3. Quare quemadmodum omnes pij, ita & se perpetuò in ea victurum Propheta canit.

1. **Q**uid dicemus de ciuitate Dei Hierosolyma? aut quid cātābimus de ea? certè fundamenta eius posita sunt in montibus sanctis, in quibus stat edificata: diligit Dominus portas arcis eius, & montis Sion, super omnia tabernacula Iacob.

Gloriosa ac magnifica dicta sunt de te, o ciuitas Dei. Ita profectò res est, Sela. tollamus vocem altius.

2. Etenim sic locutus est Dominus: Memor ero Raab, Ægyptia tam olim superba, & Babylonis scientium & cognoscentium me, videboq; eos ad ciuitatem meam accurrentes, & me omnibus laudibus celebrantes.

Quin ecce Palaestini alienigenæ quoque, & Tyrus, & populus Æthiopum, hi iam omnes fuerunt illic, & maiore frequentia ad eam videndam quotidie accelerabunt: quoniam ille magnus qui venturus erat, iam natus est illic.

Porrò numquid & hoc quoque accidit quod de
arce

arce Sion, & ad illam dicet unusquisque homo, & homo, inquam, quicumque hic & illic per totum orbem terrarum habitat, ecce iam vir ille, & iam vir, dico, ille natus est in ea, qui nasciturus erat, & qui ipse fundauit eam, cum sit Aluissimus?

Cui & hoc accedet, quod Dominus ipse, qui sum ego, numerum suorum iniens, narrabit & ponet in scripturis censualibus populorum suorum; & principum horum qui fuerunt in ea ciuitate, dicēs illis omnibus: Iam natus est ibi, iam natus est magnus ille qui expectabatur. Ducite triumphum simul omnes, Sela, ducite.

3. Quare quid aliud restat, ô sancta Dei ciuitas, quam, sicut principum & aliorū lætantiū omnium, qui alta & clara voce, tanquam parturientium cantus & choros ob natiuitatem hanc cient, habitatio est in te, qui ultimus iustitia est finis: ita & ego omnes cogitationes meas in te solo constituam, ut ad tuos suauissimos fontes, & eorum scaturigines perpetuò me oblectem, omnium rerum mearum fontes & origines in te vno collocans, & à te ducens.

EXPLANATIO.

Ciuitas] Describitur hic vera ciuitas Dei & iustię ipsius, nouaque illa Hierusalem, cuius in Apocalypsi fit mentio, cuius caput est Christus, quem in ea natum Propheta celebrat.

PSALMVS LXXXVII.

Titulus.

Canticum Psalmi pro filiis Chore, *ut per eos canatur, ad quam rem missum est in finem, siue ad summum præfectum chori musici, pro eo ut id ipse decantandum curet ad instrumentum quod vocatur Maheleth, idq; alternatim, siue ad respondendum, & ad modulos carminis, cuius initium est intellectus, ut sit eruditium Eman Ezrahitæ.*

Argumentum.

1. Implorans vir sanctus Dei auxilium, commemorat in quantis malis versetur. 2. Unde ad precandum rediens, causam dicit cur Dominus opem illi ferre debeat. 3. Rogans ne repellatur, quoniam in extremis malis est constitutus. Gerit hic Propheta personam Christi, cum à suis destitutus, ad extremum supplicium taperetur.

1. **D**omine Deus salutis meæ, in die clamaui
& nocte coram te.

Intret, *quæso*, coram te in conspectu tuo oratio mea: inclina aurem tuam ad *clamorem laudis, & precem meam.*

Quia exsaturata & penitus repleta est malis anima mea: & vita mea sepulchro, & inferno appropinquauit.

Æstimatus sum cum descendētibus in foueam & lacum, quorum ibi cadavera sepeliuntur: factus sum sicut homo sine ullo roboris ac virium adiutorio, tanquam vnus inter mortuos, qui à rebus huius vite iam liber est effectus.

Sicut

Sicut homines, inquam, vulnerati & occisi, dormientes in sepulchris, quorum, quantum ad res huius vita attinet, non es memor amplius; & qui iam ipsi de manu tua repulsi & abscissi sunt.

Posuerunt me, vel tu potius posuisti, in lacu ac puteo inferiori, in locis tenebrosis & profundis, & in umbra ipsa mortis.

Super me confirmatus & penitus defixus est furor tuus: & omnes fluctus tuos induxisti super me, quibus me afflixisti & quasi confregisti. Ita sanè se res habet, Sela.

Nam præter supradicta, longè etiam fecisti, & penitus alienasti nos meos à me: posuerunt me abominationem sibi.

Traditus, & in carcerem coniectus, vndique circumclusus sum omni genere malorum, & non egrediebar, nec video quomodo euadere aut emergere possim: oculi mei, perpetuis lachrymis pleni ac stillantes, languerunt præ inopia & afflictione quam patior.

2. Itaque clamaui ad te Dñe tota die, expandi ad te manus meas, quemadmodum & nunc facio.

Atque vti me exaudias & non interire sinas, considera, quaeso, quid ex mea morte boni tibi possit contingere: numquid enim mortuis, qui iam nihil amplius hic sentiunt, facies mirabilia, & ostendes stupendas virtutes tuas, in quibus sperent; aut resurgēt mortui, vel medici suscitabunt eos, & confitebuntur tibi, cum gratiarum actione nomen tuum celebrantes,

brantes, tibiq, omnia accepta ferentes, Sela.

Numquid, *inquā*, narrabit aliquis in sepulcro misericordiam tuam, *qua bonitatis est*? & veritatem tuam, *qua intelligentia*, in perditione, *vbi amplius non sunt*?

Numquid *denique* cognoscentur in tenebris mirabilia tua, *vbi nihil cernitur*? & iustitia tua in terra obliuionis, *vbi nulla rerum est memoria*, & cuius apud mortales pauca exstat recordatio?

Ergo *miserere mei, & conserua me*: & ego vice versa, *quemadmodum semper* ad te Domine clamaui, *ita pergam laudes tuas celebrare*, & ipso summo mane orat: o mea praeueniet & praecipitabit te.

3. Nam vt quid autem Domine repellis animam & orationem meam? cur abscondis & auertis faciem tuam à me?

Pauper enim & miser sum ego, & versatus in laboribus ac arumnis iam inde à pueritia & iuuentute mea: exaltatus autem nonnihil aliquādo, mox rursus humiliatus sum: & sic exspiranti similis, & vix animum trahenti, tuli continuò terrores tuos, quibus exanimatus & conturbatus, vixi semper dubius ac trepidus.

Etenim in me transierunt omnes iræ tuæ, & terrores tui conturbauerunt & oppresserunt me.

Circumdederunt me sicut aquæ, & fluctus qui in hominem irruunt: idq, non per vices, sed sine intermissione tota die: circumdederunt, *inquā*, me non alij post aliū particulatè, sed simul omnes vniverse.

Denique

Denique elongasti à me omnē amicum consuetudine, & proximū sanguine: & notos meos posuisti in tenebris, ita ut nulla penitus à me absit miseria.

EXPLANATIO.

In terra obliuionis] Quemadmodum superior mundi regio eius quod est, scientiæ & memoriæ plena est: ita infima sub terra plena est eius quod nō est, ignorantiaque & obliuionis, quod hic perelegāter depingitur. Estq; hic solus Psalmus perpetuo mœrore plenus, sine vlla cōsolatione.

PSALMVS LXXXVIII.

Titulus.

Intellectus, siue Psalmus intellectiuus Ethan Ezrahitzæ, cantandus ad modulos carminis, cuius initium est Intellectus.

Argumentum.

1. **P**rimū canit hīc Propheta Dei laudes, virtutes, & admirabilia facta generaliter, 2. Deinde specialiter quid circa se fecerit & promiserit. 3. Quo tamen non obstante, summis malis se premi ait: 4. A quibus ad extremum liberari petit. Gerit autem hīc Dauid personam Christi circa promissiones & alia.

2. **M**isericordias Domini erga inuocantes eum in æternum cantabo.

Et in generatione & generationem annuntiabo & notam faciam veritatē tuam ac fidem in promissis seruandis in ore meo.

Quoniam tu dixisti, ô Domine, quod in æternū misericordia ædificabitur in cælis: & in seculum seculi præparabitur ac stabilietur veritas tua

in eis, sic ut totus mundus gratiâ & veritate sit plenus.

Locutus enim es his verbis: Ecce disposui testamentum ac pepigi fœdus cum electis meis, iuraui David seruo meo: vsque in æternum præparabo ac stabiliam semen tuum.

Et ædificabo in generationē & generationem sedem tuam, & solum regni tui. Ita res est, Sela.

Quod quidem cum ita sit, confitebuntur ac testata faciēt cæli mirabilia tua Domine, quæ à cōmuni hominum sensu sunt separata: celebrabūi autem homines fidem tuam, etenim prædicabunt veritatem tuam in ecclesia sanctorum.

Quoniam quis in celo ac nubibus æquabitur Domino, aut quis similis erit Deo, vel in ipsis filiis Dei, aut Angelis?

Deus etenim inclytus & formidabilis est, qui supra modum glorificatur in arcano concilio ac congregatione sanctorum: magnus est & terribilis super omnes qui in circuitu eius sunt.

Domine Deus virtutum & exercituum, quis, inquam, similis tibi? qui potēs es Domine, & maiestate plenus, & veritas tua in circuitu tuo est.

Tu dominaris potestati & superbia maris, motum autem & elationē fremitumq; fluctuum eius tu compefcis ac mitigas.

Tu nullo negotio humiliasti ac confregisti, sicut hominem debilem ac vulneratum, superbum illum Egyptij Regem: in brachio virtutis ac fortitudinis

titudinis tuæ dispersisti inimicos tuos.

Tui sunt cæli, & tua *etiam* est terra: orbem terræ, & plenitudinem eius tu fundasti, Aquilonem & Meridiem siue mare Australe ac dextrum, tu creasti.

Thabor & Hermon, *mōtes Orientis & Occidentis*, in nomine tuo exsultabunt & gloriabuntur: tuum brachium cum potentia est, & fortitudinis plenum.

Firmetur & corroboretur inuicta manus tua, & exaltetur dextera tua: quoniam iustitia equitasq; & iudicium sunt præparatio sedis tuæ, & firmamentum ac habitaculum sustentaculumq; solij tui.

Misericordia & veritas tanquam satellites præcedent faciem tuam. beatus populus qui hac scit, & agnoscit iubilationem clangoris tubarum Domini sibi præsentis & legem ferentis, eaq; re delectatur ac triumphat.

Etenim quibus hoc contingit, ô Domine, hi in lumine vultus tui ambulabūt, & in nomine tuo leti exsultabūt tota die, & in iustitia tua, qua eos iustificabis, exaltabuntur & magni euadent.

Quoniam decor & gloria virtutis ac fortitudinis eorum tu es: & in bona voluntate & beneplacito tuo exaltabitur cornu nostrum.

Quia Domini & à Domino est assumptio & protectio nostra, & sancti Israël Regis nostri, qui populum suum Israël sanctificat, clypeus noster.

2. Tu olim cum me tibi eligeres, tunc locutus es

X 5 in

in visione sanctis *Prophetis* tuis, & dixisti: Posui adiutorium *meum* in potente ac forti, robusto robor addens: & exaltaui electum de populo, & plebe mea.

Inueni Dauid seruum meum, oleo sancto meo unxi eum.

Manus enim mea auxiliabitur ei, & fulciet eum: & brachiū meum confortabit ac roborabit eum.

Nihil proficiet inimicus in eo, ad ipsum opprimendum, & filius iniquitatis non apponet nocere ei ad eum affligendum.

Sed conteram & concidam à facie ipsius inimicos eius: & percutiens odientes eum in fugam eos conuertam ac perdam.

Et erit veritas mea & misericordia mea cū ipso, & in nomine meo exaltabitur cornu eius.

Et ponam in mari Occidentali manum eius, & in fluminibus Orientalibus dexteram eius.

Ipse inuocauit me, dicens: Pater meus es tu, Deus meus, & susceptor ac fortitudo ripesq; salutis meæ.

Et ego primogenitum ponam illum excelsum præ omnibus regibus terræ.

In æternum seruabo ac custodiam illi misericordiam & bonitatem meam: & testamentum fœdusq; meum, quod cum eo pepigi, fidele erit ipsi.

Et ponam in sæculum sæculi semen eius, & thronum eius perpetuum, sicut dies cæli.

Si autem dereliquerint filij eius legem ac doctrinam

Et rinam meam, & in iudiciis meis non ambulauerint:

Si *statuta* & *iustitias ceremoniasq;* meas profanauerint, & mandata mea non custodierint:

Visitabo in virga iniquitates ac transgressiones eorum, & in verberibus peccata eorum.

Misericordiam autem & bonitatem meam non dispergam nec auferam ab eo: neque nocebo nec fidem datam fallam in veritate mea.

Neque profanabo nec violabo testamentum & fœdus pactumq; meum: & quæ procedunt & egressæ sunt de labiis meis, non mutabo, nec faciam irrita.

Semel iuraui in sancto meo, per meam sanctitatem, vide, si Dauid mentiar? nequaquam enim id fiet, sed contrà lemén eius in æternum erit & manebit.

Et thronus eius perpetuus sicut Sol in conspectu meo, & sicut luna stabilis ac perfecta in æternum, quæ & signum ac testis erit promissionis meæ in cælo fidelis ac stabilis. Ita res est, Sela.

3. Caterùm cum hac tu ita pollicitus sis, ô Domine, & verò ore tuo proprio pronunciaueris, planè contrarium hæctenus facere videris: etenim planè repulisti, & cum abominatione despexisti ac spreuisti nos, distulisti, & iram odiumq; cõcepisti contra me Regem Christum unctumq; tuum.

Auertisti testamentum, & irritum fecisti fœdus serui tui, quod cum eo fecisti: profanasti in terra
humi-

humig, proiecisti ac maculasti sanctuarium ac diadema seu coronam eius.

Destruxisti omnes sepes ac macerias murosque eius, quibus ab hostibus tutus esse solet: & poluisti firmamentum ac munitiones eius in confectionem ac ruinam, sic ut prater pauorem & formidinem nihil habeat in quo spem salutis sue ponat.

Diripuerunt ac conculcant eum omnes trans-euntes viam: & factus est opprobriū vicinis suis,

Exaltaſti dexteram hostium deprimentiū eum: & laxificaſti omnes inimicos eius.

Auertisti ac retrudiſti aciem & robur, omneque adiutorium gladij eius: & non es auxiliatus ei, nec ſubleuaſti eum in bello ac pralio.

Destruxiſti eum & penitus deleuiſti ſplendorem dignitatis eius, ſic ut ab omni emundatione & claritate regia ſit alienus: & ſedem ac ſolum eius in terram detraxiſti & colliſiſti.

Minoraſti & abbreviaſti dies temporis & iuuentutis eius: perfudiſti, & prarſus operuiſti eum omni confuſione & ignominia. Ita ſanè ſe habet, Sela.

4. *Quod quidem cum ita ſit, uſquequo, quaſo, o Domine, auertis te, & abſconderis? an uſque in finem & perpetuum exardeſcet ſicut ignis ira tua?*

Memorare, amabo, & reputa cum animo tuo, quæ mea ſubſtantia, & quam brevis cui ego ſum: nunquid enim vanè & omnino fruſtra, ſic ut nullis rebus bonis fruantur, conſtituiſti ac creaviſti omnes filios

filios hominum ? quod sanè planè quis dixerit, & super ipsa vanitate hominem fundatū esse affirmet, si ab istis malis nunquam nos eripias.

Nam quis est homo, quantumcumque robustus, qui viuet, & non videbit mortem ? aut quis eruet animam suam de manu & potestate inferi ac sepulchri ? ita profectò res est, Sela.

Ergo ubi sunt misericordiæ tuæ primæ & antiquæ Domine ? sicut iurasti David in veritate & bona fide tuâ, vt modò dictum est.

Memor esto, obsecro, ô Domine, opprobrij sermorum tuorum, quod cum summa patientia tacitus huc vsque pressi & continui in sinu meo, dum multarum & propè omnium gentium contumeliis afficimur.

Quod, inquam, exprobrauerunt & intulerunt nobis inimici tui, Domine : quod exprobrauerūt, dico, & intulerunt per commutationem & persecutionem Regis Christi tui, quem, vestigiis ipsius inherendò, locum semper mutare, & de uno ad alium fugere cogunt.

Qui quidem, qualicumque rerum sit statu, numquam de te & promissis tuis diffidit, sed in eo semper perstat, vt dicat : Benedictus Dominus in æternum. Fiat, fiat.

EXPLA-

EXPLANATIO.

Preparatio sedis tua] Quæ Regis solium sustentant, sunt iustitia circa se, & iudicium circa alios : ipsa quoque adeo lex, quæ tanquam solium est regni, tum quidem iustitiam apud se habet, unde nascitur; tum autem iudicium, quo vim suam ostendit.

Misericordia & veritas] Quæ ante Regem ambulare debent, sunt, misericordia ad bonos præmio afficiendos, & humiles in gratiam recipiendos; & veritas, ad malos iustis pœnis afficiendos, & superbos debellandos.

In lumine vultus] In lumine vultus Domini ambulare dicuntur, qui secundum Legem Dei ambulant, quam lucernam esse pedibus nostris aliàs diximus. Et quod radius Solis est respectu Solis, hoc Lex Dei est respectu Dei.

LIBER

LIBER QVARTVS.

PSALMVS LXXXIX.

*Titulus.**Oratio Moyſi hominis Dei, qui trinus eſt & unus.**Argumentum.*

1. **P**ROmunens vir ſanctus ſolitam Dei in hominem beneficentiam, 2. Orat vt & nuncium velit conſeruare, quàm diu d-
git in hac vita, quæ tam eſt fragilis ac breuis, vt hîc elegantiffimè depingitur. 3. Quare iterum orat, vt beneficio Dei id ſen per ob-
oculos habere, & ſecundùm hoc viæ ſuz actiones dirigere poſſit.

1. **D**omine, tu receptaculum & refugium factus es nobis à generatione in generationem.

Priusquam montes naſcerentur ac fierent, aut formaretur & quaſi parturiretur terra, & orbis eius, à ſæculo & uſque in ſæculum tu es Deus.

2. *Quod quidem cùm ita ſit; ne, quaſo, auertas nec reducas nunc hominem in humilitatem, con-
terens eum in puluerem; & dicas, quemadmodum ſæpe dixiſti, conuertimini filij hominum in terram, unde prodiſtis.*

Quoniam mille anni ante oculos tuos, & cum æternitate tua comparati, tamquam dies ſunt heſterna, quæ præterit.

Et tamquàm cuſtodia & breuis vigilia, quæ quatuor numero ſunt in nocte quæ poſtquàm ſubito per te ab-
repta

repta transferunt: pro nihilo habentur tanquam aqua quæ cum impetu transcurrit, & tanquam somnium quod evanuit: sic enim eorum anni erunt.

Quinimo tu efficis ut homo manè sicut herba fœnumq; transeat, ut manè, inquam, floreat, & crescens transeat, vespere autem succidatur ac decidat, nec non (induret) & arescat.

Quæ quidem ideo nobis contingunt, quia tibi peccavimus: quare consumpti defecimus in ira tua, & in indignatione ac furore tuo turbati sumus.

Posuisti iniquitates nostras in conspectu tuo, ut ea vidēs, perpetuis nos suppliciis afficias, & totum sæculum nostrum vnà cum occultis peccatis nostris, & delictis iuventutis nostræ, semper versantur in illuminatione vultus tui, ubi luce clariùs ea semper vides, ad nos castigandos.

Quoniam omnes dies nostri defecerunt, & pedetentim dilabuntur, te continenter nobis irato: & cum diebus nos ipsi quoque in eadem ira tua iam propè præ labore ac senio defecimus.

Nam quemadmodum dies, ita & anni nostri sicut aranea eiusq; tenuis tela sunt, & sicut sermo rapidus & vana fabula, quam paulo antè homines meditabātur, & iam dicto citiùs transit: etenim omnes dies annorum nostrorum, prout in ipsis nobis communiter experimur, nō ampliùs ipsi in se sunt, quàm septuaginta anni.

Ac si autem in potentatibus & robustioribus contingat octoginta anni, præclarū quid & eximīū esse

esse fertur, & tamen illud ipsum eximium. & amplius robur eorū nihil est aliud quā labor & dolor.

Quoniam cū tempus illud modicum citissimè transeat, superuenit mox mansuetudo, & membrorum ab actionibus suis cessatio, & sic corripiemur, & velut assumptis alis mortis, citatissimo volatu auolabimus.

Etenim quis nouit vitare potestatem ac fortitudinem iræ tuę, & prę timore tuo, ac pro proportionē reuerētię quę tibi debetur, iram tuam, quam, cū eam nō prestamus, cōcipis, dinumerare, quin omnibus semel sit moriendum.

3. Quod quidem cū ita se habeat: quæso, dexteram tuam sic modò notam fac nobis, vt numerantes dies nostros, paucitatem eorum semper ante oculos habeamus: & hoc facientes, prestabimus nos eruditos corde in sapientia, dum huic vite nihil fidentium esse intelligemus.

Ad quod faciendum, conuertere Domine, obsecro, ad solitam clementiam tuam: vsquequo enim irascēris Domine? & deprecabilis ac placidus esto super seruos tuos.

Nam postquam semel repleti ac satiati sumus manē misericordiā tuā, cantauimus porro semper, & exsultauimus, & delectati sumus in omnibus diebus nostris.

Lætati, inquam, sumus pro diebus quibus nos humiliasti & afflixisti, pro annis quibus vidimus & experti sumus mala.

Quare respice in seruos tuos, & in opera tua, vt eorum magnificentia in seruis tuis appareat: & ad eum modum dirige filios eorum, vt decus & gloria tua in illis resplendeat.

Et ita sit splendor ac decus & misericordia, dulcedoq; Domini Dei nostri super nos: & opera manuum nostrarum ita dirige, vt sint firma ac stabilia super nos, & opus, inquam, manuum nostrarum dirige & confirma.

EXPLANATIO.

Moyſis hominis Dei] Vtrum ipsius Moyſis hic sit Psalmus, an Moyſi à Dauide inscriptus, quoniam tractat de creatione & natura hominis, non liquet, nec multum refert: posterius autem est verosimilius.

PSALMVS XC.

Titulus. (Laus cantici Dauid.)

Argumentum.

1. **C**ANIT hoc suauissimo carmine Dauid, quàm ab omni malo tuti sint, qui in Deo confidunt. 2. Quod & repetit ac amplificat, animam suam, vrantè, alloquens: 3. Inducitque tandem Deum ipsum ea de re loquentem.

1. **Q**VI habitat in abscondito adiutorio Altissimi, in umbra ac protectione Dei omnipotentis & cæli commorabitur.

Dicet Domino, spes & susceptor meus es tu, & arx ac refugium meum: ipse est Deus meus, sperabo in eum.

Quoniam

Quoniam ipse liberabit me de laqueo venantium, qui offendicula mihi ponunt: & à verbo aspero, pesteq; exitiali eorum qui me fallere ac circumvenire student.

In scapulis & alis suis cooperiet te, ô anima mea, & obumbrabit tibi: & sub pennis eius sperabis, ac tutus eris.

Scuto circumdabit te, & erit tibi tamquã clypeus veritas eius, in promissis prastandis: non erit quod timebis à timore ac terriculamẽto nocturno.

Nec à sagitta volante in die, neque à peste, aut villo molesto negotio perambulãte in tenebris, dum secretò homines innuadit; neq; ab incurso & demonio meridiano, dum administratione malorum demonum tuos repente, vel ipsa media die, hominem mordet ac denastat.

Quin peste ac pralio grassante, cadẽt à latere tuo mille, & decem millia à dextris tuis: ad te autem malum non appropinquabit.

Veruntamen tutus stans & securus, rem omnem oculis tuis considerabis & aspiciẽs, & retributionem peccatorum videbis.

2. Quæ omnia sic mihi evenient, quoniam tu es Domine spes mea: quoniam, inquam, ô anima mea, ipsum Deum Altissimum, tãquam excelsã in rupe, posuisti habitaculum & refugium tuum, quò tamquam ad asylum te recipis.

Idco non accedet ad te malum, & plaga aut flagellum non appropinquabit tabernaculo tuo.

Quoniam *Dominus* Angelis suis mandauit de te, vt custodiant te in omnibus viis tuis.

In manibus portabunt te, ne forte *impingas* aut offendas ad lapidem pedem tuum.

Super aspidem & basiliscum *ceteraq;* *venena mortifera* illa *sus* ambulabis: & cōculcabis leonem & draconem, *quantumuis* immisia & fera sint animalia, vel etiam homines illis similes.

3. Dixisti enim de me loquens: Quoniam in me sperauit, & adamauit me, mihi semper completi ac perfecti amoris desiderio adherens, liberabo eum ab omni malo: protegam & exaltabo eum, quoniam cognouit nomen meum.

Clamauit ad me, & ego exaudiam eum, votis eius respondens: cum ipso sum, & adero illi semper, quoties in aliqua versabitur angustia ac tribulatione; eripiam eum, & glorificabo eum:

Longitudine dierum replebo & penitus saturabo eum, & tandem in morte ostendam illi salutare meum.

EXPLANATIO.

Angelis suis] Quemadmodum mala, administratione malorum demonum plerumque; ita bona, administratione bonorum Angelorum nobis semper eueniunt.

PSALMVS XCI.

Titulus.

Psalmus cantici, *ut cantetur* in die Sabbathi.

Argumentum.

1. **C**ontemplans vir sanctus res à Deo conditas, in eius laudes prorumpit. 2. Addens, impiorum hoc non considerare, sed ad momentum florentes, mox interire. 3. Quod bonis ac piis secus accidit, qui palmæ perpetuò virenti sunt similes.

1. **B**onum est confiteri Domino, & cum gratiarum actione illi omnia nostra accepta ferre, & canendo psallere nomini tuo, ò Altissime.

Ad annunciandum manè misericordiā tuam, in peccatis condonandis: & veritatem tuam per noctem, in promissis præstandis.

Idq; non solum predicatione oris, sed & in decachordo & psalterio, & cum cantico in cithara: sic ut verba & instrumenta cum meditatione cordis coniungantur.

Atque id quidem ob hoc, quia delectasti ac lætificasti me Domine in factura tua, rebusq; tuis admirabilibus contemplandis, & in operibus manuum tuarum exultabo.

Quàm enim magnificata sunt opera tua Domine! valde nimis profectò profundæ factæ sunt & inscrutabiles cogitationes tuæ.

2. Verum vir insipiens, qui ut brutum animal circa inferiora semper versans, ad superiora numquam

quam se attollit, non cognoscet ista: & stultus, qui animi sui erroribus fertur, non intelliget hæc.

Etenim cum germinauerint & exorti fuerint impij peccatores sicut gramē & fœnum, & florentes apparuerint omnes qui operantur iniquitatem:

Nihil aliud sequitur quàm ut dissipentur & intereant in sæculum sæculi: verùm tu autem altissimus es ac permanes in æternum, ô Dómine.

Quoniam ecce inimici tui Domine, quoniam ecce inimici tui peribunt: & dispergentur ac dissipabuntur omnes qui operantur iniquitatem.

Et contrà exaltabitur sicut vnicornis cornu meum, & senectus mea, viridi oleo Spiritus sancti perfusa, in misericordia ac bonitate tua vberi versabitur.

3. *Quin & iam nunc despexit oculus meus inimicos meos, qui ad me captandum in me oculos suos intentos habebant: & de insurgentibus in me hominibus perditis & malignantibus audiet quæ velit & optabit auris mea.*

Nam cum impij herba sint similes, quæ manè floret, & vespere marcescit: contrà iustus ut palma, quæ perpetua fronde viuet, florebit: & sicut cedrus Libani, quæ odorē & umbram gratissimam habens, nunquam putrescit, multiplicabitur & excrescet.

Plantati enim in domo Domini, secus decursus aquarum, in atrijs (domus) Dei nostri florebut.

Atque id quidem non in iuuentute solùm, sed ampliùs adhuc multiplicabuntur ac fructificabunt
in

in senecta vberi, *quo tempore etiam numpingues & virentes & bene patientes erunt, vt dicant & annuncient inter homines :*

Quoniam rectus est Dominus Deus noster, fortitudo & rupes nostra: & non est iniquitas in eo.

EXPLANATIO.

In die Sabbathi] Quia enim sex diebus fecit Deus cælum & terram, septimus Sabbathi ad hoc destinatus est, vt cessantes ab omni labore externo, operibus illius contemplantis, eum omnium fabricatorem laudibus extollamus: vt fit in hoc Psalmo, qui ob id dici Sabbathi est destinatus.

PSALMVS XCII.

Titulus.

(Laus cantici ipsi Dauid, in die ante Sabbathum, quando fundata est terra.)

Argumentum.

1. **C**anit Dauid Dei gloriam, in mundo condendo, regnoque constabiliendo. 2. Quod quidem quantumvis magna vi a malis & impiis oppugnetur, firmum tamen & inconcussum in æternum permanet.

1. **D**ominus regnavit, gloriam magnificam & superbam ac decorem indutus est: indutus est Dominus fortitudinem (& præcinxit) se potentia.

Etenim firmavit orbem (terræ) qui non labitur, nec commouebitur.

Parata est sedes tua, & constitutum solium regni tui, iam inde ex tunc, nam à sæculo æterno tu es.

2. *Enimvero eleuauerunt flumina Domine, eleuauerunt flumina vocem suam.*

Eleuauerunt flumina gurgites & fluctus suos, ad orbem terra, & solium Dei conuerendum: denique à magnis strepitibus, & plusquam vocibus aquarum multarum.

Mirabiles exstiterunt elationes plusquam fortium fluctuum maris: verumtamē multo magis mirabilis & fortis in altis calis est Dominus, qui eos facile compefcuit ne qua re nocerent.

Etenim testimonia & promiffa tua credibilia facta sunt nimis, planēque firma sunt ac stabilia: quippe domum pulchrā tuā decet sanctitudo, ut inconcussa sit & inuiolata, idēq; ō Domine in longitudine dierum, per aeterna facula.

EXPLANATIO.

Dominus regnavit.] Si de regno Christi mystico hic Psalmus accipiat, optima erit interpretatio.

PSALMVS XCIII.

Titulus.

Psalmus canendus ipsi Dauid quarta Sabbathi.

Argumentum.

1. **O** Rat Deum Rex Dauid, ut quemadmodum semper, ita & nunc inimicos suos, quorum impietatem cōmemorat, vici-
fci velit. 2. Ad quos conuersus, monet, minime latituros eos Deum, quin iuste ab eo puniatur. 3. Quod contrā accidet piis, quos summa beneuolentia complectitur, & contra impios tutatur Dominus.

4. Ad

4. Ad quem se conuertens, minime tyrannis illum similem esse ait; qui sub prætextu legis iustæ, rei iniustas perpetrant; sed contra iustum & rectum in omnibus factis suis.

1. **D**eus ultionum *nostrarum* Dominus est:
Deus ultionum *nostrarum* liberè egit, manifesteq; olim affulsit, & se ostendit, ad nos ab hostibus vindicandos.

Quod quidem cum ita sit, & nunc quoque cum splendore appare Domine: exaltare tu, qui iudicas terram, & redde dignam retributionem superbis.

Vsquequo enim impij peccatores Domine, vsquequo impij peccatores gloriabuntur & exsultabunt.

Vsquequo, effundentes se, effabuntur & loquentur superbe suam iniquitatem: loquentur, inquam, & iactabunt se de impijs factis suis omnes qui operantur iniustitiam?

Etenim vide, obsecro, quid fecerint, populū tuum Domine humiliauerunt ac contriuerunt, & hæreditatem tuam vexauerunt, omnibusq; incommodis afflixerunt.

Viduam & aduenam, quorum singularem curam habere iussisti, interfecerunt, & pupillos occiderunt.

Et dixerūt inter se, non videbit Dominus quod facimus, nec intelliget Deus Iacob.

2. Caterū intelligite vos insipientes in populo, qui cum istis dictis vestris, bestiis estis similes: & stultialiquando sapite.

Numquid qui formavit & plantavit capitiq, vestro affixit aurem, non audiet? aut qui finxit oculum, non considerat, nec videbit?

Qui erudit, & si non apprehendant disciplinam, castigat ac corripit integras gētes ac nationes, non arguet vos: & qui docet hominem scientiam, an ignorabit quidnam vos rerum agatis?

Certè Dominus scit non solum dicta & facta, sed vel intimas cogitationes hominum: nec fugit eum, quoniam per se vanæ sunt & inanes.

3. Verumtamen beatus, & ceteris meritò praevalens ille homo, quem à vanitatibus illis auersum, & ad te conuersum, tu erudieris Domine, & cum de lege tua docueris eum.

Idq, ad eum finem, vt mitiget, & quietem animi des ei, ne metuat à diebus malis, & in afflictionibus non perturbetur, exspectans patienter donec liberes eū, & fodiat peccatori, qui te persequitur, fouea interitus, unde numquam poterit emergere.

Quia utique certò scit, quòd non repellet Dominus populum ac plebem suam, & hæreditatem suam non derelinquet.

Unde patienter exspectabit, quoadvsque iustitia conuertatur in iudicium, & è contrà iudicium ad iustitiã redeat; & iuxta illam versentur, eamq, sequantur, omnes qui recto sunt corde, ad iniuriam impiorum iusto Dei iudicio, secundum iustam legem eius, vindicandam.

Nam quis confurget mihi & pro me aduersus

uersus malignantes? aut quis stabit mecum aduersus operantes iniquitatem?

Certè nisi quia Dominus adiuuit me, paulominùs iam absuit quin habitasset in inferno ac sepulcro silenti anima mea.

Et, si multitudine calamitatum oppressus, dubitans de constantia mea, dicebam, Ecce motus est & vacillat pes meus: mox misericordia tua Domine adiuuabat ac sustentabat me.

Ac secundum proportionem & multitudinẽ variarum cogitationum ac dolorum meorum in intimo corde meo, consolationes tuæ letificauerunt animam meam.

4. *Nam quid de summa bonitate tua dicam? numquid adhereret tibi, aut vllam societatem tecum habet sedes ac thronus perversæ tyrannidis & iniquitatis? aut tu ille es qui fingis & inducis dolorem & afflictionem hominibus in præcepto, dum sub prætextu legis iustæ, contra ipsam facis Dei legem & iustitiam, quemadmodum tyranni solent? Minimè certè, minimè gentium.*

Sed cōtrà, dum impij, & scelerati tyranni captabūt, & copias suas cōgregabunt, contra & in animā iusti, & sanguinem innocentem condemnabunt:

Fuit & factus est mihi semper Dominus in refugiū, & Deus meus in adiutorium & rupem spei meæ.

Et reddet illis ac retorquebit in eos iniquitatem ipsorum, quæ alios oppresserunt: & in malitia eorum

eorum disperdet eos: disperdet, *inquam*, illos Dominus Deus noster.

EXPLANATIO.

Iustitia conuertetur in iudicium] Tunc iustitia in iudicium conuerti dicitur, cum id quod secundum iustitiæ dictamen lege præscriptum est, per iudicium executioni mādatur: tunc autem iudicium redire dicitur ad iustitiam, cum iudicia non pro iudicantium arbitrato, sed secundum legem quæ secundum iustitiam rectè lata est, exercentur.

PSALMVS XCIIII.

Titulus.

Laus cantici ipsi David.

Argumentum.

1. **P**rimùm inuitat nos Propheta ad gratias Deo omnipotenti agendas. 2. Deinde hortatur ut verbo Dei obtemperemus, minimeque inobedientes no. præstemus, quemadmodum olim fecere patres in deserto.

1. **V**enite exsultemus ac cantemus Domino: iubilemus ac clangamus Deo forti, firma petra, veròq; salutari nostro.

Præcepemus, & praucientes eum, propere-
mus comparere ante faciem eius in confessione &
gratiarum actione, omnia nostra accepta illi ferētes:
& in psalmis ac canticis iubilemus ei.

Quoniam Deus magnus est Dominus, & Rex magnus super omnes Deos: *quoniam, inquam, non repellet Dominus plebem suam.*

Quia in manu eius sunt omnes fines & intima
pene-

*penetralia profunditateſq; terræ: & altitudines vi-
reſq; montium ipsius ſunt.*

Quoniam, *dico*, ipsius eſt mare, & ipſe fecit il-
lud: & *terrā* ſiccā & *aridā*, *quæ exſtat e mari*,
manus eius formauerunt.

Venite ergo adoremus, & *incuruati* procida-
mus ad genua; & *procidentes in faciem*, ploremus
ante Dominum, qui fecit nos: quia ipſe eſt (Do-
minus Deus noſter) *verus Rex & paſtor.*

Et nos populus paſcuę eius, & oues manus eius.

2. Enimvero hodie ſi vocem eius audieritis, *ſic vt*
vobiſcum loquatur, quemadmodū olim fecit cum pa-
tribus veſtris, nolite, *quaſo*, obdurare corda veſtra,

Sicut *tum temporis* in irritatione apud aquas
contradictionis, & ſecundū diem tentationis in
deſerto, *iuxta Raphidim*:

Vbi tentauerunt me, *inquit Dominus*, patres
veſtri: probauerunt *me*, & viderunt opera mea:

Vbi, *inquam*, quadraginta annis moleſtiam &
faſtidium eorum tuli, *exſpectans* *anne ad meliorem*
mentem redirent; & obiurgans eos, offeſus fui, pro-
ximè cum illis verſans, generationi illi, & dixi:
ſemper hi errant corde.

Et tamen, *quicquid cum iis egerim*, iſti non co-
gnouerunt *vmquā* vias meas: *quare*, omnibus deni-
que deſperatis, *factū eſt* vt iuravi in ira mea, *dicens*,
videamus ſi introibunt in requiem meam, & *ter-*
ram promiſſionis, qui vltimus ſinis eſt iuſtitie: certò
non introibunt ob peccata ſua, non introibunt.

EXPLA-

EXPLANATIO.

Super omnes deos] Potest accipi in bonam partem de Angelis & principibus, de quibus dicitur: Ego dixi, quia dij estis; vel in malam de gentium dæmoniis.

P S A L M V S XCV.

Titulus.

(Psalmus *cantatus* ipsi David, quando domus & tabernaculum Dei ædificabatur in monte Sion, & iterum *cantatus* post captiuitatem.)

Argumentum.

1. **I**nuitat David ad laudes Deo canendas primùm homines:
2. Deinde terram ipsam, cælumque, & mare, & omnia quæ in eis sunt. Possuntque omnia mysticè accipi de Christo.

1. **C**Antate Domino canticum nouum: cantate Domino omnis terra, *ob noua beneficia in nos collata.*

Cantate Domino, & benedicite nomini eius: annunciate *euangelizantes* de die in diem salutare eius, *quod nobis præstuit.*

Annunciate inter gentes gloriã eius, in omnibus populis mirabilia eius, *quæ à communi hominum intelligentia longè sunt separata.*

Quoniã magnus Dñs, & laudabilis nimis: terribilis est super omnes deos, *quos potētia sua coercet.*

Quoniam omnes dij gentium *vana* dæmonia & inania idola sculptilia quæ nihil possunt nec agunt: Dominus autem cælus fecit.

Confes-

Confessio gloria & pulchritudo decorq; in conspectu eius: sanctimonia & magnificentia fortitudôque & maiestas in sanctificatione & sanctuario eius.

Afferte Domino vos patriæ & familie gentium ac populorum: afferte Domino gloriam & honorem, predicantes fortitudinem eius: afferte Domino gloriam, nomini eius debitam.

Tollite & afferte hostias ac munera, & introite in atria eius: incuruate vos, & adorare Dominum in decore sancto, & atrio sancto eius.

2. Commoueatur & pauca à facie eius vniuersa terra: dicite & predicate in gentibus, quia Dominus regnavit, & imperiũ orbis iam suscepit.

Etenim correxit & vi verbi sui firmabit orbem (terræ:) qui per hoc tam fiet stabilis, vt non labetur nec commouebitur: iudicabit omnes populos in summa rectitudine & æquitate.

Lætentur cæli, & exsultet terra, commoueatur & intonet mare, & plenitudo eius: etenim gaudebunt & campi, & omnia quæ in eis sunt.

Tunc exsultabunt & laudes canent omnia ligna siluarum à vultu & coram facie Domini, quia nimirum venit: quoniam, dico, venit iudicare terram.

Etenim iudicabit orbem (terræ) in iustitia & æquitate, & populos in fide & veritate sua.

EXPLANATIO.

Damonia] Si verbum verbo reddas, vanitates dicuntur: quoniam quidquid extra & contra Deum est, nihil aliud est quàm inanitas.

Æquitate, veritate] Dux formæ iustitiæ sunt: æquitas, quæ benignitatis est; & rectitudo, quæ veritatis. potest etiam per veritatem prudentia intelligi, & per æquitatem iustitia.

PSALMVS XCVI.

Titulus.

(*Psalmus cantatus huic David, quando parta victoria, terra eius restituta est ei.*)

Argumentum.

1. **C**elebrat veri Dei imperium, & aduētum Christi vir sanctus.
2. Vnde idololatriā cessat, & vnū Deum coli iubet. 3. Admonens porro omnes rectos ac bonos, vt ita quoque faciant.

1. **D**ominus regnauit, & imperium iam suscepit: quare exsultet terra continens, & latentur insulæ, quæ multæ sunt numero.

Nubes & caligo in circuitu eius, ne profanorum oculis diuinitas eius adspiciatur, dum corpore mortali tectus est: iustitia & iudicium, quibus bonis & malis pro meritis tribuit, sunt correctio & habitatio, firmamentumque & fulcimentum sedis ac throni eius.

Ignis seueritatis ac rigoris ante ipsum & faciem eius præcedet: & inflammabit ac comburet in circuitu inimicos eius.

Alluxerunt

Alluxerunt & apparuerunt cum magna claritate fulgura Spiritus sancti eius orbi (terræ) in specie linguarum: vidit ea, & commota est terra.

Montes alti ac superbi sicut cera liquefacti fluxerunt à facie Domini: à facie Domini commota est omnis terra, cuius ipse vniversa Rex est & Dominus.

Annunciauerunt cæli & Angeli hominesq; celestes iustitiam eius, in seruanda promissione aduentus sui: & viderunt omnes populi gloriam & gratiam eius, quam in terram adduxit.

2. Ergo confundantur ac pudefiant omnes qui adorant sculptilia, & seruiunt eis: & erubescant cuncti qui gloriantur in vacuis & inanibus simulacris & idolis (suis.)

Quin vos qui id facitis, è contrà vnum Dominum colite, & incuruati adorare eū: vos ipsi omnes qui apud gentes pro diis colimini, facite quemadmodum ceteri Angeli eius. quod vos ita facturos, cunctosq; ad veri Dei cultum se conuersuros, iam per Prophetas audiuit Ierusalem, & lætata est super eo arx eius Sion.

Et exsultauerūt filię vniversa Iudæ, propter hanc tam admiranda iudicia & facta tua, ô Domine.

Quoniam tu iam Dominus es altissimus super omnem terram: nimis exaltatus es super omnes Deos.

3. Quod videntes quotquot estis qui diligitis Dominū, odite malum: custodit enim Dominus

Z animas

animas sanctorum suorum, quos gratia sua complexus est: & de manu impij peccatoris eruet ac liberabit eos.

Per illum quippe lux seminata & orta est iusto, qui quod bonum est querit: & rectis corde data est lætitia.

Quare lætamini iusti in Domino, & confitemini ac gratulamini memoriæ sanctificationis eius.

EXPLANATIO.

Lux, lætitia] Hæc præmia sunt iustitiæ, & cum ea coniuncta, ut aliis locis exposuimus.

PSALMVS XCVII.

Titulus.

Psalmus (cantatus ipsi Dauid.)

Argumentum.

1. **I**nuitat Propheta homines ad Dei laudes decantandas, ob res præclare gestas, & Christi aduentum. 2. Inuitat quoque mare & terram, & omnia quæ in eis sunt.

1. **C**Antate Domino canticum nouum, quia mirabilia, & longè supra captum humanum posita, iam nouè fecit.

Saluauit ipsum mundum cum toto genere humano sibi dextera eius, sine ullo auxilio alieno; & brachium sanctum eius.

Notum fecit Dominus toti orbi salutare suum, quod in hunc mūdum per gratiam intulit: in oculis

& conspectu omnium gentium reuelavit iustitiam suam, quam palam & aperte per doctrinam veritatis ostendit.

Recordatus est, inquam, misericordiæ suæ, ad nos redimendos: & veritatis suæ, ad promissa de aduentu suo domui Israël facta præstāda.

Et sic viderunt omnes termini terræ salutare Dei nostri.

2. Qua quidem de re iubilate & clangite, ut dixi, Deo omnis terra: alta voce cantate, & exultate, & psallite.

Psallite Domino in cithara, in cithara, inquam, & voce psalmi, in tubis ductilibus, & voce tubæ corneæ, sic ut vox & instrumenta coniungantur.

Iubilate in conspectu Regis Domini nostri, & intonet & moueatur mare, & plenitudo eius, orbis (terrarum,) & qui habitant in eo.

Flumina plaudent manu, simul omnes montes cum laude exultabunt à conspectu & in præsentia Domini, quoniam venit iudicare terram.

Iudicabit autem orbē terrarum in iustitia, quod veritatis est: & populos in æquitate, quod gratiæ.

EXPLANATIO.

Mare] Sæpe inuitat Propheta cælum, terram, & animantia ad laudes Deo canendas: non quidem quòd sensum illa habeāt; sed quòd per ea quæ faciunt, ad laudem Dei nos conuertamus, & per illa ad ipsam excitamur. Atque eodem modo docere quoque nos dicuntur. veluti, Dies diei eructat verbum, & nox nocti indicat scientiam.

PSALMVS XCVIII.

Titulus.

(Psalmus cantatus ipsi David.)

Argumentum.

1. **A**dhortatur nos vir sanctus ad laudes Deo & Christo eius cantandos. 2. Quemadmodum Moysen ducem, Aaron sacerdotem, & Samuelem Prophetam fecisse ait. 3. Quos ut imitemur, monet.

1. **D**ominus regnavit, & sceptrum gubernationis iam assumpsit, itaq; irascantur ac contremiscant populi: ille, inquam, Dominus qui sedet super Cherubim in propitiatorio arca fœderis, advenit, quare moneatur terra.

Dominus qui in Sion colitur, magnus est, & excelsus super omnes populos.

Confiteantur, ô Domine, cuncti, & accepta referant omnia quæ habent, nomini tuo magno: quoniam & terribile & sanctum est: & honor ac fortitudo tua, quæ potentissimi Regis est, iudicium diligit; sic ut auctoritatem cum iustitia, severitatem cum mansuetudine semper coniungas.

Tu enim parasti ac fundasti directiones, ipsamq; æquitatem: iudiciû & iustitiam in Iacob tu fecisti.

Quare exaltate omnes, quotquot estis, Dominum Deum nostrum, & incurvari adorate scabellum pedum eius: (quoniam) uti ille sanctus, sic & ipsum sanctum est.

2. Ita enim fecerunt Moyses & Aaron, qui erant
in

in sacerdotibus eius : & Samuel, qui erat (inter eos) qui inuocant nomen eius.

Illi inuocabant Dominum : & ipse, votis eorum respondens, exaudiebat eos, & in columna nubis loquebatur ad eos.

Custodiebant testimonia oris eius, & præceptum quod dedit ac statuit illis.

Quod videns, Domine Deus noster, tu exaudiebas eos, & votis eorum respondebas : ô Deus, tu percipisti, & propitius indulgensq; fuisti eis, & vlciscens in omnes adinventiones, & opera, studiâque eorum qui quid mali aduersum eos machinabantur.

3. *Quod quidem cum ita se habeat, & vos quotquot estis sancti, imitantes pios illos viros, exaltate Dominum Deum nostrum, & incuruati adorare in monte sancto eius: quoniam sanctus Dominus Deus noster, in quo solo tamquam vltimo fine est acquiescendum.*

EXPLANATIO.

Scabellum] Monet, vel infima quæque quæ Deus fecit, & eius participatione sunt sancta, ad Deum cum omni humilitate adorandum, sic vt non tam ad illum quam ad scabellum eius dumtaxat oculos tollamus, nos debere excitare.

Sanctum] Id propriè sanctum est, quod ad hoc nos inuitat, vt, depositis omnibus actionibus exterioribus, vni Deo vacemus.

Testimonia, præceptum] Testimonia, leges narratiuæ sunt: præcepta, quæ mandant.

Titulus.

Psalmus laudis & gratiarum actionis in confessione beneficiorum Dei.

Argumentum.

1. *I* Nuitat nos vtr sanctus ad Deum, & Filium eius Christum laudandum ac prædicandum. 2. Quoniam & creator noster est, vt simus; & rector in veritate & misericordia, vt bene simus.

1. *I* Vbilate ac clangite Deo omnis terra: seruite Domino; & colite eum in lætitia.

Introite in conspectu eius in exultatione & laude.

2. *E*tenim scitote quoniam Dominus ipse est Deus: ipse sibi & ad cultum suum fecit nos, & non ipsi nos.

Sed sumus populus eius; & oves pascuæ eius; *quare* introite portas tabernaculi eius in confessione gratiarum actionis, atria eius in hymnis laudis, confitemini illi, & acceptum ei referite quicquid habetis.

Laudate & prædicate nomen eius, quoniam suavis & benignus est Dominus: in æternum misericordia eius, ad peccata condonanda; & vsque in generationem & generationem veritas eius, ad promissa præstanda.

EXPLA-

EXPLANATIO.

Portas] Hæ portæ historicè de tabernaculo, & eius atrio intelligi possunt; allegoricè de portis iustitiæ, per quas in domum Dei intratur, ad laudes ei decantandas.

PSALMVS . C.

Titulus.

Psalmus cantatus ipsi David.

Argumentum.

1. **C**elebrat David misericordiam & iudicium Domini. quod & se utrūque ab illo didicisse ait. 2. Quia quidē se factum est, ut ipse innocēs effusus, nocentes omnes ab se repelleret, quod iudicij est; 3. Et innocentes ad se alliceret, quod misericordiz. Vtrumque Chaitus, gratiz & veritatis plenus, in hunc mundum intulit.

1. **M**isericordiam tuam in peccatis condonandis veniam petentibus, & iudicium tuum in vindicandis superbis, cantabo & carminibus celebrabo, tibi, inquam, cātabo & laudes dicam, ô Domine: & psallam ampliùs, & intelligam. erudiarq; in via perfectā & immaculatā, exercens quoque misericordiā & iustitiā, quemadmodum tu facis. quando venies ad me, ad me docendum ac dirigendum? quod quidem quando erit? quando, ô Domine?

2. Nam quoties hoc fecisti, semper perambulabam in innocentia & integritate cordis mei, tum quidem publicè, tum verò priuatim in medio domus meæ.

Non proponebam ante oculos meos rem iniustam, ut verbum Belial, & malignum consilium.

impiorum hominum sequeretur: sed contra declinantes à via tua, & facientes prauaricationes, odiui.

Non adhæsit mihi quisquam ex illo genere hominum: cor prauum & tortuosum reuertebatur à me, omnemque hominem peruersum penitus declinantem ac recedentem à me, videres: denique impium & malignum prorsus non cognoscebam.

Detrahentem secretò proximo suo, hunc ad interfectionem vsq; persequabar, & funditus perdebam.

Superbo, elatoq; oculo, & alto, ambitioneq; hominum insatiabili corde, cum hoc non edebam, nec ferre eum poteram.

3. *Ceterum oculi mei intenti erant ad fideles terræ, qui fidem & iustitiam in hoc mundo custodiunt, ut sedeant ac habitent mecum in domo mea: ambulans in via immaculata, vitæq; perfectione & integritate, hic mihi ministrabat.*

Contra autem non habitabit umquam in medio domus meæ qui dolum opere facit & superbiam: & qui verbis loquitur iniqua & mendacia, non dixit vllò tempore, nec placebit, aut durabit in conspectu è regione oculorum meorum.

Etenim singulis diebus in ipso matutino, ne qua mora esset, interficiebā, quantum in me erat, omnes impios ac peccatores terræ: ut paulatim disperderem & penitus exterminarem de ciuitate Domini, in qua nihil debet esse abominabile, omnes operantes iniquitatem.

EXPLANATIO.

Misericordiam] Describitur hîc optimi Regis officium, quod ad Dei imitationem in duobus consistit, nempe ut malos puniat, bonos autem præmio afficiat, in omnibus autem misericordiam cum iudicio, & iudicium cum misericordia coniungat.

PSALMVS CI.

Titulus.

Oratio pauperis, cùm anxius fuerit & *opertus confusione*, & coram Domino effuderit precem suam.

Argumentum.

1. **P**opulus Israeliticus in captiuitatem abductus, Dei auxilium implorans, enarrat quantis in malis versetur, & quòrum sic redactus. 2. Quamobrem ut exaluet, & in terram suam restitui possit, orat: quod & ita fore omnino confidit, sic ut ad Deum precandam omnes Hierosolymam accurrent. 3. Quod ut suis diebus fiat, & non antè e vita excedat, supplicat.

1. **D**omine exaudi orationem meam, & clamor meus ad te veniat.

Non auertas *nec abscondas* faciem tuam à me: in quacumque die tribulor, & *in angustia* versor, inclina ad me aurem tuam.

In quacumque die inuocauero te, *festina, quaeso*, & velociter exaudi me, *votisq; meis responde.*

Quia defecerunt sicut fumus dies mei: & ossa mea sicut cremium atque uir, & sicut torris ac focus assiduo ardore exsiccata sunt.

Percussus & amputatus sum ut fœnum, quod falce diffecatur; & aruit cor meum: quia præ nimia calamitate oblitus sum comedere panem meum.

A voce gemitus mei, dum assiduo fletu me mace-ro, vix adhæsit os meum carni meæ, nihil aliud habens quàm pellem & ossa.

Similis factus sum pellicano, non aquatico quidem, qui cœchis se replens, & anibus pisces captos eripiens, rebus omnibus abundat, sed solitudinis, qui filios suos à serpentibus occisos luget, donec proprio sanguine suo ad vitam eos renocat: factus sum, inquam, sicut bubo, sine cuculus, ac nicticorax habitans in domicilio deserto ac ruinoso.

Vigilavi præ solitudine & anxietate, & factus sum sicut passer; qui coniuge priuatus, solitarius ac mœstus sedet in tecto.

Tota die exprobrabant & contumeliosè insultabant mihi inimici mei: & qui in faciem laudabant me, aduersum me iurabant, deridentes ac deludentes me, & in extremis miseriis ac calamitatibus meis exsultantes; quæ quidem tanta sunt, ut qui iurantes mala sibi volunt precari, meas calamitates sibi imprecantur.

Quia puluere præ luctu cōspersus, cinerem tamquam panem manducabam, & poculum potumq; meum cum fletu & lacrymis miscebam.

Atque hac omnia non aliunde mihi procedunt, quàm à facie iræ tuæ, & indignationis tuæ: quia quo fortius me affligeres, eleuans me prius in altum, post

postallifisti & in terram proiecisti me.

Vnde dies mei sicut umbra, quæ iam inclinata tenebris proxima est, declinauerunt: & ego sicut herba & fœnum arui.

2. Caterum tu autem, Domine, in æternum permanes, & memoriale tuum in generatione & generationem.

Et verò non dubito, quin, quātumcumque durus nobis appareas, tu breui exurgēs misereberis Sion: quia tempus miserendi eius, quia iam venit tempus, & certum eius rei testimonium.

Quoniam placuerunt seruis tuis, etiam iis ipsis qui nos captiuos detinent, lapides eius, ad eam restaurandum: & terræ ac pulueris ruderumq; eius, in quibus nunc iacet diruta, miserebuntur.

Et sanè cū videbitur hæc restauratio, timebunt gentes nomen tuum Domine, & omnes Reges terræ gloriam tuam.

Quia postquam edificauit Dominus Sion, mox & videbitur in gloria sua.

Nam patebit cunctis, quòd respexit in orationem humilium & abiectorum, tamquam vilis myrica, omnique ope humana destitutorum; & quòd non spreuit precem eorum qui ad illum suspirant.

Sed & dicent, scribantur hæc in generatione altera pro posteris nostris: & sic populus qui creabitur, laudabit Dominum.

Quia prospexit de excelso sancto suo, Dominus de summo cælo in imam vsq; terrā adspexit.

Vt

Vt audiret gemitus compeditorum in vinculis,
vt solueret filios interemptorum, & ipsos morti
iam addictos.

Vt liberati de manibus hostium suorum, annun-
cient in Sion nomen Domini, & laudem eius in
Ierusalem.

Idēq; in conueniendo populos in vnum, cū
cuncta nationes ibi congregabuntur: & cū omnia
regna terra, & Reges eorum eo confluerent, vt seruiant
Domino.

3. Et verò videns quis ex iis qui eò properant, af-
fligi à Domino vires suas, & abbreviari dies suos, re-
spondit ei in via virtutis suæ, dum totis viribus fe-
stinat, egoq; vna cum eo dicam, O Domine, paucita-
tem ac breuitatem dierum meorum nuncia mihi,
vt sciam ecquid ad sanctam ciuitatem tuam, quam
tantopere videre cupio, peruenire queam, nec ne.

Ne, quæso, tollas aut reuoces me hinc, Deus meus,
in dimidio dierum meorum, qui tam sunt pauci;
cū contrà tu sis immortalis, & durent in genera-
tionem & generationem anni tui.

Initio enim tu Domine terram fundasti, &
opera manuum tuarum sunt cæli.

Ipsi peribunt, tu autem stabilis permanes: &
omnes ipsi sicut vestimentum & pannus atteren-
tur ac veterascent.

Et sicut opertorium ac pallium mutabis eos, &
mutabuntur: tu autem, idem ipse es, & anni tui
non complebuntur aut deficient.

Et

Et similiter filij seruatorum tuorum perpetuo tecum habitabunt: & semen eorum in seculum ante te ac faciem tuam perseverabit, & in recta via dirigetur.

EXPLANATIO.

Domine exaudi.] Tametsi quidem ad liberationem à captiuitate litera huius Psalmi pertineat, mysticè tamen ad Christum omnino referri debet: vt per eum à captiuitate Diaboli liberemur, & verè patriæ cælesti restituamur. Estque hic verus ille pelicanus, qui genus humanum à serpente occisum, sanguine suo ad vitam reuocauit.

PSALMVS CII.

Titulus.

Psalmus cantatu ipli Dauid.

Argumentum.

1. Incitat vir sanctus seipsum ad laudes Dei prædicandas, ob beneficia ab eo accepta, circa animi, corporis, & externa bona, secundum immensam ipsius misericordiam. 2. Quam multis & amplissimis verbis celebrans, tantam esse ait, vt non solum peccata ob fragilitatem nobis in ter a cõdoner, sed & vitam æternam in celo tribuat. 3. Quare ad gratias illi agendas omnes omnino cælestes pariter ac terrestres inuitat, ter eundem sermonem repetens.

1. **B**enedic anima mea, & gratias age Domino: & omnia viscera & cogitata quæ intra me sunt, canite nomini sancto eius.

Benedic, inquam, anima mea Domino, & noli obliuisci omnes retributiones & beneficia eius.

Qui propitiatur & veniam dat omnibus iniquitatibus tuis, quæ animi sunt: & qui sanat omnes

omnes infirmitates tuas, *que corporis.*

Qui redimit de interitu & fouea vitam tuam:
qui regio diademate coronat, & tamquam scuto fir-
missimo circumdat te in misericordia & misera-
tionibus.

Qui satiat ac replet in bonis desiderium & os
tuum, totamq; animam tuam, cuiusq; beneficio re-
nouabitur, ut aquile, qua veteres plumas mutât, &
rostrum innouat, iuuentus tua.

Qui quotidie exhibet & faciens est misericor-
dias & iustitias Dñs: & iudicium omnibus iniu-
riam per vim & calumniam fraudemq; patiētibus.

Qui notas fecit vias suas Moyfi, & filiis Israël
consilia & voluntates suas.

Qui miserator & misericors, clemensq; & placi-
dus est Dominus: longanimis in ira concipienda,
& multum misericors in gratia facienda.

2. Non ille in perpetuum irascetur, ac contendet:
neque in eternum cōminabitur, & odium seruabit.

Non enim secundum peccata nostra fecit no-
bis, neque secundum iniquitates nostras retribuit
nobis, sed secundum immensam bonitatem suam.

Quoniam secundum altitudinem cæli à terra,
corroborauit & amplificauit misericordiam suam
super timentes se.

Quantum distat ortus ab occidente, tam lon-
gè fecit à nobis iniquitates & transgressiones
nostras.

Quomodo miseretur pater filiorum, misertus
est

est Dominus timentibus se: quoniam ipse cognovit fragilē *plasmationem*, & figmentum nostrum, & quanta ad malum in nobis est *proclinitas*.

Recordatus est, *inquā*, quoniam pulvis sumus, è terra *sumpti*: & quòd nihil aliud est homo, quàm sicut fœnum dies eius: & quòd tamquam flos agri sic effloreat.

Quoniam si quis spiritus & ventus immitior pertransibit in illo, *eumq;* vret, continuo marcescet, & non subsistet, quantumcūque pulchrè paulo antè florebat: & quod magis est, non cognoscet amplius nec ipse locū suum, nec locus eum: sic ut nihil aliud sit homo, quàm spiritus per corpus transiens.

Ceterum misericordia autem Domini ab æterno & vsque in æternum super timentes eum, ut peccata eorum remittat.

Et iustitia illius in promissis seruandis extendetur in filios filiorum, his qui seruant fœdus ac testamentum eius,

Et memores sunt mandatorū ipsius, non solum ad intelligendum, sed & ad faciendum ea.

Ad quod remunerandum, Dominus in cælo parauit ac stabilinuit thronum ac sedem suam: & regnum ipsius omnibus dominabitur.

3. *Quæ quidem cū ita se habeant; age, ut initio dixi, benedicite Domino, & cum gratiarum actione eum collaudate omnes quotquot estis calites Angeli eius, potentes robore ac virtute, & facientes verbum ac iussum illius, dum vos & alios dirigitis*

dirigitis ad obediendum, & audiendam vocem sermonum eius.

Benedicite Domino omnes virtutes & exercitus eius: ministri eius, qui *exsequimini* & facitis placitum & voluntatem eius.

Benedicite, inquit, Domino omnia opera eius: in omni loco dominationis & imperij eius, benedic tu anima mea Domino.

EXPLANATIO.

Misericordia & miserationibus] Misericordia, ipsa virtus est; miserationes, sunt facta quæ ex misericordia proficiuntur.

PSALMVS CIII.

Titulus.

(Psalmus scriptus ipsi David.)

Argumentum.

1. INCIPIT vir sanctus seipsum ad laudes Dei decantandas, primum ipsam describens. 2. Deinde, quomodo fecerit terræ & ætrem, montesque & valles, ad hominum commoditatem; nec non fontes & flumines, ad ædum & fructuum usum. 3. Tum, quo pacto fecerit Solem & Lunam, diemque & noctem, & quid quodque tempore fiat. 4. Post, quoniam modo mare creavit, & animalia eius, quæ omnia de manu eius viuunt. 5. Quibus contemplandis admiratione commotus, iterum Deum prædicat, & laudibus extollit.

1. **B**enedic anima mea, & cum laude gratias age Domino: ô Domine Deus meus, magnificatus es vehementer.

Confessionem ac prædicationem gloria, & decorem maiestatis tamquam palliū induisti, dum vndiq;

iis cingeris, & amictus ac cooperitus es lumine sicut vestimento.

Extendens cælum sicut cortinam & pellem, in quibus quasi solaria calorem adificas ac contignas: qui tegis aquis superiora cenacula eius.

Qui ponis nubes densas ad ascensum & currum tuum, qui ambulas super pennas & alas ventorum.

Qui facis Angelos ac nuncios tuos spiritus caelestes, & vëtos elemëntares; & ministros tuos ignem vrentem.

2. Qui fundasti terram super stabilitatem ac basim suam, sic vt non inclinabitur nec commouebitur in sæculum sæculi.

Etenim abyssus sicut vestimentum amictus eius, quo initio operuisti illam, adeo vt super montes ipsos starent & semper stabunt aquæ.

Quæ quidem ab increpatione tua fugiebant, & perpetuo fugient, & à voce tonitruï tui formidabunt, dum præcipites semper defluent, vt initio defluebant.

Quæ quidem re fit, quod adscendunt & in altum se extollunt montes, & descendunt ac subsidunt valles ac campi in locum quem fundasti ac designasti eis.

Et quantum ad aquas attinet, terminum posuisti eis in Oceano, quem non transgredientur, nec conuertentur operire terram, nisi tu ita iusseris.

Tu es qui emittis fontes in conuallibus, sic vt ex iis flumini fiant; & facis vt inter medium

montium petransibunt & decurrent aquæ.

Unde potabunt semper omnes bestię agri, & expectabunt onagri in siti sua, ad eam sedandam ac restringendam.

Super ea autem ad ripas ipsas fluminum volucres cæli habitabunt in silvis ac montibus, & de medio petrarum ac frondium dabunt voces.

Tu rigans es montes de superioribus suis nubi-
bus, quæ illis impendent: & de fructu operum tuorum satiabitur quicquid degit in omni terra.

Etenim ad aquationem tuam producens es fœnum incultum iumentis, & herbam cultam seruituti hominum, filiorum Adam.

Vt educaſ panein de terra, ad vitam ſouendam: & vinum, vt lætificet cor hominis.

Idq; ad eum finem, vt animo recreatus, exhilaret & nitere faciat faciem in oleo, ad voluptatem; & panis cor hominis confirmet ac ſuſtinet, ad neceſſitatem.

Sed & ſaturabuntur ligna campi, arbores Dei excelsæ, non hominis ſatu, ſed eius beneficio nata; & cedri Libani, quas plantauit manus tua: quoniam illic paſſeres, omniſq; generis aues nidificabunt.

Herodij ac ciconia domus eſt abies, quæ proceritate excellens inter arbores & ligna, quaſi dux eſt eorum: montes excelsi, ceruis & capris ſunt pro habitaculo: petra refugium & opertorium eſt herinaceis & cuniculis.

3. Fecit præterea dextera tua Lunam mutabilem
in

in tempora *nonulteriorum distinguenda*: Sol cognouit occasum suum.

Quo facto, posuisti tenebras, & facta est nox: in ipsa *reptantes prodibunt* & pertransibunt omnes bestię siluę, *quę de die latent*.

In quibus sunt & catuli leonum, rugientes ut predam rapiant, & quęrant à Deo escam sibi.

Ortus est iterum postea Sol, & ecce mox dicto citius congregati sunt, & turmatim recedunt, & in cubilibus *habitaculisq;* suis collocabuntur & *acubabunt.*

Contrà autem exsurgit è lecto & exhibet homo ad opus suum, & ad agriculturā, aliarumq; rerum ministerium, & operationē suā vsq; ad vesperum.

O quā magnificata & *multiplici varietate distincta* sunt opera tua Domine! omnia in sapientia fecisti, impleta est terra possessione tuā, & *rebus tuis.*

4. *Præter quę tu condidisti quoque* hoc mare magnū & spatiosum, tamquam manibus *expansis*: illic sunt reptilia, quorum non est numerus.

Illic animalia pusilla cum magnis, illic naues pertransibunt, & *transseunt quoridie.*

Illic cete ac draco est iste maximus, leuiathan nomine, quem formasti ad illudendum ei, & in ipso mari se oblectandū: omnia à te expectant, & *sperant in te*, ut des illis escam in tempore opportuno.

Dante te illis, colligēt; aperiēte te manū tuam, omnia implebuntur ac *saturabuntur* bonitate.

Auertente autem & abscondente te faciem, cum terrore turbabuntur: auferes spiritum eorum, & deficient, & in puluerem suum reuertentur.

Emittes rursum Spiritum tuum, & creabuntur, & renouabis faciem terræ.

5. *Quæ quidem cum ita se habeant, sit gloria Domini in sæculum æternum, ut sanè erit: nam laudabitur semper Dominus in operibus suis.*

Dominus, inquam, qui respicit terram, & facit eam tremere: qui tangit montes, & fumigant.

Ego autem cantabo Domino in tota vita mea, & omnibus vitis meis psallam Deo meo, quàm diu sum.

Iucundum sit ei modò eloquium meum, ego verò delectabor in Domino.

Denique deficient peccatores à terra, & impij ac iniqui, ita ut non sint amplius: tu autem, ut insitio dixi, benedic anima mea Domino, idemq; & vos omnes p̃ij facite, Deumq; vnà mecum laudate. Alleluia.

EXPLANATIO.

Benedic] Laudes quas David Deo canit, subinde à rebus gestis ducuntur, & beneficiis præstitis; subinde à rebus quas toto orbe condidit, ut in hoc Psalmo.

PSAL-

PSALMVS CIIII.

*Titulus.**Laudate Dominum Alleluia.**Argumentum.*

1. **I**Nuitat David populum Israeliticum ad Dei laudes decantandas, ob beneficia in illos collata. 2. Quorum summa est, quod promissione Abrahamo ea de re facta, semini illius terrā Chanāan habitandam dedit. 3. Vocans eos, cū adhuc pauci essent, in Aegyptum occasione famis, quō iam Iosephum prēmiserat, ut eos exciperet. 4. Vnde post eos eduxit per Moysen & Aaron per quos multa signa edebat, ut Aegyptij populū ipsius dimitteret. 5. Quod & factum est: & sic multis admirabilibus circa eos in deserto exhibitis, deduxit eos tandem in terram promissionis, ut ibi Deo seruiat, & secundū eius mandata viuant.

1. **C**onfitemini & gratias agite Domino de præteritis beneficiis ab eo acceptis: & pro futuro inuocate nomen eius, & annunciate ac nota facite inter gentes opera eius.

Cantate ei & psallite ei, narrate omnia mirabilia eius.

Laudamini inter vos & gloriamini in nomine sancto eius, lætetur cor quærentium Dominum.

Quærite Dominum ac fortitudinem eius, & confirmamini in eo: quærite faciem & fauorem eius semper, illum præ oculis semper habentes, & gratias illi semper agentes.

Mementote mirabilium eius quæ fecit, repetite memoria prodigia & miracula eius, & iudicia legesq; oris eius.

Etenim semen Abraham, serui sunt eius; & filij Iacob, electi eius.

Ipsè Dominus Deus noster est: in vniuersa terra exstant iudicia eius.

Memor fuit in sæculum æternum testamenti ac fœderis sui, verbū quod seruari mandauit in mille generationes.

2. Verbi, inquam, quod disposuit ad Abraham, & pepigit firmiter cum eo primò; & iuramenti sui quod præstitit ad Isaac secundo.

Et statuit illud tertio Iacob in præceptum, ac legem perpetuam, vt non alium quàm se Deum coleret; & Israel in testamentum & fœdus æternum, vt vicissim ipse singulari fauore eum completeretur.

Dicens: Tibi dabo terrā Chanaan, funiculum & sortem hæreditatis vestræ.

In vim cuius fœderis cū essent viri numero breui, imò paucissimi, & peregrini in ea, ac incolæ eius,

Et, quod magis est, oberrantes pertransierunt de gente in gentem, & de vno regno ad populum alterum:

Tamen non permisit nec reliquit hominem nocere, nec calumnians, aut iniuriam, fraudēne facere eis, & corripuit pro eis Reges.

Nolite, inquit, tangere Christos vinctos meos, & in Prophetis meis nolite malignari, nec vllò incommodo eos afficere.

3. Et vt viam ad eam rem paulatim muniret, vocauit

vocauit famē super terram, & omne virgultum, quod firmamentum est panis ad vitam sustentandam, contriuit, ut hac occasione in Ægyptum illis esset proficiscendum.

Sed priusquam irent, misit ante eos virum, qui eos venientes benignè esset accepturus: & hac de causa in seruum venundatus est Ioseph.

Imò humiliauerunt Ægyptij & afflixerunt in compedibus pedes eius, ferrum pertransiit animam eius, fuitq; ferro vinctus vsque ad illud tempus donec veniret verbum eius, quod de illo Dominus decreuerat.

Tunc enim eloquium Domini inflāmauit eum ad sōmnia interpretanda: qua occasione & à squalore ac sordibus carceris liberatus & purgatus est: nam misit Rex, & soluit eum; princeps populorum, & aperto carcere dimisit eum.

Et constituit eum dominum domus suæ, & principem omnis possessionis suæ.

Vt tanquam magister ac dux erudiret, & si opus esset, vinculis constringeret principes eius, sicut secundum semetipsum, pro ratione ac intelligētia sua, videret conuenire, & senes eius prudentiā doceret.

Et hoc modo rebus omnibus preparatis, intrauit Israël in Ægyptum, & Iacob accola peregrinusq; fuit in terra Cham, vnde Ægyptij descenderunt.

Et auxit populum suum Dominus vehementer: & firmavit, & tam viribus quàm robore fortem fecit eum super inimicos eius.

4. *Postea autem cum tempus esset ut ad terram promissionis ex Aegypto redirent, conuertit cor eorum ut odirent populum eius, & dolum facerent in seruos eius.*

Qua occasione misit Moysen seruum suum: & cum eo Aaron, quem elegit sibi ad hoc ipsum.

Ac quo missionis suae fidem facerent, posuit in eis verba, & potestatem signorum suorum, & prodigiorum mirabilium, quae in nomine ipsius, & tamquam veri illius nuncij, ederent in terra Cham.

Etenim misit per manum eorum, qui dicto illius in omnibus obtemperabant, tenebras, & obscurauit totam Aegyptum, & non exacerbauit tum temporis magis sermones suos, sperans eam rem effecturam, ut ad meliorem mentem Aegyptij venirent, & aduersum verba & mandata sua non rebellarent.

Quod cum non facerent, conuertit aquas eorum in sanguinem, & occidit pisces eorum.

Sed edidit & quasi ebulliuit terra eorum ranas, idque vel in intimis penetralibus ac cubilibus regum ipsorum.

Dixit, & venit cynomyia, ingensque multitudo mixta ex omni genere muscarum & insectorum: & exstiterunt ciniphes ac pediculi in omnibus finibus eorum.

Quin & posuit ac conuertit pluuias eorum in grandinem, & in ignem comburentem ac flagrantem in terra ipsorum.

Et percussit vineas eorum, & ficulneas eorum,
 &

& cōfregit ac cōtrivit lignū & arbores finiū eorum.

Dixit, & venit locusta & bruchus, cuius non erat numerus.

Et comedit omne fœnum & herbam in terra eorum, & comedit ac deuorauit (omnē) fructum terræ eorum.

Et percussit omne primogenitum in terra eorum, primitias omnis laboris & roboris eorum.

5. Et eduxit eos cum argento & auro, & non erat in tribubus eorum *quisquam* infirmus.

Lætata est Ægyptus in abitu & profectiōe eorū, quia cecidit & incubuit timor eorū super eos.

Expandit Dominus nubem in protectionem & quasi tabernaculum integumentūq; eorum: & ignem, vt luceret eis per noctem.

Petierunt, & venit coturnix in magna copia, & pane cæli saturauit eos.

Aperuit & dirupit petram, & fluxerunt aquæ, abierunt & cucurrerunt in sicco flumina.

Quæ quidem omnia fecit, quoniam memor fuit verbi sancti sui (quod habuit) ad Abraham seruum ac puerum suum.

Et eduxit populum suum in incunditate & exultatione, & electos suos in cantu & lætitia.

Et dedit illis terras ac regiones gentium, & labores populorum hereditate possederunt.

Vt custodiant iustificationes & statuta eius, & legem eius requirant ac seruent. *Laudate Dominum. Alleluia.*

EXPLANATIO.

Prodigia, iudicia] In iis quæ Dominus facit, duo sunt semper spectanda: id quod facit, quod sensu oculorum percipitur; & quo iudicio facit, quod non nisi mente intelligitur.

Vocauit famem.] Nota, dum Deus vnum iuste punit, alij merenti beneficium ex ea re struere. Et quemadmodum eos quos punire vult, subinde beneficiis afficit: ita eos quos beneficiis vult ornare, in malis nonnumquam antè exercet. Ita iustitia eius sicut montes Dei, & iudicia eius abyssus multa.

PSALMVS CV.

Titulus.

Laudate Dominum Alleluia.

Argumentum.

1. **I**ncitans nos vir sanctus ad laudes Deo cantandas: 2. Orat sub persona populi Israelitici, vt sibi adesse velit, tametsi peccatori.
3. Quoniam olim circa eundem populum idem fecit, cum per mare rubrum eos deduceret, qua de re primum quidem illi gratias agebant, sed mox grauissimè aduersum eum pecebant. 4. Vnde iratus Dominus, ac maxime quidem de vitulo adorato, vehementer eos puniuit donec Moyse pro iis intercederet, Deumque placaret.
5. Qua quidè re nihilo tamè adhuc meliores factos, iterum eos Deus fuit Dominus eos punire, propter Beelphegor adoratū, donec eadem per Phineas placaretur. 6. Quo facto iterum ad nefandissima peccata se conuerterunt, adeo vt & ipsum Moysem secus quam oportet loqui facerent, & proprios liberos suos demoniis suis sacrificarent.
7. Qua de causa iratus quidem fuit vsque ad furorem Dominus, & acerbissimè eos puniuit, sed ad extremum tamen in gratiam eos recepit. 8. Quare vt & nunc ita facere velit, peccatur.

1. **C**onfitemini Domino, & cum gratiarum actione omnia illi accepta referte, quoniam bonus

bonus ac benignus, quoniam in *eternum* sæculum
misericordia eius.

Quis satis dignè edisseret ac loquetur potentias
ac fortia facta Domini, auditas faciet omnes lau-
des eius?

Equidem beati qui custodiunt iudicium pu-
blicè, & faciunt iustitiã priuatim, in omni tẽpore.

2. Memento, *quæso*, nostri ò Domine in bene-
placito populi tui, *quẽ* omni favore prosequi soles: &
visita nos in salutari tuo, *ut* eius participes fiamus.

Idq; ad videndum in bonitate, *ut* cernamus bo-
na electorum tuorum, & ad letandum, quo & ipsi
gaudeamus in lætitia gentis tuæ, & ut lauderis à
nobis prædicantibus nomen tuum unà cum omni po-
pulo, quem peculiariter elegisti pro hæreditate tua.

3. Peccauimus quidem cum patribus nostris:
& legem tuam contorquẽtes, iniustè egimus, ini-
quitatem & impietatem fecimus.

Patres nostri in Ægypto non intellexerunt, nec
pro debito perpenderunt mirabilia opera tua, & non
fuerunt memores multitudinis misericordiæ tuæ.

Imò &, quod deterius est, rebelles facti, irritaue-
runt Dominum Deum suum, adscendentes in ma-
re, mare, dico, rubrum.

Et tamen vide quid fecit: equidem licet illi indigni
essent, saluauit tamen eos propter nomen suum,
ut notam faceret potentiam suam.

Et comminatus increpuit mare rubrum, & con-
tinuò exsiccatum est, & deduxit eos in mediis
aqua-

aquarum abyssis, sicut si ambularent in deserto.

Et saluauit eos de manu odientium, & redemit eos de manu inimici.

Et operuit aqua *hostes* tribulantes eos, vnus ex eis non remansit.

Et hoc videntes, crediderunt quidem verbis eius, & canentes laudauerunt laudem eius:

Sed id ad exiguum planè tempus; etenim festinantes citò aliter fecerūt, & obliti sunt operum eius, & non sustinuerūt nec exspectare voluerunt consilium eius, vt discerent quid porro esset agendum.

Et ideo, desideria sua sequentes, concupierūt concupiscentiam in deserto, & tentauerunt Deum in solitudine & in aquoso.

Et dedit eis petitionē ipsorum, & profligata penuria, misit saturitatem in animas eorum, quæ tamen post in maciem & perniciem eorum est cōuersa.

4. Etenim vti mox amulati sunt & irritauerunt Moysen prophetam in castris, & Aaron sanctū sacerdotē Domini: tumultū aduersum eum cōcitantes,

Aperta est terra, & deglutiuit Dathan, & operuit se super congregationem & multitudinem eorum qui conspirauerant cum Abiron.

Et exarsit ignis in synagoga & cœtu eorum, flamma combussit peccatores impios.

Nam præter hoc & fecerunt vitulum in Horeb: & proni adorauerūt sculptile quod ipsi conflauerāt.

Et mutauerunt gloriam suam, quam ex agnitione veri Dei præ cæteris gentibus habebant, in similitudinem

tudinē bonis ac vituli comedentis fœnū & gramē.

Et sic obliti sunt Deum, qui saluauit eos; qui fecit magnalia in Ægypto, mirabilia in terra Cham, terribilia in mari rubro.

Quod videns Dominus, iratus factus est, & dixit vt disperderet eos, si non Moyles electus eius medium se interposuisset, & stetisset in ipsa confectione ac vastatione, quam inter eos edebat in cōspectu eius, ad diuisos ac separatos reconciliandos.

5. Orans pro illis vt auerteret iram eius, ne disperderet eos: quod cū impetrasset, nihilo tamen meliores facti sunt, sed planē contumaces, sic vt spreuerunt, & re ipsa pro nihilo habuerunt terram desiderabilem.

Et non crediderunt verbo promissionis eius, & murmurauerunt in tabernaculis suis: & planē inobedientes facti, non exaudierunt vocem Domini.

Quare iterum excāduis, & leuauit manū suam cum iuramento super eos, vt prosterneret eos in deserto.

Et vt deiiceret ac dissiparet semen eorum in nationibus per cūctas gentes, & dispergeret eos in regionibus per omnes terras.

Nam præter supradicta, & initiati quoque ac consecrati sunt Beelphegor idolo Moabitaram, cui adhaerūt: & comederunt sacrificia mortuorum, quos, Deo vino relicto, pro diis colebant.

Et irritauerunt eum in omnibus studiis & adinventionibus suis: & creuit ac multiplicata est

est in eis ruina, & *mortalis plaga peccati.*

Quod animaduertens, exarsit protinus, & stetit in medio Phinees, sumitq; iustam vindictam ac supplicium de illis, Zambri. Israëlitam cum muliere Moabitide contumbentē interficiens: & sic placauit Dominum, & cessauit plaga ac quassatio eius.

Et reputatum est hoc ei ad iustitiam in generatione & generationem, vsque in sempiternum.

6. Et iterum irritauerunt eum ad aquas contradictionis, & vexatus est, *malumq; accepit* Moyses propter eos, quia exacerbauerunt & *rebellare fecerunt* spiritum eius.

Ita ut hoc causam ei dederit, quod perperam & inconsulto locutus est, & malè verba distinxit in labiis suis: unde Deus illi iratus factus est, & prater hoc populo quoque clara voce comminatus, propterea quod non disperdiderunt gentes quas dixit Dominus illis.

Et, *quod deterius est, cōmisti sunt inter gentes, & didicerunt opera eorum, & seruiuerunt sculptilibus eorum, & factum est illis in scandalum, magnumq; malum, & offendiculum.*

Nam & immolauerunt filios suos, & filias suas dæmoniis.

Et effuderunt sanguinem *mundum*, innocentem, sanguinem filiorum suorum, & filiarū suarum, quas sacrificauerunt sculptilibus Chanaan.

Et infecta *exsecrabilisq; facta* est terra in sanguinibus, & contaminata est, *tam ipsa quàm illi, in operi-*

operibus eorum; & *contra fidem Domino debitam*, fornicati sunt in adinventionibus & studiis suis, *in propria, non Dei, sapientia fundatis.*

7. Et iratus est quasi furore Dominus in populum suum, & abominatus est hæreditatem suam.

Et dedit ac tradidit eos in manus gentium, & dominati sunt eorum qui oderunt eos.

Et tribulauerunt penitusq; oppresserunt eos inimici eorum, & humiliati sunt sub manibus eorum. *ac quamquam quidem sæpe diuersis vicibus liberauit eos:*

Tamen ipsi autem nihilo meliores facti, semper rebellantes, exacerbauerunt eum de nouo in consilio suo, dum sua inuenta, non Dei, sequuntur: & sic depressi ac humiliati sunt in iniquitatibus suis.

Caterum tamen ad extremum Dominus pro immensa bonitate & misericordia sua vidit cum tribularentur, & audiuit lamentationem & orationem eorum.

Et memor fuit pacti ac testamenti sui cum eis, & pœnituit eum secundum multitudinem misericordię suæ.

Et dedit eos in misericordias. *sic vt grati fierent in conspectu omnium qui captiuos ceperant eos.*

8. *Quod quidem cum ita se habeat, saluos fac & nos, licet peccatores, vt supra dictum est, ô Domine Deus noster: & congrega ac in vnum collige nos de variis nationibus ac gentibus, per quas dispersi sumus.*

Ut cum gratiarum actione confiteamur nomini sancto tuo, tibi omnia accepta ferentes: & gloriamur de nobis in laude tua, quòd te Deum habemus, & quotidie laudamus,

Dicentes: Benedictus Dominus Deus Itraël à sæculo & vsque in sæculum: & respondens dicet omnis populus, Fiat, fiat.

EXPLANATIO.

Reputatum ad iustitiam] Licet enim forma qua Phinees Zambre occidebat, non omnino iusta erat; nam non est priuati, vindictam publicam sumere; quia tamen res per se iusta erat, & zelus iustus: totum factum illi reputatum fuit ad iustitiam, sic vt parua iniustitia per magnam iustitiam regeretur.

Vexatus est Moyses] Quemadmodum vno facto Phinees placatus fuit Dominus toti populo peccanti: ita è contrà ob leuissimum delictum iratus fuit Moysi in reliquis semper bene agentis. Ratio differentia est, quia primo impetu grauius peccata amicorum ferimus, quàm aliorum. Quia ira illa non absoluta est, vt ob id amici esse desinant; sed limitata, vt de Moyse accidit.

LIBER QVINTVS.

PSALMVS CVI.

*Titulus.**Laudate Dominum, Alleluia.**Argumentum.*

1. **A**Dhortatur nos Propheta ad laudes Deo canendas, initio quidem in genere, deinde autem in specie. 2. Primum, quia errantem populum in deserto, in viam rectam deduxit. 3. Deinde, quia eundem à peccato liberavit. 4. Tum, quia cum ipsum corpore ob peccata ægotantem sanauit. 5. Post, quia in aqua periclitantem liberavit. 6. Addens deinceps, quantis aliis bonis populum suum affecerit; quem ingratum ad tempus, quidem nonnumquam punit, sed mox in gratiam recipit. 7. Quæ omnia tam admirabilia virum iustum ac sapientem diligentem obseruare, malum autem negligere ait. Notandum autem in supradictis quatuor beneficiis specialibus, quæterna in singulis poni, necessitatē, inuocationem, auxilium & gratiarum actionem. Ex quibus versus inuocationis & gratiarum actionis sunt, qui intercalares apud Poetas vocantur.

1. **C**onfitemini Domino, & cum gratiarum actione omnia illi accepta referte: quoniam bonus & benignus, quoniam in æternum sæculum misericordia & clementia eius.

Dicant nunc hymnos qui redempti sunt à Domino, quos redemit de manu inimici: etenim de terris & regionibus per quas dispersi erant, congregauit ac collegit eos.

A Solis ortu & occasu, ab Aquilone, & mari Australi.

2. Qui errauerunt in solitudine in deserto: in
b aquo-

aquoso, & viam ciuitatis habitaculi ubi quisquam mortalium degeret, aut ipsi degere possent, non inuenerunt.

Sed cum esurientes & sitientes incederent, anima eorum in ipsis defecit ac collapsa est.

Et ideo clamauerunt ad Dominum cum tribularentur: & ille de angustis & necessitatibus eorum eripuit ac liberauit eos.

Et iter aggredi fecit ac deduxit eos in viam rectam, ut irent in ciuitatem habitationis sue.

Quare confiteantur & cantent Domino, celebremque faciant eum ipsa misericordiarum, & benigna opera eius; & narrent inter se mortales eas ipsas misericordias & reliqua mirabilia facta eius, qua filiis hominum, Adami posteris, praeiitit & exhibuit.

3. Quia satiauit animam inanem, & animam esurientem impleuit & satiauit bonis.

Sedentes in tenebris & in umbra mortis, & qui vincti erant in egestate ac mendicitate & ferro.

Quod ideo illis contigerat, quia exacerbauerunt & deseruerunt eloquia Dei, & consilium Altissimi irritauerunt & contempserunt.

Et ob hoc humiliatum & attritum est in labore & afflictione cor eorum, & infirmati lapsi sunt, nec fuit qui adiuuaret.

Et ideo clamauerunt iterum ad Dominum cum tribularentur: & ille de angustis & necessitatibus eorum eripuit ac liberauit eos.

Et

Et eduxit eos de tepebris, & vmbra mortis; & vincula eorum dirupit.

Ergo confiteantur & cantent Domino, celebrémque faciant eum ipse misericordiar & benigna opera eius; & narrent inter se mortales eas ipsas misericordias, & reliqua mirabilia facta eius, quae filiis hominum, *Adami posteris*, praestitit & exhibuit.

4. Ipse enim est qui contriuit portas aëreas, & vectes ferreos confregit.

Suscepit eos de via iniquitatis & prauaricationis eorum, in qua stulti ambulabant: propter iniustitias enim suas, factum est ipsis quod humiliati & afflicti sunt.

Adeo quod pra aegritudine omnem escam abominata est anima eorum, & appropinquauerunt vsque ad portas mortis.

Et denno clamauerunt ad Dominum cum tribularentur, & de angustiis ac necessitatibus eorum eripuit ac liberauit eos.

Et misit verbum suum salutare, & sanauit eos, & eripuit eos de interitionibus eorum, & quasi de ipso sepulchro ac fovea.

Quare confiteantur & cantent Domino, celebrémque faciant eum ipse misericordiar, & benigna opera eius; & narrent inter se mortales eas ipsas misericordias & reliqua mirabilia facta eius, quae filiis hominum, *Adami posteris*, praestitit & exhibuit.

Et sacrificent sacrificium laudis & gratiarum

actionis: & annuncient ac prædicent opera eius in exultatione & laude.

5. *Etenim qui descendunt mare in nauibus, facientes operationem & negotiantes in aquis illis vastissimis & multis,*

Ipsi viderunt & videt quotidie opera Domini, & mirabilia eius in profundo.

Dixit enim vno verbo, & continuo excitatus est & stetit in mari spiritus ac ventus procellæ, & exaltati sunt fluctus eius.

Adscendunt vsq; ad cælos, & descendunt vsque ad abyssos: vnde anima eorum, qui navi rehebantur, in malis tabescebat, & quasi liquefiebat.

Turbati sunt & moti sunt in gyrum, nutantes & vacillantes sicut ebrius: & omnis sapientia eorum, & peritia gubernandi, superante vi tempestatis, cessauit, & quasi deuorata & absorpta est.

Et rursum clamauerunt ad Dominum cum tribularentur, & de angustis & necessitatibus eorum eduxit eos.

Et mutauit ac statuuit procellam eius in auram tranquillam, & siluerunt ac conquieuerunt fluctus eius.

Et lætati sunt illi, quia siluerunt ac conquieuerunt: & deduxit eos in portum voluntatis eorum, quod iter instituerant.

Quare confiteantur & cantent Domino, celebrentq; faciant eum ipse misericordiæ, & benigna facta eius, & narrent inter se mortales, eas ipsas misericor-

ricordias, & reliqua mirabilia facta eius, quae filiis hominum, Adami posteris, praestitit & exhibuit.

Et exaltent eum in ecclesia ac congregatione plebis ac populi, & in cathedra ac confessa seniorum laudent eum.

6. Etenim intavit ac posuit flumina in desertum, & scaturigines ac exitus aquarum in siccitatem & sitim.

Petram ac terram fructiferam in saluginem ac sterilitatem, praestitit & a malitia inhabitantium in ea.

Et e contra posuit desertum in stagna aquarum, & terram siccam sine aqua in exitus aquarum.

Et collocavit illic esurientes, & constituerunt civitatem habitationis.

Et seminauerunt agros, & plantaerunt vineas, & fecerunt fructum & prouentum annuae natiuitatis & culturae.

Et benedixit eis Dominus, & multiplicati sunt nimis valde, & iumenta quoque eorum non minorauit.

Et ingratos se praestantes, rursum ob peccata sua pauci facti sunt, & vexati afflictique sunt a tribulatione malorum, & affecti grauissimo dolore & tristitia.

Effusa est contemptio super principes eorum, sic ut eos ipsi vilipenderent: & ita errare fecit eos sine duce in deserto inuio, & non in via.

Et deinde cum poenitentiam de peccatis agerent, adiunxit ac subleuauit pauperem de inopia, & posuit

sicut oues & greges pecudum familias eorum.

7. *Hæc (tam admiranda) videbunt recti, & lætabuntur in tanta Dei providentia: & contra omnis iniquitas claudet & oppilabit os suum, dum harum rerum nihil intelligit.*

Nam quis ferè inter mortales est sapiens, & custodiet ac obseruabit hæc, & intelliget misericordias & immensa beneficia Domini?

EXPLANATIO.

Tenebris & umbra mortis] Quoniam mors infimæ regionis mundi est obscuræ; ideo tenebræ & umbra illi tribuuntur. Est quæ duplex mors, vna corporis quoad vitam; altera animi, quoad virtutem.

Effusa est contemptio super principes] Cum populus siue suo vitio, siue ipsorum magistratuum, siue utrorumque, principes ac magistratus suos contemnit, certum est perniciem reipublicæ imminere.

PSALMVS CVII.

Titulus.

Canticum psalmi ut canatur ipsi Dauid.

Argumentum.

1. **L**audes Dei prædicans vir sanctus, petit ab eo exaudiri.
 2. Quod omnino ita putat futurum, quoniam id olim sic promissit, repetens verba eius in persona ipsius. 3. Vnde ad præcandum redit, ut victoria contra Idumæos potiri possit. Conuenitque hic Psalmus cum quinquagesimo sexto & nono.

1. **P**aratum cor meum Deus, (paratum cor meum) cantabo voce, & psallam instrumentis
musi-

musicis in gloria, & pro omni parte virili mea.

Euigila & exurge mecum ô nablum & psalterium meum, & tu cithara mea: exurgam enim diluculo, ipsamq; adeò auroram excitabo.

Et confitebor ac cum gratiarum actione omnia accepta feram tibi in populis & mediis eorum conuentibus, ô Domine, & psallam tibi in cunctis nationibus.

Quia magna est & super cælos usque extenditur bonitas & misericordia tua in peccatis condonandis; & usque ad nubes porrigitur iustitia, & veritas tua in promissis prestandis.

Exaltare igitur super cælos Deus, & extendatur super omnem terram gloria & maiestas tua, vt liberentur ab omnibus malis dilecti tui.

2. Saluum me fac dextera tua, & exaudi me, ac responde votis meis: quod sanè nihil dubito, quin ita sit futurum, quoniã Deus olim locutus est (& quasi promisit hoc nobis) in tabernaculo sancto suo.

Exultabo, inquit, & diuidam populo meo Sichimam, & conuallem tabernaculorum socchet dimetiar.

Meus est Galaad, & meus est Manasses, & Ephraim susceptio & fortitudo capitis mei.

Iuda rex, & dux, legiferq; meus: Moab, ita mihi subditus est, vt sit tamquam olla ac lebes spei mei, si quando lassus lauare me cupiam.

In Idumæam super Edom extendam calciamentum meum, vt pedibus meis eos subiiciam: & iam,

mihi *Philistæi*, alienigenæ, amici ac subditi facti sunt, sic ut triumphum de iis canam.

3. *Quæ quidem cum ita se habeant, ô Domine; quis deducet me in ciuitatem istam munitâ Edom, quam tanto tempore teneo obsessam? quis deducet me usq; in Idumæam, cum qua tam diu bellum gero? Nonne tu Deus qui hætenus repulisti nos? & non exhibis vel tandem ad pugnam Deus in virtutibus, & unâ cum exercitibus nostris?*

Da igitur, obsecro, nobis auxilium de tribulatione: quia vana & fallax salus hominis.

Sed in Deo reuera faciemus virtutem, & robur nostrum ostendemus, & ipse conculcabit & ad nihilum deducet inimicos nostros.

EXPLANATIO.

Gloria] Sic vocat vires animæ suæ, in qua omnis eius gloria propter Dei similitudinem consistit. Vnde & unicam suam eam alibi appellat.

PSALMVS CVIII.

Titulus.

In finem, siue ad summum præfectum chori missi, missus Psalmus Dauid.

Argumentum.

1. Implorans Dauid auxilium Dei contra Doeg, & alios obtrahatores suos, qui principem locum apud Saulem tenebant, enumerat mala quæ aduersum ipsum moluntur. 2. *Quæ de re ipsum dignis suppliciis affici ac puniri optat, quemadmodum eum decet qui falsò illi detrectat.* 3. *Orans è contra pro se ut à malis, in quibus*

quibus versatur, a Deo liberari possit. 4. Quod cum fiet, se Deo gratias acturum dicit. Genit hinc Dauid personam Christi de Iudæis ac maximè quidem de Iudà proditore, conquerentis.

1. **D**Eus, laus & gloria mea, quem solum laudibus cano, & a quo uno gloriam omnem accipio; obsecro, laudem meam, quæ tua est, ne tacueris: quia os impij peccatoris, & os dolosi super me apertum est.

Locuti sunt aduersum me lingua mendaci ac dolosa, & sermonibus odij circumdederunt me, & expugnaverunt, praeliatiq; sunt aduersum me gratis, sine vlla causa.

Quin pro eo quòd ipsos diligebam, & ratio dictabat vt illi vicissim me diligerent, aduersabantur & detrahebant mihi: ego autem vndique circumuentus ad te vnicum presidium confugiebam, & tam pro illis quàm pro me orabam.

Et sic ipsi posuerunt aduersum me mala pro bonis, & odium pro dilectione mea.

2. Ad quod quidem grauissimum peccatum ingratiitudinis rependendum, constitue super eum peccatorem & impium, qui illi imperet: & diabolus ipse ac Satan stet ipsi perpetuus aduersarius à dextris eius.

Cum iudicatur, exeat cõdemnatus impietatis: & oratio eius, qua pro se dicit ac deprecabitur, fiat ac vertatur in grauius peccatum & odium indicis aduersum eum.

Fiant dies eius pauci, & episcopatum ac
b 5 præse-

-praefecturam eius accipiat alter.

Fiant filij eius orphani, & vxor eius vidua.

Nutantes & *instabiles* transferantur ac *vagentur sine certis sedibus* filij eius, & mendicent, & eiiciantur de *vastatis* habitationibus suis, & *quantum* victum suum.

Scrutetur & *manum* iniiciat *fœnerator* & *exactor* in omnem substantiam eius, & diripiant alieni labores eius.

Non sit illi adiutor *qui misericordia erga eum commoveatur*, nec sit qui misereatur pupillis eius.

Fiant nati ac *posteritas* & *desinant vltima* eius in interitum, in generatione vna *sola* deleatur nomen eius, *sic ut non perueniatur ad alteram*.

Et è *contrà* retro in memoriam redeat iniquitas patrum eius in conspectu Domini, & peccatum matris eius non deleatur.

Fiant, *inquã*, contra Dñm, & *versentur ob oculos eius* hac peccata semper, & *si qua rectè fecerint*, dispereat de terra memoria eorū, pro eo quod *filii eorū* nō est recordatus facere misericordiam.

Verùm è *contrario* calumniatus & persecutus est hominem inopem & mendicem, *omni ope humana destitutum*, & cōpunctum ac *mæstum* corde, conatus est occidere ac mortificare.

Et dilexit maledictionem, & veniet ei: & noluit benedictionem, & elongabitur ab eo.

Et induit maledictionem sicut vestimentum suum, & intrauit sicut aqua in interiora *viscera* eius,

eius: & sicut oleum in ossibus eius.

Vnde fiat ei sicut vestimentum ac pallium quo operitur, & sicut cingulum ac zona qua semper præcingitur.

Sitq³ hoc opus & merces eorum quod à Domino iis retribuatur, qui detrahunt mihi apud Dominum, & qui loquuntur mala aduersus animam & vitam meam.

3. Et tu autē Domine Domine fac & sta mecum propter nomen tuum, ut facta tua illi respondeāt: quia id vtique inde deductum est, quod bonus es & benignus, & quod suavis est misericordia tua.

Libera, inquam, me; quia egenus & pauper ego sum, & cor meum conturbatum & vulneratum est intra me.

Sicut umbra serotina cū declinat, & in tenebras noctis evanescit, præterij & ablarus sum, & excussus sum, sicut locustæ vagantes, & huc illucq³ salientes de arboribus, & graminibus vento ac frigore decuti solent.

Genua mea infirmata sunt & vacillant à ieiunio, dum à te in cinere & sacco clamare numquam cesso: & caro mea & ipsa prorsus immutata & macilenta facta est propter oleum & pinguedinem in hac seruitute quam patior ei detractam.

Et ego factus sum ludibrium & opprobriū illis: viderūt me, & mox mouerūt per risum capita sua.

Quod cū ita sit, adiuvā me Domine Deus meus, saluū me fac secūdū misericordiā tuam.

Et

Et sciant quia *non ipsorum; sed* manus tua est hec, qua tum quidem usus, eorum operâ me afflixisti, tum verò iterum redemisti, & quod tu Domine fecisti eam.

Malèdicent illi, & tu benèdices: qui insurgunt in me, confundantur, seruus autem tuus letabitur.

Induantur qui aduersantur ac detrahūt mihi, pudore & ignominia; & operiantur, sicut pallio ac diploide, confusione sua.

4. Quod quidem cū fiet, confitebor & cum gratiarum actione salutem meam acceptam feram, & cantabo Dño nimis valde; quantū animo queam, in ore meo, & in mediō multorū laudabo eum.

Quia adstitit à dextris pauperis, vt saluam faceret à persequentibus & falsis principum iudiciis animam meam.

EXPLANATIO.

In memoriam] Deū in altera vīta neminem punit, nisi ob peccata sua propria: in hac, etiam ob peccata eorū, quorum ipse pars est, vt liberi parentum, licet sint insones; si autem fontes, & ob sua, & ob parentum peccata sæpe puniuntur, & hic & in futuro sæculo.

Quia oblitus est facere misericordiam] Animaduerte non aliud quā immisericordiā impio exprobari: quia quemadmodum summa virtus est misericordiā, vnde perfecti & misericordes in Euangelio dicuntur; ita summū vitium est, ab ea esse alienum, vnde euntibus in ignem æternum, non aliud quoque obicitur, cū contrā eunt ad vitam æternam à misericordia laudentur.

PSALMVS CIX.

Titulus. Psalmus David.

Argumentum.

Celebrat hic vir sanctus triumphum Christi, introducens Deum Patrem, alloquens eum ter Filium suum. 1. Ac primo quidem à dextris eum sedere iubet. 2. Deinde ex se ante mundi exordium genitum ait. 3. Tum sacerdotem eum vocat in perpetuum. 4. Vnde ad extremum David tertio Christum quoque alloquens, omnino forte ait, vt deus tuis hostibus caput super omnes extollat.

1. **D**ixit Dominus, *Deus Pater, Domino Deo meo, Filio suo unigenito ad calum redeunti,*
Sede à dextris meis, supra omnes res diuinas & hu-
manas.

Donec extremo mundi tempore ponam inimicos tuos, *diabolum, & omnem generationem eius, scabellum pedum tuorum, in inferno inferiori.*

2. *Virgam & sceptrum fortitudinis & virtutis tuæ, & Domine Fili Dei, emittet & ostendet Dominus pater tuus ex Sion monte Ierusalem, unde regni tui initium progredietur: itaq; dominare, vel inuitis omnibus, in medio inimicorum tuorum.*

Tecum enim semper est Pater tuus, rerum omnium principium, per quem principatum ac potestatem tuam ostendes in die virtutis ac fortitudinis tuæ, quo tempore populus tuus electus spontaneus aderit cum oblationibus liberalibus, in decore sancto, & magnis splendoribus sanctorum tuorum: dixit enim tibi Pater tuus: *Ecce ex tenebroso utero tam meo ante luciferum*
totumq;

totumq; mundi opificium, quàm ipſius aurora virginiſ intacta genui te, & rorem natiuitatis tuae diuinitus emiſi.

3. Sed & iurauit tibi Dominus Pater tuus, & non pœnitebit eum, dicens: tu qui ſapientia mea es, non modò Rex es potentiſſimus, ſed & ſacerdos ſanctiſſimus, idq; non ad tempus, ut Aaron & filij eius, ſed in æternum, ſecundùm atque ad eò ſupra morem & ordinem Melchiſedech regis & ſacerdotiſ, cuius initium & finiſ ignoratur.

4. Denique Dominus Pater tuus ſemper eſt à dextris tuis, qui rerum omnium potens, rebus ſic exigentibus transfodiet ac cõfringet in gratiam tuam, quemadmodum ſape transfodit ac confregit in die iuſtiſſimæ iræ & vindictæ ſuæ reges ac principes.

Quinetiam iudicabit vnà tecum in nationibus ac gentibus tibi non parentibus, de quibus acerrimum ſumet ſupplicium, ſic ut cadaueribus implebit omnes ruinas ac valles, & conquaſſabit & abſcindet capita eorum in terra, qui nunc multorum, & quaſi vniuerſi orbis tenent imperium.

Ac dum propter infinitas cedes impiorũ quaſi flumina ſanguinis ubiq; current, ille manus ſuas lauans in ſanguine peccatorum, tamquam leo rugiens de torrente ſanguinis in via bibet, & propterea pleniffimam victoriam naçtus exaltabit caput, ſic ut poſt omnia infima in hoc mundo perpeſſa, & calicem obedientiæ uſque ad mortem, mortem autem crucis, exhaustum, efferatur ſupra omnia, habeatque

beatque nomen quod est super omne nomen.

EXPLANATIO.

[*Melchisedech*] Hoc verbum Regem iustitiæ significat, sic vt Christus rex & sacerdos sit, quod gratiæ est; & propheta, quod veritatis. Vtrumque autem in Melchisedech significatur per panem, ad cor hominis confirmandum, quod veritas efficit; & vinū vt lætificent cor hominis, quod gratia.

PSALMVS CX.

Titulus.

Laudate Dominum Alleluia.

Argumentum.

1. **P**Rædicat Dominum vir sanctus ab admirabilibus operibus ipsius quæ oculis conspiciuntur, & legibus eius quæ auribus percipiuntur. 2. Ostendens tum quidem quàm admirabiliter inter se sint coniuncta, & quæ cuiusque sit natura. 3. Tum autem quam vim habeant & effectum. Estque hic Psalmus vnus ex iis qui secundum ordinem literarum apud Hebræos est compositus, quod legis symbolum esse, iam antè admonuimus.

1. **C**Onfitebor, & cum gratiarū actione omnia accepta feram, laudemq; dicam (tibi) Domine in toto corde (meo,) tum quidem in arcano consilio principum & rectorum, tum verò in publico conuentu iustorum & congregatione.

Dicam: magna sunt opera Domini & exquisita, exoptataq; iis qui toto studio perquirunt in omnes voluntates eius, vt tantorum & tam exquisitorum operum admiratione ad legum ipsius observationem incitentur.

Nihil, dico, nisi mera gloria & cōfessio laudum,
merusq;

merusq; decor, & magnificentia est opus eius, dum contemplatio illius ad laudandum & predicandum homines incitat: & iustitia eius, unde lex procedit, manet in sæculum sæculi: sic ut opera eius, quæ oculis spectantur, & mandata, quæ auribus percipiuntur, inter se semper conveniant ac respondeant.

2. *Nam quantum ad opera attinet, memoriam æternam fecit mirabilium suorum, sic ut nulla oblivione deleri possint: & quantum ad legem, misericors cum sit & milerator Dominus, escam tanquam rapinam dedit, & semper dat timentibus se, & servantibus mandata ipsius.*

Atque ut pari passu circa utrumque semper procedat, memor erit in æternum sæculum testamenti ac fœderis sui, quod super lege sua, eiusq; observatione fecit, & robur ac virtutem operum suorum semper annuntiabit & ostendet populo suo.

Ut det illis beneficientibus hæreditatem & possessiones gentium, & re ipsa constet quod ante opera manuum eius semper versantur: atque adeo opera eius sunt veritas in legibus ac fœderibus constituendis, & iudicium in exsequendis.

Etenim si leges spectes, fidelia sunt & rectissima omnia mandata eius, nec non stabilia & confirmata in sæculum sæculi, facta in veritate & equitate, sic ut iustum & æquum semper inter se misceantur.

Si verò opera, præterquam quod homines ab initio creavit, tum & eosdem vitio suo collapsos restaurare volens, redemptionem misit populo suo, &

man-

mandauit in æternū *satisfieri* testamētum suum,
ut id quod pacto suo promisit, resp̃sa præstetur.

3. Denique cū inter omnia opera vel maxime
 sanctum simul & terribile sit nomen eius ad reue-
 rentiam, quæ ex timore & amore mixta, hominibus
 incutiendam; tum initium omnis sapientiæ est ti-
 mor & obseruantia erga legem & voluntatem Do-
 mini, ad eos erudiendos.

Sic ut quantum ad legem pertinet, intellectus
 eius sit bonus omnibus faciētibus secūdū eum,
 & quantum ad opera Domini, duret per ea lauda-
 tio eius, & manet in sæculum sæculi.

EXPLANATIO.

Initium sapientia timor Domini] Nam principium in-
 telligendi est, bene velle, ut in Euangelio à Domino ipso
 est proditum, cuius primus gradus est timor. Et Iob: Ecce
 timor Domini, ipsa est sapientia; & recedere à malo; intelli-
 gentia. Accipimus autem hūc timorem filialem (quem
 vocant) non seruilem.

PSALMVS CXI.

Titulus.

Laudate Dominum Alleluia.

(Reuersionis Aggæi & Zachariæ.)

Argumentum.

1. Describit primū Prophetā beatitudinem viri iusti à poten-
 tia, diuitiis, gloria; qui sunt effectus iustitiæ. 2. Deinde ope-
 ra eius in proximo iuuando, & obloquiis & aliis rebus aduersis
 fortiter tolerandis. 3. Tum peccatoris aduersus eum inuidiam,
 quæ

qua nihil efficit Etique & hic Psalmus secundum ordinem literarum compositus ut superior, & eadem de causa.

1. **B**eatus vir qui timet Dominum, etenim ea re fiet quod in mandatis eius volet, & delectabitur nimis, dum verus timor filialis cum amore semper est coniunctus.

Unde potens in terra erit semen eius, quoniam generatio rectorum, quales sunt qui Deum timent & mandata eius servant, benedicetur.

Gloria & diuitiæ rerumque omnium abundantia in domo eius, & iustitia eius manet in seculum seculi.

Sed & exortum est & affulget, emicatque semper vel in mediis tenebris lumen rectis, quoniam qui sic se habet clemens est & misericors animo, & pius miserator opere in aliis iuuandis, & iustus in promissis praestandis, rebusque recte disponendis.

2. Qua idem re & iucundus bonusque est homo ille in omnibus factis suis, quippe qui miseretur inopia illorum, & commodat iis ac dat mutuum, quod misericordiae est; & disponit ac dispensat sermones suos, & res in iudicio, certa ratione ac stabili, quod prudentia, constantisque ac perpetua iustitiae; quia in aeternum non commouebitur.

Atque ita apud omnes celebris in memoria aeterna erit iustus, omniumque predicatione extollatur: & ab auditione mala & obloquiis hominum, vel etiam denunciatione rei alicuius aduersae non timebit.

Nam (quicquid ei obueniet, vel homines de eo dicent) paratum est semper cor eius sperare ac considerare in

in Domino, confirmatum, *inquam*, est cor eius: unde non commovebitur nec timebit, donec despiciat illos obrectatores inimicos suos, & videat in iis quod merentur & optat.

Quia enim disperfit ac liberaliter dimisit res suas, & dedit eas pauperibus, ideo iustitia eius, cuius vel nobilissima pars est liberalitas ac erogatio in egenos, manet in sæculum sæculi, & cornu eius exaltabitur in gloria.

3. Peccator autem impius hoc videbit, & invidia commotus irascetur: dentibus suis fremeret & ulnore rabelcet ac liquecet, sed nihil efficiet, quoniam desiderium omnium peccatorum & impiorum funditus peribit.

EXPLANATIO.

In tenebris lumen rectis] Duplex in iusto spectatur lumen, ut dictum est; Vnum intellectus, quod illi semper affulget; alterum claritatis vitæ, quod ab illo semper emicat, idque vel in mediis tenebris, dum aliis ignobilis & obscurus minimeque sapiens videtur.

PSALMVS CXII.

Titulus. Laudate Dominum Alleluia.

Argumentum.

1. *I*ncitat vir sanctus servos Dei ad eum laudandum ac prædicandum. 2. Idque quia excelsus est super omnes, & ex humili loco in altum sæpe hominem extollit.

1. *L*audate ô servi ac pueri Dominum, laudate nomen Domini.

Sit nomen Domini benedictum, *omniq; predicatione collaudatū*, ex hoc nunc & vsq. in sæculū.

A Solis ortu vsque ad occasum *celebretur* laudabile nomen Domini.

2. *Etenim* excelsus super omnes gentes Dominus, & super cælos gloria eius.

Imò quis sicut Dominus Deus noster, qui *ascendens cum vult*, in altis *sedet & habitat*; & *contra, descendens cum vult*, humilia respicit in cælo *sursum*, & in terra *deorsum*, sic ut nihil sit quod non Deo sit *plenum*, eiusq; *providentiam enadat*?

Suscitans à terra & *imo pulvere inopem*, & de stercore erigens pauperem.

Vt collocet & *sedere faciat* eum cum principibus, cum principibus populi sui.

Qui, *inquam*, habitare facit sterilem in domo, sic ut è *sterili fecunda facta in familiam* excreseat, & cum prius *tristis ac solitaria* degeret, in matrem filiorum *lætantem ac hilarem* enadat.

EXPLANATIO.

Laudate] Vti David secundum litteram, ita Apostoli mysticè ex infimis summi facti sunt.

PSALMVS CXIII.

Titulus. *Laudate Dominum, Alleluia.*

Argumentum.

1. *C*Ani hic initio Propheta quo pacto cum maximis miraculis eductus fuerit populus Israeliticus ex Aegypto. a Quorum rerum non alium auctorem fuisse ait, quàm Dominum ipsum, qui

qui solus verus est Deus, cum simulachra gonim, aurum sint & argentum. 3. Quibus optata similes fieri eos qui ea faciunt ac colunt, dicit populum Iudaicum non alium quam verum Deum agnoscere, a quo omnia semper beneficia accepit. 4. Quod ut & nunc fiat, optat, ut eam quamdiu viuât, omnibus laudibus extollât.

1. **I**N exitu Israël de Ægypto, in exitu domus Iacob de populo barbaro & externo;

Tum facta est Iudæa, ipsiusq; adeò populus Iudaicus, sanctificatio & gens sancta eius, Israël speciale regnum ac dominium sine potestas eius.

Id mare rubrum vidit & fugit, & Iordanis gyrans conuersus est retrorsum.

Montes solitudinis agitari subsiluerunt & exultauerunt ut arietes, & colles sicut agni, filij pecudum ouium.

Sed quid est tibi mare, quodd' fugisti? & tu Iordanis, quia conuersus es retrorsum?

Et vos montes quod exultastis sicut arietes, & colles sicut agni ouium?

Equidè à facie Domini, ob summi numinis presentiam, cum ad legem populo suo ferendam descenderet, mota est ac contremuit terra sub vobis, à facie Dei Iacob.

Qui conuertit petram in stagna aquarum, & rupem ac silicem in fontes aquarum.

2. *Quarum quidem rerum tam admirabilium, non nobis Domine, non nobis, qui nihil promeriti sumus; sed nomini tuo, qui solus hac operaris, da gloriam.*

Idq; ut intelligatur super misericordia tua, qui

cuncta nobis hac largiris : & veritate tua, qui promissa patribus nostris facta, re ipsa praestas, hac esse fundata; ne si id ignoretur quandoque dicant gentes, ubi est, quæso, Deus eorum?

Quibus equidem respondemus: Deus autem noster in cælo est, omnia quæcumque voluit fecit.

Ceterum simulacra vestra gentium, argentum sunt & aurum, opera manuum hominum filiorum Adam.

Os habent & non loquentur, oculos habent & non videbunt.

Aures habent & non audient, nares habent & non odorabunt.

Manus habent & non palpabunt, pedes habent & non ambulabunt; non clariabunt nec vocem aut vel missitationem ullam, nec loquelam edent in gutture suo.

3. Similes illis fiant qui faciunt ea, & omnes qui confidunt in eis.

(Domus) autem Israël speravit in Domino, adiutor eorum, & tamquam scutum protector eorum est.

Domus Aaron speravit in Domino, adiutor eorum, & tamquam scutum protector eorum est.

Qui timent Dominum, sperauerunt in Domino, adiutor eorum, & tamquam scutum protector eorum est.

Dominus usquequaque memor fuit nostri, & benedixit nobis.

Bene-

Benedixit domui Israël, benedixit domui
Aaron.

Benedixit omnibus qui timent Dominum,
pusillis cum maioribus.

4. *Quod quidem cum ita sit, pergat & adiciat
cumulum benedictionis sue Dominus super vos, o
domus Israël, super vos, inquam, & super filios
vestros.*

*Etenim benedicti vos estis & separatim dedica-
ti Domino, qui fecit cælum & terram.*

*Et quidem cælum cæli uniuersum manet Do-
mino, terram autem dedit filiis hominum, ut il-
lum inde reuereantur ac colant.*

*Non enim mortui laudabunt & sanctibus cele-
brabunt te Domine, neque omnes qui descendunt
in sepulchrũ & infernum, ubi altum est silentium.*

*Sed nos (qui viuimus) benedicimus Domino,
ex hoc nunc & vsque in sæculum.*

EXPLANATIO.

Similis] Qualia quis pro Deo colit, iis non corporis
quidem transmutatione, sed moribus animi similis euadit.

PSALMVS CXIII.

Titulus.

(*Laudate Dominum Alleluia.*)

Argumentum.

1. **D**icitur vir, sanctus se in vno Deo omnem amorem suum
collocare, nec alium quam ipsum inuocare velle.

c 4

2. Quoniam

1. Quoniam nuper in graui periculo constitutus, ab illo fuit liberatus. 3. Quare animam suam alioquens, in vno Deo eam acquiescere iubet.

1. **D**ilexi, & totum amorem meum in vno Deo collocaui, quoniam exaudiet Dominus vocem orationis meae.

Qui quidem quia semper inclinauit aurem suam mihi, numquam alio confugiam quam ad ipsum, & in cunctis diebus meis, per omnem vitam inuocabo eum.

Etenim circumdederunt me nuper tamquam, funes, dolores mortis, & angustia ac pericula inferni inuenerunt me, sic ut mox in sepulchrum descensurus viderer.

Tribulationem & dolorem inueni; & vide quid feci; nomen Domini continuo inuocaui.

Dicens, o Domine, obsecro te, libera animam meam; quod cum fecissem, ecce quid consecutum sit: equidem clemens ille ac misericors Dominus circa supplices, & iustus in promissis seruandis erga eos qui fidunt illi, & denique Deus ipse noster qui numquam non miseretur;

Sed semper custodiens est, & reipsa custodit parulos ac simplices, quorum maxime delectatur esse adiutor ac Dominus: ille, inquam, mox ut vidit quod humiliatus & attenuatus, miserq, factus sum, saluauit & liberauit me.

3. *Quare conuertere anima mea, & depositis omnibus perturbationibus, redi in requiem tuam:*
quia

quia Dominus benefecit tibi, & persoluit pro te quod volebas.

Quia eripuit animam meam de morte, oculos meos à lachrymis, & pedes meos à lapsu.

Quare placebo Domino, & securus sanctusque ambulabo coram facie eius, in regione terrarum vivorum.

EXPLANATIO.

In regione vivorum] Tam hinc quam in cælo, ubi vera sedes est vitæ propter iustitiam, cum contra infernus sit sedes mortis, propter iniustitiam.

PSALMVS CXV.

Titulus.

(Laudate Dominum, Alleluia.)

Argumentum.

1. **A**It Propheta se Deo semper firmiter credidisse, & ob id adiutum fuisse. 2. Cuius rei causa conuiuium gratiarum adiectionis se institutum, & vota soluturum dicit. 3. Quod & repetit.

1. **C**Redidi firmiter promissis Domini (propter) quod quam confidentissimè semper locutus sum, idq. nō solum rebus secundis, sed & planè aduersis: nam aliquādo cōtigit quod ego (autem) afflictus & humiliatus sum nimis suprà quàm dici queat.

Et tum vel in media consternatione & pricipui fuga ab hostibus, ego dixi semper in excellu meo, & mentis præ dolore alienatione, Omnis quidē homo mendax, caterùm Deus mentiri nequit, & sine

dubio quod promissit prestabit, quemadmodū & fecit.

2. *Quare, quid retribuam Domino pro omnibus beneficiis quæ retribuit ac contulit mihi?*

Adornato sacro conuiuio gratiarum actionis, calicem salutaris & saluationis prestita accipiam ac leuans bibam, & nomen Domini inuocabo.

Vota mea, quæ cū in periculo essem, ponebam Domino, solvam ac reddam coram omni populo eius: etenim licet de vita nos subinde periclitari permittit Dominus, nō tamen facili patitur occidi; nam preciosa in conspectu Domini mors sanctorum eius, quos misericordia sua est complexus.

Inter quos sanctos ut & ego habear, obsecro te, ō Domine; scis enim quia ego seruus tuus, ego, inquam, seruus tuus, & filius ancillæ tuæ, sic ut vel ab ipsa natinitate totus sim tuus.

3. *Tu soluisti ac dirupisti vincula mea, quare tibi sacrificabo hostiam & sacrificium laudis, confitens abs te vno salutē meam esse: & semper nomen Domini inuocabo, omnibusq; præconiis celebrabo.*

Vota mea Domino reddam in conspectu omnis populi eius, in atriis domus Domini, in medio tui, ō Ierusalem. Laudate Dominum, Alleluia.

EXPLANATIO.

Et filius ancillæ tuæ.] Hoc dicit, ut significet se non aduentitium seruum esse, ut proselyti: sed vernam siue dominatum, ut Iudæi.

PSALMVS CXVI.

Argumentum.

1. **I**nuitat vir sanctus omnes quorūque ubique sunt mortales, ad laudes Deo cantandas, propter misericordiam & veritatem, per Christum allatam.

1. **L**audate Dominum omnes gentes, laudate Deum omnes non Israëliti modò, sed & quorūque ubique estis populi.

Quoniam multiplicata & per totum mundum diffusa, penitusq; praualluit & cōfirmata est super nos misericordia eius in peccatis condonandis: & veritas Domini in promissis prestandis (manet) in æternum. *Laudate Dominum Alleluia.*

EXPLANATIO.

Misericordia, veritas.] Misericordia moderatæ iustitiæ est, vt suprà diximus, veritas rectæ: misericordia bonitatis, veritas prudentiæ: misericordia gratiæ, veritas perfectionis, sublato legis Mosaicæ velamine. Omnia Christo conueniunt, qui quidem gentibus ex misericordia, Iudæis ex veritate promissionis datus est.

PSALMVS CXVII.

Titulus. Laus Deo Alleluia.

Argumentum.

1. **H**ortatur Rex populum, vt Deo gratias agat. 2. Idque propter summa beneficia ipsi præstita. 3. Quorum causa templum se aditurum Deoque laudes cantaturum ait. 4. Introductūq; & populū id facientē, & sacerdotes respondentes, simulque diem

diem festum in templo vnâ secum (qui ad extremum iterum ipse loquitur) celebrantes. Et i. autē dicitur de personâ Christi, cui intransitu honorificè in Hierusalem, & alibi hæc omnia apprimè congruunt.

1. **C**onfitemini quotquot estis mortales, & palam profitemini hoc de Domino, quoniam bonus est, quoniam in sæculū misericordia eius.

Dicat nunc quoque populus Israël, quoniā bonus, quoniam in æternū sæculum misericordia eius.

Dicat nunc sacerdotalis domus Aarō, quoniam bonus, quoniam in sæculum misericordia eius.

Dicant nunc omnes qui timent Dominū, quoniam in sæculum misericordia eius.

Etenim de tribulatione & angustie inuocaui Dominū, & respondens vocis meæ exaudiuit me, & posuit in latitudine me locoq, spaciato Dominus.

Dominus adest mihi adiutor: nō timebo, quid enim faciat mihi homo.

Dominus, inquam, mecum est mihi adiutor, & ego despiciam inimicos meos, qui me odio persequuntur, optataq, videbo in eis.

Etenim bonum magis est confidere in Domino, quàm confidere in homine.

Bonum, dico, magis est sperare ac confidere in Domino, quàm sperare vel in principibus.

Quippe omnes quotquot sunt gentes, circuierunt me aliquando, & vici in nomine Domini, quia perimens vltus sum in eos.

Circundantes circundederūt me, & in nomine Domini, quia vltus sum in eos.

Circun-

Circumdederunt, *inquam*, me sicut apes, & exarserunt subito: *sed mox extincti sunt* sicut ignis in spinis, qui facile inflammatur; & mox concidit; & id in nomine Domini, quia virtute illius vltus sum in eos.

Impulsus ab hoste euersus propè sum vt caderem: & ecce Dominus adiunxit ac suscepit me.

Fortitudo mea & materia cantici mei ac laus mea Dominus, qui existit & factus est mihi in salutem.

Quare vox exultationis & salutis in tabernaculis est iustorū, vt ob meā salutē Deo gratias agāt.

Etenim dextera Domini fecit virtutem, ostendens fortitudinem suam: dextera Domini excelsa exaltauit me; dextera, *inquam*, Domini fecit virtutem, & ostendit robur suum.

Itaq; nō moriar, sed viuā, & narrabo opera Dñi.

Castigans quidem castigauit me aliquando Dominus, & tamen morti non tradidit me.

3. Quare aperite mihi portas templi vbi exercentur opera iustitiæ: ingressus in eas, confitebor vt debeo Domino, illiq; de acceptis beneficiis gratias agam: hæc enim est porta Domini; iusti qui se gratos prestare volunt, intrabunt in eam.

Confitebor, *inquam*, & gratias agam tibi, quoniam votis meis respondens exaudisti me, & factus es mihi in salutem.

Quinimo lapidem (quem) reprobauerunt ædificantes, dum me regem multi habere recusant, hic factus

factus est in caput anguli, quod in regem sum constitutus.

Ceterum non ab hominibus, sed à Domino factum est istud qui omnia potest: & est mirabile in oculis nostris, dum tantarum rerum vim, quæ ab intelligentia nostra longè separata sunt, non percipimus.

Hæc est, dico, dies quam fecit Dominus, quare exultemus & lætemur in ea.

4. *Dicat cunctus populus, eia ô Domine, obsecro, saluum me fac, eia ô Dñe bene prosperare: benedictus sit rex noster, qui venit in nomine Domini.*

Et respondeant sacerdotes templi: benediximus vobis de domo Domini: verus Deus est Dominus noster, qui & illuxit & apparuit nobis, omniæque bona attulit.

Quare constituite diem solennem, eumq; celebrem facite in condensis frondibus arborum: & ligate agnum victimam vestram funibus in templo, ramis redimite usque ad cornu altaris.

O Domine, Deus meus es tu, & cum gratiarum actione confitebor & accepta feram tibi omnia: Deus, inquam, meus es tu, & laudibus extollam & exaltabo te.

(Confitebor tibi, quoniam exaudisti me, & factus es mihi in salutem.)

Et vos quotquot estis ubique gentes, unà mecum confiteamini, ut initio dixi, Domino: & palàm predicate, quoniam bonus est, quoniam in sæculum misericordia eius.

EXPLA-

EXPLANATIO.

Portas iustitiæ] Portæ iustitiæ sunt leges Domini, per quas intrans homo, iustus efficitur. Et quia suprema Lex est, Christus ipse solus vera porta est iustitiæ.

In caput anguli] Christus verus lapis est, cui tamquam firmissimo fundamento omnia innituntur: Christos verum caput, à quo tamquam primo fonte omnia promanant. Christus verum caput anguli, ubi duo parietes concurrunt, quoniam Ethnicos & Iudæos, homines & Angelos, peccatores & Deum inter se coniunxit ac conciliauit.

PSALMVS CXVIII.

Argumentum.

TRactans in hoc diuinissimo Psalmo vir sanctus de lege Dei, tum quidem ipsam variis nominibus depingit, tum autem vim eius & effectum, tum verò quo pacto ad eam homo habere se debeat. Nomina legis quæ hæc ponuntur (nam nullus est versus in quo non aliquod inueniatur) sunt Simplicia quatuordecim, & Coniuncta totidem. Simplicia sunt: lex, veritas, verbum, eloquium, sermo, in quibus substantia legis consistit. Item, testimonium, mandatum, voluntas, ordinatio, in quibus virtus. Tum, iustitia, ad quam lex tendit, & iudicium per quod. Ad hæc, via, semita, iustificatio, quoniam in lege Dei ambulantes iusti sumus. Coniuncta sunt, iudicium iustitiæ, eloquium iustitiæ, via iustificationum, via veritatis, via mandatorum, semita mandatorum, verbum veritatis, æquitas iudicij, mandatum veritatis, iustitia testimonij, lex veritatis, æquitas testimonij, principium verborum veritatis, mandatum æquitatis. Vis autem & effectus legis est, ut iustum & prudentem, & consequenter omni ex parte beatum & felicem hominem efficiat, & ab omnibus malis eum liberet, ut statim in ipso initio, tum autem per totum Psalmum videre licet. Ratio verò qua homo circa legem habere se debeat, est, ut tum quidem Deum, tamquam principem omnis iustitiæ causam, super eius participatione, obstaculis & aduersariis semotis, semper orat, tum autem seipsum tamquam concausam circa illam rememorandam, intelligendam, seruandam, & appetendam, & contraria repellendam. omnibus cogitatis, dictis, factis semper exerceat, quorum plenus ubique est hic Psalmus. Atque est quidem ordine literarum per ostonarios descriptus, quoniam legis hieroglyphicum sunt literæ,

nam legis substantia in verbo, quod ex literis constat, consistit: unde & reliqui psalmi ordine literarum descripti, qui sunt vigesimus quartus, trigessimus tertius, trigessimus quintus, centesimus decimus, centesimus vndeccimus, & centesimus quadragessimus quartus, de lege ferè tractant. Ac quantum ad orationarium numerum attinet, is iustitiz est numerus, ut & supra diximus, quoniam iustitia non aliud est quam concentus Diapason, qui per octo vocatur, unde & beatitudines octo sunt numero, quibus octo Vx iniustitiz opponuntur. Si autem quæ hic de lege dicuntur, ad Christum transferas, qui vera demum & perfecta lex est, hoc est, verbum Patris, optimam eius interpretandi rationem institueris.

Aleph. i. Vita hominis beati.

Beati sunt & verè felices, qui à malo recedentes, puri & immaculati irreprehensibilesque degunt, nulloque scelere in hac via vita se inquinaverunt: sed contra, qui bonum prosequentes, ambulant in lege ac doctrina Domini, & secundum eam vivunt, quibus duobus plena perfectio hominis iustitia continetur.

Beati, inquam, qui omni vi rationis & intelligentie, scrutantur & custodiunt in animo testimonia & precepta eius, quibus suam apud nos voluntatem testatur, ad intelligendum ea, & ubi intellexerint in toto corde, plena voluntate & amore exquirunt eum, sic ut intelligentia & voluntas in unum conveniant, nec quidquam quod ad totius legis Dei observationem pertineat, omittant.

Non enim (qui) partem aliquam legis duntaxat. servantes, in reliquis operantur iniquitatem, reuera eiusmodi dicendi sunt, quòd ita ut oportet in viis eius ambulaverunt:

Nam tu, o Domine, mandasti mandata tua
custo-

custodiri, non vulgari modo, sic ut quadam subinde omitti possint; sed nimis plenè & exactè, sic ut ne latum quidè unguem ab iis recedatur, aut vlla in parte vel minima claudicetur.

Quod quidem cùm ita se habeat, utinam hoc felicitatis mihi contingat, ut dirigantur per te, qui verus Deus & auctor es omnis iustitiæ humanae, viæ meæ, & firmentur gressus mei ad custodiendas omnes iustificationes & preceptiones tuas, in quibus seruandis tota iustitia & beatitudo nostra sita est.

Tunc enim non confundar unquam pudore, nec ab optato fine salutis aberrabo, cùm te iuvante perspexero & attētus ero in omnibus mandatis tuis, sic ut ea cuncta, siue parua, siue magna, nullis omissis, ob oculos semper habeam.

Sed contrà confitebor & laudem dicam tibi, & cum gratiarum actione in directione cordis puri & recti, acceptā tibi feram salutem meam, in eo quòd didici abs te iudicia iustitiæ tuæ, quæ ab ea effluunt & rursum ad eam deducunt.

Et præter hoc, sic me comparabo, ut iustificationes tuas, & statuta quàm diligentissimè custodiam, & secundum ea omnes vitæ meæ actiones dirigam: tu modò, ô Domine, nō me derelinquas vsquequaque, certè quoad eius in hac vita fieri potest.

EXPLANATIO.

Beati] Ideo sic orditur vir sanctus, quia, uti suprà demonstrauimus, perpetua felicitas ac beatitudo, vltimus
 d finis,

finis, & consequenter prima intentio est omnis actionis ac iustitię humanę: vnde & primi psalmi, & aliquot aliorum idem est initium.

Via] Vita humana, via vocatur, quia non habemus hęc manentem ciuitatem, sed futuram inquirimus. vocatur & lex diuina, eodem nomine, quoniam per eam ad Deum ac iustitiam, vt antè tactum est, tendimus, vnde & Dominus ipse viam & ostium se vocat: & in psalmis præcepta Dei, portę iustitię appellantur, vt modò diximus.

Qui ambulant] Suprà probatum est, duas partes iustitię esse, recedere à malo, & facere bonum. quod & alibi docet Dauid, cùm ait: Domine quis habitabit in tabernaculo tuo, aut requiescet in monte sancto tuo? Qui ingreditur sine macula & operatur iustitiam. Porro vt iusti splendere dicuntur sicut Sol in regno patris sui; ita iniusti, impuri, & scelerum fœditate inquinati dicuntur.

Scrutantur] Iustitiam hominis, intelligentia pariter, & bona voluntate constare docet Propheta, cùm ait: Sed in lege Domini voluntas eius, & in lege eius meditabitur die ac nocte. Accendit eodem quod de prudentia iustorum in Euangelio dicitur.

Nimis] Nam cùm iuxta vetus dictum, plena perfectaque iustitia omnem omnino virtutem in se contineat; sequitur qui in vno peccat, omnium esse reum, nec reuera iustum esse dicendum.

Non confundar] Quemadmodum inter effectus iustitię suprà enumeratos, vnus est gloria & honor, veluti cùm dicit: Gloria & diuitiæ in domo eius, & iustitia eius manet in sæculum sæculi: ita è contrà præmium iniustitię est pudor & ignominia, quod ostendit Dauid, cùm ait: Confundantur & reueantur, qui quærunt animam meam.

Confitebor] Superiùs quoque ostensum est, prædicationem laudum Dei, & gratiarum actionem vnā esse ex pulcherrimis iustitię effectibus: nam vox confessionis, inquit Dauid, in tabernaculis iustorum.

Beth.

Beth. 2. *Adolescens.*

IN quo, *quæso*, corrigit & emendat, ac purgat
 Adolescentior qui adhuc puer ac iuuenis est, &
 cum vitis conflictatur; viam suam & semitam vite
 sue? certè nō alia re Domine, quàm in custodiendo
 & seruando diligenter sermones tuos, & verbum
 oris tui.

*Quod quidem ego cum animo meo reputans, &
 re ipsa explere cupiens, in toto corde meo exquisiui
 te: tu autem ne repellas me, amabo, nec aberrare si-
 nas à mandatis tuis, quò minus ea, uti oportet, in-
 telligam.*

*Nam quantum ad observationem attinet, in ipso
 penitus corde meo abscondi, & tamquam preciosis-
 simum thesaurum reposui eloquia tua, ut non pec-
 cem tibi, vel aliter faciam quàm oportet.*

*Benedictus es tu, ô Domine, & apud omnes gen-
 tes omnibus laudibus predicaris ob benignitatem
 tuam, quam cunctis exhibes: quare & eundem te mi-
 hi ostendens, doce me iustificationes tuas & sta-
 tuta tua.*

*Etenim ut ad ea quoquo modo me præparem, in
 labiis meis pronunciaui & recensui, recitando ac
 legendo diligenter, omnia iudicia & stricta manda-
 ta oris tui, quæ à lege tua procedunt; qui est primus
 gradus ad discendum.*

*Et quantū ad actiones attinet, in via testimonio-
 rum tuorū quibus voluntatem tuam testatam facis,*

delectatus ac letatus sum, sicut in omnibus diuitiis, quas in iis scio esse repositas: qui est aliter gradus ad bene agendum.

Quare si tu porro hoc summi beneficii addere velis, ut me verè & exactè doceas iustificationes tuas; nam à nullo quàm abs te uno id potest expectari; ego meditans semper aliquid, & nitens comprehendere doctrinam tuam totis viribus, in cunctis mandatis ac praeceptis tuis loquens exercebor, & contemplans considerabo & expendam diligenter omnes vias tuas, quae sunt misericordia & veritas.

Sed & in iustificationibus ac statutis tuis, quibus obseruandis, boni & iusti efficimur, oblectabo me: & meditabor semper; & non obliuiscar vel in minimo verba & sermones tuos.

EXPLANATIO.

Ne repellas] Quemadmodum Dominus irasci, furere, obliuisci, odisse, ita & repellere dicitur. quod quidam ita accipiunt, quasi ad imitationem rerum humanarum Deo hæc tribuatur. Cæterum haud paulo sublimiùs dici potest, reuera in Deo hæc inesse, & ab illo ad homines pertinere, vtsuprà tradidimus. Nam cum in diuinis hæc affirmatiua insint, scientia veri, amor boni, & memoria eius quod est: utique & hæc negativa in illis insunt, non scientia non veri, non amor non boni, & non memoria eius quod non est. Nā licet quidē tria illa semper sunt coniuncta, utiq; tamen secundum substantiam inter se sunt diuersa: nam neque scientia veri, est ipse amor boni; neque amor boni, ipsa memoria eius quod est: neque memoria eius quod est, ipsa scientia veri, & contrà. Vnde sequitur, & non scientiam, non amorem, non memoriam in diuinis reperiri. *Quæ* qui-

quidem cum latius producis, fit, ut & ignoratio, & odium, & obliuio ibidem inueniantur. Quamquam hæc non humano more pro nostra imbecillitate accipienda sunt, sed penitus diuino, pro summa illa & inscrutabili Dei maiestate, qua tenebræ eius sunt ut lumen eius, & nox sicut dies illuminatur. Et proinde uti de Deo, ita & de viro bono, qui imago Dei est, in bonam partem dicitur, cum odisse viam iniquitatis, repellere malos ab se, cum similibus.

Doce] Hic obserua quod supra dictum est, hominem tum quidem intelligentia ad legem Dei se applicare, cum discit: tum autem voluntate, cum in ea delectatur, ut paulo post dicitur: tum autem memoria, cum eam non obliuiscitur: & sic deinceps de aliis potentiis, passionibus, & habitibus hominis.

Gimel. 3. *Seruus.*

Retribue ac presta Domine hac duo seruo tuo, primum viuifica me, sic ut viuam; & deinde fac ut custodiam verba & sermones tuos, sic ut bene viuam.

Ad quod efficiendū, aperi & reuela oculos meos, ac discute lumine tuo caliginem eorum, qua cooperti sunt. & considerabo mirabilia de lege tua, in qua non quidem ad inferiora descendēdo, sed ad superiora adscendendo, summa & intima mysteria totius sapientiæ tue sunt conclusa.

Et verò quia non ciuis, sed peregrinus dumtaxat & advena seu incola ego sum in terra; nō propter ea tamen abscondas & veles à me mandata ac precepta tua; sed contrà tantò magis ea me edoce, ut videam, qua via ad veram patriam ex hac peregrinatione mihi sit tendendum.

Etenim concupiuit, & debilitatis præ studio & amore viribus, quasi deficit anima mea, dum nunquam cessat desiderare iudicia & iustificationes tuas, ut secundum eas in omni tempore & sine ulla intermissione uiuat.

Verum quidem est quòd reiicere soles à cognitione mysteriorum tuorum, & increpasti saepe acriter homines superbos, & sua sapientia elatos; etenim maledicti, & quauis execratione digni sunt, qui suis inuentionibus nitentes declinant & aberrant à mandatis ac praeceptis tuis:

Sed quantum ad me attinet, scis utique non solum de numero eorum me non esse, sed quotidie ab illis eludi, & contumeliis affici, propter te; itaque dando mihi quod postulo, ut uiuam scilicet, & custodiam mandata tua, aufer & reuolue à me, quæso, opprobrium & contemptum quo me afficiunt ob id, quia non meam sapientiam, sed testimonia tua omni studio exquisiui & custodini quoad potui.

Etenim, si cum illis comparandus ego sum, sederunt principes eorum in circulis & cōgregationibus suis, & aduersum me loquebantur, ridetes & maledicentes mihi: seruus autem tuus, qui sum ego, interim meditabatur, & exercebatur in iustificationibus & statutis tuis.

Nam & testimonia tua meditatio & solatium, oblectatioq; mea est in otio: & in negotio consilium meum, & quasi senatores, & veri consiliarij mei sunt leges & iustificationes tuæ, à quibus solis disco quid mihi sit agendum.

EXPLANATIO.

Retribue] Expressum hic exstat quod suprà diximus, premium iustitiæ esse vitam beatam & æternam, & contrà maledictos iniustos. Vnde toties inter se opponuntur iusti & iniusti, veluti cùm dicit: quia nouit Dominus viam iustorum, iter autem impiorum peribit.

Reuela oculos meos] Auferendo caliginem quæ ob peccatum illis obducta est, quo minùs interiora mysteria legis Dei videre possint. Sic & Dominus ipse intelligentiam sacrarum scripturarum discipulis suis aperuisse scribitur.

Maledicti] Contrà, de viro bono dicit: & semen illius in benedictione erit.

Daleth. 4. *Egrotus.*

ADhæsit pauimento ac pulueri anima mea, dum morbo animi, & corporis afflictus vix humi repo: igitur viuifica me Domine, & restitue pristina valetudini, secundùm verbum ac promissum tuum.

Etenim vias meas enunciaui, & liberè tibi exposui, & confessus sum omnia delicta mea, ob quæ in morbum inciidi: & tu misertus mei, semper respondisti votis meis, & exaudisti me: quare ut promisso huic satisfacias, & nunc doce me statuta & iustificationes tuas, quibus custodiendis, animi & corporis morbi pelluntur.

Viam, inquam, preceptorum & iustificationum tuarum instrue me, sic ut non solum mandata ipsa per se extrinsecus, sed & interiorem scopum ac finem

eorum intelligam: & ubi hoc consecutus fuero, exercebor loquendo ac meditando in mirabilibus tuis, quæ à sensu & intelligentia separata, in præceptis illis continentur.

Nam dum ob harum rerum ignorantiam aliter viuo quàm oportet, dormitavit propè, & tanquam distillans liquefacta est anima mea præ tedio ac dolore, postquam ob delicta mea in graves hos morbos incidi: quare confirma ac renoca me à malis istis ægritudinum in verbis ac promissis tuis.

Atque hoc faciens, viam iniquitatis ac mendacij amoue à me, abducendo à malo: & adducendo ad bonum, de lege tua miserere mei, ut secundum solitam bonitatem ac misericordiam tuam, illam me doceas, eiusq; participem me facias.

Scis enim quòd, quantum in me fuit, viam veritatis semper elegi, & iudicia tua, quæ ex veritate tua procedunt, non sum oblitus, ponens ea semper ob oculos meos, & ad ea intelligentiam meam coequans & accommodans.

Quin non solum elegi illa & posui ante me, sed & adhæsi toto animo testimoniis tuis: quare, quæso, Domine, noli me confundere, sic ut spe mea frustratus pudore afficiar.

Etenim uti semper viam mandatorum tuorum non solum ambulavi, sed & cum summa alacritate cucurri, cum ab angustiis aliquando dilatasti, & lætitia affecisti cor meum: ita & nunc sum facturus, si ab anxietatibus istis, ac doloribus in quibus nunc versor,

versor, me liberare ac recreare digneris.

EXPLANATIO.

Viam iniquitatis] Obserua hîc pulchram Antithesim siue Oppositionem viæ iniquitatis, quæ est lex peccati & mortis; & legis Dei, quæ est iustitiæ & vitæ. Item viæ iniquitatis, & viæ veritatis.

He. 5. Diffidens suis viribus.

Legem pone mihi Domine, ac doce me viam statutorum, ac iustificationū tuarum, vt ipsam intelligam: & dabo operam vt exquiram ac seruem eam semper, & in memoria habeam, vestigiisque ipsius insistam per omnem vitæ meæ cursum, à capite vsque ad calcem.

Quin præter doctrinam da mihi etiam intellectum: & sic scrutabor omni studio legem ac doctrinam tuam, ad intelligendum: & custodiam illam in toto corde meo, ad rememorandum.

Iterum dico: Deduc me in semitam, & in rectam intelligentiam mandatorum tuorum, quia vtique scis quòd ipsam semper volui & amari.

Quin præter illustrationem rationis, & intelligentiæ circa iustificationes & vias tuas, inclina etiam cor meum & voluntatem meam in testimonia tua, sic vt te vnum colam, qui solus verus es Deus: & non me finas labi in auaritiâ ac proprii commodi pecuniarij, honoris, ac sapientiæ cupiditatem, quæ radix est, & lerna omnium malorum, dum se ipsum & mammonam pro Deo quis colens, omnium

d s

maximè

maximè detestandam idololatriam committit.

Atque hoc quidem cum circa appetitiones & cogitationes interiores facies; circa actiones exteriores, auerte ac celeriter fac transire oculos meos ne videant nec appetant vanitatem opum & honorum, quæ ad nihilum & mortem tendens, à te, qui reuera existis, longissimè abest: sed contrà in via tua, quæ ad te fontem vitæ ducit, viuifica me.

Et ut præter cogitata & facta, sermo quoque meus ita sit ut oportet, statue ac secundum promissa tua suscita ac confirma in seruo tuo eloquium tuum, ut in ore id semper habeat, non quidem leuiter & in vanum, sed cum summa reuerentia, & in sancto ac filiali timore tuo.

Atque ita quidem tam mentis meæ intelligentiam ac voluntatem, quam facta & dicta externa dirigens, amputa & auerte à me pudorem & opprobriū meum quod suspicatus sum, ac timui, si fortè secundum rigorem iustitiæ tuæ orationem meam reuerterer: quia iudicia tua non stricta sunt, sed iucunda, & omni clementia, bonitateque condita.

Ecce enim tu scis, quod semper omni desiderio concupiui mandata tua: quare in benigna illa iustitia & æquitate tua non me perire sinas, sed viuifica me.

EXPLANATIO.

Quoniam ipsam volui] Voluntatis nomen generale est, quo quidem modo iustitia dicitur constans & perpetua voluntas. Accipitur etiam specialiter pro eo quod non
metu

metu pœnæ, nec spe præmij, sed sponte nostra volumus: quo significatu habet in se tres gradus, dilectionem iusti, amorem pulchri, & charitatem siue eudociam boni.

Auaritiam] Quemadmodum iustitia, quæ est cum in Dei voluntate, voluntatem suam quis collocat, omnes virtutes comprehendit, quam lex Dei monstrat: ita avaritia, quæ est cum ad se cuncta quis refert, omnia vitia completitur; quam lex peccati ostendit: idque siue animum spectes, cum sicut Deus quis esse cupit, sciens bonum & malum; siue corpus, cum ventrem pro Deo habet; siue res externas, cum diuitias, hoc est, mammonam, pro Deo quis colit. Vnde avaritiâ idolorum cultus à Paulo dicitur.

Vanitatem] Vanitas est quidquid à Deo abducit: quâ significatione, omnia vanitas apud Salomonem dicuntur, si quis non quæ Dei, sed quæ sua sunt, in iis quærat.

Intimore tuo] Timor, alius seruilis, est malus, de quo dicitur: Oderunt peccare mali formidine pœnæ. alius filialis bonus, de quo David: Initium sapientiæ timor Domini. Et in Euangelio timorati & iusti homines dicuntur. Dico autem initium, quoniam non ibi subsistendum, sed magis secundum gradus iustitiæ supradictos ascendendum esse docet Prophetia, cum ait: Beatus vir qui timet Dominum, in mandatis eius volet nimis.

Concupini] Sic esurire & sitire iustitiam in Euangelio dicimur: nam substantia iustitiæ in appetitione boni consistit.

Vau. 6. *Contra calumniatores.*

ET vt inceptum de benignitate tua sermonem continuem, veniat, quæ sô, super me, & quasi manu me ducat, misericordia tua Domine, & consequenter salutare tuum, secundum eloquiû tuum, quo salutem verè te inuocantibus promissisti.

Et sic habebô quod respondebo exprobrantibus

&

& obicientibus mihi quotidie consuetum sermonem
& verbum meum, quo dicere soleo, certam mihi fore
salutem: quia speravi, & penitus confido in verbis
& sermonibus tuis, & quod sine ulla opem mihi
sis laturus.

Et secundum hoc ne auferas, rogo, nec permittas
ut recedat de ore meo, quod equidem fieret si peri-
rem, verbum illud quod dico: sed contra, ostēde esse,
ut reuera est, verbum veritatis usquequaque: quod
utique eo magis facere debes, quia expectans cum
patientia, & sine ulla querela, in iudiciis tuis planè
super speravi, certò confidens te quasi per sententiam
quam secundum me feres, dirempturum litem, qua
cum exprobrantibus illis mihi est super veritate ver-
bi illius mei.

Et hoc cum tu facies, ego custodiam legem ac do-
ctrinam tuam, quam tam ratam ac fixam reperero,
ingiter ac semper, in sæculum, quamdiu ero in hac
vita, & quod est ultra, in sæculum sæculi, ubi ad
aliam vitam migravero.

Nam ut paucis referā quo pacto cum exprobran-
tibus illis, & inimicis meis sum versatus, ego contem-
ptis illis semper liberè professus sum verbum illud
quod dixi, & ambulabam, non anxius & sollicitus,
sed in latitudine, & quasi per loca spatiosa animo
soluto & vacuo, quia nihil curans eorum maledicta,
sola mandata tua semper exquisivi.

Et loquebar de testimoniis ac legibus tuis, qui-
bus sanctam voluntatem tuam testificatus es, non
solum

solum apud communem plebem, sed & in conspectu ipsorum Regum, & tamen non confundebar pudore, nec quisquam erat qui me posset confutare.

Et meditabar ac mirum in modum delectabar in mandatis tuis, quæ tantopere semper dilexi.

Et ad opus ipsum accedens, leuavi manus meas ad reipsa præstandum mandata tua, quæ tantopere, ut dico, dilexi. & mente ea reuoluens, oreq; profitens, exercebar semper & meditabar ac loquebar in iustificationibus ac statutis tuis.

EXPLANATIO.

Misericordia] Demonstratum est superius, iustitiã aliam directam esse, secundum dictamen rationis; aliam laxam ac moderatam, secundum viam bonitatis. Vtriusque hîc & passim in Psalmis fit mentio, sub veritatis & misericordiæ nomine: Sic ut quidquid boni nobis contingit, tum quidem secundum Dei bonitatem ac misericordiam fiat, quo ad nos, quorum numquam misereri desinit; tum autem secundum veritatem, quoad se, quatenus promissum suum numquam deserit.

Salutare] Mercedem iustitiæ, perpetuam à malis salutem esse, supra ostensum est. Vnde David: Vox exultationis & salutis in tabernaculis iustorum.

Supersperaui] Iustitiæ tres gradus esse, metum, spem, & voluntatem, antè traditum est.

Zain. 7. *Admonet Dominum promissi.*

Memor esto Domine verbi tui, quod locutus es seruo tuo, in quo salutis mihi spem & expectationem dedisti.

Hæc

Hæc enim res sola me cōsolata semper est in humilitate & afflictione mea: quia cū propè extinguitus essem; eloquium illud tuum, & promissio tua, uiuificauit me.

Superbi illi & contumaces homines, ac rerum diuinarum contemptores, iniquè quidem aduersus me semper agebant, & me deridebant vsquequaque ob spem quam in te habebam, & cultum quo te colebam: sed ego rebus iis nihil omnino commotus, à lege autem tua non declinaui, & ne latum quidem unguem recessi.

Etenim reputans cum animo meo res olim gestas, memor fui iudiciorum tuorum, quibus iam inde à primo sæculo bonos ac pios Domine ab hostibus suis semper vindicasti: & in hoc consolatus sum, nihil dubitans quin de me idem sit futurum.

Et contrà, defectio tenuit me & cohorrui totus, pro peccatoribus & impiis derelinentibus legem ac doctrinam tuam, recolens apud animum meum, quam ab omni memoria premia scelerum suorum abs te reportarint.

Quare in te solo totū me oblectans, tanquā suauissimi hymni cātābiles mihi semper erāt iustificatio- nes tuæ, quibus calamitates meas solabar, in domo ac loco peregrinationis meæ, in tota hac vita, nec non cū ad hostium impetus euitādos à patria abessem.

Et non contentus interdū te colere, memor fui etiam de nocte nominis tui Domine, & custodiui ac reuolui cum animo meo legem tuam.

Atque

Atque hæc quidem tanta felicitas, quòd in te solo me oblecto, & in omnibus rebus aduersis spem salutis mihi præbes, facta est mihi, quia præcepta & iustificationes tuas semper exquisiui & seruari.

EXPLANATIO.

Pro peccatoribus] Iniusti varia in hoc psalmo sunt nomina, tam generalia quàm specialia, vt peccator, iniustus, malignus, præuaricator, calumniator, superbus, inimicus, persecutor, tribulator, princeps. Et ipsa iniustitia, iniquitas, vanitas, auaritia, iniustitia dicitur: quorum omnium rationem reddere non est difficile.

Cantabiles] Gaudium, vnum ex effectibus iustitiæ esse suprà traditum est, quod per cantum hic Propheta significat. Cui accedit quòd in cantici formam rem redigere, ad rectam doctrinam & memoriam mirificè conducit. Vnde summam totius legis Moyse in hymnum includebat.

Heth. 3. *Portio eius Dominus.*

PORTIO mea, & sors hereditatis mea tu solus es Domine: quare, dixi, ac prorsus statui custodire verbum ac legem tuam.

Ad quod consequendum, deprecatus sum ante faciẽm tuam in toto corde meo: tu igitur miserere mei secundum eloquium tuum, quo promissisti te opem omnibus inuocantibus te, laturum.

Nam si queras, quamnam diligentiam ego à parte mea adhibuerim: equidem cogitavi & recensui apud animum meum, vias meas & omnes vita præterite actiones, quas malas ac peruersas reperiens puduit continuo me mei, & conuerti pedes meos
in

in testimonia tua, vt non secundum antiquas vias meas, sed secundum eorum prescriptionē ambularem.

Ad quod executioni mandādum paratus, & instructus omnibus rebus, cum summa festinatione iter ingressus sum: & non sum ullis rebus turbatus, quæ moram mihi iniicerent, aut suspensum me cogitando tenerent, negligentiamue inducerent, non adspiciens ad aliud, quàm vt custodiam mandata tua.

Quin & funes impiorum ac peccatorum, qui quotidie inter se congregabātur ad me depradādum, circumplexi sunt me, vt me tanquam laqueis suis irretitum detinerent: & tamen legem ac doctrinam tuam non sum oblitus.

Sed contrā, vel media nocte surgebam ad confitendum, & gratias agendū tibi super iudicia iustificationis tuæ, quod ab impiis illis me vindicasses.

Etenim maximo tuo beneficio, particeps ego sum & coheres, vt antè dixi, & socius omnium timentium te, & custodientium mandata tua.

In quare vt magis etiam ac magis progredi possim, ecce quoniam misericordia ac bonitate tua Domine plena est terra secundum eandem; alia porro statuta & iustificationes tuas doce me.

EXPLANATIO.

Portio mea] Duplex est hæreditas, vna iniustitiæ, cum sua propria virtute, ac inuentione, opibusque extra Deum quis nutritur: altera iustitiæ, cum reliqua omnia quis deserens, solum Deum partem hæreditatis nanciscitur, ponens voluntatem suam in voluntate Dei. Atque hoc quidē qui facit,

facit, magnum illud sacrificium offerre dicitur, quod iustitiæ in psalmis vocatur, cum nimirum non oves, aut boues, sed se ipsum, & quidem optimam sui partem, voluntatem, Deo quis offert, ut iam antè admonuimus.

Teth. 9. *Gratiarum actio cum precatone.*

Bonitatem fecisti, & exercuisti cum seruo tuo Domine, quod secundum verbum ac promissum tuum omnibus beneficiis me es complexus.

Cuius rei nomine ut dignas tibi gratias agere possim, quaeso, & bonitatem, ut libenter & cum bono gustu velim; & disciplinam, ut possim; & scientiam, ut norim, doce me: inuenies certè me docilem, quia, quod primum in discendo est, mandatis ac praeceptis tuis semper credidi & fidem habui.

Certè priusquam rebus aduersis edoctus humiliarer, & dimitterem me ad te audiendum, & credendum doctrinae tuae, putans me aliquid per me sapere; ego saepe erravi ac deliqui: sed postea malo edoctus aliud sum expertus; & propterea ab eo tempore usque nunc eloquium tuum semper custodiui.

In cuius quidem intelligentia erudiri cupiens non ausim ea de te compellare, si te difficilem aut morosum putarem: verum è contra bonus es tu & beneficus: quare pro benignitate & in illa bonitate tua, doce me statuta & iustificationes tuas.

A quibus quidem ut me auerterent per falsas ac vanas doctrinas suas, proponebant mihi figmenta & mendacia sua impij, & multiplicata est planè super me iniquitas hominum superborum ac contempto-

rum Dei, dum me suis futilibus mendacibusque doctrinis onerare ac applicare student: ceterum ego autem omnino aliter constitui, nimirum quod in toto corde meo scrutabor & custodiam sola mandata tua.

Nam coagulatum & incrassatum est sicut lac & adeps cor eorum, dum à luce ad tenebras se convertentes nihil nisi infima ista & crassa sapiunt, & ad altiora planè stupidi fiunt: ego verò è contrà legem tuam, quæ in summa claritate versatur, meditatatus sum, & in ea sola me oblecto.

Quod quidem considerans quantam felicitatem mihi adferat, nunc demum video, quam bonum mihi fuerit quia humiliasti, & rebus aduersis afflixisti me: nempe ut ea re commotus discam statuta & iustificationes tuas.

Quas diligenter intuens, prorsus intelligo, & confiteor palàm, quòd tale & tantum bonum mihi est lexiſt tui, ut nihil cum eo comparari possit, & sit super omnia millia auri & argenti; quia melius est modicum iusto, super dinitias peccatorum multas.

EXPLANATIO.

Coagulatum] Quemadmodum animus ad superiora se erigens, non se solum, sed & corpus mundat, & diuinum quodammodo reddit: ita è contrà ad inferiora & corporalia se demittens, & ipse corporalis ac crassus efficitur. Atque hinc quidem fit, ut alia sit sapientia carnalis huius mundi, alia animalis principum huius mundi, & alia spiritalis Dei. Nec rarò fit, ut aliò superior, aliò inferior sapientia ducat, & diuersis modis de rebus propositis iudicet.

Iod. 10. *Factus à Deo, petit eius gratiam.*

MANUS tuæ Domine fecerunt & summo artificio plasmaverunt, & firmaverunt me, quantum ad corpus attinet: da, quaeso, porro mihi intellectum, ut discam mandata tua, quantum ad animum.

Id enim si facias, veri Dei cultores, qui timent, & oculos habent intentos in te, videbunt me tantis beneficiis & rebus à te auctum & ornatum, & lætabuntur, quoniam scient id non alia re mihi cōtigisse, quàm quia in verba & promissa tua supersperaui, expectans abs te salutem cum omni patientia.

Equidem cognoui & scio Domine, quia nihil nisi ipsa iustitia & æquitas sunt iudicia tua, & quòd secundum hoc in veritate tua iusteq, ac merito humiliasti & afflixisti me.

Sed postquam iam tantum secundum iustitiam, passus sum, & quidem propè ad desperationem; veniat, quaeso, tandem gratia, & fiat ac adsit mihi misericordia tua ut consoletur me, secundum eloquium & promissum tuum, quod fecisti seruo tuo de venia danda pœnitentibus.

Veniant, inquam, mihi miserationes tuæ, ex fonte illo misericordia profluentes & in me deductæ, & vivam: quia lex ac doctrina tua, in qua sola vita inest, meditatio & consolatio, delectatioq, mea est.

Et sic confundantur, & pudore afficiantur superbi illi, & contumaces rerum divinarum con-

templores & hostes: quia tamen si, quantum ad te attinet, iusta, ut dixi, passus sum; quantum tamen ad illos, ipsi iniuste & sine causa iniquitatem fecerunt in me, & per mendacium me opprimere studuerunt: quibus iustas penas tibi pendentibus, ego autem interim tam dicto quam cogitato exercebor in mandatis tuis.

Atque hoc modo malis ac superbis è medio sublati, contra conuertantur mihi; & redeant ad me omnes boni ac humiles timentes te, & qui nouerunt & facto ipso cognoscunt testimonia tua.

Denique, quod summa est omnium, fiat per te cor meum perfectum & penitus immaculatum in obseruandis statutis ac iustificationibus tuis: nam sic eueniet ut pudore non confundar, neque apud te, neque apud homines, siue bonos, siue malos.

EXPLANATIO.

Iniuste iniquitatem fecerunt] Vti iustitiam duobus modis exercemus; iuste, unde dicitur, Iudicia Dei iuste iudicare; & iniuste, ut si quis precio inductus iustam sententiam ferat, unde non nomina, sed aduerbia hominem saluum facere vulgò dicitur: ita iniustum partim iniuste fit, si quis, sciens inquam sententiam ferat; partim non iniuste, si per ignorantiam inculpata, ut nonnumquam fieri potest.

Immaculatum] Hoc nomine sacra scriptura saepe hominem plenè, perfecteque iustum solent describere; ut & ille, cum ait: Integer vitæ, scelerisque purus.

Caph.

Caph. 11. *In extremis malis constitutus.*

Iam defecit & penitus labascit in expectando ac desiderando salutare tuum, anima mea, o Domine, dum in te, & in promissum, ac verbum tuum semper cum summa expectatione supersperaui.

Sed & defecerunt oculi mei, in te, & eloquium ac promissum tuum semper cum omni desiderio intenti, dicentes: quando tandem consolaberis me?

Quia si ab una parte queras, quonam usque sum redactus; ecce factus iam sum, & praesummis miseriis ita in rugas contracta est cutis mea, sicut vter in pruina, qui primum madefactus, post ad ignem apponitur, aut in fumo suspenditur: si vero ab altera parte interrogas, quo pacto in his calamitatibus me habeam; inuenies quod tamen statuta & iustificationes tuas non sum ullo modo oblitus.

Et quod adhuc amplius fortasse me probare, & auxilium tuum differre statuis; quot sunt, quaso Domine, dies serui tui, cuius vita tam est brevis? & quando facies de persequentibus me iudicium, sumes meritam ab iis ultionem: an cum mortuus iam & extinctus ero?

Ne id fiat, considera, obsecro, Domine, in quibus malis verfer, & quam constanter tamen tibi adhaeream: etenim foderunt mihi latentes foveas, & sub pretextu verae religionis narrauerunt mihi iniqui illi, & superbi impij fabulationes, ac nugas suas artificialiosè excogitatas: sed ego firmiter in tua doctrina

perstans nihil illis fui commotus, sciens non esse ea, vtlex tua, nec secundum precepta illius.

Etenim omnia mandata tua nō solum vera sunt, sed, quod magis est, ipsa veritas: ea autem quæ iniqui illi qui iniquè persecuti sunt me, proferunt, falsa sunt & vana: quare ad illa superanda ac vincenda adiuua me.

Certè paulo minùs quàm expletum fuit, quòd consummauerunt & prostratum perdiderunt me in terra: & tamen ego autem non dereliqui mandata tua.

Eius igitur rationem habens, secundum misericordiam ac bonitatem tuam viuifica me, ne ab illis pessunder: & dabo operā, te hoc mihi dante, vt quemadmodū semper feci, custodiam testimonia oris tui.

EXPLANATIO.

Fabulationes] Insignis hæc inter legem iustitiæ, quæ Dei est, & iniustitiæ quæ Diaboli, est differentia, quòd illa vera solidaque & expressa est; hæc autem falsa & inutilis vt fabula, licet priua specie formatam quandam, ac imaginem veritatis præ se ferre videatur. Et quidem hoc vel maxime propriū est iniustitiæ, quòd cum iustitiæ sit contraria, non modò priuatiuè, quatenus est priuatio bonæ voluntatis; verum etiam positiuè, quatenus est appetitio peruersa; tamen eius figuram quandam externam assumat, sub qua lateat, vt angelus tenebrarum, qui se transfigurat in angelum lucis; & hypocrita, qui foris veniens in vestibus ouium, intus est lupus rapax.

Lamed.

Lamed. 12. *Lex Dei perpetua & immensa.*

IN æternum, ô Domine, siue maiorem mundum, siue minorem, hoc est, hominem respiciamus, lex & verbum tuum, quod vitam ac motum illis præbet, subsistit ac permanet, idq; uno & eodem semper modo in cælo, quod secundum legem Dei procedens nulli mutationi est obnoxium.

Et in rebus inferioribus, quamquam nulla ibi sit eternitas; tamen per decursum temporis, quod eternitatē imitatur, fit ut in generatione & generationem veritas tua quoque ducet, licet externas quasdam mutationes, res nonnumquam accipere videantur: & ideo, quoniam tu fundasti, & stare voluisti terram, ipsa parens legi tue stat, & permanet.

Atque ita ordinatione tua secundum voluntatem, ac iudicium tuum; tam terrestria, quam caelestia perseverant ac perstant in præsentem usque dies nostros: quoniam omnia serviunt tibi; nec unquam desinunt noctes pariter ac dies, vices suas peragere.

Atque hæc quidem cum circa mundum maiorem & legem naturalem ita se habeant; quantum ad mundum minorem, nempe hominem, & legem moralem attinet; certè nisi (quod) suavisissima lex tua quam tradidisti, meditatio ac delectatio, consolatioq; mea semper est, tunc cum tot malis undequaque vrgerer, forte periissem, & sine dubio obrutus fuisssem in humilitate & afflictione mea.

Sed sanè in æternum non obliuiscar præcepta ac

iustificationes tuas : quia dum earum recordatione in rebus illis aduersis me recreo , in ipsis uiuificasti , & quasi ab inferis reuocasti me.

Quare totus tuus sum ego : tu autem saluum me fac , quoniam mandata & iustificationes tuas , in quibus vitam ac salutem posuisti , exquisiui.

Insidias quidem posuerunt & me expectauerunt peccatores & impij , ut lapsum in retia ipsorum perderent me , si ad illorum vanitates me applicarem : sed ego autem illis præbere nolens , & testimonîa tua considerans , intellexi ex illis quidnam reuerentia mihi esset faciendum.

Etenim omnis perfectionis & consummationis rerum inferiorum & à Deo creatarum , quantumcumque absoluta illa sint , semper vidi aliquem finem , sic ut tandem interirent , aut certè terminum aliquem & limitem habeant : verum ad te me conuertens , & ad verbum tuum , quo celi firmati sunt , & homo conditus & creatus est , latum reperio mandatū tuum nitens , sic ut nullus sit in eo finis nec interitus ; sed quemadmodum initio dixi , in æternum duret ac permaneat in calo , & in terra ; & sine termino , omnia quæcunque sunt , amplitudine sua complectatur ac coërceat.

EXPLANATIO.

Omnia seruiunt tibi] Quæcunque in mundo sunt , siue caelestia , siue terrestria , siue ratione prædita , ut Angeli ; siue carentia , ut cælum ipsum & terra . quanquam hoc interest , quòd quæ ratione prædita sunt , sua sponte mouentur , &

quod

quod agunt, intelligūt, quæ non sunt, vi externa, sic ut quod agunt, non diiudicent.

Latum mandatum tuum nimis] Sic ut neque temporis, quod ad res adspectabiles atinet; neque loci, quod an in- adspectabiles, finibus concludatur. Nā non quemadmodū alia, lex Domini creaturā aliqua est, sed ipsissima eius sub- stantia, foris in res creatas infusa, quæ neque tempore pe- rit, quoniam perpetua est; neque finibus vllis circumscribi- tur, quoniam infinita. Quod utrumque in inferioribus le- gibus humanis aliter se habet.

Mem. 13. *Effectus legis Dei in homine.*

Vide quomodo & quantopere dilexi legem tuam (Domine?) etenim tota die meditatio ac cogitatio mea in ea sola est, & est ipsa cogitatio mea.

Quod quidem cū facio, super omnes inimicos meos, & peccatores, qui licet sapientes sape videan- tur, reuera tamen non sunt, prudentem me fecisti mandato tuo: quia semper & in æternum hoc mihi versatur ante oculos, & est in perpetua apud me me- moria, ne qua in re aberrem.

Sed & super omnes docentes me, qui mundi huius sapientia instructi sunt, intellexi: propterea quia testimonia tua meditatio mea est, dum non aliud loquor aut cogito, quā de illis.

Quin & super senes ipsos, qui principum huius mundi sapientiam possident, intellexi, ob id, quia mandata tua, in quibus divina sapientia inest, que- siui intelligere ac custodire.

Atque hac quidem cum circa intelligentiam mihi contigerint, vide etiam quid circa vitam, & mores usu venerit: etenim ex quo legem etiam cepi diligere, ab omni via ac semita mala prohibui pedes meos, ut custodiam verba tua.

Sed & bonum prosequens, à iudiciis tuis non declinaui, & ne latum quidem unguem recessi, ob id quia tu legē posuisti mihi, docens & illuminās me.

Quin ad extremum, ecce quàm dulcia fuerint palato, ac faucibus meis eloquia tua, certè super mel quod suauissimum est ori meo.

Quare ut omnia supradicta in unum concludam; quoniam à mandatis tuis in parte rationali illustratus, intellexi quid verum & rectum esset, aut non esset; propterea in parte appetibili odiui omnem viam falsitatis & iniquitatis.

EXPLANATIO.

Prudentem me fecisti] Effectum legis divinæ esse, ut sapientem hominem faciat, suprà traditum est, & ostendit illud Davidis: Testimonium Domini fidele, sapientiā præstans paruulis: idque siue de simulata sapientia loquaris inimicorum, siue inchoata docentium, siue progrediente senum, quas omnes lex Dei superat ac perficit.

Super mel ori meo] Inter cæteros effectus iustitiæ, hoc illi quoque tribuitur, quòd dulcis sit & suavis, incundaque: à quo Dominus iugum suum suauē, & onus suum leue esse ait. Nam cum in lege Domini omnia pura sinceraque sint, nec quidquam in se à malo deductum, aut ad id respiciens habeat, ut in legibus humanis eōtingit: fit ut omni ex parte per se dulcis sit ac lenis; licet hominibus ob suam corruptionem secus sabinde videatur.

Nun.

Nun. 14. *Verbum Dei lucerna nostra.*

Lucerna est pedibus meis verbum tuum Domine, dum quoniam eundum mihi sit, demonstrat; & lumen semitis meis, dum quam eò perueniri possit, ostendit.

Quod ego considerans, iuraui, & votum tibi faciendo firmiter statui custodire iudicia iustitię tuę, quę ab illa profluunt, & ad eam tendunt.

In quo quidem conatu quoniam mirum in modum humiliatus & afflictus sum vehementer usquequaque; tu Domine, viuifica, queso, & repara me secundum verbum ac promissum tuum, quo te querentibus auxilium es pollicitus.

Voluntaria, inquam, illa sacrificia & spontanea vota & iuramenta oris mei, quę de iudiciis tuis custodiendis feci, beneplacita fac, queso, Domine, & ostende ea tibi esse grata, & secundum hoc iudicia tua doce me.

Quod quidem eo magis facere debes, quoniam tamen si in summis periculis verser propter nomē tuum, adeo ut anima & vita mea in manibus meis sit semper, dum contra impetum hostium manu me, & vitam meam defendere compellor; tamen mandata & legem tuam non sum oblitus.

Etenim posuerunt impij & peccatores laqueum mihi ad me captandum, & à te abducendum: & tamen ego de mandatis tuis non erravi nec recessi.

Quod sanè non alia re factum est, quàm quia per
supra-

supradictum votum & iuramentum, quasi hæreditate acquisivi testimonia tua in æternum, sic ut nulla ratione à me auelli possint; quia gaudium & exultatio cordis mei sunt.

Et sic inclinaui & penitus inflexi cor meum ad faciendum, ac viuendum secundum statuta & iustificationes tuas in æternum, & in sæculum sæculi, propter retributionem, & premium quod scio repositum esse diligentibus te, dum in te tanquam ultimo rerum expetenda non sine, in perpetuum acquiescunt.

EXPLANATIO.

Lucerna] Lex & iustitia diuina duobus modis lux vocatur, ut supra traditum est: Primum, quia rationem ac intelligentiam illustrat, vnde dicitur in psalmis, Præceptum Domini lucidum, illuminans oculos, & Dominus ipse lucem mundi se vocat. Secundò, quia præclaris vitæ actionibus hominem illustrat; vnde dicitur in Euangelio, Luceat lux vestra coram hominibus, ut videant opera vestra, & Tunc iusti fulgebunt sicut sol in regno patris sui: David, Et educet, inquit, sicut lumen iustitiam tuam, & iudicium tuum tanquam meridiem. Hic autem locus secundum priorem modum accipiendus est.

Beneplacita] Iam supra probatum est, aliud esse diligere, quod infimi gradus est; aliud amare, quod secundum; aliud charum habere, quod summi est, cum quo & eudocia, siue beneplacitum esse censetur: vnde Deus Pater in Euangelio in Filio suo beneplacitum sibi esse ait.

Samech.

Samech. 15.

Declinandum à malo, & faciendum bonum.

INiquos, & eorum vanas cogitationes, inuentio-
nesque odio habui, ad fugiendum malum: &
legem, doctrinamque tuam dilexi, ad faciendum
bonum.

Etenim adiutor & susceptor meus, in quo iutus
tanquam in latibulo abscondi, & à quo quasi scuto
protegi possum, es tu: & in verbum ac promissum
tuum supersperaui, & fiduciam meam omnem col-
locavi.

Quare declinate & recedite à me improbi & ma-
ligni, ne vllum à vobis patiar impedimentum: & sic
liber & expeditus scrutabor ac custodiam manda-
ta Dei mei.

Et tu contra Domine, propius accedens, suscipe
ac sustenta me secundum eloquium ac promissum
tuum, & vivam: & non confundas, nec cum pudore
decidere me sinas ab expectatione & spe mea,
quam in te habeo.

Adiuua, inquam, & sustenta me, & saluus ero:
& hoc cōsecutus meditabor ac delectabor in statutis
ac iustificationibus tuis semper sine intermissione.

Etenim spreuisti, & quasi pedibus conculcasti
omnes reipsa, licet verbis aliud simulent, disceden-
tes & per sinistram interpretationem aberrantes à
iudiciis ac statutis tuis: quia iniusta & mendacio
ac falsitate, hypocrisisque plena, fraudulenta cogitatio
eorum

eorum est, in qua suam sapientiā habet cōstitutam.

Quod quidē ego animaduertens, & videns quod tanquā scoriā, quae ab auro separatur, tu impios illos ab aliis segregasti, & cessare fecisti, ut tibi prauari-cātes, & dolosa interpretatione legem tuam corrum-pentes reputauī omnes peccatores terrā; & ideo dilexi pura puta testimonia tua.

In quibus ut verē proficere possim, confige tali timore filiali carnes meas, qualem subacto penitus corpore, & quasi clauis confixo eum intus habere oportet, qui verus Dei cultor est futurus: à iudiciis enim tuis exterioribus, quibus in peccatores tam grauiter te vidi animaduertere, sic timui timore cōmuni, qui principium est alterius timoris, ut eretis pilis toto corpore cohorrescerem, & à mente quasi alienus essem.

EXPLANATIO.

Odio habui] Vti viri boni est, iustitiam diligere, ita eiusdem est, iniquitatem odisse: vnde constat odium per se malum non esse, ut suprà probatum est; nisi cū malè eo quis vtitur, quemadmodum & de dilectione contingit: ex quibus dilectio ab eo quod est, odium ab eo quod non est proficiscitur.

Discedentes] Cū duobus modis à lege Dei discedatur, clarè & apertè, ut publici peccatores faciunt; vel testè & obscurè, ut hypocritæ, qui sub specie sanctitatis, saluis verbis legis, sententiam eius circumueniunt; vtrique quidem mali sunt, sed ij odio digni maiore. Et quidem cū difficile à bonis internoscātur; quàm diligentissimè danda est opera, ut tanquam scoria ab auro separentur.

Ain.

Ain. 16. *Contra calumniatores.*

FEci Domine iudicium quoad alios, & iustitiam quoad me, veritatē & innocentiam publicē pariter ac priuatē sequens: non tradas nec permittas me, quāso, iniuriantibus ac calūniantibus me, qui actiones meas rectas sinistrē, & contrā quādam facta sunt, per fraudem interpretantur.

Sed contrā, suscipe cum suauitate ac dulcedine seruum tuum, & testem de ipso, ac spōso rem te praebe in bonum; vt non calumnientur me, & quasi per vim actiones meas contorquentes aliter quā oportet, fraudulosē eas interpretentur homines superbi ac contumaces.

Ad quod abs te assequendum, oculi mei iam, planē defecerūt, dum eleuatos eos habeo in salutare tuum, & in eloquium ac promissum iustitiæ tuæ.

Quare fac, obsecro, cum seruo tuo secundum misericordiam ac bonitatem tuam; & ne qua in parte iudicij ac vitæ peccem, statuta & iustificationes tuas doce me.

Dico autem cum seruo tuo, quia iam vtiq; scis quod seruus tuus sum ego: itaque doce me, inquam, & da mihi intellectum, vt sciam testimonia tua.

Nec verò id ampliùs differas, quia iam tempus tibi est faciendi Domine: etenim quia nemo est qui praecepta tua tueatur, & rectē interpretetur, impij illi ac scelerati homines dissipauerūt & perversa interpretatione planē irritam fecerunt legem tuam.

Quibus

Quibus ut resistatur ac obuiam eatur, ideo dilexi mādāta tua super aurum obryzū purissimum, & topazion preciosum.

Propterea, inquam, ad omnia mandata tua, quibuscumq; de rebus sunt, dirigebar; & è contrā omnē viam inquam falsitatis ac mendaciū odio habui.

EXPLANATIO.

Calumniantibus me] Cūm grauiſſimum, quod vir bonus pati poteſt, ſit calumnia, ſic vt ſummæ perfectionis ſit, non ſolūm benefacere his qui oderunt nos, verūm etiam orare pro proſequentibus ac calumniantibus nos; nihil magis veræ iuſtitie ac iudicio conuenit, quā calumnias depellere. vade David de vero Regis officio loquens, Iudicabit, inquit, pauperes populi, & ſaluos faciet filios pauperum, & humiliabit calumniatorem.

Super aurum & topazion] Legis Dei cultum, tum quidem diuitiis externis præferendum eſſe, per aurum ſignificatur; tum autem honoribus, per topazion.

Phe. 17. Viſ legis diuina.

Mirabilia teſtimonia tua Domine, & à communi captu longè ſeparata, innumerabilibus myſteriis ſunt plena: ideo ſcrutata eſt & cuſtodiuſ ea anima mea.

Etenim non modò interior declaratio, ſed vel ſolū oſtium, ac prima reſeratio ſermonum & verborum tuorum illuminat hominem, & intellectum dat paruulis ac ſimplicibus, qui ſua ſapientia nequaquam elati dociles ſe præſtant.

Cum quibus ego me coniungens, & ad ſermones

tuos, quasi anhelans os meum aperui, & attraxi spiritum, quemadmodum in magno aestu ad captandum aërem fieri solet: quia dici non potest quanto opere mandata tua desiderabam.

Quod tu utique non ignorans, verte te, & adspice, queso, in me, & miserere mei secundum iudicium ac modum quo omnium diligentium nomen tuum, pro immensa bonitate tua soles misereri.

Et hoc faciendo, gressus meos dirige ac firma secundum eloquium tuum: & non dominetur mei omnis iniustitia, sic ut neque aliena, neque mea propria iniquitas imperium in me habeat.

Sed contra redime & libera me a calumniis & iniuriis fraudibusq; hominum filiorum Adam: ut liberè agens, custodiam mandata tua.

Quin faciem tuam, tamquam Solem clarum, illumina super servum tuum: & sic doce me statuta & iustificationes tuas, ut eas custodiam.

Quoniam exitus & quasi rivos aquarum saepe deduxerunt ac profuderunt oculi mei: quia aliò quàm oportet me advertentes, non custodierunt legem tuam.

EXPLANATIO.

Faciem tuam illumina ? Quemadmodum enim Solem, nisi per ipsum Solem eiusque radiis illustrati, videre non possumus: ita nec legem Dei, nisi per ipsum Deum possumus cognoscere. Nam quod in mundo ad spectabilem Sol est, hoc in mundo intelligibile est Deus: vnde in Apocalypsi, novam Dei civitatem, non alium Solem, quàm ipsum Agnum, habituram scribitur.

Sade. 18.

Zelus contra violatores legis Dei.

Iustus es Domine, & rectum iudicium tuum, quod ex iustitia tua procedit, & eò tendit.

Circa quòd mandasti, ut tum quidem in iustitiam sint nobis testimonia tua, tum verò in prudentiam & veritatem tuam: ita ut nulla alia sit nostra iustitia, quàm observatio; nulla prudentia, quàm cognitio preceptorum tuorum, qua nò vulgari quidem modo, sed etiam atque etiam & nimis exactè præcepisti custodiri.

Quod ego considerans, tabescere me fecit præ mœrore zelus meus, quem erga te & mandata tua habeo: quia video quòd obliti sunt verba tua inimici mei, qui me in angustias coniiciunt.

Nam præterquam quòd planè purum putum, & omni ex parte probatum est verbum tuum, qua res indignationem mihi mouet, quòd cùm tam pulchrum sit, ab iis tamen negligatur; tum etiam ignitum & feruens est eloquium tuum vehementer: & seruus tuus, cùm pulchritudine, tum calore eius inflammatus, dilexit illud.

Fateor quidem quòd adolescentulus & paruulus sum ego, & contemptus præ illis hostibus meis: sed de hoc autem audeo gloriari, quòd mandata & iustificationes tuas non sum oblitus, quemadmodum illi faciunt.

Etenim iustitia tua non quemadmodum hominum est

est iustitia, quæ cum temporibus commutatur, sed est iustitia in æternum, quæ semper eodem modo se habet: & lex tua, non quemadmodum hominum est lex; quæ imaginem ac similitudinem dumtaxat habet veritatis, sed est ipsa veritas.

Quare quotiescumque tribulatio & angustia circumcursantes innenerunt me, ad mandata tua me retuli, in quibus semper omnis meditatio & oblectatio ac consolatio mea est.

Quippe non dico iusta & æqua, sed ipsa iustitia & æquitas sunt testimonia tua, idq; non ad tempus, & quibusdam in rebus, & quibusdam non; sed simpliciter, & absolutè, & in æternum: quare ad intelligendum ea, intellectum da mihi, & viam, quoniam verba vite æterna habent.

EXPLANATIO.

Iustus es Domine] Iustus in sacris scripturis, tribus modis accipitur: vno plenè & perfectè, quod soli Deo conuenit, vnde in Euangelio Pater iustus dicitur. Item, Peccauit tradens sanguinem iustum. Nihil tibi, & iusto illi. & hîc eodem modo accipi debet. Alterum per communicationem, quæ ratione homines iusti in Euangelio, & Psalmis, aliisque sacræ scripturæ locis dicuntur: veluti cum de Zacharia & eius vxore dicitur, quod erant ambo iusti ante Deum. Et tertio, per simulationem: veluti cum dicitur in Euangelio, qui se simularent iustos. Et quidem cum primum diuinum sit, secundum humanum, tertium diabolicum est.

Coph. 19. Oratio intensâ.

Clamaui in toto corde meo, exaudi me, & votis meis responde Domine: ego statuta & iustificationes tuas requiram ac custodiam.

Clamaui, inquam, ad te, tu autem saluum me fac, vt custodiam mandata ac testimonia tua.

Præueni ipsum crepusculum, surgens summo mane, in maturitate, nocte in tēpesta, & clamaui, dicēs: *Iuua me Domine, quia in verba tua supersperaui, exspectans promissiones tuas.*

Quin præuenerunt oculi mei etiam ipsas noctis vigilias, sublatis ad te primo diluculo, vt tacitè mecum musitans, meditarer eloquia tua.

Quæ quidem cū ita se habeant, vocem meam, quasi, audi secundum misericordiam tuam Domine: & secundum promissionis tue veritatem, & iudicium tuum viuifica me.

Etenim quemadmodū appropinquauerunt persequentes me iniuste iniquitati ac sceleri, & à lege autem tua longè facti sunt, dum propriis suis cogitationibus & inuentis indulgent, eaq; sequuntur:

Ita contrà ego à scelere quàm longissimè abesse, & ad te quàm proximè accedere, legemq; tuā sequi cupio: nam cū propè es tu Domine, tum omnia rectè se habent; & omnes viæ tuæ, & mandata tua ipsa sunt veritas.

Nam ab ipso statim initio sciui & cognoui de testimoniis tuis, quia non ad aliquod dumtaxat tempus

*tempus, & ex certo tempore, sed iam inde ab æterno
& vsque in æternum fundasti ac stabilinistica.*

EXPLANATIO.

Omnes via tue veritas.] Non debet autem mouere, quòd alibi omnes viæ Domini veritas dicuntur & misericordia, quia veritatis vocabulum subinde specialiter accipitur pro iustitia recta, quæ à benigna distinguitur: subinde generaliter, sic vt omnem omnino iustitiam comprehendat, vt hîc. nam tametsi quidem specialiter aliud iustitia recta veraque sit, aliud autem gratia siue misericordia: vtrique tamen generaliter misericordia non est sine ratione ac veritate, absque qua non misericordia est, sed zelus sine scientia; nec veritas sine benignitate, absque qua iudicium dicitur sine misericordia.

Res. 20. *Contra hostes.*

Vide humilitatem & afflictionem meam, & eripe me, quia legem ac doctrinā tuam non sum oblitus.

Iudica ac discepta causam & iudicium meum, & redime me ab iis qui iniuste me persequuntur: propter eloquium, inquam, ac promissum tuum viuifica me.

Etenim uti longè à peccatoribus, & impiis est salus, quia statuta & iustificationes tuas non exquisierunt:

Ita è diuerso misericordiæ tuæ multæ sunt, Domine, erga eos qui legem tuam sequuntur: quare secundum solitum ac iustum iudicium tuum viuifica me.

Quod quidem eo magis facere debes, quòd tamen si multi sunt qui persequuntur me, & tribulant ac in angustias redigunt me, propè usque ad desperationem; ego tamen à testimoniis tuis nō declinaui.

Sed è contrà ut vidi homines stultos ac peruersos mendacesq; prauaricantes legem tuam, deficiebam animo, & penitus tabescebam pra dolore, quia eloquia tua non custodierunt.

Quare eius rationem habēs, vide, qua so, & respice me, ô Domine: ac quoniam mandata tua dilexi, ideo in misericordia tua viuifica me.

Quoniam caput & principium verborum tuorum est veritas, vnde procedunt & durant in æternum omnia iudicia, & effectus iustitiæ ac bonitatis tuæ, quibus pro viribus in vja iustitiæ ambulātib; & tuam porro misericordiam implorantibus, auxilium tuum es pollicitus.

EXPLANATIO.

Longè à peccatoribus salus] Iam suprà admonuimus, salutem ac beatitudinem solis iustis, iniustis autē minimè conuenire: quia contritio, inquit Apostolus, & infelicitas in vitiis eorum, & viam pacis non cognouerunt.

Domine in misericordia tua viuifica me] Coronans me corona iustitiæ, quæ propter rectè facta, quantum in me fuit, ex promissione tua debetur: & in misericordia ac miserationibus, quatenus quæ mihi desunt, ex benignitate tua suppleantur.

Sin. 21. *Denictis hostibus.*

PRincipes huius mundi persecuti quidem sunt me, sed frustra & gratis: quoniā sciens sine iusta causa

causâ id fieri, nihil eos timui: verum à te Domine, & à verbis tuis semper formidauit cor meum, ne qua in parte aberrarem.

*Et ideo, si, superato malo eorum presidio, quid boni aliquando fecero, lætabor ego super eloquia tua re-
perta & custodita, sicut qui deuictis hostibus inue-
nit spolia multa, cuius duplex est gaudium.*

*Etenim iniquitatem & mendacium ac falsum
odio semper habui, & prorsus abominatus sum, ad
malum vitadum; legem autem tuam dilexi, ad bo-
num faciendum.*

*Secundum quam septies in die laudem dixi tibi
super admirabilia iudicia & opera iustitiæ tuæ, per
quam cuncta, ratis ordinibus distincta regis ac gu-
bernas.*

*Vnde fit, ut cessante omni confusione ac discordia,
pax multa sit diligentibus legem tuam, & quod
non est nec accidit illis ullum scandalum, nec of-
fendiculum, quo à quieto & tranquillo mentis sua
statu dimoueantur.*

*Quod ego considerans, semper expectabam salutare
tuum Domine, contra hostes & inimicos meos: &
mandata tua dilexi, & opere ipso compleri.*

*Custodiuit, inquā, anima mea testimonia tua,
& dilexit ea vehementer.*

*Denique seruauim omnia mandata tua, & testi-
monia tua: quia scio quod omnes viæ meæ in cor-
spe tu tuo sunt, & quod tu omnium actionum, atque
etiā cogitationum mearum oculatus testis es, & arbiter.*

EXPLANATIO.

Septies in die laudem dixi tibi] Sacrificium laudis, iustitiae proprium esse, suprà traditum est. Septenarius autem numerus ideo ei attribuitur, quia quaternario numero, qui iustitiae est, septenarius per quatuor unitates, & tria intervalla inest, in quo tamquàm in vero Sabbatho acquiescitur.

Pax multa] Pacem inter effectus iustitiae numerari, suprà quoque docuimus: nam hinc iustitia & pax osculatae dicuntur, & suscipere montes & colles iustitiam. Denique Angeli in Evangelio annunciant pacem hominibus bonae voluntatis, hoc est, iustis.

Tau. 22. Peroratio ad impetrandum petita.

Ergo cum omnia quae supradicta sunt, ita se habeant, appropinquet, *quæso*, & appareat clamor ac deprecatio mea in conspectu tuo Domine, sic ut eam videas & audias: & respondēs, Deus, benignè votis meis, iuxta eloquium ac promissum tuum, quo cunctis inuocantibus te opem pollicitus es, da mihi intellectum legis tuae.

Intret, inquam, postulatio mea in conspectu tuo, & secundum illud ipsum eloquium ac promissum, verbumque tuum, eripe me à malis istis & erroribus, in quibus propter ignorance[m] legis tuae nunc versor.

Etenim loquentur, & quasi suavi quodam cum odore eructabunt ob abundantiam labia mea hymnum laudum tuarum, cum docueris me statuta & iustificationes tuas.

Et pronuntiabit ac cum gaudio cantabit lingua mea

mea eloquiū tuum: quia omnia mandata tua ipsa
æquitas sunt & iustitia.

*Quare iterum dico, fiat ac veniat super me ma-
nus tua, ut inuet ac saluet me: quoniam utique scis
quod mandata tua elegi,*

*Quodq̃, concupiui salutare tuum Domine, &
quod vna lex tua meditatio ac delectatio mea est.*

*Et id quidem si facias, viuet anima mea, qua nūc
propè extincta iacet, ac mortua, & omnibus praconiis
laudabit te: & si quā fortè in eo deficere videar, iudi-
cia tua, & vires bonitatis tua adiuuabunt me, &
supplebunt id quod mihi deest.*

*Quare, ut vel tertio te compellem, ecce ego erravi
ab omni via prudentia ac iustitia, sicut agnus, sine
ouis quæ periit: tu obsecro, pro immensa tua bonitate
ac misericordia, quære seruum tuum, Domine: quia
licet non verè fecerim quod debuerim, omnia tamen
mandata tua non sum oblitus, sed ea semper, ut
scis, expetini.*

EXPLANATIO.

Erravi sicut ovis quæ periit] Ea in montibus, siluisque
oberrans, nulla ratione per se ad ouile redire potest, nisi si
pastor eam quærat ac reducat: quod utique eo magis facere
debet, si eam sui non omnino oblitam sentiat, sed contrā
balare, & reditum optare videat.

PSALMVS CXIX.

Titulus.

Canticum graduum ad sancta sanctorum, & locum illum in templo unde lex recitatur, & ascensionum ex captivitate Babylonica in Ierusalem, siue à rebus inferioribus ad superiores.

Argumentum.

1. **D**icit vir sanctus, ad Deum in tribulatione se elamasse, & fuisse exauditus. 2. Unde ad hostem conuersus, nihil ei suam maledicentiam profuturam ait. 3. Addens ad extremum excitationem, quòd tanto tempore inter inimicos sibi sit degerendum.

1. **A**D Dominum in angustia mea, cum tribulaber, clamaui: & respondens votis meis, exaudiuit me.

Dicebam enim: Domine, libera animam meam à labiis iniquis & mendacibus, quibus nihil addi potest nocentius; & à lingua dolosa, qua nihil est magis penetrans quod & faciebat.

2. *Quare ad inimicum meum conuersus, tu calumniator, inquit, & Sycophanta, quid detur tibi, aut quid apponatur addaturue tibi (ad) linguam tuam dolosam? quidue illa tandem tibi proderit quantumcumque acuta sit & ardens?*

Nihil profectò, nihil: nam sagittæ Dei potentis ac fortis, qui se mihi adiutorem præstat, magis sunt acutæ, quibus tu resistere non poteris, quo minùs te penetrent ac urant, tamquam cum carbonibus desolatoriis

solatoriis genistarum & iuniperorum, quorum vehementissimus est ardor.

3. Verumtamen quamquam hoc ita sit, heu mihi tamē, quia peregrinatio & incolatus meus apud Mesech prolongatus est, & tanto tempore habitavi cum habitantibus in tabernaculis Cedar, multum certē incola & hospes fuit anima mea.

Cum his qui oderunt pacem, contrā ego eram pacificus : & cū aliquando de pace loquebar illis, ipsi è contrā tanto magis incitabantur ad bellum, & impugnabant me gratis, sine ulla causā.

EXPLANATIO.

Ad Dominum] Potest etiam sic accipi hic Psalmus, ut sit imploratio auxilij cōtra calumniatores, addita ratione, quia nihil peius lingua dolosa, quæ vrit tamquā carbones iuniperorū. Concludendo tandē per exclamationē, quòd tanto tēpore cum id genus hominibus sibi sit viuendum.

PSALMVS CXX.

Canticum graduum.

Argumentum.

1. **A** It Propheta, se, omnibus circumspectis, non alibi quàm in vno Domino spem auxilij reperire: quod sibi adesse optat.
2. Ad quod statim respondet, omnino ita futurum.

1. **L** Euauī oculos meos in mōtes, circumspiciens vndique, & dixi, vnde veniet auxilium mihi?

Verūm omnibus lustratis, deprehendi non aliunde auxilium

auxilium meum esse, quàm à Domino, qui fecit
cælum & terram.

*Itaque tacitus apud me sic optabam: utinã non
det in commotionem neque vacillare sinat pedem
tuum, neque dormitet qui custodit te.*

2. *Quod cum mecum sic dixissem, continuo hu-
iusmodi mihi vox aderat: ecce non dormitabit
neque dormiet qui custodit Israël.*

Dominus custodit te, Dominus protectio &
quasi umbra tua, super manum dexteram tuam.

Per diem Sol non uret nec percutiet te, neque
Luna per noctem.

Dominus custodit te ab omni malo, custodiat
animam tuam Dominus.

Dominus custodiet introitum tuum & exitum
tuum, & è cõtra exitum & introitum, ex hoc nunc
& usque in sæculum.

EXPLANATIO.

Dormitabit neque dormiet] Dicit Dominum in populo
Israëlitico custodiendo non solùm nõ dormiturum, quod
pleni somni est; sed ne dormitaturum quidem, quod levis,
cùm oculi dumtaxat conniuent.

PSALMVS CXXI.

Canticum graduum.

Argumentum.

1. **D**icit vir sanctus, se magno gaudio affectum fuisse, quòd sibi
diceretur ad domũ Domini esse eundũ, quẽ Hierosolymæ
est: quæ sedem habens regiam, ædificijs & habitatoribus augetur.
2. Vnde

2. Vnde ad ciues suos & ciuitatem cōuersus, omnia bona illi optat. Siue autem de primā ædificatione tēpli, tempore Dauidis, psalmum hunc accipias, siue de restauratione vrbis post captiuitatem Baby- lonicam, proba est vtraque interpretatio.

1. **L**ætatus sum in his quæ dicta sunt; inquit illis qui dixerunt mihi, in domum Domini ibimus.

Stantes enim iam tūc erāt pedes nostri in atriis & portis tuis Hierusalem, in qua domus Domini constituta est.

Hierusalem, inquam, quæ iam ædificatur vt ciuitas, sic vt domus iungantur domibus: cuius participatio & arcta confœderatio est ciuium eius inter se, sic vt omnes conueniant ac conspirent simul in idipsum.

Illuc enim adscenderunt tribus, tribus, inquam, Domini, inter quas est testimoniū & mandatum quod factum est ipsi Israël, ad confitendum ac cantandum nomini Domini.

Quia illic federunt, & collocata sunt sedes in iudicio, ad iudiciū exercēdum: sedes, dico, & tribunalia iudicialia, quæ vnā cum regia dignitate venerunt super domum Dauid.

2. Rogate ergo quotquot estis, & petite quæ ad pacem sunt ciuitatis Hierusalem: & vt sit abundantia & quies, rerumq; omnium prosper successus diligentibus te, ô sancta Dei ciuitas.

Fiat pax in virtute ac fortitudine tua, murisq; ac mœnibus quibus praeingeris; & abundantia quiesq;

ac felicitas in turribus, ac domibus palatiiſq; tuis.

Etenim propter fratres meos, & proximos meos, ciues nempe qui te inhabitant, loquebar ſemper pacem de te, eamq; tibi optabam.

Et propter domum Domini Dei noſtri, qua in te eſt, quæſui ſemper omnia bona tibi.

EXPLANATIO.

Pacem] Pacem hîc ter optat Propheta ciuitati Hieroſolymorum, quia pax effectus eſt iuſtitie, quæ eſt anima ciuitatis, vnde & Hieruſalem tamquam viſio pacis dicitur. Cum pace autem omnium rerum abundantiam coniunctam eſſe, quod & ipſum ter hîc repetitur, iam ſuprà diximus. Ac cùm primùm generalitèr vrbibene precetur, poſt ſpecialiter ad ciues ſuos id refert, quod iuſtitie eſt erga homines; & domum Domini, quod ſanctitatis erga Deum.

PSALMVS CXXII.

Canticum graduum.

Argumentum.

1. **A**lloquens vir ſanctus Dominum, ait ſe toto obruta in eo hæzere, exſpectans eius auxilium. 2. Quod vt præſtare velit; habita ratione miſerie & oppreſſionis à malis, in qua verſatur, orat.

1. **A**d te leuaui oculos meos, qui habitas in cælis.

Ecce ſicut oculi ſeruorum in manibus ſunt, dominorum ſuorum, & ad eas ſemper reſpiciunt.

Sicut oculi ancillæ in manibus ſunt dominæ ſuæ: ita oculi noſtri ad Dominũ Deum noſtrum, donec miſereatur noſtri.

2. *Quare*

2. *Quare* miserere nostri Domine, miserere nostri: quia multum repleti, & *planè saturati* sumus despectione & contumelia.

Quia multum, *dico*, repleta est anima nostra, dum opprobrium nobis fit per *illusionē ab opulentis* & abundantibus, qui in divitiis suis acquiescunt; & despectio ac contemptus à superbis, qui supra alios se efferunt.

EXPLANATIO.

Superbis] Sæpe superborum fit mentio in Psalmis, quoniam eorum gravissimum est peccatum, quo non modò supra homines, sed & supra ipsum Deum se efferunt.

PSALMVS . CXXIII.

Canticum graduum.

Argumentum.

1. **D**icit sanctus populus primis quatuor versibus, nisi per Deum factum fuisse, centò de se actum fuisse. 2. Unde reliquis quatuor g. atias illi agit de auxilio præstito, tum quidem contra vim hostium, quæ per impetum aquæ significatur, tum autem contra dolum, qui per laqueum contritum.

1. **N**isi quia Dominus erat in nobis, dicat nunc Israël, nisi quia Dominus erat in nobis, Cum exurgerent homines in nos, fortè *tunc* viros *utique* deglutissent nos.

Cum irasceretur & excandesceret furor eorum in nos, forsitan *tunc* aqua *utique* obruisset & absorbuisset nos.

Cum

Cum effuso super nos fluvio torrentem pertransiuit anima nostra, forsitan, elatis nimium fluctibus, pertransisset utique anima nostra aquam intolerabilem, quam ob impetum furiosum ac superbum non potuisset sustinere.

2. *Quare benedictus Dominus, qui non dedit nos in captionem & pradam dentibus eorum.*

Etenim anima nostra sicut passer crepta est de laqueo venantium.

Laqueus contritus est, & nos liberati sumus.

Quod quidem adiutorium nostrum, non ope humana, sed in nomine Domini accidit, qui fecit cælum & terram.

EXPLANATIO.

Passer] Quadruplex est usus animalium in sacris literis, ut suprà tactū est. Primum ad usum vitæ, ut Adhuc carnes erant in ore ipsorū. Deinde ad sacrificia, ut, Tunc imponēt super altare tuum vitulos. Tum ad exempla vitæ ac scientiæ, ut, Ad similitudinem serpentis, obturantis aures suas. Denique, ad similitudines, ut hic: & suprà, Quemadmodū desiderat ceruus ad fontes aquarum, ita anhelat anima mea ad te Deus.

PSALMVS CXXIIII.

Canticum graduum.

Argumentum.

1. *At* Propheta, eos qui confidunt in Domino, oppugnari quidem posse, sed non vinci, ne & ipsi ex bonis mali fiant. 2. *Quod* verita contingat, orat.

1. *Q* Vi confidunt in Domino, erunt sicut mons Sion, qui non commouebitur nec labe-

labetur in æternum, sed contra qui stat, & habitat, durabitq; perpetuo immobilis in Ierusalem.

Respectu cuius vii montes sunt in circuitu eius, & ita respectu piorum Dominus ipse in circuitu est populi sui, ex hoc nunc & vsque in sæculum.

Quia tametsi quidem oppugnari eum nonnumquam finit probandi causa, non relinquet tamen unquam (Dominus) virgam & sceptrum impietatis ac peccatorum, ut requiescat super sortem iustorum, nempe ut non extendant ac mistant ipsi iusti ad iniquitatem manus suas.

2. Cuius quidem rei causa, benefac, queso, Domine bonis & rectis corde.

Declinantes autem in obliuationes, & deuia à praecepto Domini, unde in prauitatum suarum obliuationes & vincula incidunt, adducet Dñs cum operantibus iniquitatē, ut iisdem quibus ipsi pœnis afficiantur, ceterum pax vero iustitiæ sit super Israël.

EXPLANATIO.

Recti.] His opponuntur qui in obliuationes descendunt: nam cum iustitia recta via incedat, iniustitia tortuosa est, & deuia querit.

PSALMVS CXXV.

Canticum graduum.

Argumentum.

1. Decantant Ieritiam suam, qui ex captiuitate domum redeunt.
2. Orantes Deum, ut & alii, qui adhuc in captiuitate manebant, idem possit conuergere.

1. **C**um in conuertendo Dominus conuerteret captiuitatem Sion, facti sumus sicut consolati,

solati, & conualescentes è gravi morbo, & quidem ad eum modum, vt praelatiuares somno nobis simili videretur.

Quinimo tunc penitus repletum est risu & gaudio os nostrum, & lingua nostra cantu laudis, & exultatione.

Et quidem dum paulatim è captiuitate domum reuertemur, tunc dicent inter gentes hi qui captiuos nos abduxerunt, ecce magnificauit Dominus facere cum eis, mirabiliaq; sua in ipsis ostendit.

Ac nos illis respondentes, certe magnificauit; inquam, Dominus facere nobiscum, & ob hoc facti sumus latantes.

2. Quod cum ita sit, conuerte, quæso, Domine, ex toto captiuitatem nostram: vt nostri inde lati, magna multitudine & impetu reuertentes, sint sicut torrens in austro, qui aqua pluuiæ & nivali illo vento flante auctus, fertur concitatus, & habitatores terræ aridæ ac desertæ exhilarat.

Quod si facias, reipsa ostendes quod qui seminant in lachrymis, in exultatione metent.

Euntes enim illi qui adhuc absunt in captiuitate, erant sicut qui ibant cum canistro seminis, & flebant, mittentes inde longè preciosa semina sua, quæ nesciebant vtrum excrescere deberent, nec ne.

Venientes autem inde, erunt sicut qui veniendo venient cum exultatione, portantes manipulos suos, ex semine illo auctos.

EXPLA-

EXPLANATIO.

Seminant in lachrymis]. Difficile quidem communiter est, ob naturam depravatam, principium virtutis & iustitiæ; cui accedit, quod ferè persecutionem patitur à malis; sed fructus eius longè iucundissimus.

PSALMVS CXXVI.

Canticum graduum Salomonis.

Argumentum.

1. **N**isi Dominus adsit, frustra nos niti, vir sanctus ait. 2. Ipso autem fauente, omnia ex animi sententia, eum dulci sobolis propagatione succedere.

1. **N**isi Dominus ædificauerit domum, ac familiam constituerit, in vanum laborauerunt qui ædificant eam.

Nisi Dominus custodierit ciuitatem, frustra vigilat ac sollicitus est qui custodit eam: adeò tam priuata quam publica omnia, solus Deus sustinet.

Imò (vt & de singulis quoque loquar) nisi Dominus adsit, vanum est vobis festinare, & vel ante lucem surgere, ad laborandum, vosq; mutuo cohortari, dicentes: surgite postquam iam satis sedetitis ac tardaueritis, vos qui māducatis panem doloris, quem continuò manuum labore ac sollicitudine quærere & parare debetis.

2. Caterùm cum ille adest ac fauet, & dederit dilectis suis pro labore ac sollicitudine pacem, & altam quietem tamquam somnum, tum omnia rectè

succedunt tam ipsis, quam liberis eorum: ecce enim hereditas Domini sunt filij, & merces iustitia ipsius est fructus ventris eius.

Ac sicut sunt veloces sagittæ in manu hominis fortis ac potentis: ita sunt filij iuventutis excussorum, qui leues & expediti, liberisq; suis comitati, contra quosuis se facile defendunt.

Et quidē beatus ille vir qui implevit pharetram suam ex huiusmodi sagittis, & desiderium suū ex ipsis: certē non confundetur aut pudore afficientur huiusmodi, cum, filiis illis suis comitati, loquentur cum inimicis suis in porta; ac iudicio publico.

EXPLANATIO.

In manu potentis] Siue vi certandum sit, quod hoc versu exprimitur; siue iure, quod sequenti; semper cum cui Deus fauet, superiorem fore ait.

PSALMVS CXXVII.

Canticum graduum.

Argumentum.

1. **D**escribit vir sanctus beatitudinem privatam viri pij: 2. Quæ ut ei & publicè contingere possit, opiat.

1. **B**eati omnes qui timeant Dominum *animo intus; & qui ambulāt in viis eius, opere foris.*
Etenim, Deo fauente, labores manuum tuarum quia manducabis, quisquis eiusmodi es, beatus es & bene tibi (erit.)

Vxor

Vxor tua sicut vineis fructifera eris, & abundans,
in lateribus domus tuæ.

Filij tui sicut nouellæ plantule oliuarum, in cir-
cuitu mensæ tuæ.

Ecce sic benedicetur homo qui timer Do-
minum.

Benedicat tibi Dominus ex Sion, & videas bo-
na Ierusalem omnibus diebus vitæ tuæ.

Et videas filios filiorum tuorum, & pacem su-
per Israël.

EXPLANATIO.

Labares] Tria hic enumerantur præmia piorum: vnum
in vita singulari, quod labores manuum suarum manduca-
bit; alterum in domo, & familia, quod habebit uxorem &
liberos: & tertium in republica, cuius tres sunt gradus, arx
Sion, ciuitas Ierusalem, quæ arcem Sion complectitur, &
tota terra Israël, in qua Ierusalem sita est.

PSALMV. CXXVIII.

Canticum graduum.

Argumentum.

Inducit Propheta populum Israeliticum dicentem sæpe qui-
dem oppugnatum se fuisse, sed nihil potuisse impio- 2 Quos
pudore confundi, & itaque solum quod in ædificiorum
crescens, per se arefcit, fieri optat.

Sæpe ac multum expugnauerunt me, variisq;
molestiis & angustis affecerunt, iam inde à
pueritia ac iuuentute mea, quo primum in populum
Dei sum cooptatus, dicat nunc Israël:

Sæpe expugnaverunt & aggressi sunt me à iu-
uentute mea, sed nihil effecerunt: etenim non po-
tuerunt mihi præualere.

Quin supra dorsum meum fabricauerunt pec-
catores, & tamquam aratores arauerunt: & sul-
cum suum ducenies, prolongauerunt iniquita-
tem suam.

2. Et tamen Dominus iustus concidit funes im-
piorum, & ceruices peccatorum: qui quidem oro vt
pudore confundantur, & conuertantur retrorsum
omnes qui oderunt Sion.

Fiât sicut herba & fœnum tectorum, quod ter-
ra & radice caret, priusquam ab hominibus euella-
tur, vel etiam exsiliit, iam per se exaruit.

De quo, cum nihil sit, & nullius precij, non im-
pleuit manum suam qui metet, & vlnam ac si-
num suum, qui manipulos colliget.

Et non dixerunt metētibus, vt sit, hi qui præter-
ibant, benedictio Domini super vos, benedixi-
mus vobis in nomine Domini.

EXPLANATIO.

[Fœnum tectorum] Cum iustus palmæ ad aquam floren-
ti, & fructus producenti sit similis: iniustus fœno tectorum,
quod radice carens, & terra & aqua destitutum, à Sole
mox comburitur, sic vt neque mortalibus profit, neque be-
nedictio Dei super eo optetur, comparatur.

PSALMVS CXXIX.

Titulus. Canticum graduum.

Argumentum.

INuocat vir sanctus Dei misericordiam de peccatis condonandis, quod certo ita fore sperat. 2. Adhortatur populum Israeliticum, ut se in eo imuetur.

1. **D**E profundis malorum & angustiarum undis clamaui ad te Domine: Domino exaudi vocem meam.

Fiant aures tuæ intendentes in vocem deprecationis meæ, ut mei miserearis.

Si enim iniquitates omnes nostras in memoria semper habēs, rigide obseruaueris, summoq; iure nobiscum agas Domine, qui trinus es & vnus; o Domine, quis sustinebit, aut subsistere poteris?

Certe nemo, nemo, inquam, quia non apud nos innocentia, sed apud te (secundum legem tuam, in qua veniam pœnitentibus promittis) propitiatio est, & remissio peccatorū: unde fit ut ab omnibus tamquam bonus ac benignus colaris, & ego quoque propter eandem benignam legem tuam semper sustinui & expectavi, coluique cum timore & reuerentia te Domine.

Sustinuit, inquam, & expectauit anima mea sperans in verbo illo promissionis eius: sperauit, dico, anima mea in Domino meo, trino & vno.

2. In qua quidem re me imitando à custodia

matutina usque ad noctem, speret Israël in Domino, anheletq; ad illum, haud secus atque custodes nocturni matutinum tempus expectare, custodes dico nocturni, matutinum tempus expectare solent.

Quia apud Dominum misericordia, in peccatis condonandis; & copiosa apud eum redemptio, in malis auferendis.

Et secundum hoc sine dubio ipse redimet Israël ex omnibus iniquitatibus & aduersitatibus eius.

EXPLANATIO.

Legem tuam Legis nomine non solum iussa & vetita, sed & promissa intelliguntur de peccatis condonandis. Qua quidem usque opus est, quia nemo tam perfectus esse potest in hac vita, ut non ea indigeat.

PSALMVS CXXX.

Titulus. Canticum graduum.

Argumentum.

1. Dicit David, se neque ob regnum, superbia elatum, neque ob donum prophetiae, curiosum in secretis Dei perquirendis factum fuisse. 2. Offerens iustam poenam subire, nisi quam humillime semper de se senterit, & ab vno Deo totus pependit. 3. Quod ut totus populus Israeliticus imitetur, optat.

1. DDomine, non est exaltatum cor meum, neque elati ac superbi sunt oculi mei, quantum ad vitam & mores attinet.

Et quantum ad rerum intelligentiam, neque ambulavi in magnis, neq. in mirabilibus super me, quae vim ingenij mei excederent.

2. Imò

2. Imò reprehēde ac castiga me acriter, si non compescens & silere faciens meipsum, humiliter de omnibus rebus sentiebam, equans & dimetiens intelligentiam meam ad legem Dei, eiq; me subiciens; sed ē contrā exaltaui animam meam supra eam.

Si non, inquam, sicut puer qui primū ablactatus est, & totus pendet super matrem suam, illius munuscula exspectans, ita & à me retributio & ablactatio facta est in anima mea: vt non in se, sed in te solo & tuis donis acquiescat.

3. Quod quidem cum ita sit, sequens exemplum meum speret Israël in Domino, & exspectet ab illo solo omnia, ex hoc nunc & vsque in sæculum.

EXPLANATIO.

Magnis & mirabilibus] Magna in diuinis sunt, quæ capacitatē ingenij humani excedunt, nec vllō modo cognosci possunt; mirabilia, quorum effectus quidem percipiuntur, sed rationes aciem ingenij nostri effugiunt, vnde admiratio nascitur.

PSALMVS CXXXI.

Titulus. Canticum graduum.

Argumentum.

1. Inuocans vir sanctus Dominum, ait se vouisse, non quietum se, antequam locum templo ipsi edificando aptum inueniret. 2. Quem mox se inuenisse dicens, rogat vt sua præsētia locum sanctificare velit, nec se à populo suo auertere. 3. Idque cum quidem ob promissionē ipsi Dauidi, & eius posteritati factam.

4. Tu *videtur* quod ipsemet Dominus montem Sion in perpetuam habitationem sibi elegit, ubi Dauidem & eius posteritatem illustraret per Christum filium suum.

1. **M**emento Domine Dauid, & omnis afflictionis & multitudinis eius, in patienter ea perseverando.

Nempe sicut illius qui iuravit Domino, votum vouit potenti Deo Iacob.

Dicens, vide, si introiero in tabernaculum domus meae, aut si adscendero in lectum strati mei:

Vel si dederō somnum oculis meis, & palpebris meis dormitationem, etiam leuissimam:

Et denique (requiem temporibus meis) donec inueniam locum aptum ad edificandum templum Domino, tabernaculum forti Deo Iacob: certè non sum facturus, non faciam ullo modo.

2. Quia ecce iam audiuius, locum, & aream ad eam rem idoneam exstare in Ephrata Bethlehem, inuenimus eam in campis siluæ.

Ibi introibimus in tabernacula eius, & incuruati adorabimus scabellum in loco ubi steterunt pedes eius.

Tu modo surge Domine in perpetuam requiem tuam, tu, inquam, & arca sanctificationis & fortitudinis tuæ, quæ hactenus incertis sedibus vagata est.

Sacerdotes tui, qui circa eam versabuntur, induantur iustitia, tamquam veste ex omnibus virtutibus contexta, quæ totum corpus regit: & sancti tui,

mores

mores sacerdotum secuti, atq; sanctificati, exsultent,
quod primum est iustitia.

Quinimo propter David seruum tuum, quem
tantopere diligis, non auertas, quaeso, faciem, nec
differas amplius aduentum Christi tui.

3. Iurauit enim Dominus David veritatem; &
cum sit fidelis, non frustrabitur eum, nec ipsam veri-
tatem suam, dicens, de fructu ventris tui ponam
super sedem tuam.

Et si custodierint filij tui testamentum & fæ-
dus meum, & testimonia mea hæc (quæ) docebo eos.

Et filij quoque eorum vsque in aeternum sæcu-
lum sedebunt super sedem tuam.

Quoniam elegit Dominus Sion, desiderauit &
elegit eam in habitationem sibi.

4. Dicens, hæc est requies mea in sæculum sæ-
culi: hic habitabo, quoniam concupini & elegi eam.

Viduam quæ in ea degit, & cibum, annonamque
eius benedicens benedicam, & pauperes eius sa-
turabo panibus.

Sacerdotes eius induam salutaribus, quod à iusti-
tia proficiscitur: & sancti eius, quos gratia & mi-
sericordia sua complexus est, exultatione exsul-
tabunt.

Illic & producam ac germinare faciam cornu
& potentiam ipsi David, & parauimus iam lucernam
& perpetuum splendorem Christo meo, quem illi hæ-
redem sum missurus.

Inimicos eius pudore affectos induam confusione,
super

super ipsum autem effloreat sanctificatio mea,
& corona regni eius.

EXPLANATIO.

Induantur iustitia] Comparatur iustitia vestimento: quoniam ut hoc corpus, ita illa anima ornat. Estque universalis, continens omnes in se virtutes, & est propria Sacerdotum, quemadmodum sapientia Prophetarum, & potentia Regum.

PSALMVS, CXXXII.

Titulus. Canticum graduum.

Argumentum.

P Rædicat Propheta vitam socialem, cum tamquam fratres plures concordēs inter se degunt.

I. Ecce, quàm bonum & simul quàm incundum, habitare ac sedere fratres concordēs in unum.

Quantum enim ad incunditatem attinet, est sicut oleum & unguentum optimum ac fragrantissimum in capite, quod descendit in barbam, barbam Aaron.

Quod descendit, inquam, in oram superiorem vestimenti eius, cum in sacerdotem inungeretur: & quantum ad bonitatem, est sicut ros montis Hermon, qui de caelo veniens, descendit quoque in montem Sion, & alios montes vicinos, tamquam fratres.

Quoniam ut illic per odoris suauitatem, & roris fertilitatem mandauit Dominus benedictionem,
dans

dans rerum omnium fragrantissimarum abundantiam, & vitam usque in sæculum: ita & inter fratres per concordiam contingit, ut in iucunditate & bonitate perpetua, cum omni rerum abundantia, quæ soror est concordie, inter se vivant.

EXPLANATIO.

Bonum, iucundum] Iungit utrumque: quoniam multa speciatim sunt bona, quæ non sunt iucunda; & multa specialiter iucunda, quæ non sunt bona.

PSALMVS CXXXIII.

Titulus. Canticum graduum.

Argumentum.

1. *Inuitat David populum & sacerdotes ad Deo benedicendum: Oportans vice, versa, ut & Deus illis benedicat.*

1. *E* Cce nunc, pace ab hostibus parta, benedicite Domino omnes serui Domini,

Ac potissimum quidem vos sacerdotes, qui statis in domo Domini; & vos Leuita, qui versamini (in atris domus Dei nostri.)

Et quidem non de die solum, sed & in noctibus singulis extollite manus vestras in sancta sanctorum, & benedicite Domino.

Quod quidem cum tu Israël, tuq, Pontifex maxime facies: benedicat te vicissim Dominus ex Sion, qui fecit cælum & terram.

EXPLA-

EXPLANATIO.

Domo Domini] Omnes tres partes domus Domini hic enumerantur: Atrium, in quo Leuitæ versabantur; Tabernaculū, in quo Sacerdotes; & Sanctum sanctorum, in quo Pontifex maximus semel in anno.

PSALMVS: CXXXIII.

Titulus.

Laudate Dominum Alleluia.

Argumentum.

1. **H**ortatur vir sanctus populum & sacerdotes ad Dei laudes celebrandas, idque tum generaliter, quia bonus est & omnipotens: 2. Tum autem specialiter, ob res naturales quas facit in mundo: 3. Et supernaturales, quas circa populum suum Israeliticum. 4. Quod secus accidit circa deos Gentium, qui non nisi argentum sunt & aurum, quibus similes fieri optat, qui faciunt & colunt eos. 5. Inuitans populum Israeliticum, ut soli vero Deo suo benedicat.

1. **D**eum celebrantes, laudate nomen Domini, laudate serui Domini.

Qui statis & versamini quotidie in domo Domini, in atriis domus Dei nostri.

Laudate, inquam, Dominum, quia bonus est Dominus: psallite nomini eius, quoniā suaue est.

Quoniam, dico, Iacob elegit sibi Dominus, Israël in propriam possessionem, & dilectum peculiumq; sibi.

Quia, iterum dico, ego cognoui quodd magnus est Dominus, & Deus noster præ omnibus diis.

2. Omnia enim quaecumque voluit Dominus fecit

fecit in cælo, & in terra, in mari, & in omnibus abyssis.

Educes & ascendere faciens nubem, quæ super est; ab extremis, & superficie, exhalationeq; terræ, quæ infra; fulgura ignea, ut in pluuiam aqueam mutetur, illiq; tametsi contraria, admirabili ratione immisceantur, fecit.

Is est qui producit ventos de locis abditissimis, tamquam de thesauris suis: qui percussit primogenita Ægypti, ab homine usque ad pecus.

3. Qui emisit signa & prodigia in medio tui Ægypte, in Pharaonem, & in omnes seruos eius.

Qui percussit gentes multas, & occidit reges fortes.

Seon regem Amorrhæorum, & Og, regem Basan, & omnia regna Chanaan.

Et dedit terram eorum hereditatem, hereditatem Israël populo suo.

Qua quidem re sit, Domine, quod nomen tuum in æternum manet: quodq; o Domine, memoriale tuum in generationem durat & generationem.

Quia iudicabit. & patrocínio suo tuebitur, ulcisceturque Dominus populum suum, si quando ab aliis nationibus iniuria afficietur: & in seruis suis, si quando aduersum eum peccauerit, deprecabitur, & placabilem se ostendet, ut populum suum consoletur.

4. Ceterum è contrà autem simulacra gentium argètum sunt & aurum, opera manuû hominum.

Os

2. Os habent, & non loquentur: oculos habent, & non videbunt.

Aures habent, & non audient: neque enim etiam est spiritus in ore ipsorum,

Similes illis fiant qui faciunt ea manibus, & omnes qui confidunt in eis corde.

5. *Caterum* vos domus & familia Israël, benedicite Domino: domus Aaron, benedicite Dño.

Domus Levi, benedicite Domino: omnes qui timeris Dominum, benedicite Domino.

Benedictus denique Dominus ex Sion, qui habitat in Ierusalem.

EXPLANATIO.

Bonus] Bonitas Deo tribuitur, suauitas nomini eius: nam quemadmodum nomen à substantia, ita suauitas à bonitate profluit.

PSALMVS CXXXV.

Titulus. Laudate Dominum Alleluia.

Argumentum.

1. Incitat hoc elegantissimo carmine populum Propheta ad Dei laudes decantandas, idque ob bonitatem, & perpetuam eius misericordiam, quæ à bonitate profluit, quam singulis versibus repetit: enarrans primo in genere quid sit, 2. Deinde specialiter quo pacto mundum, & omnem eius ornatum creatit. 3. Et quid circa populum suum Israeliticum fecerit. 4. Vnde ad primam exhortationem, vnde ceperat, redit.

1. **C**onfitemini & cum laude gratias agite Domino, quoniam bonus, quoniam in æternum

æternum sæculum misericordia & gratia eius.

Confitemini Deo Deorum, qui trinusest & unus, quoniam in æternum misericordia eius.

Confitemini Domino Dominorum, quoniam in æternum misericordia eius.

2. *Qui facit mirabilia magna, & ab intelligentia nostra penitus separata solus, quoniam in æternum misericordia eius.*

Qui fecit cælos in intellectu, summo artificio ac sapientia, quoniam in æternum misericordia eius.

Qui expandit & firmavit terram super aquas, quoniam in æternum misericordia eius.

Qui fecit luminaria magna, quoniam in æternum misericordia eius.

Solem in potestatem ac dominium diei, ut illi præsit, quoniam in æternum misericordia eius.

Lunam & stellas in potestatem noctis, quoniam in æternum misericordia eius.

3. *Qui percussit Ægyptum cum primogenitis eorum, quoniam in æternum misericordia eius.*

Qui eduxit Israël de medio eorum, quoniam in æternum misericordia eius.

In manu forti ac potenti, ac brachio excelso extentoque, quoniam in æternum misericordia eius.

Qui diuisit ac quasi discidit mare rubrum (sive canna & arundinis rubra) in partes ac diuisiones, quoniam in æternum misericordia eius.

Et eduxit ac transire fecit Israël per medium
h eius,

eius, quoniam in æternum misericordia eius.

Et excussit, & euertēs submersit Pharaonem, & virtutē exercitumq^{ue}, eius in mari rubro, quoniam in æternum misericordia eius.

Qui traduxit & ambulare fecit populum suum per desertum, quoniam in æternum misericordia eius.

Qui percussit Reges magnos, quoniam in æternum misericordia eius.

Et occidit Reges fortes, quoniam in æternum misericordia eius.

Seon Regem Amorrhæorū, quoniam in æternum misericordia eius.

Et Og Regem Basan, quoniam in æternum misericordia eius.

Et dedit terram eorum in hæreditatem, quoniam in æternum misericordia eius.

Hæreditatē Israël seruo suo, quoniam in æternum misericordia eius.

Quia in humilitate & afflictione nostra memor fuit nostri, quoniam in æternū misericordia eius.

Et redemit nos ab inimicis nostris, qui angustiis nos afficiebant, quoniam in æternum misericordia eius.

Qui dat panem & escam omni carni, quoniam in æternum misericordia eius.

4. Ergo confitemini, dico, Deo cæli, qui supra omnem naturam est positus, quoniam in æternum misericordia eius.

(Confite-

(Confitemini Domino Dominorū, qui supra omnes homines constitutus est, quoniam in æternum misericordia eius.)

EXPLANATIO.

Domino] Nota ter hīc Dei nomen poni, ad Trinitatem designandam. Primò quidem absolute per se, per nomen Tetragrammaton, quod Deum trinum & vnum designat. Secundò autem, quòd eum vocat Deum deorum, vt supra omnes Angelos in cælo esse intelligatur. Terriò Dominum Dominorum, vt supra omnes homines in terra.

PSALMVS CXXXVI.

Titulus.

(Psalmus David, propter Ieremiam.)

Argumentum.

1. **I**nducit Propheta loquentes eos qui captivi in Babylonia detinebantur, & suspensis præ mœrore instrumentis musicis, ad cantandum à Babyloniis per irrisionem inuitabantur. 2. Quibus ipsi respondent, non posse ob memoriam patriæ cantare se in terra aliena. 3. Vnde ad Deum deprecandum se conuertunt, vt liberari aliquando possint. 4. Et ad ipsos Babylonicos, vt iustam de iis aliquando sumant vindictam, quemadmodum fiebat in excisione regni Chaldeorum.

1. **S**uper flumina Babylonis, illic sedimus, & fleuimus, dum recordaremur tui Sion.

In salicibus quæ sunt passim in Babylonia ad ripas fluminum, in ipso medio eius suspendimus citharas & organa nostra.

Atque id quidem præ summo animi mœrore; quia illic interrogauerunt nos, & postulabant à

nobis qui captiuos duxerunt nos, verba cationum.

Et qui abduxerunt nos citharis suspensis, nos deridentes, pro ululatu exquirebant hymnum & letitiam, dicentes: cantate nobis de canticis Sion.

2. *Quibus autem nos respondebamus, quomodo cantabimus canticum Domini, extra patriam, in terra aliena, ubi verus Deus non agnoscitur?*

Etenim si oblitus fuero tui Ierusalem, quae sola ciuitas sancta es, & veri Dei sedes; obliuioni detur vel propria dextera mea, ipsa quoque obliuiscatur artis suae pulsandi citharam.

Et adhæreat lingua mea faucibus meis, ita ut prorsus nequeam cantare, si non meminerò tui.

Si non, inquam, proposuero & extulero Ierusalem in capite ac principio lætitiæ meæ.

3. *Quod cum ita sit; memor esto, quaeso, vel tandem Domine, hostium nostrorum, filiorum Ædom, & recordare quàm crudeliter concitatis Babyloniis, nos tractarunt Idumaei in die illa quâ hostiliter diripiebatur Ierusalem.*

Qui, inquam, uti tum dicebant, ita adhuc hodie pergunt ac dicunt quotidie, exinanite, exinanite, ac diripite totam ciuitatem, eruite ipsam vsq. ad vltimum fundamentum quod est in ea.

4. *O filia Babylonis quae nunc exsultas, quia nos afflixisti, quàm vicissim eris misera, & omni ex parte deuastata beatus sanè qui iure talionis retribuit tibi retributionem tuam, quam retribuisti nobis.*

Beatus

Beatus, dico, qui te comprehensam tenebit, & raptos ab uberibus allidet paruulos liberos tuos ad petram.

EXPLANATIO.

Dauid propter Ieremiam] Hoc sic accipi potest, quod hic Psalmus vel à Dauide spiritu prophetico factus est, & à Ieremia tempore captiuitatis Babylonice decantatus: vel quod à Ieremia factus est, ad imitationem Psalmorum Dauidis. apud Hæbreos nulla est inscriptio.

Supra omne nomen tuum] Sententia ex Hebræo est, super omnia nomina Dei illud esse nobilissimū, quod Deus Verbum dicitur: siue Verbum Domini, qui est Christus, supra omnia illius esse nomina.

PSALMVS CXXXVII.

Titulus.

Psalmus cantatus ipsi Dauid.

Argumentum.

1. **P**rimū agit Deo gratias Dauid de præteritis, 2. Deinde orat pro futuris, vt tanto maiores gratias agat, nō ipse solū, sed & omnes principes cum eo. 3. Tum confidentiam suam in Deo commemorat, rogans vt quod bene cōptum est, perficiatur.

1. **C**onfitebor & gratias agam tibi (Domine) in toto corde meo, quoniam audisti verba oris mei.

In conspectu deorum & Angelorum, iudicūque ac magnatum populi, psallam tibi: adorabo & incuruabo me ad templum sanctum tuum, & confitebor ac canam nomini tuo.

Idēq; super misericordia tua, in peccatis condonandis

nandis, afflictisq; inuandis; & veritate tua, in promissis semper præstandis: quoniam magnificasti & celebre fecisti iuper omne id quod est, nomen sanctum tuum, & verbum eloquiumq; tuum.

2. Quod quidem cum ita sit circa præterita & circa futura; ô Domine, in quacumque die inuocauero te, exaudi, quaeso, me, votis meis respondens: id enim si facias, multiplicabis in anima mea, & quasi superadificabis virtutem ac fortitudinem, ad te magis ac magis prædicandum.

Quod quidem opto ut non ego solus faciam, sed & una mecum confiteantur & canant tibi Domine omnes Reges terræ, quia audierunt (omnia) verba & promissa oris tui, quæ in nobis perfecisti.

Et ob id ad te se applicantes, cantent, ambulantes in viis Domini, ac dicant quoniam magna est gloria Domini.

Quoniam excelsus Dominus, & humilia respicit, & alta à longè cognoscit.

3. Profectò, si ambulauero vel in medio tribulationis & angustie, tu viuificabis me, & super iram ac furorem inimicorum meorum extends, ut sepe extendisti, manum tuam; & saluum me faciet, uti frequenter fecit, dextera tua.

Dominus enim retribuet iis pro me, & perficiet quod cepit: etenim, ô Dñe, misericordia tua in seculum durat, quare nos opera manuum tuarum ne despicias; & quod tam bene instituisti in me opus, ne intermittas aut deseras, sed quemadmodum cepisti perge.

EXPLA-

EXPLANATIO.

Omnes Reges terra] Optat ut Christi gloria per omnes fines terræ diffundatur, quemadmodum fiet.

PSALMVS CXXXV III.

Titulus.

In finem, siue ad summum præfectum chori missi, missus Psalmus David.

Argumentum.

1. **A**lloquens vir sanctus Dominum, ait se exploratum ab eo esse & penitus cognitum in omnibus cogitatis, dictis, & factis suis. 2. Quod quidem ea re fieri dicit, quia scientia Domini quæ nobis incòprehensibilis est, infinita est, & per omnia hostra se extendit, & peruat. 3. Quare ad eum laudandum se conuertens, ait se contemplatione operum Domini infinitè delectari. 4. Et quem id modum amicos ejus honor: prosequitur, ita inimicos ex toto animo odisse. 5. In qua re si quid est dubitationis, orat ut Dominus ipsum probet, & si quid deesse videatur, supplicat.

1. **D**omine tu probasti & inuestigasti me, & cognouisti (me:) tu cognouisti sessionem meam, & resurrectionem meam, quicquid omnino aut stans aut sedens agam.

Sed & intellexisti malas cogitationes meas do longè, antequam in animum ipsum veniant: semitam meam, si qua inambulare velim; & funiculum stratumq; meum, si quando velim accumbere, inuestigasti, & quasi circumdediti, dum semper circa me versaris, & locum meum ipse ventilas.

Denique rursus & omnes vias meas præuidisti, sic ut nihil te fugiat, quia non est sermo, atque adeò

ne verbulum quidem in lingua mea, quod tu non multo antè pranoueris.

2. *Ecce enim Domine tu cognouisti omnia nouissima & antiqua, tu retrò & antè formasti me, & posuisti super me manum tuam, qua formam & figuram oris mihi dedisti.*

Ad cuius quidem rei contemplationem me conuertens, mirabilis facta est scientia (tua,) & longè posita ex me, mirumq; in modum supra captum meū collocata: penitus confortata & exaltata est, & non potero ullo modo pertingere ad eam, propterea quod cū ego finitus sim, illa infinita est, & per omnia se extendens.

Nam quò ibo à spiritu tuo, ut illinc euadam; & quò à facie tua fugiam, ut ab eius cōspēctū lateam?

Si adscendero in cælum, tu illic es: si descendero ad infernum, ibiq; lectum mihi strauero, ades.

Si sumpsero pennas meas diluculo, easq; tamquam alas ipsius aurora, & sic vno quasi momento ab Oriente volans ad Occidentem habitauero in extremis maris,

Nihil adhuc proficiam: etenim & illuc manus tua deducet me, & tenebit me dextera tua.

Quin & dixi aliquando, forsitan tenebræ conculcabunt & obtegent me; & vtens illis pro luce, nox erit mihi illuminatio mea in deliciis meis.

Et tamen nihil omnino proficiebam, quia tenebræ non sunt tenebræ, nec obscurabuntur à te, quo minus me videas: & nox sicut dies illuminabitur;

&

& sicut sunt tenebre (eius,) ita est & lumen (eius.)

Quod quidē ideo fit, quia tu in ipsis intimis meis
 harens, possedisti renes meos, & suscepisti me de
 utero matris meæ, ubi admirabili quadam ratione
 me contexisti ac cooperuisti.

3. Quare confitebor & gratias agam tibi, quia
 terribiliter magnificatus es in me formando: &
 mirabilia sunt omnia opera tua, & anima mea
 cognosceret nimis, quàm omnia mea tibi sint cura.

Non est enim occultatum vel vnum os meum
 à te, quod ipse fecisti in occulto cum textura &
 & substantia mea, nervis & venis alijsq; rebus mi-
 rabiliter implicata, & quasi acu picta, per te fieret in
 intima vulva, tamquam in inferioribus terræ.

Imperfectum & informem adhuc fœtum meum
 viderunt oculi tui, & tum eo ipso tempore in libro
 tuo iam omnes artus & dies mei descripti erant, &
 in posterum perpetuò scribentur. Ac quamquam
 quidem per suos quique dies postea formabuntur,
 tu tamen eos omnes antè cognoscis, & nemo est, nul-
 lusq; dies in eis, quem tu non priùs probè noris.

Quod quidem cum animo meo reputans, enimvero
 mihi autē nimis, & suprā quàm dici queat precio-
 sa & admirabiles cogitationes illæ tuæ visæ sunt, &
 honorificati mihi facti sunt amici illi tui, omniq;
 ex parte benevoli actus, ô Deus: nimis, dico, con-
 fortatus & multiplex visus est principatus & sum-
 ma eorum.

Nam si fortè repetitis principiis dinumerabo
 eos,

cos, extendentur in infinitū, & super arenam multiplicabuntur: & si euigilans exlurrexi, forisasse ut eos comprehendam, æque parum explico; incepti enim summo mane, & ecce imo hoc vespere adhuc sum tecum, versans animum in omnes partes, nec aliud inueniens, quam tantā operum tuorum esse admirabilitatem, ut nullo ingenio humano comprehendere possint; sed veri piy viri officium esse, illis semper nō ad penitus intelligendum, sed colendum, cum summa reuerentia adherere, nec unquā à te vel latum unguē discedere.

4. Quod quidem ego faciens, uti amicos tuos honoro, eorumq; prosperum successum ac multiplicationē in summo precio habeo, exsuscitans me ea re tamquam ex somno, & tibi semper adherens: ita è contrā non possum non aduersus impios, qui tanto opere te negligunt ac contemnunt, grauissimè saepe commoueri, dicens: si occideris, ò Deus, peccatores, quā praeclarum opus feceris, & vos viri sanguinum, qui effundendo sanguine delectamini, declinate & recedite à me.

Vos, inquam, qui scelerata & abominabilia dicitis aduersum Deum in cogitatione vestra. fac, queso, ò Domine, ut accipiant & exsuscitent contra te in vanum sine vllō effectu ciuitates & vires suas, & frustra se opponant nomini tuo.

In qua quidem verba quòd prorumpam, non alia re fit, quā zelo aduersum eos qui te persequuntur: nōne enim (nam tu id scis) qui oderunt te Domine, semper oderam, & super inimicos tuos,
qui

qui aduersum te insurgūt, indignatus tabescebam?

Enimvero perfecto, & ad summum vsque terminum adducto odio oderam illos, & capitales inimici facti sunt mihi.

5. Et si quid dubitationis ea de re esse, aut boni adhuc zeli deesse mihi videatur, proba me Deus, & scito penitus cor meum, & interroga & explora me, & cognosce semitas ac cogitationes meas.

Et vide si via iniquitatis & irritationis derisionisq; in me est, qualis est in illis impiis: & si id inuenias, deduc me in via æterna, corrigens me quem admodum oportet; & si non obtemperem, vel morte me afficiens.

EXPLANATIO.

Amici tui] Quoniam ista vel ad opera Domini, vel ad eius cultores referri possunt, ideo vtramque expositionem posuimus in Paraphrasi, vnā decimo sexto versu, alteram decimo octauo.

PSALMVS CXXXIX.

Titulus.

In finem, siue ad summum præfectum chori musici, cantandus missus Psalmus Dauid.

Argumentum.

1. Implorat vir sanctus auxilium contra calumniatores & hostes suos. 2. Idque interposito diapsalmate repetit. 3. Vnde post alteram diapsalma, ad intentius præcandum reuertitur. 4. Quo facto, post tertium diapsalma iam se exauditum ait, foreque vt mali malè pereant, boni autem Deo gratias agant.

1. **E**Ripe me Domine ab homine malo, à viro iniquo & iniusto eripe ac custodi me.

Ab illis, inquam, qui cogitauerunt mala & iniquitates in corde, & tota die congregabantur & constituebant praelia.

Qui acuerunt linguas suas sicut serpentes, & venenum aspidum sub labiis eorum. Ita profecto res est, Sela.

2. Custodi me Domine de manu peccatoris impij, & ab hominibus violentis & iniquis eripe me.

Ab his, dico, qui cogitauerunt supplantare ac subuertere gressus meos: nam absconderunt homines contumaces ac superbi rete siue laqueum mihi.

Et funes extenderunt in rete ac laqueum pedibus meis, ac iuxta iter, quò transeundum mihi est, scandalum ac offendiculum & tendiculas posuerunt mihi. Sic sanè se habet, Sela.

3. Quod vidēs, dixi Domino, Deus fortis meus es tu: exaudi Domine vocem deprecationis meæ.

O Domine Deus, Domine qui es virtus ac fortitudo salutis meæ, & obumbrasti super caput meum, idq; semper protexisti in die belli:

Ne tradas me nunc tu, dico, Domine à desiderio, prout impij optant, hosti meo peccatori: & quæ cogitauerunt contra me, ne, quæso, perficias, aut in opus educi sinas: neque derelinquas me, ne, si fortè id facias, exalcentur, & superbia se efferant. Verùm eia eia, Sela: extollamus vocem.

4. Ecce enim iam Dominus exaudivit me ipso princeps ac caput circuitus & cætus eorum qui me
circum-

circumdare student: sub suis propriis machinis peribit, & labor ac virus labiorum ipsorum, quod in me flare conantur, operiet eos.

Cadent super eos carbones ardentes, in ignem deiicies eos: in foveas profundas abs te detrusi, in miseriis suis non subsistent, nec unquam emergent aut resurgent ex ipsis foveis.

Denique vir linguosus, & vaniloquus verbis, non dirigitur nec stabilietur unquam in terra, & virum iniustum factis mala tamquam venatores persequentur, & capient eum in interitu, ad perpetuam ruinam & internicionem ipsius.

Scio enim, & planè cognoui, quia licet tardare nonnumquam videatur, faciet tamen ad extremum Dominus iudicium & ultionem inopis, & vindictam pauperum, sic ut scelerati & impij confundantur & pereant.

Verumtamen è contrà iusti confitebuntur & gratias agent nomini tuo, & habitabunt recti cum vultu tuo, sedentes ac versantes coram facie tua.

EXPLANATIO.

Faciet Dominus] Pulchra est anthithesis præmij maiorum & bonorum, quorum finis est, Deo perpetuas gratias agere, & cum eo habitare.

PSALMVS CXL.

Titulus. Psalmus Dauid.

Argumentum.

1. **P**etit Dauid exaudiri orationem suam, nequid mali faciat aut cogitet, vel cum malis se iungat. 2. Dicens, se à consuetudine illorum penitus abhorrere : quoniam licet bonos subinde audire videantur, reuera tamē semper aliquid aduersum ipsos machinantur. 3. Quare aduersum eos custodiri, & liberati ab iis optat.

1. **D**omine clamaui ad te, *festina*, & exaudi me : intende voci meæ, cū clamauiero ad te.

Dirigatur oratio mea sicut incensum *suffimentum thuris* in conspectu tuo, & eleuatio manuum mearum sit *tamquam* sacrificium vespertinum, quod, *quia absūm*, offerre non possum.

Atque id quidem ut rectē faciam, & quemadmodum oportet orem, pone, *quæso*, Domine custodiam ori meo, & *serua* ostium circumstantiæ labiis meis : *ne aliter orando efferar quā deo, aut aliquem offendam.*

Ac non declines cor meum in verba & res malitiæ, *nec ad cogitandum ac tentandum res malas & impias*, & excusandas excusationes in peccatis.

Neque ad versandum cum hominibus operantibus iniquitatem, & *comedendum ex deliciis earum* : nam non communicabo prorsus cum electis & principibus eorum.

2. Imò corripiet me iustus in misericordia & benigni-

benignitate, & increpabit percutietque me, & erit mihi gratum: ceterum oleum autem peccatoris vel praestantissimum non volo ut impinguet caput meum: adeo à bonis castigari, quam à malis vngi, malo.

Quoniam hoc est quod semper petij, & adhuc peto, & ad hoc tēdit hac oratio mea, ne vñquam delecter in beneplacitis eorū, & ut liberer à malitiis eorum: etenim ob peccata sua ablorpti sunt tāquam iuncti petrae, allidentes ad scopulum in mari iudices, ac principes, doctoresq; eorum.

Audient quidem illi nonnumquam verba mea, quoniam cū decora sint & suavia; id potuerunt aliquādo ab se impetrare: sed quid id prodest? etenim sicut agricola proscindente ac secante agrum, crassitudo terrae fungosa erupta est super terram, propter fissuras & subactionem eius:

Ita illis nos persequentibus, dispersa ac dissipata sunt ossa nostra secus infernum, dum ad ostium vsque mortis ac sepulchri deducimur, idq; ob id, quia ad te, ô Domine, Domine, respiciunt oculi nostri: equidem in te speravi, non auferas, quæ sō, nec dissipari sinas animam meam.

3. Sed contrā custodi me à laqueo quem statuerunt ac tetenderunt mihi, & serua me à scandalis ac tendiculis operantium iniquitatem.

Enimvero, quantumcumque dux eorum malè mihi machinetur, confido per te, quòd cadent in reticulo eius ipsi impij & peccatores: quodq; dum singula-

singulariter & separatus ab iis sum ego, ipsi se inuicem conficiendis occupati erunt, donec ego interim saluus transeam.

EXPLANATIO.

Excusandas excusationes] Cum pergrauē sit peccare, tamen omnium grauiſſimum eſt, excuſare peccatum tamquam non factum; vel, quod deterius eſt, tamquam bene factum; ac maxime quidem apud ſeipſum, quod omnium peſſimum.

PSALMVS CXLI.

Titulus.

Intellectus, ſive carmen eruditum Dauid, eiſq₃, cum eſſet in ſpelunca, oratio.

Argumentum.

1. **D**Auid in ſpelunca latitans, ſolum Deum ſe inuocare ait, reliqua ope humana omni deſtitutus. 2. Ad quem ſe conuertens, illius auxilium implorat.

1. **V**Oce mea ad Dominum clamaui, voce mea ad Dominum deprecatus ſum.

Effundo in conſpectu eius eloquium & orationem meam, & tribulationem & anguſtiam meam ante ipſum coram facie eius pronuncio.

Idq₃, in deſcendendo ex me ſpiritum meum, dum ille mœrore & anxietate collabitur: & enim tu cognouiſti ſemitas meas, & innocentiam meam, & quam dura tamen præter meritum patiar.

Quippe in via hac qua ambulabam, abſconderunt laqueum mihi, ad me capiendum.

Quod

Quod ego animaduertens, considerabam ad dexteram, huc & illuc me vertens, & videbam ane quis esset qui opem ferret; & non erat qui cognosceret me, ut & ipse videbis, si animaduertas.

Denique periit prorsus fuga à me, sic ut omni effugio destituar, & non est qui requirat animam meam, vel aliquam mei curam gerat.

2. *Quare clamaui ad te Domine, dixi, tu es spes mea: reliquis amissis, tu solus mansisti mihi vera pars & portio mea in terra hac viventium.*

Intende, quæso, ad clamorem ac deprecationem meam, quia humiliatus, & afflictus, attenuatus sum nimis.

Libera me à persequentibus me, quia per me nihil possum: quoniam prauauerunt viribus, & confortati sunt super me.

Educ de carcere, & custodia, speluncaq; hac, in qua conclusus lateo, animam meam, ut causam habeam ad confitendum nomini tuo, tibiq; gratias agendi: etenim me expectant omnes boni ac iusti, donec retribuas ac benefacias mihi, ut lati ad me accurrant, meque studio gratulandi tamquam corona circumdent, æstimantes meam retributionem, suam esse coronationem.

EXPLANATIO.

Retribuit] Quemadmodum Deus iustitiam à nobis exigit, ita & præmium ei rei proposuit.

PSALMVS CXLII.

Titulus.

Psalmus David (quando persequabatur cum Absolon, filius eius.)

Argumentum.

1. **C**onstitutus David in periculo ob peccata sua, implorat Dei misericordiam: quoniam si iure agatur, non posset consistere. 2. Dicens, se, dum has persecutiones patitur, memorem fuisse patrum antiquorum, quo pacto semper à Deo ex omnibus malis fuerint liberati. 3. Quare & ipse ad illum se conuertens, opem eius implorat. 4. Quod ita fore omnino confidit.

1. **D**omine exaudi orationem meam, auri-
bus percipe obsecrationem meam, in ve-
ritate tua, *qua promissisti veniam & misericordiam
pœnitentibus, exaudi me; & in tua iustitia, qua qua
promissisti seruas, responde votis meis.*

Et non intres in iudiciũ, *exigendo exactè ratio-
nem omnium debitorum, cum seruo tuo: quia id si
facias, non iustificabitur in conspectu tuo omnis
uiuens, nemoq; mortalium plenè perfecteq; iustus &
insons reperietur.*

2. *Etenim quia persecutus est inimicus ani-
mam meam, & humiliavit ac contriuit in terra
vitam meam:*

*Sic ut, dum huc & illuc fugio, collocavit & ha-
bitare me fecit in obscuris speluncis, sicut mortuos
sæculi, qui iam à multis annis defuncti in sepulchris
abditis iacent: & anxius ac mœrore affectus est
super*

super me spiritus meus, & in me, ac medio mei,
turbatum est & obstupuit cor meum:

*Ideo memor fui dierum & patrum antiquo-
rum; & meditatus sum in omnibus operibus tuis,
quibus servis tuis semper opem tulisti; & in admira-
bilibus illis factis manuum tuarum, quæ pro illis
præstabas, tacite tecum mussitans, meditabar.*

*Atque ea considerans, ipse quoque auxiliū tuum
implorans, expandi manus meas ad te, fuitq; ani-
ma mea sicut terra sine aqua, sitiens ad te, & tibi
tota adherens; vel usque ad lassitudinem, sicut terra
nimium subacta. Ita profectò res est, Sela.*

3. *Dixi, festina, velociter exaudi me, & respon-
de votis meis Domine, defecit enim spiritus meus.*

*Non auertas nec abscondas faciem tuam à me:
id enim si facias, mox periero, & similis ero descen-
dentibus in lacum ac sepulcrum.*

*Auditam fac mihi sine mora, primo statim mæne
misericordiam ac clementiam tuam, ut sentiam
eam, quia in te speravi.*

*Et notam fac mihi viam in qua ambulem, ad
hostium animi & corporis insidias evitandas, quia ad
te leuavi animam meam.*

*Denique eripe me de inimicis meis Domine;
ad te enim confugi, ac clamaui, ut in te me abscon-
derem: & ne amplius peccem, doce me facere vo-
luntatem tuam, quia Deus meus es tu.*

4. *Secundùm quod Spiritus tuus bonus dedu-
cet me, scit scio, & planè confido, in terram rectam,*

per viam, qua declinatis omnibus hostibus, sine circumsione ad te itur, & propter nomen tuum Domine, quod à bonitate ac iustitia deducitur, vivificabis me in æquitate ac iustitia tua, praestando promissa; ut hac ratione, facta nomini tuo respondeant.

Educes, inquam, de tribulatione & angustia animam meam, & in misericordia ac bonitate tua disperdes inimicos meos.

Et perdes omnes qui tribulant & affligunt animam meam, quoniam ego servus tuus sum.

EXPLANATIO.

Non iustificabitur] Neminem in hac vita tam iustum esse, quin misericordia Dei indigeat, iam antè dictum est. Iustum tamen esse posse aliquosque, & opera eius Deo placere, infinita scripturæ loca declarant; inter cætera, quod Zacharias & Elizabeth ambo iusti ante Deum dicuntur, Ioseph vir iustus, cum similibus,

PSALMVS CXLIII.

Titulus.

Psalmus David (adversus Goliath.)

Argumentum.

1. **I**mploraturus Dei auxilium vir sanctus contra hostes, primum laudes illius prædicat, suumque refugium cum vocat; non merito quidem suo, quoniam homo per se nihil est, sed per summam eius bonitatem. 2. Vnde post à Deo orandum se convertens, rogat Dominum ut hostes suos conficere velit. 3. Quos verum Deum non agnoscentes, summum bonum in multitudine liberorum, fructuum terræ, & pecorum, immunitateque ab hostibus,

ribus, fame, & pestilentia, ponere ait. 4. Cum contrā, verum
tam in bonum, verāque beatitudo sit, veri Dei cultus & agnitio.

1. **B**enedictus Dominus fortis petra mea, &
Deus meus, qui docet ac instruit manus
meas ad prælium, & digitos meos ad bellum.

*Qui est misericordia mea, & arx, ac refugium
meum: susceptor meus, à quo robur accipio; & li-
berator meus, qui salutem mihi præstat.*

*Qui tamquam scutum protector meus est, & in
quo ipso semper speravi: qui subdit populū meum
sub me, ut mihi obediat, idq̃ non pro merito meo, sed
pro summa ipsius bonitate.*

*Nam per se, Domine, quid est homo, quia in-
notuisti ei, eumq̃ ipse agnoscis? (aut) quid est filius
hominis, quia reputas eum?*

*Certè si ex vero expendenda res est, homo vani-
tati ipsi ac nihilo similis factus ac creatus est: dies
eius sicut umbra Solis occidentis prætereunt, adeò
ut nihil habeat, nisi abs te.*

2. *Quod quidem cum ita sit, ô Domine, egoq̃
iam ab hostibus premar; inclina, quæso, cælos tuos,
& descende; tange montes istos altos, homines im-
pios ac superbos, & fumigabunt, ac tamquam pulvis
evanescent.*

*Fulgura coruscationem, & continuo dissipabis
eos: emitte sagittas tuas, & conturbabis & penitus
consumes eos.*

*Emitte manum tuam de alto: eripe me, & libera
me de aquis & undis adversitatum multis, & de*

manu filiorum à vero *Dei cultu* alienorum.

Quorum os locutum est vanitatem ac mendaciam, quantum ad dicta; & dextera eorum, dextera est falsitatis & iniquitatis, quantum ad facta.

Quod si facias, ô Deus, canticum novum cantabo tibi, ob nova beneficia præstita: in psalterio & decachordo psallam tibi:

Dicens te illum esse, qui das salutem Regibus, & qui redemisti David servum tuum: de gladio maligno, ergo iterum dico, eripe, obsecro, me.

Et erue me de manu filiorum illorum ab te alienorum, quorum os, ut dixi, locutum est vanitatem, & dextera eorum, dextera iniquitatis.

3. Quorum summum votum in hoc tamquam summo bono ac beatitudine consistit, ut filij eorum sint sicut novellæ arborum plantationes, quæ eleganter crescunt in iuventute sua.

Et filiæ eorum compositæ, & circumornatæ ut similitudo colūna angularis templi, quæ eleganter incisa, & multis donariis ornata est.

Item ut anguli & promptuaria eorum plena sint, eructantia nidorem cibi, & superfluentia frumentum, quod in iis redundat, ex hoc penario in illud.

Porrò ut oves eorum fœtosæ sint, sic ut multa pariant; & abundantes, sic ut in multa millia excrescant, & appareant in ingressibus, & compitis, plateisq; suis: nec non boues eorum crassæ, & ad laborem valide.

Quibus

*Quibus & hoc accedat, quod non est ruina vel
confractio, ne unius quidem (maceriæ) in muris co-
rum per vim hostilem; neque transitus aut emigra-
tio ab uno loco ad alium, ob famem ac sterilitatem,
vel abortionem animalium ipsorum; neque denique
ululatus aut clamor in plateis, propter morbos pe-
stilentia, & mortes eorum.*

4. Enimuero beatum dixerunt illi populum
cui hæc sunt: verum nobis autem ille demum bea-
tus est ac dicitur populus, cuius Dominus calis &
terra est Deus eius, quod caput est omnium, cum re-
liqua non nisi adiectitia, & per se vana sint, nisi ad
Deum referantur.

EXPLANATIO.

*Vanitati similis factus est] Creatus enim est ex nihilo,
cuius naturam per se refert, nisi à Deo essentiam accipiat.*

PSALMVS CXLIII.

Titulus.

Laudatio Domini, scripta ipsi Dauid.

Argumentum.

1. **D**icens Propheta se laudes Domini cantaturum, primum de
illius tractat omnipotentia, seipsum loquentem introducens.
2. Deinde de bonitate, ubi pios loquentes facit. 3. Tum de pro-
videntia & regno, ubi opera ipsa loquuntur. 4. Post quæ omnes
simul cum quidem sapientiam eius, & bonitatem canunt in miseriis
subleandis, & alendis cunctis: 5. Tum auxilium iustitiam &
mise-

misericordiam erga eos qui verè illum inuocant, & colunt. 6. Post quod ita dicens Propheta ad id vnde exprobat, perpetuò se Deum laudaturum ait.

1. **E**xaltabo & laudibus efferam te Deus meus Rex, & benedicam nomini tuo in sæculum æternum, & si quid ultra est, in sæculum sæculi.

Per singulos dies benedicam tibi, & laudabo apud me nomen tuum in sæculum, & in sæculum sæculi.

2. *Dicens*, magnus Dominus, & laudabilis nimis, & magnitudinis eius non est finis, nec plena inuestigatio aut inuentio.

Generatio & generatio laudabit opera tua: & narrans ea altera alteri, fortitudinem ac potentiam tuam amba pronuntiabunt.

Magnificentiam ac decorem gloriæ sanctitatis tuæ loquentur, & mirabilia facta tua narrabunt, & ego tacitè vnà cum illis.

Et virtutem ac fortitudinem terribilium operum tuorum dicent, & magnitudinē tuam narrabunt.

Memoriā multitudinis & abundantie suauitatis ac bonitatis tuæ loquentur, & quasi eructabūt, & in iustitia tua exultabunt, eamq; ubiq; predicabūt.

3. *Dicentes*, clemens ac miserator & misericors Dominus; patiens, ac tardus ad iram, & multum promptus ut sit misericors.

Quinimo suavis quidem ac bonus est Dominus vniuersis: ceterum misericordia & miserationes eius extendunt se & efferunt super omnia opera eius,

cuius, ita ut omnium operum ipsius sit supremum, ac latissimè diffusum.

Quod cum ita sit, confiteantur, & laudem dicant tibi Domine omnia opera tua: & sancti tui, quos misericordiâ complexus es, benedicant tibi.

4. Quod cum facient, gloriam regni tui dicent, & fortitudinem, ac potentiam tuâ loquētur.

Ut notam faciant filiis hominum potentiam ac fortitudinem tuam, & gloriam magnificentiæ ac decoris regni tui.

Regnum enim tuum, regnum est omnium sæculorum & orbium, & dominatio ac potestas tua in omnem generationē & generationē se extendit.

5. (De te verè omnes una dicimus, fidelis & verax Dominus in omnibus verbis suis, & sanctus ac bonus in omnibus operibus suis.)

Alleuat ac sustentat Dominus omnes nutantes, qui corruunt; & erigit omnes elisos, qui iam sunt collapsi.

Oculi omnium in te sperant ac spectant (Domine:) & tu das ipsis escam illorum in tempore opportuno.

Aperis tu manum tuâ, & imples ac satias omne animal benedictione, refectiōeque ei convenienti.

Nam verissimum est quod de te dicitur, iustus Dominus in omnibus viis suis, tribuens unicuique quod ei convenit: & præter hoc etiam bonus, ac sanctus misericorsque in omnibus operibus suis, condonans faciliè si quid peccatur.

Etenim propè est Dominus omnibus inuocantibus eum, omnibus, *dico*, inuocantibus eum in veritate, & ex animo, eaq; fide, puritate, & fiducia qua decet.

Quod cum fiet, volùtatem timèntium se faciet, & clamorem ac deprecationem eorùm exaudiet, & saluos faciet eos.

Custodit quippe Dominus omnes diligentes se: & còrra, omnes peccatores & impios disperdet.

6. *Quod cum ita se habeat*, laudationem Domini loquetur os meū: & dicet, benedicat omnis caro nomini sancto eius in sæculum aeternum, & si quid est ultra, in sæculum sæculi.

EXPLANATIO.

Super omnia opera eius] Suauitas Domini ex bonitate eius est, qua omnes superat in rebus creandis; misericordia autem suprema pars bonitatis, qua etiam seipsum superat in peccatis condonandis: sic vt nullum maius eius sit opus, quàm exercitium misericordiæ.

PSALMVS CXLV.

Titulus.

Laudate Dominum Alleluia, carmen Aggæ & Zachariæ.

Argumentum.

1. **D** Eum se perpetuò laudaturum vir sanctus ait. 2. Dicens, non esse confidendum in hominibus: 3. Sed in vno Deo, qui omnia facit solus.

1. **L** Auda anima mea Dominum, laudabo Dominum in tota vita mea, psallam ac
canta-

cantabo Deo meo in omni opere meo, quamdiu fuero: eo enim solo nitor, ac fido.

2. *Nam quod alibi auxilium se quisquam putet inuenturum, enimvero nolite confidere in principibus; in filiis, dico, hominum, in quibus utique non est salus.*

Exibit enim spiritus eius vitalis, & reuertetur in terram suam: & in illa die peribunt (omnes) cogitationes eorum.

3. *Ceterum beatus autem cuius Deus, Deus Iacob est: & cum is adiutor, & in auxilio eius est, vicissim sic se parat, ut spes eius sit in illo vero Domino ac Deo ipsius, qui fecit cælum & terram, mare, & omnia quæ in eis sunt.*

Qui custodit, inquam, veritatem, & seruat fidem in sæculum perpetuum, facit iudicium iniuriam per vim & calumniam patientibus, & dat panem & escam esurientibus.

Dominus enim soluit vinctos per iniuriam, ac compeditos, Dominus illuminat cæcos animo, & oculis quos aperit.

Dominus erigit elisos ac collapsos, Dominus diligit iustos.

Dominus custodit aduenas, pupillum & viduam suscipiet ac subleuabit, & vias impiorum ac peccatorum distorquebit ac disperdet.

Denique regnabit Dominus in sempiterna sæcula, qui est Deus tuus, ô Sion, in generatione & generationem. Laudate Dominum, Alleluia.

EXPLA-

EXPLANATIO.

Aggei & Zacharia] Carmen est Dauidis, cantatum
vulgo temporibus horum Prophetarum.

PSALMVS CXLVI.

Titulus.

Laudate Dominum, Alleluia.

Argumentum.

1. **H**ortatur Dauid ad laudes Deo canendas, enumerans illius
beneficentiam, sapientiam, & potentiam erga bonos &
malos, pro cuius merito. 2. Vnde iterum ad cohortationem
rediens, dicit eum illum esse: qui omnia creat ac producit, ad quem
rite colendum, non exteriora, sed interiora sunt spectanda.

1. **L**audate Dominum, quoniam bonus est
omnis cantus ac psalmus qui fit Deo no-
stro: quoniam, inquam, iucunda decoraque est
omnis laudatio que fit de eo.

Quippe ædificans ac restaurans nunc Ierusalem
Dominus, dispersiones, & passim iam disiectos fi-
lios Israël, in vnum congregabit.

Is enim est qui sanat contritos corde, & alligat
plagas ac contritiones, & leuit dolores eorum.

Qui nihil ignorans, numerat multitudinē stel-
larum, & omnibus eis nomina vocat.

Magnus enim est Dominus noster, & magna
virtus ac fortitudo eius, & sapientiæ intelligentiæq;
eius non est numerus.

Ac suscipiens mansuetos Dominus, subleuat
eos

*eos: humilians autem peccatores & impios, depri-
mit eos usque ad terram.*

2. *Quod quidem cum ita sit, præcinite, dico, ac
cantate Domino, quotquot estis p̃i, in confessione
beneficiorum ab eo acceptorum: psallite Deo nostro,
psallite ei in cithara.*

*Ipse enim est qui operit cælum nubibus, & præ-
parat terræ pluuiam.*

*Qui per eam germinare facit ac producit vel in
summis montibus fenum & herbam (seruituti
hominum.)*

*Qui dat nimirum iumentis, qua hominibus ser-
uiunt, panem & escam ipsorum; & pullis quoque
coruorum inuocantibus & clamantibus ad eum,
cum à parentibus deseruntur.*

*Ad quem rectè colendum, non ille quidem in for-
titudine equi gaudebit, aut voluntatem habebit,
nec in tibiis viri beneplacitum erit ei, ut huius
mundi principes solent:*

*Sed beneplacitum est Domino super timentes
eum, quod primi gradus est; & in eis qui sperant
super misericordia eius, quod secundi.*

EXPLANATIO.

Calum nubibus] Nota pulchram gradationem: Ex nu-
bibus pluuiæ est, ex pluuiæ herba, ex herbis aluntur iumenta
ad seruitium hominum.

PSALMVS CXLVII.

*Titulus.**Laudate Dominum, Alleluia.**Argumentum.*

1. **A**dhortatur vir sanctus laudate Dominum, primum à ciuitate Hierosolyma in pace constituta. 2. Deinde ab omnipotentia eius circa pluuias, niuem, & grandinem inducendam, eamque rursus soluendam. 3. Tum à lege sua populo Israelitico data.

1. **L**auda Ierusalem Dominum, lauda Deum tuum Sion.

Quoniam confortauit seras ac vectes portarum tuarum: benedixit filiis tuis, qui sunt in te, & in medijs tui versantur.

Is est qui posuit terminos ac fines tuos pacem, vt tranquilli sint ab hostibus: & adipe frumenti, optimiq; tritici, satiat te, qui effectus est pacis.

2. Qui cum emittit eloquium suum terræ, ad pluuiam inducendam, velociter currit sermo eius, sic vt statim fiat quod dicit.

Qui dat niuem suam sicut lanam, & nebulam ac pruinam sicut cinerem spargit.

Qui cum vult, mittit ac deiecit de celo glaciem, & crystallum suam per grandinem frustatim sicut buccellas: & ante faciem frigoris eius quis stabit ac sustinebit?

Et cum contrà vult, emittet verbum suum inducendo calorem, & liquefaciet ea; stabit ventus ac spiritus eius, & fluent aquæ.

3. Qui

3. Qui denique, quod omnium maximum est, annunciat voluntatem & verbum suum Iacob; iustitias, ac statuta, & iudicia sua Israël.

Certe non fecit taliter omni aliq nationi, & iudicia sua non manifestavit eis, *vt, quemadmodum nos, ea cognoscerent.* Laudate Dominum, Alleluia.

EXPLANATIO.

Verbum] Cum substantia legis diuinæ in verbo Dei consistat, fons eius est iustitia, vnde profluit; & effectus iudicium, per quod omnia perficit.

PSALMVS CXLVIII.

Titulus.

Laudate Dominum, Alleluia.

Argumentum.

1. **I**nuitat David ad laudes Deo cantandas, primum Angelos & Spiritus caelestes, qui mundum inadspicabilem inhabitant;
2. Deinde totum mundum adspicabilem, superiorem patiter & inferiorem: 3. Tum hominem, ex utroque mundo decerptum ac delibatum.

1. **L**audate Dominum quotquot oriundi estis de caelis: laudate eum quotquot habitatis in excelsis.

Laudate eum omnes Angeli eius, laudate eum omnes virtutes & exercitus eius.

2. Laudate eum Sol & Luna, laudate eum omnes stellæ, & lumen quod inde profluit.

Laudate eum cæli cælorum, qui super omnes sunt

sunt calos, & aquæ quæ super cælos inferiores sunt, laudent nomen Domini.

(Quia ipse dixit vno verbo quod voluit, & facta sunt) omnia illa vestra superiora; ipse mandauit, & creata sunt.

Et statuit ea firmiter in æternum, & in sæculum sæculi: arctum præceptum ac legem posuit ac dedit iis, & non præteribit nec euanesceat vnumquam.

Atque hæc quidem cùm circa superiora ita se habeant; vos inferiora quoque laudate Dominum de terra, in qua degitis; vos dracones, dico, & omnes abyssi.

Ignis, grando, nix, vaporq; & glacies, vosq; spiritus ac venti procellarum ac turbinum, quæ cuncta estis inter ea quæ faciunt verbum eius, prout ipse iusserit.

Vos montes, & omnes colles, ligna fructifera, & omnes cedri.

Bestiæ, & vniuersa pecora, iumentaq; serpentes reptiles, & volucres pennatæ.

3. Quin & præter res supernaturales & naturales, superiores & inferiores, Reges quoque terræ, & omnes populi, principes & omnes iudices terræ.

Iuvenes & virgines, senes cum pueris ac iunioribus, sic ut nullus sexus, nullaque ætas omittatur, omnes vno ore laudent nomen Domini, quia exaltatum & verè suspiciendum est nomen eius solius.

Confessio & gloria eius super cælum est & terram,

terram : & prater hoc exaltabit quoque cornu , & gloriam populi sui.

Quare hymnus & laus ei cantetur ab omnibus sanctis eius, qui in ipso & eius nomine acquiescunt; ac maximè quidem à filiis Israël, populo appropinquantì sibi, eiq; præ cæteris familiari.

EXPLANATIO.

Reges] Constat quæque respublica vniuersa ex Rege, qui præest; & populo, qui paret; & magistratibus mediis inter eos interiectis: qui alij principes sunt, qui rebus politicis præfunt; alij iudices, qui litibus disceptandis.

PSALMVS CXLIX.

Titulus.

Laudate Dominum, Alleluia.

Argumentum.

1. **E**Xsuscitat Propheta populum Israeliticum ad laudes Deo canendas, ob beneficentiam suam in illos, & salutem datam ab hostibus. 2. Qua quidem de re. voce illos Dominum laudaturos ait; manu autem, iustas secundum legem pœnas ab hostibus sumpturos.

1. **C**Antate Domino canticum nouum, sit clauseius in ecclesia ac congregatione sanctorum, quos sua misericordia complexus est.

Lætetur Israël in eo qui fecit eum, & filij Sion gaudeant & exsultent in Rege suo.

k

Lau-

Laudent nomen eius in choro: in tympano, & psalterio, *citharaq³*, psallant ei.

Quia beneplacitum est Domino in populo tuo: & exaltabit *humiles ac* mansuetos in salutem, *dans eis gloriam & honorem, cum perpetua salute contra hostes.*

2. *Qua quidem de re* exultabunt sancti, quos *miserericordia sua complexus erit*, in gloria: & lætabuntur *ac laudabunt Dominum* in cubilibus suis.

Exaltationes fortis Dei erūt in gutture eorum: & gladij ancipites, *qui vtrinque acuti sunt*, in manibus eorum.

Ad faciendam vindictam in nationibus à quibus oppressi fuerant: & increpationes *ac castigationes* in populis *ac regnis*, à quibus fuerant vexati.

Ad alligandos, dico, *ac vinciendos* Reges eorum in compedibus, & proceres *ac nobiles* eorum in manicis *ac catenis* ferreis.

Vt faciant in eis iudicium conscriptum, *pœnas illas ab ipsis exigentes*, *qua in lege ea de re scripta sunt*: quod cum accider, gloria hæc est & erit omnibus sanctis eius, *qui se illi dedicarunt*, in ipsoq³ toti acquiescunt. Laudate Dominum, Alleluia.

EXPLANATIO.

In populis] Diuiditur quoque respublica in Regem, cuius est eam regere; milites, quorum est eam armis defendere; & plebem, cuius est vitæ necessaria ei parare. Quæ tria membra omnia hæc ponuntur.

PSALMVS CL.

Titulus. Laudate Dominum, Alleluia.

Argumentum.

EXhortans pro conclusione vir sanctus ad laudes Deo canendas,
1. Primum ostendit in quibus rebus sit laudandus. 2. Deinde
quibus instrumentis. 3. Tum à quibus, nempe ab omni eo quod
quoquo modo spiritum trahit, aut sonum edit.

1. **L**audate Dominū *fortem* in sanctis *factis*,
veraq; *sanctitate* eius, laudate eum in fir-
mamento *calorum*, quod per omnia patens, opus est
fortitudinis ac virtutis eius.

Laudate eum in *cunctis* virtutibus & *omnipoten-*
tia eius: laudate eum secundum multitudi-
nem magnitudinis eius.

2. Laudate eum in sono & clangore tubæ ac
buccinæ: laudate eum in psalterio & cithara.

Laudate eum in tympano & choro: laudate
eum in chordis *ad numerum digestis*, & organo.

Laudate eum in cymbalis bene sonantibus: lau-
date eum in cymbalis *gaudij* & iubilationis.

3. *Atq;* hoc quidē non vos solum homines rationa-
les facite: sed omnis omnino spiritus, & quicquid
ubicumq; quoquo modo spirat, & animam trahit, so-
nū *me* edit, laudet Dñm. *Laudate Dñm, Alleluia.*

EXPLANATIO.

In sono tubæ] Omnis lætitia publicatum quidem
choro constat tripudiationis, tum autem voce iubilationis,
tum verò instrumētis varij generis, quę vtrisque seruiunt.
& sunt spiritalia, pulsabilia, & in chordis.

FINIS.

k 2

LIBEL.

LIBELLVS
DE VSV PSALMORVM.

PSALMORVM diuinissimo libro per Dei gratiam breuiter strictimque exposito, vbi de singulis, quantum instituti nostri ratio, & tenuis facultas tulit, egimus; è re facturi videmur, si, eandem denuò implorantes, de vsu eorum in vniuersum nonnihil differamus: ne quidquam, quantum in nobis est, quod ad rem pertinere videatur, omittamus. Atque vt ordine progrediamur: Primùm generaliter de libro Psalmorum, & eius vsu dicemus: deinde specialiter de Psalmorum diuisione ac differentia: tum particulatim de eorum vi & effectū, quæ tria alia nectuntur ex aliis.

De

De libro Psalmorum.

LIBER Psalmorū est, qui tamquam nodus vniuersae sacrae scripturae à Davide potissimum, Rege & Propheta singulariter à Deo electo, & ad hoc à summo Pontifice vincto, ut ex eius semine Christus verus Rex, Propheta, & Sacerdos nasceretur, sub medium aetatis mundi, Spiritu sancto dictante, conscriptus, omnem omnium aetatum memoriam, doctrinam, prophetiam, circa res praeteritas, praesentes, ac futuras, pulcherrimis Psalmis ac Canticis ex versibus contextis descriptam, ad Dei, qui trinus est & unus, laudem; hominum circa animi, corporis, & externa bona utilitatem; & Christi Dei & hominis predicationem, continet. Dico nodum esse vniuersae sacrae scripturae, quia Legē & Prophetas inter se connectēs, & tam quae noui quam veteris Testamenti sunt comprehendens, omnia omnino complēctitur. Vnde Dominus in Euangelio, in Lege, Prophetis, & Psalmis, qui utriusque sunt generis, de se scriptum esse ait. Addo à Davide potissimum fuisse conscriptum, ut intelligatur, non à quouis, sed ab omnium mortalium praestantissimo homine, maiore ex parte (nam quidam Psalmi aliis adscribuntur, de qua re suis locis diximus) fuisse compositum: qui tum quidem potentia regali, tum autem scientia prophetica, tum verò virtutis excellentia cunctos antecessit, sic ut ad Christum è sanguine suo producendum dignus sit habitus.

Atque adiicio autem nominatim, Dictante Spiritu sancto: ut ostendam, non tam hominis, licet prestantissimi, quam ipsius Dei esse opus. Aio autem, Sub medium aetatis mundi: quia cum ea statuatur sex millium annorum, nempe duorum millium sine lege, duorum millium sub lege, & duorum millium sub gratia, quae diuersorum respectu lex est & non est: David non longè ab anno ter millesimo, nempe post annum bis millesimum nongentesimum, floruit, sic ut bis mille annos sine lege, & mille fere sub lege ante se habuerit, post autem mille sub lege & bis mille sub gratia. de quibus omnibus in hoc libro agitur. Quo quidem pertinet quod mox subicitur, omnem omnium aetatum memoriam, doctrinam, & prophetiam circa res praeteritas, praesentes & futuras, hunc librum continere. Nam si tempus ante legem spectes, quo mundus & homo conditus est; multi passim se offerunt Psalmi quibus ea de re agitur. Si tempus gratiae, quo Christus Dei Filius in hunc mundum venit, suamque Ecclesiam & Apostolos constituit; omnia tam exactè in hoc libro describuntur, ut non narrari, sed geri videantur. Si tēpus medium sub lege, quod ab Abrahami migratione in Cananaam, quo tēpore lex coepit, usque ad Christi mortē, per quam velum legis scissum est, durat, & tum quidem Patriarcharum ac Iudeorum gestis, tum autem Regū, tum verò Pontificum in captiuitate Babylonica, & post liberationē ab ea cōtinetur; omnia passim clarè & apertè in Psalmis depinguntur, ut mox singulatim videbimus. Ac quātum

tum ad ipsam legis doctrinā attinet, nullū est genus philosophiæ, siue de Deo, siue de mundo, siue de homine, cuius nō manifesta hic impressa sunt vestigia, idq; siue res Physicas, quæ calo ac terra cum suis animalibus, plantis, & fossilibus continentur: siue morales, quæ ad Regem, ac rempublicam, familiamq;, & singulos homines pertinent, ut sanctitate ac iustitia imbuātur; cuius partes sunt fides, spes, charitas, item prudentia, fortitudo, temperantia, ad hæc lex, iudicium, & iustitia minor, gradus, metus, spes, dilectio, forma, rectum, durum, leue, unde benignitas, equitas, misericordia: siue denique rationales, quæ orationis vim & suauitatem continent. quæ quidem in his Psalmis tanta est, ut non solum nullis verbis exprimi, sed nec ingenio ullo humano comprehendere possit. Atq; eò quidem pertinet, quòd dicimus pulcherrimis Psalmis ac Canticis ex versibus contextis, hunc librum cōstare: quod genus orationis propriū est tum quidem eorum hominum qui extra se rapti, diuino numine afflantur; tum autem earum rerum, quas semper in memoria ad agendum, & in oculis intellectus ad contemplandum, & in ore ad se & alios circa vtrumq; cōmouendos habere oportet: Vnde Moyses post totam legem soluta oratione descriptam, tandem suauissimo Hymno totam eam comprehendit ac concludit, quem pro inuiolato (nam verba carminum non tam faciliē quàm in soluta oratione corrumpuntur) & generali totius populi Israhelitici, cuiuscumque sexus, ordinis, aut ætatis esset, & perpetua ac

ſempiterna doctrina eſſe voluit. Nam cùm ea ſit natura diuina Pöſeos ac Muſica, vt totam rem publicam ſuis verſibus cõtindat: ea mutata, ipſam mutari; cõſeruata, cõſeruari neceſſe eſt. Adde ad extremum, Ad Dei laudẽ, Chriſti prædicationem, & hominum vtilitatem: vt demonſtrem quis proprius his Pſalmis ſit propoſitus finis, nempe vt per eos Deum laudemus, eiꝯq; Filium Ieſum Chriſtum Dominum noſtrum (vñ multis Pſalmis fieri mox oſtendemus) & nobis omne bonũ procuremus, tam circa res externas, quæ ad vitam ſunt neceſſaria; quàm circa corporis bonam valetudinem, liberorumq; ex vxore procreationẽ, & educationem; nec non, & quidem maximè, circa animi bona, vt ille omni virtute erga Deum, Chriſtum, & homines ſit ornatus, idq; tum quidem precando, tum antem nos exercẽdo, tum denique gratias agendo, quorũ omnium hic liber Pſalmorum eſt plenus.

De Pſalmorum diuiſione ac differentia.

D*IVISIO Pſalmorũ in duo ſumma genera deducitur: laudũ, & precationum. Laudes ſunt, quibus fama & gloria celebratur: precationes, quibus aliquid petitur. Laudes, alie Dei ſunt, alie hominum, alie Chriſti, qui Deus eſt & homo: precationes partim ad bonum adipiſcendum pertinent, partim ad malum amouendum, partim ad vtrumque, cùm circa hoſtes verſatur oratio. Nos de ſingulis ordine explicabimus; & cuius generis quique Pſalmi ſint, oſtendemus, addẽtes quiſnam omnium ſit vſus.*

Et

Et quidem cū tanta sit in iis exuberantia Spiritus sancti, ut saepe unus & idem Psalmus diuersorum sit generum: haud rarò accidet, ut eosdem Psalmos, diuersorum respectu, diuersis locis ponamus.

Laudes Dei.

PSALMI laudum Dei, duorum omnino sunt generū. nam vel sunt praconia, vel gratiarū actiones. Praconia sunt, quae in mera Dei laude ac predicatione versantur, unde sacrificium laudis appellatur: gratiarum actiones, quibus de beneficio aliquo speciali accepto gratiae aguntur. Ac rursum praconia alia sunt, quibus Deus in se laudatur, & variis modis extollitur; alia, quibus à rebus conditis; alia, quibus à lege; alia, quibus à rebus gestis.

Primi generis sunt:

Psalmus nonagesimus quartus, cuius initium est, Venite exsultemus Domino.

Nonagesimus quintus, Cantate Domino canticum nouum, cantate Domino omnis terra.

Nonagesimus septimus, Cantate Domino canticum nouum, quia mirabilia fecit.

Nonagesimus octauus, Dominus regnauit, irascantur populi.

Nonagesimus nonus, Iubilare Deo omnis terra.

Centesimus, Misericordiam & iudicium cantabo.

Centesimus secundus, Benedic anima mea
k 5 Domino,

Domino: & omnia quæ intra me sunt, nomini sancto eius.

Centesimus tertius, Benedic anima mea Domino: Domine Deus meus, magnificatus es vehementer.

Centesimus duodecimus, Laudate pueri Dñm.

Centesimus decimus sextus, Laudate Dominum omnes gentes.

Centesimus decimus septimus, Confitemini Domino, quoniam bonus.

Centesimus tricesimus tertius, Ecce nunc benedicite Dominum.

Centesimus tricesimus quartus, Laudate nomen Domini.

Centesimus tricesimus quintus, Confitemini Domino, quoniam bonus.

Centesimus quadragesimus tertius, Benedictus Dominus Deus meus.

Centesimus quadragesimus quartus, Exaltabo te Deus meus.

Centesimus quadragesimus octauus, Laudate Dominum de cælis.

Centesimus quinquagesimus, Laudate Dominum in sanctis eius.

Atque in his quidem laudibus, & aliis, de quibus post dicetur, cātandis, subinde Deum alloquitur Propheta, subinde seipsum, subinde alios, nempe Angelos, homines, calos, terram, & maria, & omnia quæ in eis sunt: quæ cuncta excitat ad præconia ista Deo

cantan-

cantanda, voce, variis instrumentis, & cum choro.

Qui à mundo, homine, & aliis rebus conditis ac creatis Deum laudant, Psalmi (quos secundi generis esse diximus) sunt:

Octauus, Domine Dominus noster.

Decimus octauus, Cæli enarrant gloriam Dei.

Vicesimus tertius, Domini est terra.

Vicesimus octauus, Afferte Domino filij Dei.

Vicesimus nonus, Exaltabo te Domine.

Tricesimus secundus, Exultate iusti in Dño.

Nonagesimus primus, Bonum est confiteri Domino.

Nonagesimus secundus, Dominus regnavit.

Nonagesimus quartus, Venite exultemus Domino.

Centesimus tertius, Benedic anima mea Dño.

Centesimus decimus, Confitebor tibi Dñe.

Centesimus tricesimus quartus, Laudate nomen Domini.

Centesimus tricesimus quintus, Confitemini Domino, quoniam bonus.

Centesimus tricesimus octauus, Domine probasti me.

Centesimus quadragessimus quartus, Exaltabo te Deus meus.

Centesimus quadragessimus sextus, Laudate Dominum, quoniam bonus est psalmus.

Centesimus quadragessimus septimus, Lauda Ierusalem Dominum.

Quibus

Quibus omnibus Psalmis admirabilis vis inest, ut rebus creatis contemplandis ad Dei creatoris admirationem ac laudem excitemur, qui est verus eorum usus.

Quæ à lege ac bonitate, pulchritudineq; domus Dei cantantur Domino laudes, quibus ipsa quoque lex, & bonitas, domusque & ciuitas Dei celebrantur, his Psalmis continentur:

Decimo octauo, Cæli enarrant gloriam Dei.

Octogesimo tertio, Quàm dilecta tabernacula tua Domine.

Octogesimo quarto, Benedixisti Domine terram tuam.

Octogesimo sexto, Fundamenta eius in montibus sanctis.

Octogesimo octauo, Misericordias Domini in æternum cantabo.

Centesimo, Misericordiã & iudicium cantabo.

Centesimo secundo, Benedic anima mea Domino.

Centesimo decimo, Confitebor tibi Domine.

Centesimo decimo sexto, Laudate Dominum omnes gentes.

Centesimo decimo septimo, Confitemini Domino, quoniam bonus.

Centesimo decimo octauo, Beati immaculati in via.

Centesimo tricesimo quarto, Laudate nomen Domini.

Cent-

Centesimo tricesimo quinto, Confitemini Domino, quoniam bonus.

Centesimo quadragesimo tertio, Benedictus Dominus Deus meus.

Centesimo quadragesimo quarto, Exaltabo te Deus meus.

Centesimo quadragesimo quinto, Lauda anima mea Dominum.

Centesimo quadragesimo sexto, Laudate Dominum, quoniam bonus est psalmus.

Centesimo quadragesimo septimo, Lauda Ierusalem Dominum.

In quibus Psalmis tum quidem sapientia Dei predicatur, vnde lex manat; tum autem voluntas, vnde bonitas; tum verò potentia, quæ per civitatem eius ac domum significatur.

LAVDES Dei à rebus gestis ductas, tum quidem generaliter, circa totum populū Israëliticum; tum autem specialiter, circa certas victorias, liberationes, tuitiones, continēt Psalmi sequētes, partim historici, partim alij. Prioris generis, nempe generales sunt:

Septuagesimus septimus, Attendite popule meus legem meam.

Centesimus quartus, Confitemini Domino, & inuocate nomen eius.

Centesimus quintus, Confitemini Domino, quoniam bonus,

Cent-

Centesimus sextus , Confitemini Domino, quoniam bonus.

Centesimus decimus tertius , In exitu Iſraël de Ægypto.

Centesimus quadragesimus quartus , Laudate nomen Domini.

Centesimus tricesimus quintus , Confitemini Domino, quoniam bonus, quoniam in ſæculum miſericordia eius.

Posterioris generis, hoc eſt, ſpeciales, ſunt:

Tricesimus nonus, Exſpectās exſpectaui Dñm.

Quadragesimus ſextus , Omnes gentes plaudite manibus.

Quadragesimus ſeptimus , Magnus Dominus & laudabilis nimis.

Septuagesimus quintus, Notus in Iudea Deus.

Oſtogesimus, Exſultate Deo adiutori noſtro.

Oſtogesimus oſtauus, Miſericordias Domini in æternum cantabo.

Nonagesimus tertius, Deus vltionum Dñs.

Centesimus decimus quartus, Dilexi, quoniam exaudiet Dominus.

Centesimus vicesimus ſextus, Niſi Dominus ædificauerit domum.

Centesimus quadragesimus ſeptimus , Lauda Ieruſalem Dominum.

Centesimus quadragesimus oſtauus, Laudate Dominum de cælis.

Quintus

Quibus quidem Psalmis partim historia populi
 Israëlitiçi contextitur, quantum ad priores attinet;
 partim varij euentus cum laude Domini enarran-
 tur, quantum ad posteriores.

CÆTERVM cū praconia hoc modo se habeāt,
 veniamus nunc ad gratiarum actiones, quæ tum qui-
 dem generales sunt, tum autem speciales. Generales
 sunt, quibus generaliter Deo gratia aguntur, partim
 ob ipsummet, partim ob mundi creationem, partim
 ob populum ex Ægypto eductum, ad ciuitatem Je-
 rusalem reductum, ex captiuitate Babylonica libe-
 ratum, cum similibus. de quibus sunt Psalmi:

Octogesimus, Exsultate Deo adiutori nostro.

Nonagesimus quartus, Venite exsultemus
 Domino.

Centesimus secundus, Benedic anima mea
 Domino.

Centesimus septimus, Paratum cor meum.

Centesimus duodecimus, Laudate pueri Do-
 minum.

Centesimus decimus tertius, In exitu Israël de
 Ægypto.

Centesimus viceſimus primus, Lætatus sum in
 his quæ dicta sunt mihi.

Centesimus viceſimus tertius, Nisi quia Domi-
 nus erat in nobis.

Centesimus viceſimus quintus, In conuertendo
 Dominus captiuitatem Sion.

Cent-

Centesimus tricesimus quartus , Laudate nomen Domini.

Centesimus tricesimus quintus , Confitemini Domino, quoniam bonus.

Qui quidem Psalmi omnes pleni sunt gaudio & letitia.

SPECIALES gratiarum actiones sunt, primum ob victoriam. qua de re sunt Psalmi:

Nonus , Confitebor tibi Domine.

Decimus septimus , Diligam te Domine.

Sexagesimus septimus , Exsurgat Deus.

Centesimus septimus , Paratum cor meum.

DEINDE ob liberationem ab hostibus, morbis, & aliis malis, rebusq; aduersis. quò pertinet Psalmi:

Quartus , Cùm inuocarem, exaudiuit me Deus iustitiæ meæ.

Vicesimus nonus , Exaltabo te Domine.

Tricesimus tertius , Benedicam Dominum in omni tempore.

Tricesimus nonus , Expectans expectaui Dominum.

Quadragesimus quintus , Deus noster refugium & virtus.

Quadragesimus sextus , Omnes gentes plaudite manibus.

Sexagesimus primus , Nonne Deo subiecta erit anima mea?

Sexage-

Sexagesimus secundus, Deus Deus meus.

Sexagesimus quintus, Iubilate Deo omnis terra.

Septuagesimus quartus, Confitebimur tibi Deus.

Centesimus decimus quartus, Dilexi, quoniam exaudiet Dominus.

Centesimus decimus quintus, Credidi, propter quod locutus sum.

Centesimus vicesimus tertius, Nisi quia Dominus erat in nobis.

Centesimus vicesimus quintus, In conuertendo Dominus captiuitatem Sion.

Centesimus tricesimus quartus, Laudate nomē Domini.

Centesimus tricesimus quintus, Confitemini Domino, quoniam bonus.

Centesimus tricesimus septimus, Confitebor tibi Domine.

Centesimus quadragesimus nonus, Cantate Domino canticum nouum.

T v m verò ob beneficētiā ac tuitionem, in qua se penitus confidere dicit.

Psalmus decimus, In Domino confido.

Vigesimus secundus, Dominus regit me.

Vicesimus sextus, Dominus illuminatio mea.

Quadragesimus quintus, Deus noster refugiū & virtus.

Quadragesimus sextus, Omnes gentes plaudite manibus.

Sexagesimus primus, Nonne Deo subiecta erit anima mea.

Sexagesimus secundus, Deus Deus meus.

Centesimus secundus, Benedic anima mea Domino.

Centesimus decimus quintus, Credidi, propter quod locutus sum.

Centesimus vicesimus tertius, Nisi quia Dominus erat in nobis.

Centesimus tricesimus septimus, Confitebor tibi Domine.

Laudes hominis.

QVI, ad hominis laudes pertinent *Psalmi*, alij generales sunt, & speciales alij. Generales sunt, quibus dignitas hominis describitur, ut

Octauus, Dominus Dominus noster.

Et formatio eius in utero, ut

Centesimus trigesimus octauus, Domine probasti me, & cognouisti me.

Speciales, qui tum quidem descriptionem viri boni continent, tum autem laudes eius, tum verò oburgationem malorum.

DESCRIPTIONEM viri boni continent, qui propriū eius opus ac munus depingūt, necnon premia
que

qua eo nomine percipit, posita ſubinde ab altera parte, ad maiore elucidatione, descriptione viri mali & impij, cum ſuis premiis. Ac ſunt quidẽ huius generis:

Psalmus primus, Beatus vir qui non abiit.

Nonus, Confitebor tibi Domine.

Decimus, In Domino confido.

Decimus tertius, Dixit inſipiens in corde ſuo.

Decimus quartus, Domine quis habitabit in tabernaculo tuo?

Decimus quintus, Conſerua me Domine.

Viceſimus ſecundus, Dominus regit me.

Viceſimus tertius, Domini eſt terra.

Triceſimus quintus, Dixit iniuſtus vt delinquat.

Quadrageſimus, Beatus vir qui intelligit.

Quadrageſimus octauus, Audite hæc omnes gentes.

Octogeſimus tertius, Quàm dilecta tabernacula tua.

Nonageſimus, Qui habitat in adiutorio altiſſimi.

Nonageſimus primus, Bonum eſt confiteri Domino.

Centeſimus, Miſericordiam & iudicium.

Centeſimus undecimus, Beatus vir qui timet Dominum.

Centeſimus decimus octauus, Beati immaculati in via.

Centesimus vicesimus quartus, Qui confidunt in Domino.

Centesimus vicesimus sextus, Nisi Dominus ædificauerit domum.

Centesimus vicesimus septimus, Beati omnes qui timeant Dominum.

Centesimus tricesimus, Domine non est exaltatum cor meum.

Quibus quidem Psalmis partim exageticòs, partim dramaticòs boni & mali, & eorum præmia, ut dictum est, describuntur.

LAVDES bonorũ, & vituperationes malorũ, nec non consolationes piorum de impiorum prospero successu, & eorum antitheses, his Psalmis describuntur:

Quinto, Verba mea auribus percipe Domine.

Duodecimo, Usquequo obliuisceris me Dñe.

Decimo quarto, Domine quis habitabit in tabernaculo tuo?

Vicesimo tertio, Domini est terra.

Tricesimo tertio, Benedicā Dominum in omni tempore.

Tricesimo quinto, Dixit iniustus vt delinquat.

Tricesimo sexto, Noli æmulari in malignantibus.

Quadragesimo, Beatus vir qui intelligit.

Quadragesimo nono, Deus deorũ Dominus.

Quinquagesimo primo, Quid gloriaris in malitia.

Septua-

Septuagesimo secundo , Quàm bonus Deus
Israël his.

Septuagesimo quarto , Cōfitebimur tibi Deus.

Octogesimo tertio , Quàm dilecta tabernacu-
la tua.

Nonagesimo , Qui habitat in adiutorio altis-
simi.

Nonagesimo primo , Bonum est confiteri
Domino.

Centesimo , Misericordiam & iudicium cātabo.

Centesimo undecimo , Beatus vir qui timet
Dominum.

Centesimo decimo octauo , Beati immaculati
in via.

Centesimo vicesimo quarto , Qui confidunt in
Domino.

Centesimo vicesimo sexto , Nisi Dominus ædi-
ficauerit domum.

Centesimo vicesimo septimo , Beati omnes qui
timent Dominum.

Centesimo tricesimo secundo , Ecce quàm
bonum.

Centesimo quadragesimo tertio , Benedictus
Dominus Deus meus.

OBIURGATIONEM malorum de tyranni-
de, hypocrisi, & aliis vitiis eorum, necnon triūphum
de illis, continent hi Psalmi:

Quintus, Verba mea auribus percipe Domine.

Nonus, Confitebor tibi Domine.

Decimus, In Domino confido.

Tricesimus quintus, Dixit iniustus vt delinquat.

Quadragesimus, Beatus vir qui intelligit.

Quadragesimus nonus, Deus deorū Dominus.

Quinquagesimus primus, Quid gloriaris in malitia.

Quinquagesimus secundus, Dixit insipiens in corde suo.

Quinquagesimus septimus, Si verè vtique iustitiam loquimini.

Septuagesimus quartus, Confitebimur tibi Deus.

Octogesimus primus, Deus stetit in synagoga deorum.

Nonagesimus primus, Bonum est confiteri Domino.

Nonagesimus tertius, Deus ultionū Dominus.

Nonagesimus sextus, Dominus regnavit.

Centessimus vicesimus octauus, Sæpe expugnaverunt me.

Centessimus quadragesimus tertius, Benedictus Dominus Deus meus.

Laudes Christi Dei & hominis.

DE Christo in Psalmis esse pròditum, ipse Dominus in Euangelio testatur, idq; sine specialiter loquere de vita eius, morte, & triumpho; sine generaliter.

Vitam

VITAM in grauissima persecutione hostium & calumnia eum transēgisse, atq; adeò à proprio Apostolo tandem proditum fuisse, docent:

Psalmus secundus, Quare fremuerunt Gentes.

Tricesimus septimus, Domine ne in furore tuo.

Tricesimus octauus, Dixi custodiā vias meas.

Quadragesimus, Beatus vir qui intelligit.

Quinquagesimus primus, Quid gloriaris in malitia.

Quinquagesimus quartus, Exaudi Deus orationem meam.

Septuagesimus, In te Domine speraui.

Octogesimus quintus, Inclina Domine aurem tuam.

Octogesimus octauus, Misericordias Domini in æternum cantabo.

Centesimus octauus, Deus laudem meam ne tacueris.

MORTEM Domini describunt: Psalmi qui de passione eius & cruce loquuntur, qui sunt:

Vicesimus primus, Deus Deus meus, respice in me.

Tricesimus, In te Domine speraui.

Tricesimus septimus, Dñe ne in furore tuo.

Quadragesimus, Beatus vir qui intelligit.

Quinquagesimus quartus, Exaudi Deus orationem meam.

Quinquagesimus octauus, Eripe me de inimicis meis.

Sexagesimus octauus, Saluum me fac Deus.

Septuagesimus, In te Domine speraui.

Octogesimus quintus, Inclina Domine aurem tuam.

Octogesimus septimus, Domine Deus salutis meæ.

Centesimus octauus, Deus laudem meam ne tacueris.

TRIVMPHV^M Christi, veripelicani, à natiuitate, resurrectione, adscensione in calum, hostibus omnibus superatis, quos in extremo iudicio cōdemnabit, regnans cum beatis in aeternum, canunt Psalmi sequentes:

Secundus, Quare fremuerunt gentes.

Octauus, Domine Dominus noster.

Decimus quintus, Conserua me Domine.

Vicesimus secundus, Dominus regit me.

Vicesimus tertius, Domini est terra.

Tricesimus nonus, Expectans expectaui Dominum.

Quadragesimus sextus, Omnes gentes plaudite manibus.

Quinquagesimus octauus, Eripe me de inimicis meis.

Sexagesimus septimus, Exsurgat Deus.

Septuagesimus, In te Domine speraui.

Septuagesimus quartus, Confitebimur tibi Deus.

Octogesimus quintus, Inclina Domine aurem tuam.

Octogesimus sextus, Fundamēta eius in montibus sanctis.

Octogesimus octauus, Misericordias Domini.

Nonagesimus quintus, Cantate Domino canticum nouum.

Nonagesimus sextus, Dominus regnauit.

Nonagesimus septimus, Cantate Domino canticum nouum.

Nonagesimus octauus, Dominus regnauit.

Centesimus, Misericordiam & iudicium.

Centesimus primus, Domine exaudi orationem meam.

Centesimus nonus, Dixit Dominus Domino meo.

Centesimus decimus sextus, Laudate Dominum omnes gentes.

Centesimus decimus septimus, Confitemini Domino, quoniam bonus.

Centesimus decimus octauus, Beati immaculati in via.

ATQVE hac quidem cū specialiter ita se habeant, generaliter omnes Psalmi de Christo intelligi possunt. Ac nominatim quidem de ipso, & eius regno, sponsaq; Ecclesia, nec non de ciuitate pacis per eum constituta, tractant Psalmi:

Decimus septimus, Diligam te Domine.

Decimus octauus, Cæli enarrant gloriam Dei.

Decimus nonus, Exaudiat te Deus.

Vicesimus, Domine in virtute tua.

Quadragesimus, Beatus vir qui intelligit.

Quadragesimus quartus, Eructauit cor meum.

Quadragesimus quintus, Deus noster refugium
& virtus.

Quadragesimus sextus, Omnes gentes plaudite manibus.

Quadragesimus septimus, Magnus Dominus,
& laudabilis nimis.

Quinquagesimus nonus, Deus repulisti nos.

Septuagesimus primus, Deus iudicium tuum
Regi da.

Octogesimus sextus, Fundamenta eius in montibus sanctis.

Nonagesimus secundus, Dominus regnauit, decorem indutus est.

Nonagesimus sextus, Dominus regnauit, exsultet terra.

Centesimus tricesimus primus, Memento Domine David.

Quibus quidem omnibus Psalmis vel Deus Pater introducitur loquens ad Filium, aut de illo; vel Deus Filius ad Patrem, aut homines; vel ipse Prophetæ ad Filium, aut alios de Filio. Ac tractant quidem omnes vel de Christo tantum; vel secundum litteram de Davide aut aliis, & mysticè de Christo; vel de vtriusque.

Preca-

Precationes ad bonum adipiscendum.

IAM quantum ad preces attinet, cum ex iis primæ sunt, quibus de bono à Deo adipiscendo agitur, generales in hoc genere preces continent:

Psalmus viceſimus ſextus, Dominus illuminatio mea.

Sexageſimus ſextus, Deus miſereatur noſtri.

Sexageſimus nonus, Deus in adiutorium meum intende.

Oſtogēſimus quintus, Inclina Domine aurem tuam.

Speciales autem, vel ſunt populi pro Rege, vel Regis pro populo, vel ſingulorum pro ſeipſis.

Primi generis ſunt:

Decimus nonus, Exaudiat te Dominus.

Viceſimus, Domine in virtute tua.

Septuageſimus primus, Deus iudicium tuum Regi da.

Secundi generis ſunt:

Tertius, Domine quid multiplicati ſunt.

Quartus, Cum inuocarem.

Quinquageſimus nonus, Deus repuliſti nos.

Sexageſimus quartus, Te decet hymnus Deus in Sion.

Sexageſimus quintus, Iubilare Deo omnis terra.

Centēſimus primus, Domine exaudi orationem meam.

Centē-

Centesimus quintus, Confitemini Domino, quoniam bonus.

Centesimus vicesimus septimus, Beati omnes qui timent Dominum.

Centesimus tricesimus tertius, Ecce nunc benedicite Dominum.

Tertij generis sunt:

Decimus octauus, Caeli enarrant gloriam Dei.

Vicesimus sextus, Dominus illuminatio mea.

Quinquagesimus nonus, Deus repulisti nos.

Sexagesimus, Exaudi Deus deprecationē meā.

Sexagesimus quartus, Te decet Deus hymnus in Sion.

Octogesimus tertius, Quā̃m dilecta tabernacula tua Domine.

Centesimus septimus, Paratum cor meum Deus.

Centesimus tricesimus primus, Memento Domine Dauid.

Centesimus tricesimus octauus, Dñe probasti me.

Precationes ad malum amouendum.

QUAE ad malum amouendum preces pertinent, vel animi sunt, ad peccatum eluendum; vel corporis, ad morbos depellendos; vel vtriusq; ad varias calamitates amouendas.

Primi generis sunt septem Psalmi pœnitentiales, nempe:

Sextus, Domine ne in furore tuo.

Trise-

Tricesimus primus, Beati quorum remisse sunt iniquitates.

Tricesimus septimus, Domine ne in furore tuo.

Quinquagesimus, Miserere mei Deus.

Centesimus primus, Domine exaudi orationem meam.

Centesimus vicesimus nonus, De profundis clamaui ad te Domine.

Centesimus quadragesimus secundus, Domine exaudi orationem meam.

Secundi generis sunt:

Sextus, Domine ne in furore tuo.

Tricesimus septimus, Domine ne in furore tuo.

Octogesimus nonus, Domine, refugium factus es nobis.

Tertij generis sunt:

Sextus, Domine ne in furore tuo.

Vicesimus primus, Deus Deus meus, respice in me.

Vicesimus quartus, Ad te Deus leuavi.

Tricesimus septimus, Domine ne in furore tuo.

Sexagesimus octauus, Saluum me fac Deus.

Septuagesimus sextus, Voce mea ad Dominum clamaui.

Octogesimus quintus, Inclina Domine aurem tuam.

Octogesimus septimus, Dñe Deus salutis meæ.

Octo-

Octogesimus octauus, Misericordias Domini in æternum cantabo.

Centesimus quintus, Confitemini Domino quoniam bonus.

ATQVE hi quidem Psalmi cum sint speciales, per quos generaliter malum amoueri petitur, sunt, partim iidem ipsi, partim alij, vt

Sextus, Domine ne in furore tuo.

Vicesimus quartus, Ad te Domine leuavi animam meam.

Sexagesimus nonus, Deus in adiutorium meum intende.

Septuagesimus, In te Domine speraui.

Septuagesimus sextus, Voce mea ad Dominum clamaui.

Octogesimus quintus, Inclina Domine aurem tuam.

Octogesimus septimus, Dñe Deus salutis meæ.

Octogesimus octauus, Misericordias Domini in æternum cantabo.

Centesimus decimus nonus, Ad Dominum, cum tribularer, clamaui.

Centesimus vicesimus, Leuavi oculos meos in montes.

Centesimus vicesimus secundus, Ad te leuavi oculos meos.

Centesimus vicesimus quartus, Qui confidunt in Domino.

Centesimus quadragesimus, Dñe clamaui ad te.
Precā-

Precationes circa hostes.

QUÆ circa hostes versantur preces generales, & totum populum Israëliticum respiciunt, his Psalmis continentur:

Vndecimo, Saluum me fac Domine.

Vicesimo sexto, Dominus illuminatio mea.

Trigesimo quinto, Dixit iniustus vt delinquat.

Quadragesimo, Beatus vir qui intelligit.

Quadragesimo primo, Quemadmodum desiderat ceruus.

Quadragesimo tertio, Deus auribus nostris audiuit.

Quinquagesimo octauo, Eripe me de inimicis meis.

Septuagesimo tertio, Vtquid Deus repulisti.

Septuagesimo octauo, Deus venerunt Gentes.

Septuagesimo nono, Qui regis Israël intende.

Octogesimo quinto, Inclina Domine aurē tuam.

Centesimo primo, Domine exaudi orationem meam.

Centesimo quinto, Confitemini Domino, quoniam bonus.

Centesimo vicesimo secundo, Ad te leuaui oculos meos.

Centesimo vicesimo octauo, Sæpe expugnauerunt me.

Centesimo tricesimo sexto, Super flumina Babylonis.

Spe-

Speciales preces circa hostes sunt querela, orationes pro liberatione, & orationes pro victoria contra illos.

Querelæ contra hostes, sunt de iniustitia & improbitate eorum; qua commoti, homines iustos & innocentes, & qui nihil eiusmodi meriti sunt vexant, & multis iniuriis afficiunt. qua de re sunt Psalmi:

Quartus, Cùm inuocarem.

Quintus, Verba mea auribus percipe Domine.

Septimus, Domine Deus meus.

Nonus, Confitebor tibi Domine.

Decimus sextus, Exaudi Dñe iustitiam meam.

Vicesimus quintus, Iudica me Domine.

Tricesimus quartus, Iudica Dñe nocentes me.

Quadragesimus, Beatus vir qui intelligit.

Quadragesimus secundus, Iudica me Deus.

Quinquagesimus quartus, Exaudi Deus.

Quinquagesimus septimus, Si verè utique.

Quinquagesimus octauus, Eripe me de inimicis meis.

Sexagesimus octauus, Saluum me fac.

Septuagesimus tertius, Vt quid Deus repulisti.

Centesimus octauus, Deus laudem meam.

Centesimus decimus nonus, Ad Dominum, cùm tribularer, clamaui.

PRECATIONES quibus ab hostibus & eorum machinationibus liberari cupimus, his Psalmis continentur:

Quinto

Quinto, Verba mea auribus percipe Domine.

Septimo, Domine Deus meus.

Nono, Confitebor tibi Domine.

Duodecimo, Vſquequo Domine.

Decimo ſexto, Exaudi Domine iuſtitiã meam.

Viceſimo quarto, Ad te Domine leuaui animam meam.

Triceſimo, In te Domine ſperaui.

Triceſimo quarto, Iudica Domine nocentes me.

Triceſimo octauo, Dixi cuſtodiam vias meas.

Triceſimo nono, Exſpectans exſpectaui Dominum.

Quadrageſimo primo, Quemadmodum deſiderat ceruus.

Quadrageſimo ſecundo, Iudica me Deus.

Quadrageſimo tertio, Deus auribus noſtris audiuiſtus.

Quinquageſimo tertio, Deus in nomine tuo.

Quinquageſimo ſexto, Miſerere mei Deus.

Quinquageſimo octauo, Eripe me de inimicis meis.

Sexageſimo tertio, Exaudi Deus orationem meam.

Sexageſimo octauo, Saluum me fac Deus.

Septuageſimo, In te Domine ſperaui.

Centefimo decimo vno, Ad Dominum, cùm tribularer, clamaui.

Centefimo triceſimo nono, Eripe me Domine.

Centesimo quadragesimo, Dñe clamaui ad te.

Centesimo quadragesimo primo, Voce mea ad
Dominum clamaui.

Centesimo quadragesimo secundo, Domine ex-
audi orationem meam.

*VICTORIAM ac triumphum de hostibus pe-
runt Psalmi:*

Tertius, Domine quid multiplicati sunt.

Quintus, Verba mea auribus percipe Domine.

Septimus, Domine Deus meus.

Nonus, Confitebor tibi Domine.

Vicesimus septimus, Ad te Domine clamabo.

Tricesimus, In te Domine speraui.

Tricesimus nonus, Exspectas expectaui Dñm.

Quinquagesimus quintus, Miserere mei Deus.

Quinquagesimus octauus, Eripe me de inimicis
meis.

Sexagesimus octauus, Saluum me fac Deus.

Sexagesimus nonus, Deus in adiutoriū meum.

Octogesimus secundus, Deus quis similis erit tibi.

Nonagesimus tertius, Deus ultionū Dominus.

Centesimus octauus, Deus laudem meam.

Centesimus vicesimus octauus, Sæpe expugna-
uerunt me.

Centesimus tricesimus sextus, Super flumina
Babylonis.

Centesimus quadragesimus tertius, Benedictus
Dominus Deus meus.

DE VSV SVPRADICTORVM.

VSvs supradicta diuisionis Psalmorum est triplex. Primum quod admonent Deum laudandum & orandum esse. Deinde quod exegeticè docet quo pacto id fieri debeat. Tum quod reipsa dramaticè id præeunt, sic vt nullum argumentum secundum ea quæ dicta sunt offerre se possit, ad quod non aliqui Psalmi accommodati reperiantur. Quibus tractandis tum quidem cor accenditur, tum autem os ad Deum predicandum commouetur, tum verò externa corporis actiones incitantur, sic vt nihil penitus sit in homine, quod non per eos impellatur: idq; siue Deus orandus sit, vt quod bonum est det, quod malum est auferat, & ab hostium tentatione nos liberet, quod cum posteriore parte orationis Dominicæ congruit, & ad corporis pariter & animi, externaq; bona refertur: siue idem laudandus, & cum gratiarum actione predicandus, tam ipse quàm Filius eius Christus, necnon imitator eius vir bonus, Spiritu sancto repletus, quod priori parti respondet, vbi nomen Dei Patris sanctificari, regnū Filij aduenire, & voluntas eius ab omnibus afflatu Spiritus sancti fieri optatur. Ad quæ quidem omnia certis generibus distincta, & in suas species deducta, quinam Psalmi pertineant, iam est expositum, quibus, prout quisque Deum laudare vel orare velit, vti potest.

DE VI ET EFFECTV PSALMORVM.

VIs & effectus Psalmorum tum quidem ad Deum refertur, tum autem ad proximū, tum verò ad nos ipsos. Ad Deum refertur, quod iis verè &

ex animo recitandis, legēdis, ac cantandis ipsum nobis propitium ac beneuolū reddimus, sic ut pro omni genere sacrificiorum sint, quæ homo Deo offert. Nam cum ea iria sint numero, holocaustum, quod ad veram Dei laudem offertur, unde & sacrificium laudis dicitur; huius generis sunt omnes Psalmi, quos laudis Dei Christi & hominis esse diximus: hostia pacifica, quæ pro gratiarum actione est, vel re aliqua impetranda; ad hoc genus pertinent Psalmi illi, quos gratiarum actiones vocauimus, & ad bonum aliquod impetrandū, & ad hostes pertinere ostendimus: & sacrificium pro peccato, quo malum expiatur, huc referuntur Psalmi pœnitentiales, & alij, quibus ad malum amouendum, & Deum nobis placandum, secundum ea quæ supradicta sunt, utimur. Proximum autem spectat, primum vniuersaliter, quod nulla re magis tota respublica quàm Psalmorum modulatione, quæ omni ætati, loco, & tempori, ab Ecclesia pulcherrimè accommodata est, cōtinetur. Deinde generaliter, quod omnes sanctorū hominum societates nulla magis in re sunt fundatæ, quàm ut Psalmis modulandis die ac nocte certis horis dent operam. Tum verò specialiter, quod cum Psalmos quis legit aut canit, auditorem eodem ferè modo quib scipsum afficit, ad virtutem in eum inducendam. Ad nos ipsos pertinet, quod attenta lectio, recitatio vel cantatio Psalmorū, triplicem omnino vim & effectum in animis nostris producit. Prima est, quod ad virtutis exercitationem, memoriā nobis conseruat Dei, & operum ac benefa-

etorum


Etorum eius. Idque, tum quidē vniuersaliter per omnes Psalmos, tum autem generaliter per certos Psalmos, quibus creationē mundi & hominis, necnon historiarū rerū gestarū contineri diximus; tum verò specialiter certis Psalmorum versibus, qui passim & vbiq̃ se offerunt. Altera, quod ad Dei ac virtutis cognitionem admirabilis in Psalmis doctrina exstat, non solum generaliter per omnes, sed & specialiter in iis ubi de viri boni officio, & mali cum eo comparatione agitur, necnon particulatē in versibus qui frequenter occurrunt, veluti cū dicitur: Venite filij, audite me, timorem Domini docebo vos, cum similibus. Reliqua, quod ad Dei & virtutis amorem excitandum Psalmi mirificē animum commouent, & in omnes partes flectunt, siue omnes simul spectes, siue singulos, qui suam quique ferē mouendi vim habent, siue certos in iis versus ac locos. Ac sunt quidem omnes motus vel voluptatis, vel doloris (qui sunt duo eorum fontes) vel vtriusque. Voluptatis sunt, spes futuri boni: vt, In te Domine speraui, non confundar in æternum. letitia: vt, Lætatus sum in his quæ dicta sunt mihi, in domum Domini ibimus. & amor vtriusque cum desiderio & delectatione cōiunctus: vt, Dilexi, quoniam exaudiet Dominus vocem orationis meæ. Quemadmodum desiderat ceruus ad fontes aquarū: ita desiderat anima mea ad te Deus. In via testimoniorum tuorū delectatus sum, sicut in omnibus diuitiis. Ac de horum quidem genere sunt plerique omnes

Psalmi praconiorum Dei, & gratiarum actiones, precationũ pro bono adipiscendo, cum nonnullis aliis. Doloris sunt, metus futuri mali: vt, Seruite Domino in timore, & exultate ei cum tremore. Tristitia ob praesens malũ: vt, Quare tristis es anima mea, & quare conturbas me. Et odium vtriusque cum defectiõne animi & zelo coniunctũ: vt, Iniquos odio habui, & legem tuam dilexi. Defectio tenuit me, pro peccatoribus detelinentibus legem tuam. Tabescere me fecit zelus meus, quoniam obliti sunt verba tua inimici mei. Atque huc quidem pertinent Psalmi pœnitentiales contra hostes, contra Christi & bonorum persecutores, & alij aliquot. Vtriusque, tam voluptatis quàm doloris, sunt, fiducia in futurum: vt, In Domino confido: quomodo dicitis animæ meæ, transmigra in montem sicut passer. Patientia circa praesens: vt, Ab ipso enim patientia mea. Et consolationes circa vtrumque: vt, Renuit consolari anima mea. Ac referuntur quidem huc Psalmi de Christo, de bonorum & malorum comparatione, orationes ad malum amouendum, cum quibusdam aliis. Et verò cum hi nouem primi sint motus, qui à voluptate, ac dolore, & utroq; profluant: ab iis manant multi alij secundarij, qui ad hos tamquam ad sua capita facile reuocantur. Quibus quidem per Psalmorũ cõtinentem lectionem commotus animus, mirificè ob latentem vim Spiritus sancti, qui in iis inest, ad Deum creatorem suum incitatur. Cui trino & uni sit lans, honor, & gloria, per omnia secula seculorum.

A M E N.

DIVISIO PSALMORVM

secundùm eorùm qualitates.



DE SINGVLORVM Psalmorum ex ordine, secundum supradicta, qualitate.

1. **B** *Eatus vir qui non abiit*] Laus & descriptio viri boni, & contrā.
2. *Quare fremuerunt gentes*] Laus Christi à persecutionibus in vita: item triumphus Christi.
3. *Domine quid multiplicati sunt*] Precatio Regis pro populo: item pro victoria & triumpho de hostibus.
4. *Cum inuocarem*] Gratiarum actio ob liberationē à malis: item precatio Regis pro populo: item querelosa de hostibus.
5. *Verba mea*] Laudes bonorum, & vituperationes malorum: item obiurgatio malorum, & triumphus de iis: item precatio querelosa de hostibus: item pro liberatione ab iis: item victoria & triumphus de iis.
6. *Domine ne in furore tuo*] Precatio pœnitentialis pro peccato: item contra morbum: item contra varias calamitates: item ad malum amouendum in genere.
7. *Domine Deus meus*] Precatio pro liberatione ab hostibus.
8. *Domine Dominus hōster*] Pœconium laudis Dei à rebus conditis: item laus hominis in genere: item triumphus Christi.
9. *Confitebor tibi Domine*] Gratiarum actio ob victoriam: item laus & descriptio viri boni: item precatio querelosa de hostibus: item pro liberatione ab iis: item pro victoria & triumpho de iis.
10. *In Domino confido*] Gratiarum actio ob beneficentiam: item laus & descriptio viri boni: item obiurgatio malorum, & triumphus de iis.
11. *Saluum me fac Domine*] Precatio contra hostes in genere.
12. *Vsq̃ue*

12. *Vsquequo Domine*] Laudes bonorum, & vituperationes malorum: item precatio pro liberatione ab hostibus.

13. *Dixit insipiens in corde suo*] Laus & descriptio viri boni, & contrà.

14. *Domine quis habitabit*] Laus & descriptio viri boni: item laudes bonorum, & vituperationes malorum.

15. *Conserua me Domine*] Laus & descriptio viri boni, & contrà: item triumphus Christi.

16. *Exaudi Domine iustitiam meam*] Precatio querelosa de hostibus: item pro liberatione ab iis.

17. *Diligam te Domine*] Gratiarum actio ob victoriam: item de Christo & Ecclesia in genere.

18. *Geli enarrant gloriam Dei*] Præconium laudis Dei à rebus conditis: item à lege & bonitate: item de Christo & Ecclesia in genere: item pro bono sibi adipiscendo in specie.

19. *Exaudiat te Dominus*] Idem de Christo: item precatio populi pro Rege.

20. *Domine in virtute tua*] Idem: item precatio populi pro Rege.

21. *Deus Deus meus*] Laus Christi à passione & morte illius: item precatio contra varias calamitates.

22. *Dominus regit me*] Gratiarum actio ob beneficentiam: item laus & descriptio viri boni: item triumphus Christi.

23. *Domini est terra*] Præconium laudis Dei à rebus conditis: item laus & descriptio viri boni: item laudes bonorum, & vituperationes malorum: item triumphus Christi.

24. *Ad te Domine leuaui animam meam*] Precatio contra varias calamitates: item ad malum amouendum in genere: item pro liberatione ab hostibus.

25. *Iudica me Domine*] Precatio ad Dominum, vt eum probeat: item vt duplici igne eum vrat.

26. *Dominus illuminatio mea*] Gratiarum actio ob beneficentiam: item precatio pro bono adipiscendo in genere: item in specie pro se: item precatio contra hostes in genere.

27. *Ad te Domine clamabo*] Precatio pro victoria & triumpho de hostibus.

28. *Afferte Domino filij Dei*] Præconium laudis Dei à rebus conditis.

29. *Exaltabo te Domine*] Præconium laudis Dei à rebus conditis : item gratiarum actio ob liberationem à malis.

30. *In te Domine speravi*] Laus Christi à passione & morte illius : item precatio pro liberatione ab hostibus : item pro victoria & triumpho de iis.

31. *Beati quorum remissa*] Precatio pœnitentialis pro peccato.

32. *Exsultate iusti in Domino*] Præconium laudis Dei à rebus conditis.

33. *Benedicam Dominũ in omni tempore*] Gratiarum actio ob liberationem à malis : item laudes bonorum, ac vituperationes malorum.

34. *Iudica Domine nocentes me*] Precatio querelosa de hostibus : item pro liberatione ab iis.

35. *Dixit iniustus vt delinquat*] Laus & descriptio viri boni, & contrà : item laudes bonorum, & vituperationes malorum : item obiurgatio malorum, ac triumphus de iis : item precatio contra hostes in genere.

36. *Noli amulari in malignantibus*] Idem.

37. *Domine ne in furore tuo arguas me*] Laus Christi à persecutionibus in vita, item à passione & morte illius : item precatio pœnitentialis pro peccato : item contra morbum : item contra varias calamitates.

38. *Dixi custodiam vias tuas*] Laus Christi à persecutionibus in vita : item precatio pro liberatione ab hostibus.

39. *Exspectans expectaui Dominum*] Præconium laudis Dei à rebus gestis in specie : item gratiarum actio ob liberationem à malis : item triumphus Christi : item precatio pro liberatione ab hostibus : item pro victoria & triumpho de iis.

40. *Beatus vir qui intelligit*] Laus & descriptio viri boni : item laudes bonorum, & vituperationes malorum : item obiurgatio malorum, & triumphus de iis : item laus Christi à persecu-

secutionibus in vita : item à passione & morte illius : item de Christo & Ecclesia in genere : item precatio contra hostes in genere : item querelosa de iis.

41. *Quemadmodum desiderat cervus*] Precatio contra hostes in genere : item pro liberatione ab iis.

42. *Iudica me Deus*] Precatio querelosa de hostibus : item pro liberatione ab iis.

43. *Deus auribus nostris audiuiimus*] Precatio contra hostes in genere : item pro liberatione ab iis.

44. *Eruitavit cor meum*] De Christo & Ecclesia in genere.

45. *Deus noster refugium & virtus*] Gratiarum actio ob liberationem à malis : item ob beneficentiam : item de Christo & Ecclesia in genere.

46. *Omnes gentes plaudite manibus*] Præconium laudis Dei à rebus gestis in specie : item gratiarum actio, vt proximè suprà : item triumphus Christi : item de Christo & Ecclesia in genere.

47. *Magnus Dominus, & laudabilis nimis*] Idem.

48. *Audite hac omnes gentes*] Laus & descriptio viri boni, & contrà.

49. *Deus deorum Dominus locutus est*] Laudes bonorum, & vituperationes malorum : item obiurgatio malorum, & triumphus de iis.

50. *Miserere mei Deus*] Precatio pœnitentialis pro peccato.

51. *Quid gloriaris in malitia*] Laudes bonorum & vituperationes malorum : item obiurgatio malorum, & triumphus de iis : item laus Christi à persecutionibus in vita.

52. *Dixit inspiens in corde suo*] Obiurgatio malorum, & triumphus de iis.

53. *Deus in nomine tuo*] Precatio pro liberatione ab hostibus.

54. *Exaudi Deus orationem meam*] Laus Christi à persecutionibus in vita : item à passione & morte illius : item precatio querelosa de hostibus.

55. *Miserere mei Deus, quoniam conculcauit*] Precatio pro victoria & triumpho de hostibus.

56. *Miserere mei Deus, miserere mei*] Precatio pro liberatione ab hostibus.

57. *Si verè utique iustitiam loquimini*] Obiurgatio malorum, & triumphus de iis: item precatio querelosa de iis.

58. *Eripe me de inimicis meis*] Laus Christi à passione & morte illius: item triumphus Christi: item precatio contra hostes in genere: item querelosa de iis: item pro liberatione ab iis: item pro victoria & triumpho de iis.

59. *Deus repulisti nos*] De Christo & Ecclesia in genere: item precatio Regis pro populo: item precatio pro bono sibi adipiscendo in specie.

60. *Exaudi Deus deprecationem meam*] Precatio pro bono sibi adipiscendo in specie.

61. *Nónne Deo subiecta erit anima mea*] Gratiarum actio ob liberationem à malis: item ob beneficentiam.

62. *Deus Deus meus*] Idem.

63. *Exaudi Deus orationem meam*] Precatio pro liberatione ab hostibus.

64. *Te decet hymnus Deus in Sion*] Precatio Regis pro populo: item pro bono sibi adipiscendo in specie.

65. *Iubilare Deo omnis terra*] Gratiarum actio ob liberationem à malis: item precatio Regis pro populo.

66. *Deus misereatur nostri*] Precatio ad adipiscendum bonum in genere.

67. *Exsurgat Deus*] Gratiarum actio ob victoriam: item triumphus Christi.

68. *Saluum me fac Deus*] Laus Christi à passione & morte illius: item precatio contra varias calamitates: item querelosa de hostibus: item pro liberatione ab iis: item pro victoria & triumpho de iis.

69. *Deus in adiutorium meum intende*] Precatio pro bono adipiscendo in genere: item ad malum anouendum in genere: item pro victoria & triumpho de hostibus.

70. *In te Domine speravi*] Laus Christi à persecutionibus in vita ; item à passione & morte illius ; item triumphus Christi ; item precatio ad malum amouendum in genere : item precatio pro liberatione ab hostibus.

71. *Deus iudicium tuum Regi da*] De Christo & Ecclesia in genere : item precatio populi pro Rege.

72. *Quàm bonus Israël Deus*] Laudes bonorum & vituperationes malorum.

73. *Vt quid Deus repulisti in finem*] Precatio contra hostes in genere : item querelosa de iis.

74. *Confitebimur tibi Deus*] Gratiarum actio ob liberationem à malis : item laudes bonorum, & vituperationes malorum ; item obiurgatio malorum, & triumphus de iis : item triumphus Christi.

75. *Notus in Iudæa Deus*] Præconium laudis Dei à rebus gestis.

76. *Vocem meam ad Dominum clamaui*] Precatio contra varias calamitates : item ad malum amouendum in genere.

77. *Attendite popule meus legem meam*] Præconium laudis Dei à rebus gestis in genere.

78. *Deus venerunt Gentes in hereditatem tuam*] Precatio contra hostes in genere.

79. *Qui regis Israël intende*] Idem.

80. *Exsultate Deo adiutori nostro*] Præconium laudis Dei à rebus gestis in specie : item gratiarum actio in genere.

81. *Deus stetit in synagoga eorum*] Obiurgatio malorum, & triumphus de iis.

82. *Deus quis similis erit tibi*] Precatio pro victoria & triumpho de hostibus.

83. *Quàm dilecta tabernacula tua Domine*] Præconium laudis Dei à lege, bonitate, & habitatione illius : item laus & descriptio viri boni : item laudes bonorum, & vituperationes malorum : item precatio pro bono sibi adipiscendo in specie.]

84. *Benedixisti Domine terram tuam*] Idem.

85. *Inclina Domine aurem tuam*] Laus Christi à persecutionibus

tionibus in vita : item à passione & morte illius : item triumphus Christi : item precatio pro bono adipiscendo in genere : item precatio contra varias calamitates : item ad malum amouendum in genere : item precatio contra hostes in genere.

86. *Fundamenta eius in montibus sanctis*] Præconium laudis Dei ad habitationem ipsius : item triumphus Christi : item de Christo & Ecclesia in genere.

87. *Domine Deus salutis mea*] Laus Christi à passione & morte illius : item precatio contra varias calamitates : item ad malum amouendum in genere.

88. *Misericordias Domini in aeternū cantabo*] Præconium laudis Dei à rebus gestis in specie : item laus Christi à persecutionibus in vita : item triumphus Christi : item precatio contra varias calamitates : item ad malum amouendum in genere.

89. *Domine refugium factus es nobis*] Præconium laudis Dei à bonitate ipsius : item precatio contra morbum.

90. *Qui habitat in adiutorio altissimi*] Laus & descriptio viri boni : item laudes bonorum, & vituperationes malorum.

91. *Bonum est confiteri Domino*] Præconium laudis Dei à rebus conditis : item laus & descriptio viri boni : item laudes bonorum, & vituperationes malorum : item obiurgatio malorum, & triumphus de iis.

92. *Dominus regnavit, decorem induitusest*] Idem : item de Christo & Ecclesia in genere.

93. *Deus ultionum Dominus*] Præconium laudis Dei à rebus gestis in specie : item obiurgatio malorum, & triumphus de iis : item precatio pro victoria & triumpho de iis.

94. *Venite exsultemus Domino*] Præconium laudis Dei in se : item à rebus conditis.

95. *Cantate Domino canticum novum*] Idem : item triumphus Christi.

96. *Dominus regnavit, exsultet terra*] Obiurgatio malorum, & triumphus de iis : item triumphus Christi : item de Christo & Ecclesia in genere.

97. Can-

97. *Cantate Domino canticum novum*] Præconium laudis Dei in se: item triumphus Christi.

98. *Dominus regnavit, irascantur populi*] Idem: item triumphus Christi.

99. *Iubilate Deo omnis terra*] Idem.

100. *Misericordiam & iudicium cantabo tibi Domine*] Idem: item à bonitate: item laus & descriptio viri boni: item laudes bonorum, & vituperationes malorum: item triumphus Christi.

101. *Domine exaudi orationem meam*] Precatio Regis pro populo: item pœnitentialis pro peccato: item contra hostes in genere.

102. *Benedic anima mea Domino, & omnia*] Præconium laudis Dei in se: item à bonitate: item gratiarum actio in genere: item ob beneficentiam.

103. *Benedic anima mea Domino, Domine Deus*] Idem: item à rebus conditis.

104. *Confitemini Domino, & invocate*] Præconium laudis Dei à rebus gestis in genere.

105. *Confitemini Domino, quoniam bonus*] Idem: item precatio Regis pro populo: item precatio contra varias calamitates: item contra hostes in genere.

106. *Confitemini Domino, quoniam bonus*] Idem.

107. *Paratum cor meum Deus*] Gratiarum actio in genere: item ob victoriam: item precatio pro bono sibi adipiscendo in specie.

108. *Deus laudem meam ne tacearis*] Laus Christi à persecutionibus in vita: item à passione & morte illius: item precatio querelosa de hostibus: item pro victoria & triumpbo de iis.

109. *Dixit Dominus Domino meo*] Triumphus Christi.

110. *Confitebor tibi Domine*] Præconium laudis Dei à lege & bonitate.

111. *Beatus vir qui timet Dominum*] Præconium laudis Dei à rebus conditis: item laus & descriptio viri boni: item laudes bonorum, & vituperationes malorum.

112. *Laudate pueri Dominum*] Præconium laudis Dei in se: item gratiarum actio in genere.

113. *In exitu Israël de Ægypto*] Præconium laudis Dei à rebus gestis in genere, & in specie: item gratiarum actio in genere.

114. *Dilexi, quoniam exaudiet Dominus*] Idem in specie: item gratiarum actio ob liberationem à malis.

115. *Credidi, propter quod locutus sum*] Idem quoad gratiarum actionem: item ob beneficentiam.

116. *Laudate Dominum omnes gentes*] Præconium laudis Dei in se: item à lege & bonitate: item triumphus Christi.

118. *Beati immaculati in via*] Idem à lege & bonitate: item laus & descriptio viri boni: item laudes bonorum, & vituperationes malorum: item triumphus Christi.

119. *Ad Dominum, cum tribulaber, clamaui*] Precatio ad malum amouendum in genere: item querelosa de hostibus: item pro liberatione ab iis.

120. *Leuaui oculos meos in montes*] Idem.

121. *Latatus sum in his quæ dicta sunt mihi*] Gratiarum actio in genere.

122. *Ad te leuaui oculos meos*] Precatio ad malum amouendum in genere: item contra hostes in genere.

123. *Nisi quia Dominus erat in nobis*] Gratiarum actio in genere: item ob liberationem à malis: item ob beneficentiam.

124. *Qui confidunt in Domino*] Laus & descriptio viri boni: item laudes bonorum, & vituperationes malorum: item precatio ad malum amouendum in genere.

125. *In conuersendo Dominus captiuitatem Sion*] Gratiarum actio in genere: item ob liberationem à malis.

126. *Nisi Dominus adificauerit domum*] Præconium laudis Dei à rebus gestis in specie: item laus & descriptio viri boni: item laudes bonorum, & vituperationes malorum.

127. *Beati*

127. *Beati omnes qui timent Dominum*] Laus & descriptio viri boni: item laudes bonorum, & vituperationes malorum: item precatio Regis pro populo.

128. *Sape expugnauerunt me*] Obiurgatio malorum, & triumphus de iis.

129. *De profundis clamaui ad te Domine*] Precatio poenitentialis pro peccato.

130. *Domine non est exaltatum cor meum*] Laus & descriptio viri boni.

131. *Memento Domine David*] De Christo & Ecclesia in genere: item precatio pro bono sibi adipiscendo in specie.

132. *Ecce quàm bonum & quàm iucundum*] Laudes bonorum, & vituperationes malorum.

133. *Ecce nunc benedicite Dominum*] Praeconium laudis Dei in se: item precatio Regis pro populo.

134. *Laudate nomen Domini*] Idem: item à rebus conditis: item à lege & bonitate: item à rebus gestis in genere: item gratiarum actio in genere: item ob liberationem à malis.

135. *Confitemini Domino, quoniam bonus*] Idem: item à rebus conditis: item à lege & bonitate: item à rebus gestis in genere: item gratiarum actio in genere: item ob liberationem à malis.

136. *Super flumina Babylonis*] Precatio contra hostes in genere: item pro victoria & triumpho de iis.

137. *Confitebor tibi Domine*] Gratiarum actio ob liberationem à malis: item ob beneficentiam.

138. *Domine probasti me*] Praeconium laudis Dei à rebus conditis: item laus hominis in genere: item precatio pro bono sibi adipiscendo in specie.

139. *Eripe me Domine*] Precatio pro liberatione ab hostibus.

140. *Domine clamaui ad te*] Precatio ad malum amouendum in genere: item pro liberatione ab hostibus.

141. *Voce mea ad Dominum clamaui*] Precatio pro liberatione ab hostibus.

142. *Domine exaudi orationem meam*] Precatio pœnitentialis pro peccato : item pro liberatione ab hostibus.

143. *Benedictus Dominus Deus meus*] Præconium laudis Dei in se : item à lege & bonitate : item laudes bonorum, & vituperationes malorum : item obiurgatio malorū, & triumphus de iis : item precatio pro victoria & triumpho de hostibus.

144. *Exaltabo te Deus meus*] Idem : item à rebus conditis : item à lege & bonitate.

145. *Lauda anima mea Dominum*] Idem à lege & bonitate.

146. *Laudate Dominum, quoniam bonus est psalmus*] Præconiū laudis Dei à rebus conditis : item à lege & bonitate.

147. *Lauda Ierusalem Dominum*] Idem : item à lege & bonitate : item à rebus gestis in specie.

148. *Laudate Dominum de calis*] Præconium laudis Dei in se : item à rebus gestis in specie.

149. *Cantate Domino canticum novum*] Gratiarum actio ob liberationem ab hostibus.

150. *Laudate Dominum in sanctis eius*] Præconium laudis Dei in se.

FINIS.

INDEX PSALMORVM.

Ad Dominum, cum tribu-
larer. *Psal. 110. pag. 418.*
Adhæsit pavimento. 423.
Ad te Domine clam. 27. 99.
Ad te Domine leuaui. 24. 87.
Ad te leuaui oculos. 122. 462.
Afferre Domino. 28. 101.
Appropinquet deprecatio. 416.
Attendite popule meus. 77. 189.
Audite hæc omnes. 48. 182.
Bati immaculati. 118. 416.
Beati omnes qui. 127. 468.
Beati quorum remissæ sunt. 31. 113.
Beatus qui intelligit. 40. 157.
Beatus vir qui non abiit. 1. 1.
Beatus vir qui timet. 111. 402.
Benedicam Dominum. 33. 120.
Benedic anima mea. 102. 365.
Benedic anima mea. 103. 368.
Benedictus Dñs Deus. 143. 301.
Benedixisti Dñe terram. 84. 316.
Bonitatem fecisti. 43. 431.
Bonū est confiteri Dño. 91. 341.
Celi enarrat gloriā. 18. 87.
Cantate Domino. 95. 350.
Cantate Domino. 149. 113.
Cantate Domino. 97. 354.
Clamaui in toto corde. 42. 452.
Confitebimur tibi. 74. 180.
Confitebor tibi Domine. 9. 29.
Confitebor tibi Domine. 110. 399.
Confitebor tibi Domine. 137. 485.
Confitemini Domino, & inuo-
cate. 103. 373.
Confitemini Dño, quon. 105. 378.
Confitemini Dño, quon. 106. 385.
Confitemini Dño, quon. 117. 412.
Confitemini Dño, quon. 135. 480.
Conserua me Domine. 15. 49.
Credidi propter quod. 115. 409.
Cum inuocare exaudiuit. 4. 10.
De profundis clam. 129. 471.
Defecit in salutare. 437.
Deus auribus nostris. 43. 166.
Deus deorum Dominus. 49. 187.
Deus Deus meus, ad te. 62. 229.
Deus Deus meus, respice. 25. 76.
Deus isti adiutorium meum. 69. 257.
Deus in nomine tuo. 53. 201.
Deus iudicium tuū regi. 71. 261.
Deus laudem meam ne. 108. 393.
Deus misereatur nostri. 66. 241.
Deus noster refugium. 45. 175.
Deus quis similis erit tibi. 82. 111.
Deus repulisti nos. 59. 221.
Deus stetit in synagoga. 81. 309.
Deus uenerunt gentes. 78. 300.
Deus ultionū Dominus. 93. 345.
Dilexi quoniam exaudi. 114. 403.
Diligam te Domine fort. 17. 17.
Dixi, custodiā vias meas. 38. 147.
Dixit Dominus Dño. 109. 397.
Dixit iniustus vt delinq. 35. 129.
Dixit insipiens in corde. 13. 44.
Dixit insipiens in corde. 52. 199.
Domine clamaui ad te. 140. 494.
Domine Deus meus, in te. 7. 21.
Domine Deus salutis. 87. 324.
Domine Dominus noster. 8. 26.
Domine exaudi orat. 101. 361.
Domine exaudi orat. 142. 498.
Domine in virtute tua. 10. 74.
Domine ne in furore tuo. 6. 18.
Domine ne in furore tuo. 37. 143.
Dñs non est exaltatum. 130. 471.
Domine probasti me. 138. 487.
Domine quid multiplicati. 2. 8.
Domine quis habitabit. 14. 47.
Domine refugium fact. 89. 335.
Domini est terra, & plen. 23. 85.
Dominus illuminatio mea. 26. 95.
Dominus regit me. 12. 82.
Dominus regnavit dec. 92. 343.
Dominus regnavit exul. 96. 352.
Dñs regnavit ira cantur. 91. 356.
Ecce nunc bened. 133. 477.
Ecce quā bonum. 132. 476.
Eripe me de inimicis. 58. 217.
Eripe me Domine ab. 139. 491.
Eructauit cor meum. 44. 170.

INDEX PSALMORVM.

Et veniat super me.	417.	Memor esto verbi tui.	419.
Exaltabo te Deus meus 144.	504.	Mirabilia testimonia tua.	448.
Exaltabo te Domine. 29.	104.	Miserere mei Deus. 56.	211.
Exaudiat te Dominus in. 19.	72.	Miserere mei Deus, quon. 55.	208.
Exaudi Deus deprecatur. 60.	224.	Miserere mei Deus, sec. 50.	191.
Exaudi Deus orationem. 54.	103.	Misericordiâ & iudiciû. 100.	359.
Exaudi Deus orationem. 63.	232.	Misericordias Domini. 82.	317.
Exaudi Domine iustitiam. 16.	33.	N isi Dominus ædificauerit	
Espectans expectaui 39.	152.	domum. 126.	467.
Exultate Deo adiutori. 80.	306.	Nisi quia Dominus. 123.	463.
Exultate iusti in Domino. 31.	116.	Noli æmulari. 36.	134.
Exurgat Deus, & dissip. 67.	243.	Nonne Deo subiecta. 61.	226.
F aci iudiciû & iustitiam. 447.		Notus in iudæa Deus. 75.	281.
Fundamenta eius in. 86.	322.	Omnes gentes plaudite. 46.	177.
I n æternum Domine. 119.	439.	P aratum cor. 107.	390.
In quo corrigit.	419.	Portio mea Domine. 431.	
Inclina Domine aurem. 85.	319.	Principes persecuti sunt.	454.
In conuertendo Dñs. 125.	461.	Q uam bonus Israel. 71.	268.
In Domino confido. 10.	38.	Quam dilecta. 83.	313.
In exitu Israël de. 113.	405.	Quare tremuerunt. 2.	4.
Iniquos odio habui.	445.	Quæmadmodû desider. 41.	160.
In te Domine speraui. 30.	107.	Qui confidunt in Dño. 124.	464.
In te Domine speraui. 70.	259.	Quid gloriaris in malitia. 11.	196.
Iubilat Deo omni terra. 65.	238.	Qui habitat in adiutorio. 90.	338.
Iubilat Deo omnis terra. 99.	358.	Qui regis Israël. 79.	303.
Iudica Domine nocentes. 34.	124.	Quomodo dilexi.	441.
Iudica me Deus. 42.	164.	Retribue seruo.	421.
Iudica me Domine, quon. 25.	92.	S æpe expugnauerunt me à iu-	
Iustus es Domine.	410.	uentute mea. 128.	469.
L ætatus sum in his quæ dicta		Saluum me fac Deus. 68.	211.
sunt mihi. 121.	461.	Saluum me fac Domine. 11.	40.
Lauda anima mea. 145.	506.	Si verè vtique iustitiam. 57.	214.
Lauda Hierusalem. 147.	510.	Super flumina Babyl. 136.	483.
Laudate Dñm de cælis. 148.	511.	T e decet hymnus Deus in	
Laudate Dominum in. 150.	515.	Sion. 64.	234.
Laudate Dñm omnes. 129.	411.	V enite exultemus. 94.	348.
Laudate Dñm, quon. 146.	408.	Verba mea auribus. 1.	14.
Laudate nomē Domini. 134.	478.	Vide humilitatem.	453.
Laudate pueri Domini. 112.	403.	Vocē mea ad Dominum. 76.	285.
Legem pone.	425.	Vocē mea ad Dominum. 141.	496.
Leuaui oculos meos. 120.	459.	Vsquequo Domine. 12.	43.
Lucerna pedibus meis.	443.	Vt quid Deus repulisti. 75.	275.
M agnus Dominus. 47.	179.		
Manus tuas fecerunt.	435.		
Memento Domine. 131.	474.		

F I N I S.



APPROBATIO.

HAEC in librum Psalmorum Paraphrasis, cum suis argumentis ac summariis, auctore clarissimo viro D. Ioachimo Hoppero, erudita admodum ac pia, clara etiam ac solida, non sine magno fructu, pluribus communicanda, prælo committetur. Datum Antuerpiæ, 16. Calendas Octobris. 1587.

Silvester Pardo, S. Theologiæ
Licentiatus, Cathedral. Ecclesię
Antwerp. Canonicus,
Librorumque Censor.

LIBRARY

1887. 1887.

Silvestre Pardo, S. Thologo
Lecturas, Catedral.
de la ciudad de Montevideo
Bibliomaneja Cantor









1-6-2

